

ЫҖЛДЫЗ

1982

3



ЙИЛДЫЗ

1982

№ 3

Майыс

Июнь

ОЗЪБЕКСТАН ЯЗЫДЖЫЛАРЫ
БИРЛИГИНИНЪ ОРГАНЫ

ЭКИ АЙЛЫКЪ ИЧТИМАИЯ-
СИЯСИЙ ВЕ ЭДЕБИЙ-БЕДИЙ
ЖУРНАЛ

УЧЮНДЖИ СЕНЕ ЧЫКЪУВЫ

Мундеридже

Ленин ёлунен — янъы гъалебелерге 3

СССР-нинъ 60 йыллыгъы мунасебетиле

Екяне аиле дуйгъусы. Баш макъале 6

НЕСИР ЭСЕРЛЕР

ЧЕРКЕЗ-АЛИ. Джумертлик. Роман. Девамы 9

ЭРВИН УМЕРОВ. Йылдызларгъа догъру. Повесть. Сонъу 39

РИЗА ФАЗЫЛ, ЛЮТФИЕ СОФУ. Коклер Султаны. Повесть. Девамы 77

РУСТЕМ АЛИ. Учъ къаранфиль. Икяе 114

ОН БИРИНДЖИ БЕШЙЫЛЛЫКЪНЫНЪ ИЛЕРИ АДАМЛАРЫ

САФТЕР НАГАЕВ. Дагъ батыры 126

ГЪАФУР ГЪУЛАМ АДЫНА ЭДЕБИЯТ ВЕ САНЪАТ НЕШРИЯТЫ

ВАДИМ ИФТАЕВ. Эрлик ёлу	128
-----------------------------------	-----

К. ЯШИН. Яратыджылыкның яшлыгы	132
--	-----

ПОЭЗИЯ

МУСТАФА ИБРАИМ. Эля козьлер. Сурьатлы. Себеп неде. Терк этсенъ де. Къыш куню. Оджама, Шиирлер	133
--	-----

ЭДЕБИЯТШНАСЛЫКЪ ВЕ ЭДЕБИЙ ТЕНКЪИД

ИСМАИЛЬ КЕРИМОВ. Умер Ипчи бир шаир оларакъ	135
---	-----

САНЪАТ

АЛИ ДЕВЛЕТОВ. Халкъ чалгъыджысы	139
ФЕВЗИ АЛИЕВ. Ильки концерт	142
Эдебият ве санъат хаберлери	144

Баш редактор: Ш. АЛЯДИНОВ.

Редколлегия: Ю. БОЛАТ, А. ИСЛЯМОВ, З. КЪУРТНЕЗИРОВ (баш редактор муавини),
А. ОСМАНОВ, (месуль секретарь), Б. ТИХОМОЛОВ, Н. УМЕРОВ, М. ХАКИМОВ,
Р. ХАЛИД, ЧЕРКЕЗ-АЛИ, У. ЭДЕМОВА, А. ЯКЪУБОВ.

ЛЕНИН ЁЛУНЕН— ЯНЪЫ ГЪАЛЕБЕЛЕРГЕ

Советлер Бирлиги Коммунистик партиясы Меркезий Комитетининъ Баш секретары, СССР Юкъары Совети Президиумынынъ Реиси Л. И. Брежнев аркъадашнынъ Озбекстангъа келюви мунасебетиле республика эмеддарларынынъ къальблери буюк къуванч дуйгъуларынен толып тапты. Л. И. Брежневнинъ ады партиямызнынъ улу Ленин ишине сарсылмаз садыкълыгъынынъ, о, халкънынъ бахт-саадети акъкъында, сейяремизде къавий тынчлыкъ акъкъында тынымсыз къайгырувынынъ тежсилidir.

Леонид Ильич Брежневни Ташкент аэропортында къаршылап алуз вакъытында, Коммунистик партия ве Совет девлетининъ ёлбашчысы Ташкент трактор заводына, авиация истисалы бирлешмесине, Ташкент янындаки Ленин адына колхозгъа баргъан вакъытында иште шу ис-дуйгъулар айрыджа къуветнен ифаде олундылар.

Иште бу корюшювлернинъ иштиракчилери партия XXVI съездининъ, КПСС Меркезий Комитети 1981 сенеси ноябрь Пленумынынъ тарихий къарарларыны, СССР профсоюзларынынъ XVII съездинде Л. И. Брежнев айткъан айдын нуткъында къойылгъан вазифелерни мувафакъиетнен омурге кечирюв ичюн бундан сонъ да себатнен чалышаджакъмыз, деп, Л. И. Брежнев аркъадашкъа сёз бердилер. Бу сёз чокъмиллетли сеvimли Ватанымызнынъ къудретини эр тарафлы къавийлештирмек менфаатлары ёлундаки енъишлерни арттырувгъа, СССР тешиль олунгъанынынъ шанлы 60-йыллыгъыны мунасиб къаршылап алувгъа къарар берген бутюн республика эмеддарларынынъ фикирлери ве тюшюнджеселери эм де ис-дуйгъуларыны ифаде этти.

Леонид Ильич Брежневнен олгъан корюшювлерден къальблери къуванчнен толгъан Совет Озбекстанынынъ ишчилери, колхозджылары, зиялылары басып кечильген ёлгъа шу кунълерде фахрланып назар ташиламакъталар, япылгъан ишлернинъ нетиджеселери акъкъында партия, онынъ Меркезий Комитети огюнде эсап бермектелер. Бу нетиджеселер исе, буюк теэссурад къалдыраджакъ нетиджеселердир. Улу Советлер къорантасындаки мусавий республикалардан бири олгъан Озбекстан Совет Социалистик Республикасы шимдики девирде къудретли санааткъа, мѣханизмлештирилъген буюк кой ходжалыгъына, акъикъий халкъ социалистик медениетине малик олгъан, инкишаф эткен республикадыр. Къадимий озбек диярында бир къач он йылар девамьнда олгъан денъишювлер эвеллери ич бир заманда олмагъан эди.

Озбекстан эмеддарлары Леонид Ильич республикагъа кунъ сайын дикъкъат этеяткъаны, онынъ истисал къуветлерини, халкъ ходжалыгъындаки бутюн сааларны ве энъ эвеля баш саа — памукъчылыкъны инкишаф эттирюв акъкъында чокъ къайгыргъаны ичюн ондан нек миннетдарлар, онъа буюктен-буюк тешеккюр бильдирелер.

Республика эмеддарлары КПСС XXVI съездининъ памукъчылыкъны инкишаф эттирювге даир къарарларыны омурге кечирип, 1980 сенеси девлетке 6 миллион 150 бинъ тонна памукъ, захире, себзе, къавун-

къарпыз, къартоп, юзюм, мейва, кенаф сатув боюнджа онынджы беш-йыллыкъ планынынъ вазифелерини муддетинден эвель эда этиов саа-сында иришкей гъает буюк мувафакъиетлери ичюн Озъбекстан ССРи учюнджи Ленин орденинен мукафатланды:

Озъбекстан Компартиясы Меркезий Комитети ве Озъбекстан ССР Юкъары Советининъ март 24-те Ташкентте олгъан бирликтеки танта-налы меджлиси шу юксек мукафатны такъдим этиовге багъышланды. Республиканынъ белли адамлары, санаат истисалынынъ, къуруджы-лыкъ, транспортнынъ илерилери ве новаторлары, тарла ве фермалар-нынъ усталары, илим ве медениет эрбаплары — озъ эмегинен респуб-ликанынъ ве бутюн Советлер мемлекетининъ шуретини котерген, Ва-таннынъ байлыгъыны арттыргъан адамлар В. И. Ленин адына СССР Халкълары достлыгъы сарайынынъ кенши залына топландылар.

Залдакилер КПСС Меркезий Комитетининъ Баш секретары, СССР Юкъары Совети Президиумынынъ Реиси Л. И. Брежнев аркъадаш-нынъ тантаналы меджлисининъ президиумунда пейда олмасъны гуръде-ли эльчырпмаларнен къаршылап алдылар, залда Коммунистик партия, совет халкъы шерефине селямлав, алгъышлав садалары янъгъырай. Эр кес аякъкъа тура.

Топлангъанлар Леонид Ильич Брежневнинъ Озъбекстан ССР эмек-дарларынынъ мувафакъиетлери акъкъында айтып, Озъбекстан Ком-партиясынынъ фаалетине юксек къыймет кескени, республика огюне узун муддетке бельгиленген дженкявер программа иши оладжакъ янъы вазифелер хусусында самимиетнен айткъан айдын нуткъыны буюк диक्къатнен дингъледилер.

Л. И. Брежнев аркъадаш СССР Юкъары Совети Президиумынынъ Озъбекстан ССРни мукафатлав акъкъында ферманыны илян этип, рес-публиканынъ байрагъына Ленин орденини такъкъанда алгъышлар янъы къуветнен янъгъырады.

Ватаннынъ юксек мукафатыны КПСС МК Сиясий бюросына аза-лыкъкъа кандидат, Озъбекстан Компартиясы Меркезий Комитетининъ биринджи секретары Ш. Р. Рашидов, Озъбекстан ССР Юкъары Совети Президиумынынъ Реиси И. Б. Усманходжаев, республика Министрлер Советининъ Реиси Н. Д. Худайбердыев, Кызылбайракълы Туркстан арбий округынынъ команданы генерал-полковник Ю. П. Максимов, «Красный водопад» эксперименталь айванасравджылыкъ базасынынъ машинанен сют сагъув операторы А. И. Чудная, Ташкент трактор за-водинынъ уйкен устасы А. В. Федюшина, Къунгъырад районундаки Чапаев адына совхознынъ директоры О. Къурбаниязов, Мубарек район партия комитетининъ биринджи секретары Н. С. Османов, Комсомол районундаки «Коммунизм» колхозынынъ реиси Дж. Кучиев, Канимех районундаки «Шафиркан» совхозынынъ уйкен чобаны Н. Бердыев къа-бул эттилер. Къоджаман залнынъ бир кошесинден экинджи кошесине «Ура!» садасы, совет девлети, халкъларнынъ бозулмаз достлыгъы, сейя-ремизде къавий тынчлыкъ шерефине селямлавлар далгъаланып янъ-гъырай.

Леонид Ильич Брежнев республикагъа эдие оларакъ эр бир совет адамы ичюн пек къыйметли олгъан чокъмиллетли совет девлети пай-тахтынынъ корюниши — «Ватан юреги» картинасыны такъдим этти.

Тантаналы меджлисте КПСС МК Сиясий бюросына азалыкъкъа кандидат, Озъбекстан Компартиясы МКнинъ биринджи секретары Ш. Р. Рашидов нуткънен чыкъыш япты.

Сырдаръя партия обкомынынъ биринджи секретары В. А. Хайду-ров, Озъбекстан ССР Илимлер академиясынынъ президенти академик А. С. Садыкъов, Пахтакор районундаки Ульянов адына совхознынъ бригадири Х. Рустамова, «Главташкентстрой»нынъ бир номерли эв къуруджылыкъ комбинатынынъ бригадири И. Х. Арипов озълерининъ чыкъышларында Коммунистик партия ве Совет укюметине эмек адам-ларыны, оларнынъ эйшаллыгъы акъкъында, ер курресинде къавий тынч-лыкъны ёрулмадан къайгъыргъанлары ичюн, республика эмекдарлары-

нынъ эльде эткенлерине диққатлары ве юксек кыймет кескенлери ичюн самимий миннетдарлыкъ, юректен тешеккюр бильдирдилер.

Тантаналы меджлисининъ иштиракчилери Советлер Бирлиги Коммунистик партиясы Меркезий Комитетине, СССР Юкъары Советининъ Президиумына, СССР Министрлер Советине, КПСС Меркезий Комитетининъ Баш секретары, СССР Юкъары Совети Президиумынынъ Реиси Л. И. Брежнев аркъадашкъа буюк котеринкиликнен селямлав мектюбини къабул эттилер. Мектюпни Озбекстан ССР Министрлер Советининъ Реиси Н. Д. Худайбердыев окъуп ишиттирди.

Тантаналы меджлисте КПСС Меркезий Комитети Сиясий бюросынынъ азасы, Къазахстан Компартиясы Меркезий Комитетининъ биринджи секретары Д. А. Кунаев, Къыргъызстан Компартиясы Меркезий Комитетининъ биринджи секретары Т. У. Усубалиев, Таджикстан Компартиясы Меркезий Комитетининъ биринджи секретары Д. Р. Расулов, Туркменстан Компартиясы Меркезий Комитетининъ биринджи секретары М. Гъ. Гъапуров, КПСС Меркезий Комитети Баш Секретарынынъ ярдымджысы А. М. Александров, КПСС Меркезий Комитетининъ болюк мудири Л. М. Замятин, КПСС Меркезий Комитети иш юрютиджисининъ муавини М. Е. Могилевец бар эдилер. Озбекстан Компартиясы Меркезий Комитети Бюросынынъ азалары ве азалыкъкъа кандидатлары Е. А. Айтмуратов, И. Г. Анисимкин, Л. И. Греков, Т. Н. Осетров, А. У. Салимов, А. А. Ходжаев, К. К. Камалов, Н. М. Махмудова, Л. Н. Мелкумов, У. У. Умаров, Озбекстан ССР Юкъары Совети Президиумы Реисининъ муавинлери Г. М. Орлов, К. Рзаев, республика Министрлер Совети Реисининъ муавинлери Р. Х. Абдуллаева, Къ. А. Ахмедов, В. П. Есинъ, Б. Р. Рахимов, М. Т. Турсунов, А. Р. Ходжаев иштирак эттилер.

(УзТАГ).

ЕКЯНЕ АИЛЕ ДУЙГЪУСЫ

Ватанымызнын халклары Совет Социалистик Республикалар Бирлиги тешкиль этильгенинин 60 йыллыгыны тантаналы суретте къайд этювге фааль азырланалар. Санаат ишханелеринде, къуруджылык мейданларында, койлерде-кентлерде совет адамлары бу улу байрамны эр бир саада дегерли гъалебелернен къаршылап алув огърунда социалистик ярыш. байрагыны даа юксек котеререк чалышалар.

Чокъмиллетли Советлер Бирлигинин мейданга кетирилюви — Улу Октябр социалист революциясы гъалебесинин девамы, партиямызнын буюктен-буюк ярарлыгы, лениндже гъаелернин, миллий сиясет принциплеринин омюрге кечирилювидир. «Биз миллетлернин гонъюлли бирдемлигини истеймиз, бир миллет дигер миллет устунден зорбалык япувына ёл бермеген бирдемликни, там ишанч эсасында, къардашлык бирлигини ачыкъ-айдын акс эткен, там манасынен гонъюлли оларак мейданга кельген бирдемликни истеймиз»,— деген эди В. И. Ленин.

Мына бойле мусавий бирдемлик бундан алтмыш йыл эвельси—1922 сенесинин декабринде мейданга кетирилди. Алтмыш йыл зарфында бу тарихий бирлик совет халкларынын революцион янъартув фаалиетинин эсасы олып кельмекте. Мемлекетимизде инкишаф этиджи социализм джемиетинин къурулувы да бу бирликин нетиджесидир. Шимдики кунде улу Советлер Бирлиги коммунизм джемиети къураяткъан достане, мусавий укьуклы республикалар оларак бутюн дюньяга беллидир.

«СССРнин тешкиль этильмеси,— дениле КПСС Меркезий Комитетинин «Совет Социалист Республикалары Бирлиги тешкиль этильгенинин 60 йыллыгы акъкында» ки къарарында,— озь эркъанына коре, чокъмиллетли, идеологиясы ве сиясетине, тешкилятий теркибине, фаалиет принциплерине коре, терен интернационалистик большевиклер ленинджи партиясынын гъает буюк хызметидир».

Акъкъатен де, Коммунист партиясы совет халкларынын бирдемлик аилесини тешкиль саесинде чокъмиллетли девлетнин эйи джитлерини дюньяда ильки оларак исбат этти. Бу девлетни тешкиль этювде РСФСР аль этиджи роль ойнады. Бутюн Совет республикалары гонъюлли оларак РСФСРнин этрафына бирлештилер. Рус халкы, мевджут къыйынлыкларга бакъмадан, мемлекеттеки бутюн халкларнын революцион гъалебелерини къатиетле къорувда оларга гъарезсиз ярдым этти, сабыкъ миллий дживарлардаки кериликнин огюни алуvgа буюк иссе къошты.

Партия ишчи сыныфынын, гъает кениш кутленин негиз менфаатларыны къорчалавы, коммунизм идеалларына садыкълыгы, бутюн халкларнын миллий менфаатлары ве дуйгуларына гъает буюк дикъкъат косьтерюви, шовинизм ве миллий нигилизмнин эр сой корюнишлерине къаршы амансызлыкнен курешюви саесинде мемлекетнин бутюн миллетлери ве халклары эмекдарларынын ёлбашчысы олув илк юксек укьукъа саип олды. Партия даимий суретте алып баргъан назарий, сиясий ве тешкилятий ишлеринен эмекдарларда бирлешмеге олгъан къарарны пекитти, оларнын ирадеси ве къуветлерини умумий макъсаднын эдасына — социализм ве коммунизм къуруджылыгына джелъп этти.

Совет Социалистик Республикалар Бирлигинин тешкиль этильмеси В. И. Ленин гъаелеринин, лениндже миллий сиясет принциплеринин муджессем темсилдир. Пролетариатнын улу дайиси миллетлер арасында там озъара ишанчны, гонъюлли бирдемликни, озъара мунасебетлердеки мусаватсызлыкнын мухтелиф шекиллерине ёл бермемезликни, бу бирликин реини, деп бильди. Миллетлер ве халкларны этрафлыджа илерилетмек ёлунда къыска бир муддетте гъает чокь ишлер япылды.

Эмексевер халкларымызнын сарсылмаз бирлиги, мемлекетимизде санайлаштырув, кой ходжалыгыны коллективлештириве, медений революция девиринде, социализм кзуруджылыгы огрунда алып барылган курешлерде пишкинлешти, пекинди. Немсе баскындылары Ватанымызга айдутларджа бастырып кирген вакытта бутюн совет халкы оны кборчаламак ичюн аякка калкты, элине сия алып, мукьаддес топрагымызны фашистерден темизледи. Душман, юртумызга уджум эткенде, халклар арасындаки достлыкны сарсытмак мумкюн олур белледи. Лякин, о янылды. Бу достлык дженк йылларында, джебелерде даа зияде кавийлешти. Бу сарсылмаз достлык душман устунден кязанылган гялебени теминледе эсас амиллерден бири олды. Фашистлер дарма-дагын этилди, джиан халклары эсареттен, зулумдан саклап калынды. Москва босагяларында, Сталинград, Орёл-Курск кемеринде, Ленинград ве Севастополь камачавларында, Украина, Белорусие топракларында мемлекетимизде яшаган джеми халкларнын эвлятлары эфсаневий кыраманлыклар косьтердилер. Совет адамлары арасындаки достлыкнын кудретини бутюн дюньяга нумайыш этилер.

Улу Ватан дженкинден соь ходжалыкны яньидан кзурув девиринде халкларымыз кыяска кельмез джесарет косьтердилер. Душман тарафындан харабеге кетирилген койлер ве шеэрлер яньидан кзурулдылар, даа ярашыкылы, даа дюльбер олдылар. Буларнын эписи совет адамларынын яратыджылык эмеклериле эльде этилди, буюк достлыгымызнын нетиджеси исбатланды.

Совет Социалистик Республикаларынын бу мусавий бирлиги оларнын эр биринин иктисадиятыны даа да куветлендирди, медениетини зенгинлештирди. Халкларнын озьара достлыгы саесинде бутюн Советлер Бирлиги эр джиэттен инкишаф этмекте, халкларымыз кемалына кельген социалистик джемиетте сербест аят кечирмектелер.

Советлер Бирлиги Коммунист партиясынын XXVI съездинде КПСС Меркезий Комитетинин Баш секретары Л. И. Брежнев аркадаш айрыджа косьтергени киби, шимдики шараитте совет джемиетиндеки бутюн сыныфлар ве ичтимай группаларнын бири-биринен якынлашувы девам этмекте. Бу джерьянда ишчи сыныфы аль этиджи кувет оларак калмакта.

СССРнин тешкиль этилови халклар арасында достлык, ишанч, бир-бирлерине ярдым мунасебетлеринин зияде кенишлемесини тезлештирди. Инкишаф этиджи социализм шараитында мемлекетимиздеки миллетлер ве халкларны илерилетювде, оларнын кярдашларджа бирлигини лекитювде Советлер Бирлиги Коммунист партиясынын ёлбашчылык, етекчилик ве тешкилятылык фаалиети турмадан осьмекте. Партиямызнын Меркезий Комитети В. И. Лениннин миллий меселеге аит талиматыны иджадий суретте илерилетмекте, миллий мунасебетлерге марксча-лениндже принциплер эсасында ёлбашчылык япмакта. Тувган мемлекетимизде эр бир миллетнин, эр бир халкнын бутюн итияджларына буюк дикькатнен бакыла, совет халкынын менфаатлары джемиет инкишафынын менфаатларынен уйгунлаштырыла. Партия озюнин бутюн фаалиетинен, айдын макьсадны козьде туткан идеология ишинен эмекдарларны совет ватанперверлиги ве социалистик интернационализм рухунда, екяне улу Совет Ватанына менсюпликтен гурурланув дуйгусу рухунда тербиелемекте. «Интернационалист олмак,— деп кайд эткен эди В. И. Ленин,— тек озь миллетин акькында кайгырмак керек демек дегиль де, бутюн миллетлернин менфаатларыны озюниникинден юксекте тутмак керек демектир». Ленин тар, кучюк миллетчиликке, озюнде черчивеленювлерге, айрыджа фикир юрьсетювлерге кяршы амансызджа курешти.

Советлер Бирлигинин халклары озь теджрибелеринде шуньа эмин олдылар ки, бирдемлик оларнын куветлерини арттыра, ичтимай-иктисадий инкишафыны тезлештире. Эмекдар адамларымызнын улу кярдашлыгы кет-кете кавийлеше.

Кемалына кельген социализм шараитында совет халкынын интернациональ медениети бутюн эмекдарларга хызмет этмекте, оларнын умумий идеалларыны ифаделемекте. Бу джумледен, чокьмиллетли совет эдебияты СССР халкларынын онларнен тиллеринде нешир олунмакта. Албу исе бу халкларнын бир чокьлары Улу Октябрь социалист революциясына кьадар аьта озь язысына биле саип дегиль эдилер. Шимди исе улу рус тили бутюн халклар тарафындан гоньолли оларак умум алякьа тили, деп кьабул этилип, миллий медениетлер бир-бирлерине тез сурьатнен якынлаша ве зенгинлеше.

Мемлекетимиздеки миллетлернин эдиплери озьлеринин эсерлеринде совет

халкълары арасындаки сарсылмаз достлыкъны, алтмыш йылдыр ки, котеринки рух ве буюк пафоснен тасвир этип кельмектелер. Совет эдебиятынынъ корюмли векиллеринынъ иджатларында бу мевзу буюк ве муим ер тута. Языджы ве шаирлеримиз совет халкъларынынъ къардашларджа достлыгыны, бу достлыкъ саесинде джемиетимизнинъ гулленип-чечекленеяткъаныны бедий суретте тасвирлеп кельмектелер. Белли совет языджыларындан М. Шолоховнынъ, А. Фадеевнынъ, К. Симоновнынъ, Р. Гамзатовнынъ, Ч. Айтматовнынъ, О. Гончарнынъ, М. Аvezовнынъ ве дигерлерининъ яратыджылыгында халкълар достлыгы эсас мевзулардан эсаплана. Бойле языджыларнынъ несир ве назм эсерлери совет адамларыны ватанперверлик, интернационализм рухунда тербиелев ишинде буюк хызмет косьтерелер.

Алтмыш йыл зарфында корюмли языджыларымызнынъ достлыкъны йырлайдыжы эсерлери бир къач несильнинъ дюньягъа бакъышыны шекиллendirювде, совет адамларына Ватангъа, халкъкъа севги дуйгъулары ашлав саасында буюк эмиетке малик олдылар. Шимдики куньлеримизде де совет эдиплери бу мевзуда эппи эсерлер яратаракъ, эмекдарларны коммунистик рухта тербиелев ишине озьлерининъ мунасиб исселерини къошалар.

Умумсовет эдебиятынынъ айырылмаз бир къысымы олгъан Озьбекстан эдебиятынынъ кечкен 60 йыл ичинде эльде эткен мувафакъиетлери де къуванчлыдыр. Республикада халкъларнынъ улу достлыгы саесинде медениет, бу джумледен, эдебият турмадан юксельмекте. Озьбек языджылары халкълар достлыгы мевзусына даимий суретте мураджаат этелер. Гъафур Гъуламнынъ мешур «Сен етим дегильсинъ», «Мен — еудийим» шиирлери, Хамид Алимджаннынъ пафослы публицисттик эсерлери, Айбек, Абдулла Къаххар, Уйгъун, Шараф Рашидов, Зульфия ве дигерлерининъ романлары ве повестлерини фикиримизге мисаль оларакъ косьтермек мумкюн. Рахмат Файзининъ «Азрети Инсан» романы бу мевзуда язылгъан гузель эсерлерден биридир.

Республикада озьбек, рус ве дигер халкъларнынъ эдиплеринен омуз-омузгъа чалышаяткъан татар языджылары да озь эсерлеринде совет халкъларынынъ сарсылмаз достлыгыны акс эттирип кельмектелер. Яратылаяткъан романларда, повестьлерде ве икяелерде, назм эсерлерде бу мевзугъа тез-тез мураджаатта булуныла. Бунъа мисаль оларакъ Юсуф Болатнынъ «Саф юреклер», «Анифе», Черкез-Алининъ «Саба-лар къучагында» ве «Джумертлик», Решид Мураднынъ «Дагълар сонатасы» романларыны, Зиядин Джавтобели, Гъафар Булгъанакълы, Ремзи Бурнаш ве дигер шаирлеримизнинъ поэмалары ве шиирлерини косьтермек мумкюн. Ал-азырда уйкен несильден орнек алгъан яш языджыларымызнынъ эсерлеринде де достлыкъ аэнклерини янъгырап тура. Иса Абдураман, Шакир Селимов, Билял Мамбет киби шаирлеримизнинъ яратыджылыгында бу мевзудаки эсерлер корюнмекте.

Алтмыш йыл! Тарих ичюн пек буюк корюнмеген бу девирде халкъларымызнынъ ве эдебиятларымызнынъ къардашлыгы, достлыгы гъает пишкинлешти. Бу куньлерде эр ерде улу юбилейни мунасиб эмек бахшышларынен къаршылап алув ичюн куреш кете. Языджыларымыз да бундан четте турмайлар, байрамны юксек гъаели, зенгин мундериджели эдебий эсерлеринен къаршылап алмакъталар.



Несир эсерлер

Черкез-Али

ДЖУМЕРТЛИК

Роман

— Лякин, огълум, севгиде ашыкъкъан эр вакъыт янъылыр. Бир-биринъни корьмек, бегенмек севги дегильдир. Севмейип эвленмек исе, вакътынджа эглендже демектир. Севмек ичюн не керек? Башта къатты ираде, буюк сабыр, джиддийлик ве мустакъиллик керек. Мына, санъа огълум бир мисаль кетирейим. Эгер сен бир къызны бегенсенъ, онынъле корюшип башлагъанынънен къучакълашсанъ, опюшсенъ, экинджи корюшкенде исе айваний истеклерге ынтылсанъ... о къызы сен омюр билля севип оламазсынъ. Қыз да сени севмез. Лякин бир-биринъе алышып яшамакъ мумкюн.

Қарт бу ерде сёзюни кести. Селиме аптенинъ янында лакъырды этмекни келишксиз таныса керек, яваш еринден турып, азбаргъа чыкъты ве юзюм сергиси тюбюндеки тапчангъа барып отурды. Назим къартбабасынынъ лакъырдысы ве икяелерине айрыджа эмнет берип кельген бир йигит олгъанындан (онынъ тарихий икяелерини, Назим бир сёзюни къачырмай язып алмакъта) келип онынъ янына ясланды ве къартбабасынынъ кейфи тюзелип лакъырдысыны девам эттиреджегини беклеп отурды. Қарт бир пияла кок чай ичкен сонъ, демики лафыны девам этти.— Севгинъиз ёкъ, ама, омюр эте билирсиз. Сенинъ адетлеринъни о бегенмез, онынъ адетлерини сен бегенмезсинъ. Бир-биринъизини эксиклигини корип айтсанъыз афакъанлашыр, тарсыкъыр, къавгъалашыр ве кет-кете бир-биринъизни кореджек козюнъиз олмагъан душманларгъа чевирилип кетерсинъиз. Айырылсанъ баланъ хор олур, айырылмасанъ озюнъ. Омюринъ коюр олып кечер кетер, дуймай къалырсынъ. Амма, акъикъий севги иле эвленсенъиз бу шейлер эписи аксине, яхшы олып корюнир. Эр шей сизге къуванч кетирир. Қартопкъа кунинъ къалса йымырта ерине кечер, чалашта яшасанъыз сарай, сандыкъ устюне ятсанъыз пуф тёшек олып корюнир, анълайсынъмы, огълум? Севги ёкъ, дейсинъ, севги бар, балам, лякин о чапкъынлыкъ адетлерини къабул этмей. Сен эр • кунъ оюн майданына чыкъып расткельген къызнен ойнап юрсенъ, пляжгъа барып тырна-

гыннан сачынадже онынъ теннинъ корьсенъ, бугунъ балдырларыны, ярын омузларыны, о бириси кунъ кокюслерини корьсенъ, ич бир вакъыт акыкый севги дуйгъусына малик оламазсынъ. Севги ислерини уяндырыджы аляметлер инсаннынъ ичинде сакълы турмакъ, олар эр вакъыт гизленмеге тырышмакъ, къачырмагъа ынтылмакъ кереклер. Бу мунасебетлер эр эки тарафтан не къадар сакът къулланылсалар о къадар зияде ички дуйгъу асыл олур, юрегинъде мисли корюльмез севги ислери уяныр. Яваш-яваш бу ислер чокълашыр ве акыкый севгиге чевирилир. О вакъыт эр эки гонъюль бири-биринен эбедий багъланыр. Қызыны бир корьгенде къучакъламакъ дегиль де, айларнен юрип, онъа ич олмагаанда пармакъ уджунен бир керечик тиймеге мухтадж олмакъ керексинъ. Онынъ теннинъ, беденнинъ корип дегиль де, урба астында сакълы дюльберлигини хаялынъда ташымалысынъ, гедже тюшюнде корьмелисинъ. Мына, бойле севе эдик биз, балам. Эм севгимизге эбедий садыкъ къала эдик. Бугунъ мен къую башында Эсманы корьдим. Яхшы къызгъа бенъзей. Сен оны, мына бойле, меним дегеним киби севмеге тырыш. Қызынынъ «ташюрек» дегенни ачувланма. Ананъ сени янълъш тазирледи. Бельки о сени бегенедир...

— Анам сарышын къызларны бегенмей.

— Сен бегенесинъми? Бегенсенъ, ойле ташюрек ол да юр. Ашыкъма, вакъыт эр шейни чезер. Демек, сенинъ ташюреклигинъ онда севги дуйгъулары ашлай.

Селиме аптенинъ океси баягъы язылгъан киби олды. Чюнки, учъ эр кишиден бириси онынъ тарафындан чыкъмады. Бирден-бир огълу Назимнинъ келеджеги, бахты ичюн джаны-джигеринен йигирми дёрт йылдан бери тельмирип кельген ана, эльбетте огълунынъ такъдирини тюшюне, раатсызлана, кимерде ачув арасы янълъа да биле. Бу, аналар ичюн табиий шей. Лякин эр бир янълъшылыкнынъ огюни вакътында корип алмакъ, оны догъру ёлгъа къоймакъ омюринъде расткеледжек аят афатларындан къуртулмакъ киби муим бир шейдир.

— Айды, огълум, барып ят, саба ишке кетеджексинъ. Ананъ ярыкъларны сёндирди, бабанънынъ яры геджеси олды гъалиба.

— Сиз де ятынъыз, къартбаба. Бизим даа битмей къалгъан субетлеримиз чокъ. Кейфинъиз олгъанда лаф этермиз. Вели Одаман деденинъ тарихыны даа айтып битиралмадынъыз.

— Айтырым, балам, айтырым. Эписини айтырым, язып алырсынъ.

Назим хайырлашып эвге кирди. Мемедемин агъа азбар ичинде о якъ, бу якъ доланып къалды.

Яры гедже эди. Эсманынъ козюне юкъу кирмеди. Анасы, бабасы, къардашлары чокътан татлы юкъудалар. Кузь авасы серин олса да, Эсма къолундаки китабыны трюмо устюне ташлап, тышкъа чыкъты. Агъач мердивенчиклер устюнде токъталып, азбарнынъ ярысыны къаплагъан джевиэ терегине бакъып къалды. Кокте йылдызлар липильдейлер, ай джевиэ терегининъ артындан де корюне, де сакълана. Сокъакъларда кимсе ёкъ, давушлар тынгъан. Багъча тарафтан патта-сатта копек авулдылары ишитиле. Эсма ушюди, юкъусы даа зияде къачты. Лякин, эвге кирмеден башкъа чареси ёкъ. Яваш адымларнен озюнинъ кроватина келип отурды. Халатыны ташлады, кольмегини, лифчинги чыкъарып кроватинынъ башына ильди, геджелик урбасыны киийип, ярыкъны сёндирди ве без чаршаф устюне созулды. Козьлерини юмды. ачты, озюни дешетли къаранлыкъ сукюнет ичинде къалгъанындан абдырап турды ве пенджере пердесининъ ярысыны ачып бакъты. Ай шавлеси онынъ юзюни айдынлатты. Пенджере янында къолларыны хачлап бираз турды, хаялында Назимнен лаф этип башлады. Санарсынъ, о пенджереге кельген де, эвге кирмеге сакъынып озъ севгилиснен сырдашмакъта. «Мен санъа ташюрек дедим, бирданем, джанынъ агъырмадымы? Ойле демеден башкъа чарем къалмады да. Он йыл бир мектепте окъудыкъ, балалыгъымызны бирликте кечирдик. Экимиз де окъумыш олмагъа, ана-бабаларымызны къувандырмагъа истедик. Сен макъсадынъа ириштинъ. Институт битирдинъ, агроном олдынъ. Ба-

банъ бутюн омюрини багъчаджылыккъа багъышлап кельген, сен де онынъ юрек арзусыны ерине кетирдинъ. Меним эким олгъанымны истей эдилер. Тек бир истекнен макъсадкъа иришилмей экен. Институткъа кирип оламасам да, ёл ичинде къалмадым. Тезден мен ди дипломлы оладжагъым. Сен баба зенаатынъны, мен исе ана зенаатымны кутеджекмиз. Сен агроном, мен тербиеджи оладжагъым. Бутюн омюримни балаларгъа багъышлайджагъым. Дюнъяда ялынъыз бир истегим бар, о да бутюн омюрим сенинъле берабер олмакътыр, севгилим. Буны сен анълап оламайсынъ, меним исе анълатмагъа кучюм етмей. Шунинъ ичюн санъа ташюрек дедим, мени афу эт, бирданем! Мен бутюн аятымны санъа багъышламагъа азырым. Меним ичюн бу диярда сенден башкъа кимсе ёкъ. Козюм огюнде тек сен турасынъ, сенден башкъа манъа кимсенинъ кереклиги де ёкъ. Не ичюн бойле олдым озюм де бильмейим. Севги дегенлери бойледир даа. Я барып да сен мени анъламасанъ, мени севмесенъ, алым не оладжагъыны озюм де бильмейим. Эр алда санъа шуны бильдирмек истейим ки, севсенъ де, севмесенъ де мен бутюн омюрим сенинъле къаладжагъым. Кимсеге сёз бермейджегим, севмеген кимсенинъ къулу олмайджагъым. Сен насип олмасанъ, бутюн омюрим акъайсыз яшайджагъым. Не чексем озюм билirim, озюм янарым, озюм сёнерим. Сенинъле олсам эр шейге разым. Ачлыккъа да, ёкъсузлыккъа да. Сен кирген атешлерге мен де кирейим, тек сенинъле олайым, бирданем».

Эсма терен хаялгъа далгъаныны анълап, пердени тартып кене бир даа тышкъа козь ташлады. Анда кимсе ёкъ эди. Къайтып ерине ятты. Ястыкъ устюне сачлары даркъалгъан бир алда козьлерини юмды ве кене хаялгъа далды. «Назим бугунъ меним козюме даа яхшы олып корюнди. Аякъларыма бакъты, кокюслериме козь ташлады. Атта юк-сек окчели аякъапнен сувгъа кельгеннме дикъкъат этти. Къопкъаларымны кетирди. Ах, не ичюн инсанлар бойле вахший ола экенлер. Бу кемалына кельген бир йигит олып, не ичюн манъа гонъюль бермей экен? Бу сырны насыл этип бильмели, аджеба? Ёкъса, онынъ башкъа къызы бармы? Бу орталарда ойлеси ёкъ. Мен онынъ бутюн аткъан адымларыны билем. Менде гонъюли олмагъан йигитнинъ даа кимде козю ола билir. Мен биревлерден эксикимни ёкъса? Сарышынлыгъымны къусур саймаса... Авропалылар язалар ки, шаркъ халкъларынынъ эрлери сарышын къызларны сийрек расткельген дюльберлерден саялар. Онынъ ичюн земане къызлары сачларына беяз тюс бермек ичюн бир шей аямай экенлер. Манъа бу вариетни табнат, алла багъышлагъан олса, окюнмеге не бар? Бельки буны Назим анълап оламайдыр. Эр алда, менимдже, севги ичюн тышкъы корюништен пек къальб сыджакълыгы керек. Назим меним къальбимни анъламай, мен де онынъ къальбине кирип оламайым. Мына, бизим арамызда манна олып тургъан бент неден ибарет. Мемедемин къартбаба пек теджрибели ве акъыллы къарт. Бу манианы йыкъмагъа ондан башкъа бизге ярдым этеджек олмаз. О къарт бизим къальблерни эр кестен яхшы коре ве анълай».

Эсманынъ козь къапакълары агъырлаштылар. Олар, ннает бойле тюшюндже ве хаяллар ичинде яваштан юмуддылар.

ОН ДЕРДЮНДЖИ БАБ

Совхоз партия комитети бюросында бугунъ Ерназар ве Оразбай меселеси бакъылды. Ерулатов бюро азаларыны олып кечкен меселенинъ асылынен таныш этти. Язылгъан, сызылгъан къагъытларны окъуп анълаткъан сонъ, озь сёзюне къыскъа екюн чекерек, шойле деди:— Бизге намуслы адамлар керек. Девлет эсабына яшамакъ истегенлер бизим арамыздан сипирилип атылсын. Чобан—чёлнинъ, бинълернен баш малнынъ шорбаджысыдыр. Чобаннынъ къальби темиз, козю акъ, намусы пак олмакъ керек. Биз чобангъа ишана ве инанамыз. Инангъанымыз ичюн де дюньянынъ бир четинде, онъа бинълернен мал иша-

намыз. Онынъ аткъан адымыны, баскъан изини тешкерип юрмеймиз. Догъру, малны асрагъан, етпштирген, чокълаштыргъан чобандыр. Лякин биз совет мемлекетинде, топрагъында яшагъан совет чобанларымыз. Девлет малы — девлетнинъки олып къалмалы. Девлет малыны озъ шахсий мулъкионе чевирмеге истегенлер совет чобаны шаныны кирлемесинлер! Мына, меним дейджегим бу эди, аркъадашлар! Ким сёз истей?

Меджлисте бюро азаларындан башкъа кой хозяйствосы министр-лигинден кельген векиль, район партия комитетининъ секретары, «Совет Къаракъалпакъстаны» газетасынынъ мухбири ве чобан Аскъар да иштирак эте эдилер. Ерназар ве Оразбай тегерек столнынъ башында, бир-бирине къапа-къаршы отургъанлар. Олар дегиль бюро азаларынынъ, атта бир-бирлерининъ юзюне бакъмага да утаналар: Хусусан Ерназар. О бойле дубарагъа огърагъаныны озюне багъышлап оламай. Онъа бу къолсувукълыгъынынъ кереклиги де ёкъ эди. Онынъ малы, эви, эшьясы — эр шейи етерлик. Насыл олды да, огълунынъ козю алдында бойле джинаетликке ёл берди, насыл олды да эм огълуны, эм келинини, эм де директорнынъ шаныны кирледи. Онынъ аятында бу ич унутылмайджакъ бир янълышлыкъ. Ерназар чаре тапса бу ерде, бу муакемеде окюрип агълайджакъ ама, тишлерини сыкъып, башыны сакълап озюни зорнен тутмагъа тырыша.

Бир къач сание-кимсе индемеди. Ерпулатов эр кесинъ бетине бакъып чыкъты. Эр кес тюшонджели, къайгылы. Оразбай яш, даа аятынъ дадыны, тузуны кереги киби татмагъан. Ерназар исе, омюр сынавларындан кечкен, теджрибели чобан. Совхоз тешкиль этювде онынъ чокъ айдалы ишлери олды. Актив джемаатчы, яхшы тешкилятчы, къыскъасы — чобанларнынъ устасы. Шунунъ ичюн директор оны энъ агъыр фермагъа ёллады. Ерназар бу ишанчны акълады, бир йыл ичинде ферманы котерди, малларнынъ сайысыны арттырды, юнь ве къаракъуль планыны арткъачынен эда этти. Дирекция онынъле ялынъыз гъурурлана ве оны даима илери адамлар сырасында деп биле эди.

Бюро азалары да Ерназарны ойле билелер. Шунунъ ичюн олса керек эписи агъызларына сув алгъан киби индемей отуралар.

— Ойле олса, сёзни Ерназар Къуламетовкъа беремиз, — деди Ерпулатов сукюнетни бозып.

Ерназар аркъасына токъмакъ эндирилген адам киби, башыны эл-лери арасындан зорнен чыкъарып аякъкъа турды. Бир сание къадар индемеди, сонъра дудакъ уджундан сёйленип башлады: — Мен хырсыз дегилим, джемаат, хырсызлыкъ да япмадым, — деди о юткъунып. — Инанмасаңыз, мына, Аскъар чобандан соранъыз. Догърумы, Аскъар агъа?

— Пек догъру, пек догъру, малларым еринде, келинъиз, къаранъыз, — деди Аскъар чобан аякъкъа къалкъып.

— Отурынъыз, — деди Ерпулатов онынъ шашма лафларыны болжоп. — Сизден сорагъанда айтырсынъыз. — Мен догърусыны айтам, догърусыны айтам, кель де къаранъыз, — деди о бир даа ерге отургъандже.

Ерназарнынъ тили бираз чезилип башлады. О бир йыл эвельси Нукъуста ишнен булунгъаныны, анда Торемурат деген бир адамнен тесадуфен таныш олгъаныны, онынъ эвинде ятып, андан килим сатып алгъаныны, кебабнен сыйлангъаныны ве ниает бир кунъ бу адамнынъ Къос-Бурунгъа сюрип кельгенини, онъа беш-он баш къоюн пек керек олгъаныны ве анабашлар ерине эки кунъден токълулар алып келеджегини ишандырып, эки бинъ кумюш пара къалдырып кеткенини тефсилятлы суретте айтты. Сёзюнинъ сонъунда бойле деди: — Бекледим, кельмеди. Не токълулар бар, не Торемурат. Оразбайгъа паранынъ ярысыны берген эдим. Токълулар кельмеген сонъ, Аскъар чобан да корьген сайын сорагъан сонъ, мен озюмнинъ токълучыкъларымны Аскъаргъа теслим эттим. Оразбай исе, манъа бинъ кумюшни къайтарып берди. Элли йыллыкъ омюрим ичинде алданып япаджакъ олгъан

бирден-бир алыш-веришим бойле олып чыкты. Багышласанъыз, къабаатымнынъ устюни бинъ кере ортерим, багышламасанъыз, джемаат кескен пармакынынъ агърысына даянаджакътырым даа.

Ерназар сѣзюни бойле битирди ве ерге отураджакъта онъа суаль береджек олдылар. Ерпулатов, суаллерни Оразбайны да динълеген сонъ берирмиз,—деп Ерназаргъа отурмагъа разылыкъ берди ве Оразбайгъа башыны саллап, аякъкъа турмасыны буюрды.

Оразбай къашларыны сытып еринден турды ве чекинмеден Бегдияр Надыровичнинъ козьлерине къыркъ йыллыкъ душманы киби бакъты. Акъшамдан бери индемей отургъан Бегдияр Надырович бу дешетли бакъышкъа эмиет бермеди. Аксине, министрликтен кельген векильнинъ къулагъына эгилип,— киев бала,—деп ташлады.

— Мен бабамнынъ айткъанына бир сѣз даа къошып оламайым. Эписи догъру. Мен къоюн алмадым да, сатмадым да. Кимсеге де борджум ёкъ. Лякин, анавы Торемурат деген аферистни бир расткетирсем бурнунынъ тозуны къакъар эдим,—деди ве ерине отурды.

— Сиз, Оразбай Къуламетов, хырсызлыкъ этмедим, дединъиз. Хырсызлыкъ этмесенъиз, не ичюн озъ токълуларыныздан дегиль де, Аскъар чобандан алдынъыз?—деп суаль берди Ерпулатов.

— Бутюн къабаатым шунда,—деди Ерназар огълунунъ ерине джевап берип.—Алдандым. Торемуратнынъ манъа къалдыргъан эки бинъ кумюшине алдандым.

— Демек, йигирми къоюнны юзер кумюштен саттынъыз, ойлеми?

— Ойле.

— Торемурат сизге йигирми токълу кетирмейджегини бильмединъизми?

— Валлаи, бильмедим. Кетирир белледим.

— Демек, йигирми токълу кетирген олса, сизинъ джебинъизде эки бинъ кумюш кяр къаладжакъ эди, ойлеми?—деди райком секретары Султанов.

— Ёкъ, ёкъ. Токълуларны кетирген олса, мен онынъ парасыны къайтарып береджек эдим,—деди Ерназар козьлерини тѣгереклендирип.

— Догъру айта бабам, парасыны къайтараджакъ эдик,—деп къычырды кенардан Оразбай.

Отургъанлар индемедилер. Бир-бирлерине бакъышып алдылар, меселенинъ феркъына бармагъан киби олып омузларыны къыстылар.

— Мен бир шей анъламайым,—деди сукюнетни бозып Ерпулатов.—Сизге бир шей къалмайджакъ олса, бу къалабалыккыны башламагъа не аджет бар эди?

— Мумкюнми?—деди Оразбай еринден турып.—Шу Торемурат деген аперист бабамны сыйлагъан, онъа килим саткъан, керек олса даа тапарым деген. Къыскъасы, бабамнынъ анъкъавлыгъындан файдаланып къанына кирген. Эвге кельген сонъ, бабам да онынъ эйилигине эйилик япаджакъ олгъан. Ич бир шей гъайып олмай. Йигирми баш кетеджек, йигирми баш келеджек. Бабам разы олгъан, аягъына келип йыкъылгъан танышыны къайтарып оламагъан. Мында анълашылмагъан бир шей ёкъ. Ойлеми Аскъар? Не сусып отурасынъ? Не лаф этмейсинъ? Сенинъ отарынъда малынъ текмильми?

— Текмиль. Текмиль ама... Тек, тек...

— Не тутукъланып отурасынъ!—деп къычырды Оразбай Аскъарнынъ устюне.—Отарынъда малынъ текмильми, ёкъса озюнъ де бильмейсинъми?

Чобан ачувланды. Оразбайнынъ «Озюнъ де бильмейсинъми» деген сѣзю онынъ зытына тийди.

— Сен мени ахмакъ этеджек оласынъмы?—деди о чот сакъалыны ойнатып.—Мен ахмакъ дегилим. Сен ахмакъ экенсинъ. Не багырасынъ? Бильмей экеним... Къарачы, сен онынъ лафына! Мен къыркъ йылдан бери къолумдан келип кечкен малынъ эсабыны билем. Элли йылдан сонъ да отарымда оладжакъ малы эсаплап къойдым. Лякин оны

мен корьмейджегим. Сизлер, меним кичкене чобанларым кореджеклер. Сен чобанны эсап бильмейдир беллединьми? Йигирми анабаш кьоюн-дан баарьде кьач кьозу беклемек мумкюн? Айт, озюнь айт. Сен брига-дирсинь, меним начальнигимсинь!

Оразбай ачувундан ерге отургъаныны озю де дуймай кьалды. Отургъан сонъ даа бир шейлер сомурданды. Гъалиба тили уджундан сёгюнди.

— Анълашылды, эписи анълашылды,— деди Ерпулатов чобан сус-къан сонъ.

Оразбай ве Ерназар богъазларына мушмолла тыкьылып кьал-гъан киби юткъунды ве кьулакъларынадже кьызардылар.

— Оны баарьде корермиз,— деп джевапланды отургъан еринден Оразбай.— Кьоюнларынънынъ ярысы кьысыр.

→ Менде кьысыр кьоюн ёкъ, баш кутъме!

Адамлар бири-бирлеринен лаф этип гурюльдешип кеттилер. Ер-пулатов столны шамарлап оларнынъ дикъкъатыны джелъп этти. Эр кес бирер-бирер туруп озь фикирлерини айттылар. Фикирлер чешит тюрлю эди. Бириси:— бу меселеге джинаетлик,— деп бакъа, дигери:— тюшонмеден япылгъан иш,— дей, бириси даа:— алдангъан адамны асмайкъ, кесмейик, кьоюнларыны отаргъа кетирип кьошкъан сонъ даа не керек?— деп екюн чеке ве иляхри. Эр кеснинъ айткъаны про-токолгъа язылды. Сёз айтмагъан адам кьалмады. Бегдияр Надырович бутюн чыкьышларны дикъкъатнен динъледиди ве ниает, отургъан ерин-ден сёз алды.

— Меним ичюн, аркъадашлар,— деди о къашларыны манълай-ынадже котерип.— Бугунъ бюрода бакъылгъан меселе пек муим ве пек джиддий. Бу ишке, джинаетлик демек де аз. Оразбай меним кие-вим. Ерназар кьудам олалар. Демек, булар меним озь адамларым. Биз янъы совхознынъ темелини кьойип башлагъан биринджи къары-гъачлармыз. Планларымыз, макъсадымыз буюк. Йигирми кьоюн, бишь кьоюн, дегиль де, йигирми миллион мал устюнде баш ёрамыз, бу улу макъсад ичюн бугунъ, биз, сизлернен берабер темель кьоямыз. Бизлер бу сынъырсыз бошлукъны озюмизге бойсундырмагъа кельдик. Асыр-ларнен джансыз, файдасыз яткъан бу кьумлыкъны джанландырмагъа, инсангъа хызмет эттирге кельдик. Бойле улу ишни, ялынъыз улу адамлар япа билелер. Бу улу иште бугунъ, бу ерде муакеме этмекте олдугъымыз киби чюрюкликлер кечмей. Улу озень, улу ёл ачып акъар ве бутюн чёплюкни кенаргъа, ялыларгъа чыкьарып ташлар. Ерназар ве Оразбай Кьуламетовлар бу улу озенден кенар этильмеге ляйкъ-лар. Янъылдылармы, алдандылармы, бильмейим, олар озь джинает-ликлери ичюн халкъ муакемеси алдында джевап берсинлер.

Бюро азалары Бегдияр Надыровичнинъ чыкьышыны меракънен динъледиди ве бираз индемей отурдылар. Ерпулатов да бираз тюшон-джеге далды. Чюнки о Бегдияр Надыровичтен бойле къатты чыкьыш беклемей эди. Лякин онъа Оразбайнынъ сонъ куньлерде япкъан чир-кин адетлери де белли эди. Шасенемни акъаретлеп, бабасыны ындыжы-тып, ишини ташлап Къос-Бурундан чыкьып кетюви, шубесиз Бегдияр Надыровичнинъ афакъаныны кьозгъайджакъ. Ерпулатов буларны козь огюне кетиререк, Бегдияр Надыровичнинъ чыкьышы къарардан зияде къатты, деген фикирге кельди. Ола билир, Ерпулатов догъру тюшюне-дир. Эр алда айле мунасебетинен такъдирлери багълангъан адамнынъ, ким олса олсун,— директор олсун, адий адам олсун, эписининъ джаны-къаны бир, эписининъ истегин муабетлик. Муабет яшагъан айле эр эки тарафнынъ ана-бабасыны кьувандыра, гонъюллерини кульдюре. Муа-бетсизлик-исе, эр эки тарафнынъ омюрини ашай, юреклеринде нефрет кьозгъай. Оразбай шимдилик не тюшюне бильмеймиз. Лякин онынъ сонъки куньлерде озюни инсафсызджа алып барувы, ве айлесинден чыкьып кетюви кимсенинъ юрегини хошландырмады. Бу меселе хусус-ында биз даа токъталырмыз, шимди онынъ ишини догъру ве адалетли аль этмек керекмиз.

Министрликтен кельген векиль бу меселенен чокътан таныш эди. Нукъуста Торемурат якъаланып суд олгъан сонъ, министрликке область прокуратурасынынъ Эрназар ве Оразбай акъкъында «шахсий къарары» кельген эди. Бу къарар боюнджа министрликте махсус комиссия тизилип къач керелер совхозгъа келип, тешкерюв яптылар. Къач керелер Бегдияр Надыровични Нукъускъа чагъырып субетлештилер. Ерпулатов ве райком секретары да бу ишлерден хабардарлар. Шунунъ ичюн бугунъ бюро чагъырылып, бу меселени козь-козьге келип, тюрлю-темелинден аль этмек къарары къабул олунгъан эди.

Министрликтен кельген векиль озъ сёзюни къыскадан кести. Эрназар ве Оразбайнынъ акъикъатен Торемурат деген доландырыджынынъ къармагъына илишкенлерини, бу ишни олар анъсыз оларакъ, аджемилик нетиджесинде алданаракъ якъанларыны, Торемуратнынъ якъалангъаныны, сёз сырасы, Торемурат рецидивист джипшаетчи олып, энди озъ джинаетлери ичюн бундан къач йыллар эвельси джезагъа огъратылгъаныны ве башкъа джинаетлери ичюн чокътан изинден юрюльгеннини ве бу къоюнлар себебинден къолгъа тюшкеннини къайд этти. Сёзюни екюнлеерек шойле деди:— Джинаетчи Торемурат озъ джезасыны алды. Сизинъ къоюнларнынъ эписини кебаб этип етиштиралмады. Къоюнларынъызнынъ он беш данеси тапылды ве кери къайтарылды. Эрназар ве Оразбай исе, мадамки, бу ерде озъ къабаатларыны таныйлар ве озьлери анълы оларакъ къоюнларнынъ сайысыны текмиллегенлер, оларнынъ совхозда косътерген яхшы хызметлерини козьде тутаракъ, къатты джезагъа чекмейип, биринджи кере бойле тазирнен къалдырайыкъ, деген фикирдемиз, аркъадашлар.

— Кимде даа насыл фикир бар?— деди Ерпулатов, аркъадашларгъа мураджаат этип.

— Меним анабашларымны кетирсинчи!— деп къычырды Аскъар чобан.

— Мен Эрназарны чокътан берли билем,— деди райком секретары Султанов.— Яхшы адам ве яхшы эmekчи эди. Бугунъки бюрода къоюлгъан меселе тек онъа ве Оразбайгъа дегиль де, эр кеске дерс олмакъ керек. Сийрек де олса, кимерде Торемурат киби джинаетчилер апансыздан чыккып къалалар. Сакъатлыкъ керек, джиддийлик керек. Биз къоюнларымызны чель къашкырларындан козь бебегимиз киби сакълаймыз. Албу исе, Торемураткъа бенъзеген эки аякълы къашкырларгъа да огърамакъ мумкюн экен. Сиз Эрназар ве Оразбай, корьдинъизми насыл къашкыргъа огърадынъыз? Бу сизге ве бутюн совхозымызнынъ намуслы эmekчилерине дерс олсун! Мен Аскъар чобаннынъ сёзюне къошулам. Ингирми анабаш къоюн баарьде энъ аздан ингирми къозу кетиреджек эди. Барсын къысыр сойлары олсун, я эгизлейджек сойлары ёкъ эдими? Шунунъ ичюн мен теклиф этем ки, джинаетчининъ къалдырып кеткен эки биъ кумюш парасы совхознынъ файдасына мусадере этилсин.

Теклифлер тюрлю-тюрлю олгъанындан меселе рейге къоюлды. Бюро эксернет рейнен Эрназар ве Оразбайдан эки биъ кумюшни алып совхоз файдасына берильмесини, Эрназарны ферма мудирни вазифесинден, Оразбайны исе, бригадирликтен чыкъарылмаларыны теклиф этти.

Бюро азалары кийинип азбаргъа чыккында Улькер йылдызы идаре алдындаки юксек сельбирлернинъ тёпесинде балкъылдамакъта эди. Яры гедже авса керек, Ат-чапар терен юкьугъа далгъан. Этраф чым-чырт. Канал тарафтан чель сукьонетини бозып теренден бакъаларнынъ эзгиси ишитиле. Ара-сыра деве сеслери ве яры гедже хоразларынынъ отькюр макъамлары чель бою узакъ-узакъларгъа яйрап кете.

Нукъус векили ве райком секретары машинагъа минип район меркезине къайттылар. Бегдияр Надырович ве Ерпулатов канал бетке— озъ эвлерине кеттилер. Эр кес даркъалгъан арада Эрназар атынынъ эгерини тарттырып ёлгъа чыккы. Аскъар чобан оны беклемеди. Эрназар о якъ, бу якъ бакъып, Оразбайны араштырды, оны корьмек ве лаф этмек истеди. Оразбай исе къапудан чыкър-чыкъмаз козьден

гъайып олып кетти. Онынъ не якъкъа кеткенини кимсе коръмеди. Ерназар атыны тюкян бетке айдады, Оразбай мында да ёкътыр.— Бу бала меним башыма беля артындан беля кетирип башлады ама, сонъу хайыр олсун,— деди о атынынъ башыны кери бурып. Район ёлуна чыкъты, ашханени доланды, сонъра балыкъчы Костя акъайнынъ эвине тараф бурулды. Онынъ эки кызы бар, акъайлары ёкътыр. Ерназар Оразбайнынъ бу эвге келип-кеткенини ишиткен эди. Кеч олса да, барып бакъайым, бельки олардадыр,— деп атыны джувуртып кетти.

Костя акъайнынъ къаралтысына якъын кельгенде ювасындан атылып чыкъкъан бузав киби къара ярамаз копек зынджырыны узаязды. Ерназар аттан тюшмеди, эвнинъ артына айланып, пенджереге якъын кельди. Копек давушындан уянгъан кызларындан бириси тюб урбасынен келип пенджеренинъ пердесини котерди ве ат устюндеки адамны корип, аман пердени йиберип кери къачты. Ода ичинде не олды, не къалды малюм дегиль. Пердени экинджи бир кыыз даа котерип бакъты. Бу бираз атикче олса керек,— Сен кимсинъ?— деп кычырды. Ерназар кызынынъ бабасыны сорады.— Бабам эвде ёкъ,— деди кыыз ве перденинъ артына сакъланды.— Мен Оразбайнынъ бабасы олам,— деди Ерназар пенджерени тыкъырдатып.— О сизде дегильми?

Оразбайнынъ адыны ишиткенлеринен кызлар экиси де пенджереге кельдилер.

— Бугунъ оны совхоз идаресине меджлиске чагъырдылар, аля даа кельмей,— дедилер кызлар.— Киринъиз, бельки келип къалыр...

Ерназар кирмеди.— Костя акъай эвде олмагъан сонъ, меним мында не ишим бар,— деп тюшюнди ве атыны айдап кери къайтып кетти. Посёлкада энди кимсе ёкъ эди. «Арам бала менден де сакълана, коресинъми арсызнынъ япкъан ишини? Тоқъта сен, менден къачып къуртуламазсынъ. Бугунъ олмаса ярын, илле къолума тюшерсинъ. Мен сенинъ акъылынъны ерине къоярым. Той эттим, масрафларгъа баттым, койнинъ энъ дюльбер, энъ медений кызыны алып бердим, директор кызы! Ахмакъ бала, оны севип, сайып, эркелеп яшамайсынъмы. Бу орталыкъта Шасенемге етер кыыз ёкъ. Оны бутюн район халкъы айта, эр кеснинъ козюнде, бильгиси бар, келеджеги бар, ойлесини севмеге бильмеген матювден не беклемек мумкюн? Чокъ языкъ ки, мынавы Торемурат меселеси меним башымны айландырды. Шасенемни де, бу быралкъыны да корип кереги киби лаф этип оламадым. Бугунъ кене козюм алдындан къачырдым.»

Бу тюшюнджелерге далгъан Ерназар атынынъ къумлукъ ёлгъа чыкъкъаныны, Къос-Бурун тарафкъа адымлап кетейткъаныны дуймай къалды. Серин чёль елинден ушип башлагъанынен, атынынъ джугенини тартып, зенгилерини къыбырдатты, юрюшини тезлештирди. Бираздан барханлар арасына синъип козюден гъайып олып кетти. Ай ярыгъында чёль яхшы сечиле. Ат исе, гедже къаранлыгъында дегиль, козълерини байласанъ биле ёлны шашырмай кетеджек. Бутюн кунъ ве гедже къааръленип, раатсызланып ёрулгъан Ерназар джугенини бошатты, атны озъ алына ташлады. Чокъкъа бармай онынъ ёргъун козълери де юмулып, де ачылып башладылар. Ат устюнде юкъусырап кеткен Ерназарнынъ къулакъ зарыны патлатып апансыздан тюфек атылды. Ерназар абдырап козълерини ачса, огде, эки юз метр къадар месафед,е юксек барханнынъ тёпесинде насылдыр къаралтылар коръди. Ельяакъ атына къамчы сильтеп етиштирмеди, о энди барханнынъ тёпесинде эди. Бакъса, ерде эки адам уйпалаша. Олар бири-бирининъ богъазына япышкъанлар, къум устюнде айланып, уюрилип барханнынъ уджуна келеятырлар. Кенарда бош ат тура, атнынъ аякълары астында тюфек ята. Ерназар чабикликнен аттан сычрап тюшти ве догъру тюфекке япышты.

— Токътанъыз! Атарым! — деди о котеклешкенлерге таба тюфекни догърултып. Бирининъ башы саксаул тамырларынынъ ичине кирип кетти. Онынъ такъаттан кесильгенини корип, устюндеки адам атылып турды ве тюфек тутып тургъан Ерназаргъа къаршы адымлады. Ерна-

зар огълуны таныды.— Сен не япасыңъ, баскың!— деди о бар сесинен огълуна кычырып. Козылери кыан баскыан Оразбай эп бабасына кыаршы адымлады. Ерназар тюфегини ашагы алкыанынен Оразбай кыашкыыр киби атылып тюфекке япышты. Баба тюфекни кыолунда кыавий тута экен, алып оламады. Баба, бала кыапа-кыаршы келип тюфекни тарткычлап, айландырып, бурып талашмакыа башладылар. Дерт кыол арасында кыалкыан тюфек бир кыолдан дигер кыолкыа кечмекте. Яш, деликыанлы Оразбай бабасының кыолундан таккаты кетейткыаныны дуйып сувуды ве кенаркыа чекилип сачларыны юлкыып кычыра башлады. Чалылар ичинде яткыан адам башына эсини топлап турды ве бетини, козюни кыумдан темизлеп докыру Ерназаркыа тараф кельди. Бу Аскыар чобан эди. Ерназар оны корыгенинен башындан эсини джоя язды. Аскыар тюфегини Ерназарның кыолундан алды, ичинде кыалкыан бир патронны авагыа атты ве атына минип ёлуна кетти.

— Сениң бу гунасыз кыарттан не аладжакың бар?— деди Ерназар ачувындан кыум ичинде созулып яткыан огълуна.

Оразбайның океси даа язылмай эди. О башыны кыумкыа тыккыан индемей ята.

— Сенден сорайым, бу адамдан не истейсинъ?— деди бабасы текрар.

— О меним ишим, сен кыарышма, сен келип чыккымакыан олсанъ!..

Ерназар оның дели киби айкыыргыанына даянамады.— Мына санъа, мына санъа!— деп эки шамар чатлатты ама, Оразбайның козылериинден сувукъ козыашлар атылып чыккыты.

Оразбай тынды. Бабасына кыол котермеди. Кыум устюне аркыасына айланып, тёпеге, ачыкъ кокке баккыып ятты. Бираз сукюнеттен сонъ, Оразбай лаф этип башлады.

— Бу серсем чобан бизни бир тамам маскыара этти. Ингирми дане токылуны алып кетип отаркыа кыоштыкъ да, бакъ сен оның патлакъ козю тоймакыанына! Бермек керекмей эди. Даа эки бинъ кумюшни де кыазгыалап чыкыарды. Сакыын берейим деме, эгер берсенъ озюңден коръ. Бизим кыоюнларны анавы Торемураттан тутып алкыанлар, ингирми токылуны да бердик, даа эки бинъ кумюш!.. Бу не, баскыынджылыкъ дегильми? Мен буны Аскыарның бурнундан чыкыарырым! Чыкыарырым, дедим, чыкыарырым!— деп юмрукыларынен ерни тёпеледи.

— Ораз, огълум, сен кимден ахт аласыңъ? Сен темиз шаштыңъ. Нерваларыңны бираз ятыштыр да, тюшюнип бакъ. Аскыарның не кыабааты бар? О чобан. Оның бильгени шу, Кыоюн соймадан башкыа о не биле? Сен, огълум, эсинъни джый. Биз резиль олдыкъ. Кыабаатымызны багышладылар. Энди озюмизни ишнен костырейик. Кель, Шасенемден разылыкъ сора. Сен о кыадыны нафиле ынджыттыңъ. Тур, тез-тез Аскыарның пешинден етейик, ондан да разылыкъ сорайыкъ.

— Мен кетмейим!— деп кестирди Оразбай.— Шасенемден разылыкъ сора, Аскыардан разылыкъ сора... Ёкъ, сиз озъ огълунызны бильмей экенсиңиз. Олар менден разылыкъ сорасынлар!

— Кыабаат кимде олса, о разылыкъ сорамакъ борджлу. Мен Шасенемнен де лаф этерим. О мени анълар. Земане кыызы, балам Дюльбер, медений. Мен оның юрюшине, ишине, лакыырдысына сукыланып юрем, сен исе кыол котересиңъ. Айды, тур еринъден, экимиз де аткыа минейик ве Аскыарның артындан етейик.

Оразбай турды. Атның, эгерини, джугенини баккыты, бабасы эгерге, озю исе, эгериниң артына ерлешип аякыларыны салындырды ве кочип кеттилер. Ёлда бир кыач кере токытап раатландылар. Ат тегиз ёлда яхшы юрсе де, кыумлуккыа аякъ бастымы, абына-сюрюне, саллана ве ниает терлеп-пышнап башлай. О вакыт баба, бала аттан тюшелер ве беш-он даккыа ял алалар. Атның тери сувуп башлакыанынен кене ёлкыа чыкыалар.

Ай булутлар артына сакыланды. Чёльни кыаранлыкъ басты. Яхшы ки, кокте йылдызлар парылдап яналар. Серин ельчик кыулакыарны чертип кече ве сакинлей. Шу арада этрафны кене тынчылыкъ баса.

Улькер йылдызы банаки ерини баягы авуштырды. О баты тарафкъа джылышмакта. Гедже булутынын артындан чыккъан ай къоджаман бошлукъкъа озь шавлелерини теке. Ер кене айдынлаша, атнын адымлары тезлеше. Олар не къадар ыдырынып кетселер де, Аскъар чобаннын артына етип оламадылар. Тезден танъ атаджакъ. Танъ атмаздан бурун чѣлнни танъ къаранлыгы къаплайджакъ. Бу маальге къадар Къос-Бурун ёлуна чыкълса, сонъра джайв кетмеге де мумкюн. Баба, бала лаф этип, юкъусырап кетелер. Ат токътады. Айван да юкъугъа далса керек. Ёкъ, ат юкъламагъан, эки ёлнын башына келип токътагъан. Ёлнын бири Маркъай-Къудукъкъа, дигери Къос-Бурунгъа кете. Не къадар акъыллы айван. Янълышмайым, деп токътагъан. Ерназар козьлерини ачып, этрафкъа козь ташлагъанынен меселенинъ фаркъына барды ве атнын башыны Къос-Бурун ёлуна бурып, джугенини кене бош ташлады.

Танъ агъаргъанда Къос-Бурун эвлери сечилип башладылар. Аскъар чобан Маркъай-Къудукъ ёлундан кетсе керек, чюнки онынъ отарына о ёлдан якъынджа.

— Тур, козюнъни ач,— деп Ерназар тирѣгинен Оразбайны тюртти. Эгернинъ артында, башыны бабасынынъ белине таяндырып саллана-саллана кельмекте олгъан Оразбай уянды ве огге догъру бакъты. Онынъ козюне башта озюнннъ эви корюнди. Ёл тарафтаки оданынъ пенджересинден тыныкъ лампа ярыгы сечильмекте. О эвинден чыкып кеткенинден бери бу азбаргъа аякъ басмады. Шимди эвиннъ янына якъынлаштылар. Пенджеренинъ къаршысына келип атны токътаттылар. Ерназар тюшти ве Оразбайнынъ тюшмесини беклеп турды. Оразбай инатлана, тюшмей.

— Тюш аттан,— деди Ерназар онынъ аягындан тартып. Оразбай кыбардамады.

— Тюш, дейим санъа. Татлы танъ юкъусыны апайыннынъ кюйнунда кечирирсинъ...

Оразбай кене тюшмейджек олды. Ерназар оны аттан тартып тюшюрди ве озю тез-тез атланып ёрттуруп кетти.

Оразбай догъру юртнынъ ичине кирди. Эки ай эвельси насыл ташлап кеткен олса, ойле де тура. Кийизлер, килимлер, ястыкълар, эписи темиз-пак озь еринделер. О кийиз устуне отурды, бираз тюшонджеге далды. «Бабамнынъ сѣзюнден чыкълмай келдим ама, Шасенем мени коръсе не дер экен?» О пенджереге бакъты, тыныкъ лампа ярыгы эп ойле янмакта. Янъгъызмы экен? Эвге сюрюп кирсем не олур? О меним апайым. Яваш котерилип турды, пенджереге якъын кельди. Узанып бакъаджакъ олды, бою етмеди. Юртнынъ этрафындаки кийиз уджларында тургъан балабан ташны кетирип пенджеренинъ тюбюне кюйды. Ташкъа басып котерильди, перденинъ ортасындан бир шей корип оламады. Тюшти ве ташны пенджеренинъ кенарына тараф джылыштырды. Анда дѣрт пармакъ кенълигинде перденинъ арасы япылмай къалгъан. Оразбай бурнуны пенджереге тийдирип, бир козюнен бакъты. Кроватта Шасенемнинъ башыны, ерге саркъып тюшкен сачларыны, безз чыплакъ омузыны коръди. Пармакъ уджларына котерилип, кене бир даа эслесе, Шасенемнинъ артында бир адам яткъан киби корюльди. Тюшти, ташны тикине кюйды, кене котерильди. Догъру экен. Ястыкта къара сачлы бир баш даа коръди. Оразбайнынъ эти-тени чимирдеди. Аман ерге тюшип, ташкъа бир тепме яндырды, таш юварланып кетти. Софагъа кирди, аякъкъап чыкъарылгъан ерни серник чертип бакъса, Шасенемнинъ туфлилери янында балабан кирз чызмалар тура.

— А-а, ниает тюштинъиз кюлума,— деди Оразбай ичинден ве догъру азбар четиндеки оджакъкъа тараф кетти. Анда саксаул догърамакъ ичюн узун саплы, япмакъ башлы балта тура эди. Оразбай оны кюлуна алды, эвнинъ къапусына догъру кетти. Къапу янына кельгенинен чызмаларгъа сюринип йыкълды. Шу арада акъылына бабасынынъ сѣзлери тюшти: «Сенинъ пеъ акъыллы, медений, дюльбер апай-

ынъ бар». — Ичери кирмем, — деди о озюне. Ичери кирмек баскынджылыкъ сайылыр. Мен оларны бу ерде къаршылап алырым.

Оразбай софанынъ ичинде тургъан туршу чапчагъы артына чектю, балтаны аякълары арасына къыстырып сабаны бекледи.

ОН БЕШИНДЖИ БАБ

Бааръ якъынлашмакъта эди. Къарлы боранлар бираз сакынлешти, геджелери аяз олса да, кунъдюз кунеш де корюне, де гъайып олып кете. Онынъ шавлелери ургъан тепелерде, йылгъаларда, ыйыкъ ерлерде къар бираз йымшай, акъшам олдымы, кене къатып бузлу тайгъалакъкъа чевириле. Къуртнезирнинъ буравджылары биринджи къуюнынъ ишини сонъуна чыкъмакъталар. Олар бу сефер пек буюк зорлукъларгъа огърадылар. Техника хавфсызлыгъы къанделери эсасында иш коререк, гидрогеологларнынъ бу топракны огренгенде къалдырып кеткен къайдлары бир тамам догъру олып чыкъкъанына айретте къалалар.

Бу къуюнынъ иши башындан терс кетти. Онынъ бойле оладжгъына ич шубе ёкъ эди. Чюнки, къумлыкъта бурав урмакъ къолай шей дегилъ. Къуртнезир буну яхшы биле ве аркъадашларыны эр расткельмеси мумкюн олгъан итималгъа къаршы азыр олып ишлемелерини кунъ эвельден айтып къойгъан эди.

Къуртнезирнинъ вагон-эвчикке кирип, устюни-башыны тащламай яткъанына бир афта олды. Козю юкьугъа кеттимн, Къуртмолланынъ сеси иштитиле. Гедже сменасында небетчи тургъан Къуртмолла, УРБ-нинъ чалышув ритми бозулып башласа, ойле нефретней сёгюне ки, не къадар татлы юкьуда олсанъ, тёшегинъден атылып турмагъа меджбурсынъ. Къуртнезирнинъ бригадасы сонъ вакъытта буравджылыкъ ишинде янъы УРБ-ЗАМ тезьясыны къуллаанып башлады. Буравджылар бу машинанынъ чалышувына алыштылар, онынъ такъылдысы, гурсюльдиси ве ара-сыра чыгъырыкъларнынъ, къалын тель ичлерининъ майсызлыкътан гъыйчылдавы оларнынъ къулагъына ойле тез кире ки, ерлеринден атылып тургъанларыны дуймай къалалар. Эписи озь вазифесине чапа. Бириси моторнынъ, дигери буравнынъ ишини тешкере, о бириси исе май къутучыкъларыны толдура. Сонъра бир къач адам кенаргъа чекилип умумен тезьянынъ чалышувыны тешкелер. Иш яхшы кетсе, шакъалашып бирер сигарет якъалар.

Бойледже иш башлады ама, джонемеди. Афтанынъ ярысында Къуртнезир тезьянынъ токътатылмасыны эмир этти.

— Файдасыз иш кимсеге керекмей! — деди о къум обасы устюне отурып. — Мынавыны коресизми? — деди о астындан бир авуч къум алып. — Къум, къатламы терен экен. Къуюны биз къазамыз, дивары эшиле. Бойле бош иш къазанынъны бош къалдырыр. Менимдже къуюнынъ диварыны юзь метргедже цементлемек керек.

— Цементлемек ичюн вакъыт аз, Къуртнезир агъа, — деди Къуртмолла буруныны сюмюрип.

— Цемент бираз къол тута ама, чаре ёкъ, оны къарыштырып диварны туттургъандже къурумасыны, къатып-пекнимесини беклемек керек. Сонъра труба ерлештирмиз. Бельки къум къатламындан сонъ, трубаынъ кереклиги де олмаз.

— Сенинъ фикринънен разым, ама, трубамыз етерми?

— Етмесе, идареге хабер этермиз.

— Идареден бу дюньянынъ четине труба кетирильгендже бааръ келир, яз кечер...

— Кечмез. Вертолетнен кетирирлер.

Къуртнезир тюшюнджеге далды. Бу арада Къуртмолланынъ фикрине бир къач аркъадаш даа къошулды ве эписи бир агъыздан къуюнынъ диварыны цементлеп труба ерлештирюв ишине кириштилер.

— Бизде олгъан трубаларнен пекитип башлайкъ, онъа къадар къалгъаныны кетирирлер, хабер этермиз,— деди Къуртнезир.

Уйле маали чалышувыны токътаткъан УРБ, яры гедже авгъан сонъ, кене гурюльдеп башлады. Трубаларнен пекитилген куюю сантиметр артындан сантиметр энип, эп теренлешмекте эди. Буравджылар ойле болдурдылар ки, атта бир-биринен лаф этмей, ювунып яттылар. Тезьянынъ яхшы ишлеп башлагъанына къувангъанынданмы, ёкъса пек ёрулгъанынданмы Къуртнезир юкълап оламады. Асыл ойле ола тургъан. Адам белли бир яшына кельген сонъ, вакъытыны кечирдимни юкъусы къача ве сабагъа къадар о якъына, бу якъына айланып чыкъа. Къуртнезир де яш адам дегиль. Къуртмолла башыны ястыкъкъа къойгъанынен хырылдап башлады, ама, Къуртнезир сабагъадже козь юмады. Онынъ акъылына кельмеген шей къалмады. Бабасы Мемедемнин агъанынъ икяеси, къартбабасы Вели Одаманнынъ башындан келип-кечкен вакъиалар. «Дюнъя ойле кельген, ойле де кете. Лякин адамлар денъишелер. Муджизелер яраталар. Он беш йыл гъарип къартбабам гъурбетликте ыргъатлыкъ эткен. Догъып, дюньягъа кельген сонъ, яшамакъ истейсинъ. Яшамакъ ичюн псе, эвеля къарынынъ токъ олмакъ керек. Топрагъынъ олмаса,— отъмегинъ ёкъ, кетип байгъа ишлемеге меджбурсынъ. Ишлейсинъ, бутюн селиханъны къойып, манълай теринъни тёкип ишлейсинъ, ама, эмек акъкынъа кельгенде не берсе, оны аласынъ. Етсе де, етмесе де шикъает этмеге еринъ ёкъ. Чекишкенлер гъариплер, беллерини букип ишлегенлер. Дюнъянынъ зевкъыны коръмегенлер. Шимдики яшайышны о девирнен къыяс этмек мумкюнми? Бабамнынъ айтышына коре коюмизнинъ энъ зенгини Джелял бейнинъ о вакъыттаки сарайы шимди бизим Арыкъ-Чешме мааллемизде яшагъан пек чокъ адамнынъ эви къадар ёкъ экен. Лякин о койде мырза кесильген. Акъ-укъукъ, укъом онынъ къолунда олгъан. Ниметулла да къартбабамнынъ ёлундан кетти. Чобанлыкъ эте. Колхоз чобаны. Эвине кирсенъ аякъ басмагъа къызгъанырсынъ. Поллары йылым-йылым йылтырай. Къапулар, пенджерелер боялы, диварлар орьнекли, басамакълар мермерден... Шорбаджынынъ ким экени аякъ ёлундан билинир, дегенлери киби, азбарнынъ бир кошесинде, вишнелер артында ерлешкен бу «аджетхане» ичинде электрик лампочкасына баргъандже янып турмакъта. Сагъ тарафта махсус япылгъан курсючик устюнде къуман тура. Эвининъ босагъасындан бу ергедже сени пишкен толадан къалангъан къалдырым сокъачыкъ алып келе. Мен эминим ки, чобан агъамнынъ эви Джелял бейнинъ сарайындан эксик дегильдир. Лякин меселе тек зенгинликте, ашап-ятмакъта дегиль экен. Инсангъа рухий зенгинлик, рухий сербестлик пек зарур экен. Бакъ сен, Отеген къартны, аман-аман къартбабамнен яшлы. Домбрасы къолундан тюшмей. О тувгъан журтуны, онынъ джесюр халкъыны йырлай. Дерсинъ бутюн дюнья онынъ авучы ичинде. О-коктеки йылдызларнен сёйлеше. Чюнки шу йылдызлар аман-аман бир асырдан бери онынъ башы тёпесинде, догъып-осъкен тувгъан топрагъы устюнде янып турмакъталар. Бу чёллер онынъ ичюн дюньяда энъ къыйметли алтын хазине ерини туталар. Саксаулсыз, джантакъсыз о яшамакънынъ манасыны билмей. Чюнки асырлар девамында анадан догъып шуны корьген. Шимди девир башкъа. Инсанлар бу чёльге джан бермек истейлер. Земане адамлары, хусусан яшлары буны яхшы анълайлар. Олар бу бош диярны ешертмеге, инсангъа хызмет эттирге истейлер. Коресинъми, бизге хош кельдиге, озьлеринен берабер акъсакъал Отеген къартны да алып кельгенлер. Шасенемнинъ, Арзыгюльнинъ шеэрлилерден не фаркъы бар? Экиси де чёлъ дюльберлери. Киймлери де, юрюшлери де, ишке мунасебетлери де земаинедже. Олар Отеген агъа кибилерининъ гъурурлары, къаракъалпакъ диярынынъ солмаз чечеклеридирлер. Шунынъ ичюн олар, бу чёлъ ичинде «джан сыкъысы» демей де, янъы аят къурмакъталар. Олар бу тувгъан, сербест диярдан алгъан рухий зенгинликлеринен бахтиярлар».

Бутюн гедже юкъусызлыкътан эзиллип чыкъкъан Къуртнезир, са-

багъа якъын татлы юкъугъа кетти. Пенджеренден эскен тазе, темиз чѣль авасы оны ойле байылтты ки, агъызы ачылып къалгъанындан хабери биле ёкъ.

Кунеш баягъы котерилген эди. Буравджыларнынъ ишлеринен, ал-эхвалынен меракъланып Бекберген Жаксымуратовнен Турсунбек кельдилер. Турсунбек Къуртнезирнен та Самаркъанддан таныш олгъанындан озюннъ юз йыллыкъ досту киби онъа келип-кете ве буравджыларнынъ бутюн адетлери ве табиятларына алышып къалды.— Къана меним достум?— деди о вагончыкънынъ алдында одун парлап тургъан Къуртмоллагъа.

Шакъа ичюн чотнен ясалгъан Къуртмолла чокъ тюшюнип отурмады:— Достунънынъ бу гедже ичи бурды, сабагъадже анавы саксаулнынъ тюбюни кубреледи,— деди.

Турсунбек ве Бекберген бу сефер Къуртмолланынъ лафына керчектен инандылар.

— Къайда о?— деди Турсунбек.— Ярашмагъан бир шей ашагъандыр.

— Эт ярашмады,— деди Къуртмолла.— Этрафымыз мал, тапкъанда ашап къал, дегендир даа. Хи-хи-хи...

— Къуртмолла, шакъаны вазгеч!— деди мердивенчиклерден тюшеяткъан ашчы.— Юрюнъиз, Къуртнезир мында.

Бекберген ве Турсунбек ичери кирдилер. Шимди юкъудан тургъан Къуртнезир оларгъа ер косътерди де сылакъ бетини ве къолларыны сюртип, сонъ къол тутушты.

— Къуртмолла не масал окъуй я?— деди о юзбезини чюйге илип.

— Мен онынъ шакъасыны анъладым,— деди Бекберген къаршысында дирек киби ырджайып тургъан ашчыгъа бакъып.— Анълашылгъанына коре сизге чобан къоюн бермеген гъалиба?

— Бугунь менюмизде пиляв бар эди,— деди ашчы.— Мен сизинъ идареден алгъан къагъытчыгъымнен догъру отаргъа бардым.— Не керек?— деди манъа ачувлы бакъып чобан. Къоюн керек, мына конторадан яздылар,— дедим. Чобан къагъытны алды да, парча-парча йыртып авагъа савурды. Мен аякъларыма шыкъланып кечкен къоюнларнынъ бир данесине япышкъан эдим, аркъама бир таякъ тюшти ама, неге огърагъанымны бильмедим. Аман къоюнларнынъ ичипден чыкъып зувдым. Бакъам, корем, чобан таягъыны кене онъайтлаятыр. Сонъра артымдан кычырды:— Аскъар чобандан эт сорап кельменъиз! Дедем тирилип кельсе бермем!... Бильмем даа нелер сёюнип, сёйленип къалды.

— Сиз янълышкъансынъыз,— деди Бекберген Жаксымуратов:— Аскъар бизим отарнынъ чобаны дегиль. Онынъ янында бизим ферманынъ эт ичюн махсус айырылгъан маллары тургъан къошарымыз бар. Сиз этнинъ парасыны тёлединъиз, къоюнны теразеде чекип алып кете биле эдинъиз.

— Эбет, эбет, парасыны тёледик, ама, эт ерине бир де таякъ ашадыкъ.

Эписи кульдилер. Къуртмолла чырайыны сытып отурды.

— Санъа не олды я, къозлап оламагъан тавукъ киби пыскъансынъ?— деди Къуртнезир онъа бакъып.

— Эт сагъындым. Бекберген агъа озъ аягъынен кельди, аль этсенъиз, мен пек ельяакъым... Ач козюнъни, юм козюнъни, къоюнчыкъ къазанда олур эди.

— Сенинъ де аркъанъ къашына гъалиба,— деди ашчы.

— Ёкъ, аркъам дегиль, тамагъым...

Эписи кулюштилер.— Къагъытчыкъны гъайрыдан язынъыз, Бекберген агъа, бугунь тезьямыз яхшы чалыша. Къуюнынъ диварларыны пекиттик. Эп теренлешемиз. Шунинъ ичюн, гедже чеккен ёргъунлыгъымызны бугунь савуштырмакъ истеймиз. Сиз, къасеветленменъиз, манъа таякъ ашатаджакъ чобан даа догъмады...

Бекберген Жаксымуратов джебинден блокнотыны чыкъарып баш

бухгалтерге меселени аңлатып язды. Құртмолла қығымшының алғанымен аяқмашинаға атланды ве жаптан ашағы вызнен кетти.

Құртнезир, Бекберген, Турсунбек вагончының алдына чықтылар. Тезьяның саат киби гурьюдеп чалышканына кұлак салып совхозның аль этильмеси зарур олған ишлери акъында сз ачтылар.

— Бүтюн ишимиз сизинъле бағылы, Құртнезир аға,— деди Турсунбек.— Не вакыт сизинъ кұюдан сув ышкырыр экен? Баарь якынлашты, «Сув корьмегендже папич чықарма» дейлер. Биз де бағыча ишини башламай турамыз. Эр шей азыр. Тюневин Самаркандка, сенинъ кьардашынъ Назимге идаре адынан мектюп яздык. Онынъ бу якъка, бизге кельмесини риджа эттик. Яш мутехассис, агроном. Мына бу эки буюк бархан арасындаки бошлукъны бағыбағычаға чевирюв ишини онъа авале этмек истеймиз. Бүтюн шарантны яратып бермекни совхоз озь устюне алды. Не дейсинъиз?

— Менимдже, Қызыл-кұмны менимсемек ичюн укюмет буюк чарелер корьмекте. Назим киби яшлар топланып шу кьанун-кьанде эсасына язылып мында келе билелер,— деди Құртнезир.

— Айры ерлерде бу хусуста иш алынып барыла. Совхозымыздан республика боюнджа яшларны джелъп этиов ишлеринен огърашмак ичюн махсус векиль ёлланды. Назим исе бизим мектюбимиз боюнджа келе билр. О бизге керек адам.

— Мен якъында эвге барып келеджек олам. Лаф этип бакъарым. Онынъ севген кызы да олса керек. Бабасы-анасы эвленюв, той лафы эте эдилер, бильмейим шимди не тюшюнелер.

— Эвлесе, апайынен келир. Даа яхшы. Эвлемеген олса, мында да джаны сокъылмаз. Коресиз де яшлар яваш-яваш келелер. Тезден орталык Арзыгуль, Шасенемлерге толып кьалыр.

Турсунбекнинъ ағызындан Шасенем сёзю чыкканынен Бекберген бирден тикленип онынъ козюне бакъты. Меселе шунда ки, бу истидатлы, яш мутехассис ферма мудире олып кельген сонъ, Маркъай-Къудукънынъ ишлери бир тамам тюрленип кетти. О, шубесиз, келеджеги парлакъ бир йигит. Кельгенине даа бир кьач ай олса да, колхоз малыны кышнынъ афатлы куньлеринден кьуртармакънынъ ёлларыны тапты. Маллар сағы-есен кыштан чыктылар. Энди чельге баарь кьокъусы кельди. Чобанлар озь малларыны истеген отлакъларына чыкъара ве кунь кечирелер. Бекберген Шасенемни биринджи кере кьошарға кьар ёлу-ачмаға чыккьан адамлар арасында корьген эди. Сонъра онынъле бир кьач кере юз-юзге расткелишти ве ннает Оразбайнынъ сонъки кере алекет чыкъарып кеткенини ве Шасенемнинъ янъгыз кьалганыны ишиткен эди. Алий малюматлы, медений ве кемалатлы тешкилятчы бу йигит Шасенемни о вакыт корип бегенген эди. Э, бегенмек, бу даа бир шей демек дегиль. Дюньяда чокъ шей бегенсинъ ама, эписи янынъдан келе-кечелер. Сен бегене-бегене отура да кьаласынъ. Бекберген де ойле. Шимдилик Шасенемни бегенип юре, ама, арада даа олған шей ёкъ. Ярын не оладжакъ, оны ярын бакъармыз. Лякин, онынъ юрегине бугунь саба корьген вакъиасы ич раатлыкъ бермей. Олар саба эрте Турсунбекнен Маркъай-Къудукъ ёлундан келе эдилер. Шасенемнинъ эви алдында кьадын шаматалары ишитильди. Бойле шаматаға олар энди бир кьач кере расткельген эдилер. Чаре ёкъ, ёлдан кечип кетмесинъ, эбет. Азбарға кирдилер. Бакъсалар, Оразбайнынъ элинде балта, баса-бас кьапуны парлай. Бекберген онынъ кьолундан балтаны тутып алды ве озюни итеклеп софадан чыкъарды.— Сен неге шай кьутурып юресинъ?— дедилер онъа.

— О сизинъ ишинъиз дегиль!— деп серт джевап кьайтарды Оразбай.

— Бизим ишимиз дегиль, ама, укюмет бу эвни санъа балтанен урып парламакъ ичюн бермеди.

— Меним эвимде башкьасынынъ иши олмасын!— деди о козьлерини акъыйтып.— Анавы чызмаларны коресизми? Танъ аткьанындан

бери беклеп турам, къапудан башыны косътерсе, мынавы балтанен ишини бакъаджагъым, ама косътермей. Шасенем саба къапуны ачып чыкъаятыр эди, мени корьгеннинен кери къайтты. Ач къапуны, деп бир къач кере къычырсам, ахмады. Сонъ манъа даа не къалды, парлап кирерим ве экисининъ де каллясыны алып къолларына туттурырым,— деп Оразбай кене балтагъа узанды.

— Я о кимнинъ чызмалары экен?— дедилер онъа.

— Онынъ менимчюн феркъы ёкъ. Ким олса, олсуң!

— Ойле олгъанда сен бу ерде тур, биз ичери кирейик. Эр шейни сенинъ козюнъ алдында аль этейик, яхшымы?

— Яхшы.

Оразбай эки козюни пенджереве тикип къалды. Бекберген ве Турсунбек яваштан къапуны тыкъырдаттылар. Къоркъудан эли-аягъы къалтырап къалгъан Шасенем, Бекбергеннинъ сесини ишиткенинен къапунынъ мандалыны тартты. Олар ичери кирип етиштиралмадылар, Шасенем агълап Бекбергеннинъ бойнуна сарылды, онынъ артындан агълап Арзыгюль чыкъты. Олар бираз тынчлангъан сонъ, анъладылар ки, эвде башкъа кимсе ёкъ. Арзыгюль софагъа чыкъкъанынен алей-аджеле шу кирза чызмаларны аякъларына сокъып кетеджек олды. Шасенем оны токътатты.

— Бекберген агъа, Турсунбек агъа,— деди Шасенем козьашларыны силип.— Ялварам сизге бу серсем эрифтен мени къуртарынъыз. О меним, акъайым дегиль. Мен янълышкъан экеним. Яшлыгъыма барып алдангъан экеним, бу козю къанлы, къальби къыйыш махлокътан мени азат этинъиз. Козюм алдындан джоюл!— деди о кенарда баягъы сувып, ырджайып тургъан Оразбайгъа.— Бугунъ сени судкъа береджегим. Мени дегиль, анавы къыз баланынъ да отюни патлатаяздынъ, шимди бабама, милициягъа хабер этеджегим!..

— Сиз отурынъыз Шасенем апа, мен милицияны рациянен чагъырырым,— деди Арзыгюль. Бекберген ве Турсунбек бу вакъианынъ шааты олып, индемей отурдылар. Оразбай озюнинъ акъсыз делиликке урунгъаныны корип, ерге тюкюрди де, сёгюне-сёгюне азбардан чыкъып кетти.

Бекберген ве Турсунбек Шасенемни тынчландырып къалдылар. Сонъра олар, ёлда Ерназаргъа кирип, бу меселени корьгенлери киби айтып, анълаттылар. Ерназар яхшылыкъ умуот этип, огълуны зорнен оплап кетиргеннини айтып эфкъярланды ве меселенинъ бойле олып чыкъкъанына юректен ынджынды.

Къуртмолла аякъмашинасынынъ артына багълап бир къоюн кетирди. Оны ерге тюшюрип ашчыдан пычакъ ве къайракъташ алып бир къач кере къайрап, баш пармагъынен пычакънынъ кескинлигини тешкерди.

— Не нсе, чобан таягъы ашамадан бир къоюн бизге де къысмет олды,— деди о мусафирлерге бакъып.

— Соймагъа билесинъми? Бер мен союп берейим,— деди Бекберген еринден туруп.

— Сиз, бизим къонагъымыз оласыз. Озюмиз сойып, озюмиз сыйлайыкъ. Отура беринъ еринъизде,— деди Къуртмолла.

— Мал соювда бизге жетер жокъ,— деди о текрар.

— Биз де чокъ артта къалмаймыз,— деди Къуртмолла пычакъны къоюннынъ богъазына онъайтлап.

— Билемен, билемен достум, сиздер джер-джемиштен, биздер малдан артта къалмаймыз. Къаракъалпакъ бир озю атны жыкъар, бир чакъынен тымар этер, етини сюегинден ажратып алдынъа салыр.

— Биз де шу несильденмиз. Лякин экисини де бир минсиз беджеремиз. Ер-емишин дегиль, тютюнджилликте де дюньяда устюмизге кимсени чыкъармамыз. Бизим коюмизининъ ортасында балабан тютюн араны бар эди. Тютюнин танъ аткъанда къырып, тарпилерге толдурып араннынъ козьлерини кетирип бошатыр эдилер. Тютюн тизмеге кельген къадынлар, къартанайлар, мектеп талебелери тарпини авдаргъанда

тыгырып кеткен чайыр армутлары, акълапларыны теменлерининъ уджларына санчып ашар ве зевкъланыр эдилер. Буны тютюн кырыджылар аселет япар эдилер. Чюнки, кимнинъ тарписининъ тюбюнден армут чыкъса, башта онынъ тютюннинъ тизмеге отурыр эдилер. Эллери зифирли олгъанындан армутларны темен уджуна санчып ашар эдилер. Тютюнни де сиздеки киби, келиши гузель дегиль, сорт-сорт сайлап теменлерге тизер, йипке сюзер, беш еринден косекнен сырыкъкъа багълап, араннынъ алдындаки сергилерге къурутмагъа чыкъарыр эдилер. О тютюн къуругъандже алла сакъласын бир тамчы ягъмурдан. Ава булутладымы, сырыкълары аранларгъа кирсетир, ягъмур ягып кечкен сонъ, кене сергилерге чыкъарып тизер эдилер. Гедже апансыздан ягъмур астына къалмасын деп, сырыкъларнынъ устюне къасырлар тешеп къайтыр эдилер. Къышта демет ясалыр эди. Энди сорт-сорт къурутылгъан тютюнни иплерден билек астына басып чыкъаргъан сонъ, эр бир япрачыкны бирер-бирер сортларгъа айырып, тизлери устюне демет ясап, деметнинъ башыны сыджакъ сувгъа джибитилген мысырбогъдай орекесининъ ичиндеки безз къамышнен багълап, махсус таин этильген «спец»ке теслим этер эдилер. Спец оларны бир даа тешкерип, арасына къыстырылып кеткен бир дане сортсыз япракны узип алып да, сонъ тайгъа бастырып къояр эди. Мына биз тютюнджилекте бойле иш алып бара эдик. Догърусыны айтсам ойле юксек деджеде тютюн асрав медениетини дженктен сонъ бир ерде коръмедим. Багъчаджылыкъта исе, оны айтмагъа керекмей, озюнгъиз де яхшы билесингъиз. Турсунбек агъалар Сеит-Гъазынынъ багъчасыны, Булунгъурнынъ юзюмлерини барып коръгенлер. Ойлеми, Турсунбек агъа?

— Эбет, эбет, Назимни шунынъ ичюн мында кельгенини арзулаймыз,— деди Турсунбек.— Сеит-Гъазы агъалар киби багъчеванлардан беш-он адам бу ерге кельсе, биз эмнимиз ки, Къос Бурунда да багъчалар ешерир.

— Башы сув,— деди Къуртнезир.— Биз сизни сувнен темин этеджегимизге эмнимиз. Сиз озъ планларынгъызыны тизе берингъиз. Къысмет олса беш-он кунъден бизим чешмеден сув фышкырыр.

— Сонъ бар да, бир къоюн даа соймангъыз, бакъайым,— деди Къуртмолла. Мусафирлер кульдилер. О къоюннынъ ичини-багърыны авдарып чыкъарды, отюни алып бутюнлей агъызына ташлады ве эрик киби ютып йиберди.

— Энди мал соймагъа бильгенингни анъладым,— деди Бекберген.

— Мен оны бабамдан огрендим. О бир вакъыт малнынъ отюни ташламаз эди. Файдасы ола, ют йибер, дей эди. Файдасы олдымы, бильмейим, бутюн омюри «ынъ» демейип яшады, сексен секизге келип учъ кунъ ичинде вефат этти...

Къоюн тымар этильди, къазангъа ташланды, мусафирлер Къуртнезирнен тезьянынъ янына кельдилер. Онынъ чалышув ритмини, буравнынъ айланувыны ве дигер къысымларыны козьден кечирдилер. Къуртнезир ер астындан акъып чыкъмакъта олгъан шингенликин авучына алып бакъты.

— Шимдилик ишимиз яхшы кете,— деди о.— Киреч ташлы ер къатламына тюштик. Чыкъ-чыкъ балабан къабурчакълары да бар. Мында итимал вакъты иле денгиз олгъандыр. Денгиздеки айванат дюньасы, бу къабурчакълар асырлар девамында киреч ташлы ер къатламына айлангъанлар. Бурав бу къатламынъ яхшы теше. Мында хавфсырамагъа шей ёкъ, дивар къавий пекитиле, эп теренлешемиз. Мына бу шингенликин анализ япып шу денгизнинъ къач яшында экенин бильмек мумкюн. Асткъа тюшкен сайыи, йымшакъ ер къатламына расткельсейдик, бизге даа башкъа бир шей керекмей.

— Я сиз неден хавфсырайсыз?— деди Турсунбек.

— Ишимизнинъ энъ дешетли ери шу ки, ер астына ярым километр къадар тюшкен сонъ, вакъты иле зельзеле себебинден асыл олгъан ер асты чатлакъларгъа, я да мейдангъа кельген дагъ-къаягъа расткелине. Бу ишимизни, эльбетте, къыйынлаштыра. Бу ерлер геофи-

зик тешкерювлеринден кечтилер, ама, не десенъ ола билир. Янъылмагъан бир алла. Бизге о къатты джысымны тешип сув чанагъына тюшмек керек. Дагъ-къая олгъан ерде, табийй сув чанагъы олмай. Демек, даа теренге далмакъ керек. Ер астында асыл олгъан сув чанагъына тюшмегендже биз сизни сувгъа гъаркъ эталмаймыз. Мына бизни раатсызлагъан шей неден ибарет. Ола билир бир, бир бучукъ ай чалышырмыз. Сонъра, тезьямызны башкъа ерге авуштырырмыз. Шимди бойле хавфлы аллар сийрек ола ама, эр алда расткелемиз. Бу иште гидрогеологлар янъылмасалар бизге ер астына далмагъа ёл ачыкъ ола. Ама олар янъылсалар, биз де къыйнала билемиз. Шимди тезьямыз пек яхшы чалыша, умют этемиз ки, сиз багъчанъызнынъ чукъурларыны къазып битиргендже биз сув чыкъарырмаз.

— Сизнинъ артезианларынынъ эсасен отарларда маллары сувнен темин этмек ичюн къазыла,— деди Турсунбек.

— Шимди бир кереден учъ артезиан къазыла.

— Фермамыз кенишлеген сайын, шубесиз, бизге учъ артезиан азлыкъ этер,— деди Бекберген Жаксымуратов.

— Биз шимди учъ-беш чобанны бир артезианнен темин этсек, вакъыты келир, эр бир чобаннынъ озъ артезианы олур.

— Ёкъ, джаным,— деди Къуртнезир онынъ сёзюни болип.— О къадар артезианнынъ сизге ич кереклиги ёкъ. О вакъыт сизинъ Къос Бурун да, Маркъай-Къудукъ да денъизге чевирилирлер. Мал бакъмакъ ичюн он, он беш километрде бир артезиан олса етер. Мал кунъде бир-эки кере сув иче, ама артезиан токътамай фышкъырып тура. Ана шу арткъач сувдан сизге файдаланмагъа бильмек керек.

— Биз шунынъ ичюн, биринджи адым оларакъ, бу йыл беш гектар багъча планлаштырдыкъ. Бакъайыкъ, бельки бираз да мысырбогъдай экермиз,— деди Турсунбек.

Олар тезьянынъ этрафыны доланып, саба чай ичкен ерлерине къайтып кельдилер. Ашчынынъ къазаны чокътан къайнагъан, йымшакъ пиширилген этлер сюзюлип табакъкъа бошатылгъан. Къуртнезир уйлелик ашкъа буравджыларны чагъырды. Тюневинки агъыр ишнинъ яхшы нетиджеленгени ичюн, тезьянынъ ритмли чалышкъаны ичюн мусафирлернинъ хатир ичюн, бу ишни башлагъанларындан бери бугунъ уйлелик аш башында биринджи кере къаде котердилер.

ОН АЛТЫНДЖЫ БАБ

Бугунъ раатлыкъ куню. Мемедемин агъанынъ эвнини мусафир басты. Ниметулланынъ бабасына кирип чыкъмагъаны эки афта олгъан эди. О къадыны ве эки къызынен кельди.

Къуртнезир Нукъустан труба алып кельген вертолетнен идареге — узакъ отлакъларда къую къазув ве мелноратив ишлер конторасына кеткен эди. Ишнини битирген сонъ, бир кунъге олса да, барып бабамнынъ хатирини сорайым, деп кельген. Сент-Гъазы багъчада баарылик арыкъларны темизлев ве анги ерлерде янъы арыкълар ачмакъ ишлеринен айланып юрди де, мусафир кельгеннини джаны дуйса керек, юрушини эвге тараф бурды.

Къаве ичильди. Чиберек тедариги башлады. Лякин Селиме алте ашыкъмай. Не ичюндир Назим аля даа корюнемей. О кельмегендже софра къоймагъа истемей. Ана баласынынъ эр кеснен берабер отуруп чиберекни сыджакъ олгъанда ашагъаныны истей.

— Назим къайда я?— деди Ниметулла «афнетлер олсун» айтылгъан сонъ. Бир къач сание кимсе агъызыны ачмады. Дерсинъ Ниметулланынъ суали эвнинъ диварларына айтылды. Бираздан Сент-Гъазы къашларыны туюип, бетини джиддийлештирип:— Бала кечикип келе башлады, сонъу хайыр олгъайды,— деп ташлады.

— Кечикип башладымы, эвлендирмек керек,— деди Ниметулла.— Бала дегиль о. Институт битирди, арбий хызметини эда этти, даа саланып юргени не? Къыз къытлыкъмы дюньяда.

— Къызлар чокъ, лякин севгенинъ бир дане,— деп лафкъа Мемедмин агъа къошулды.

— Севги?... А, о сонъундан да келир,— деди Ниметулла бираз шашмалап.

— Ана сютюнен кельмеген, тана сютюнен кельмез,— деди Мемедмин агъа.

— Сиз Назимнинъ «севгисине» чокъ аралашманъыз. О козю ачыкъ огълан, озъ ишини биледир,— деди Къуртнезир.

— Не къадар билъсенъ де, онынъ яшында алданмакъ мумкюн.

— Мен онынъ алдына чыкъмайым,— деди Сеит-Гъазы ачувнен.— Кимни-севсе, оны алсын.

Селиме апте акъайларнынъ лакъырдысына къошулмайджакъ олды, ама, Сеит-Гъазынынъ ойле дегенини ишитип кетейткъан еринде тарс токътады.

— Санъа коре истесе Эсма олсун!— деп акъайынынъ бетине бакъты.

— Эбет, истесе Эсма олсун. Алтын бюртиюги киби къыз.

— Алтын киби дегиль, кумюш киби бем-безе десе.

— Шимдики девирде ойле сойларына айрыджа козь ташлайлар.

— Айса, бельки сенинъ де бардыр...

— Айды, сен бар чиберегининъ бакъ, акъай лафына бурун сокъма.

— Мен баламнынъ бакъты ичюн къайда олса бурун сокъарым,— деп Селиме апте ашханеге кирип кетти.

Азбар къапудан Назим корюнди. Селиме аптенинъ чырайы кульди, бутюн океси язылып кетти.

— Къолларынынъ юв да софрагъа отур, анда эмдженълер...— деди, Селиме апте Назим софрагъа кирер-кирмез.

Чиберек ашалап, чай ичилип, софра джыйылгъан сонъ, Назим къалеми ве дефтерини алып, энди икяесини айтып башлагъан къарт-бабасынынъ янына келип, курсю башына багъдаш къурып отурды. Мемедмин агъанынъ одасында оларгъа кимсе кедер этмей. Къартнынъ агъызындан насыл ишиткен олса, Назим дефтерине ойле де язып алгъан.

Дёрдюнджи дефтер. «Вели Одаман ве Марианна сексен къоюн алып ёлгъа чыкътылар. Баягъы ёл юрип, Тонкъадан кечип Ор ёлуна тараф бурулалар. Вели огден къоюнларны, Марианна исе артындан бедерканы айдап яваш-яваш кетелер. Не ерде акъшам олса, о ерде геджелейлер. Велининъ аягъында тасмалы чарыкълар, омузында ыргъакълы чобан таягъы, беллинде капаралы къушакъ ве чанта. Марианна устуне бюрьме белли, узун этекли, бутюн кокюси ве герданыны къапаткъан къызыл тюсте юнъ антерини кийген. Безе сипгей юпинден орюлген сачакълы шалынен омузларыны орыткен. Чешит мемлекетлернинъ модалы шляпаларыны кийип алышкъан къыз, шимди башына фырланта багълагъан, аякъларына исе, ичи юнли, къыскъа къонучлы ботилер кийген. Қырмазы фырланта астындан омузлары устуне къа-барып джайылгъан сим-сия сачлары, ана-бабасынынъ яныгъындан бираз сёнюккен ири, тегерек джейран козьлери янъы догъгъан ай киби, уджлары инджертилип къайрылгъан сия къашлары, ильк баарьде къар астындан ачылып чыкъкъан тазе, назик акъбардакъ киби бети бедерка янашасында адымлагъан сельби бойлу Велининъ юрегине кунъ сайын ашыкълъжъ дуйгъулары ашлай. Балалыкъ чагъындан берн Марианнада корип алышкъан дюльберлик чизгилери шимди онъа даа назик, даа тесирли, даа дюльбер олып корюнелер. Вели бедерканынъ кенарында тутып, индемей адымлай. Кимерде Марианнанынъ бетине бакъа, онынъ салыкъ чырайыны эслеп аджый, бу къызынынъ баба юртуны терк этип, бутюн варнетини ташлап, бир чобаннынъ артында чалынаджакъ къурбан киби озюни теслим этип кеткенине тааджиллене ве терен тюшюнджелерге дала.

Елнынъ эки тарафы да ем-ешил пиченлик. Кимерде пиченлик бите, ешил къадифе тещельген киби къыртыш башлай. Қыртышта

кѡюнлар отлай ве эп огге догъру кетелер. Пиченликтен бурулып ёл-
гъа чыкъалар, енгильден тоз чанъгъытып адымлайлар. Бугунъ баягъы
месафе кечильсе керек, кѡюнлар бир-бирлерининъ арасына башла-
рыны тыкъып уюриле ве токътап къалалар. Вели оларнынъ болдур-
гъаныны ве сувсагъаныны анълады. Геджелемек ичюн онъайтлыджа
ер къыдырып кете. Узакъта, йылгъа ичинде сув киби йылтыравукъ бир
шей корюнди. Вели кѡюнларны о тарафкъа айдады. Буюк къртыш
чѣльни кечип энишке бурулдылар. Кунеш шавлелеринден джам киби
йылтырагъан ер, якъынлашкъан сайын гольге бенъзеп башлады. Албу
исе, бу голь дегиль де, ягъмурдан сонъ асыл олгъан сув тыйнагъы
экен. Кѡюнлар бир-бирини итеклеп, балчыкъкъа батып тойгъандже
сув ичтилер. Кунеш байыр артына сакъланды, чѣльге акъшам салкъы-
ны тюшти. Тыйнакътан чыкъкъан кѡюнларны тюм-тюз къртыш ерге
йыгъыштырып, Вели бедерканы кенаргъа чекти, атны туварды, аякъ-
ларыны тыршавлап отлаккъа йиберди. Бедерканынъ артында илтинген
къопкъаны алып атны суварды ве озьлерине геджелемек ичюн бедер-
канынъ астына ер азырладылар. Марианнанен экиси джапларда ось-
кен къокъулы кърп пиченинден юлкып кетирди ве астларына тѣше-
дилер. Омузларына Велининъ тонуну алып, баягъы вакъыт атеш ба-
шына отурды ве хоргъа къартоп пиширип, къакъачнен берабѣр буюк
иштиа иле ашадылар.

Кѡюнлар бир-бирине сыйыкъып юкъусырайлар. Марианнанынъ
алып чыкъкъан безъ тарашчыгъы оларны къаравуллай. Бедеркадан
отуз адым къадар ерде атнынъ гъырт-гъырт этип отлагъаны ишитиле.
Кок айдын, йылдызлар парыл-парыл яналар. Марианна ушюген сайын
Велиге таба янтая. Узанып ятмакъ истей ама, башынынъ астына къой-
магъа шей ёкъ. Вели еринден туруп, бедеркагъа илип къойгъан чапта-
сыны алды. Ичиндеки одыр-будырыны бошатып йымшакъ пичен тол-
дурды.—Мына ястыкъ,—деди о Марианнанынъ башы астына тыкъып.
Сонъра экиси де тонгъа сарылып, къучакълашып яттылар. Марианна
Велининъ бойнуна йылан киби сарылып, кокюслерини онынъ кокрегине
басып, козьлеринден, янакъларындан, дудакъларындан опыти.—Ах,
меним батырым, ах мени казаклардан къуртарып алгъан шаним, къу-
вурчыкъ баш севгим, джаным-джигерим,—деп башыны онынъ юнли
кокреги устюне къойып, юкъугъа далды. Лякин, бир-бирининъ къуча-
гъында алевлинип янып тургъан эки атеш юрекининъ козюне юкъу кир-
медди. Олар бутюн гедже ах чекип, татлы-татлы опюшип, бир-бирини
къучакълап, эзнетлеп, къыйнап, сабагъа якъын бонъайып, юкълап
къалдылар. Тарашчыкъ келип экисининъ арасына кирмеген олса,
къушлукъ маалинедже юкълайджакъ эдилер. Чырайы мораргъан, сач-
лары чубалгъан Марианна козьлерини ачып, янында арслан киби йигит
яткъанына ве бутюн гедже онынъ атешли опюшлерине берильмейип
озюни туткъанына айретте къалды. Онынъ юрегиндеки севгиси къат-
къат кучьленип кетти. Марианна сыджакъ тон ичинден чыкъып, анте-
рини сыйпап тюзетти, сачларыны башы устюне топлады, къопкъаны
алып сувгъа кетти. Бираздан Вели де козьлерини ачты. Онынъ алы
мушкюль эди. Котерилип тураджакъта беденинде насылдыр бир агъ-
рылар дуйды. Йигит олып къыз къойнунда ятмакъ ичюн буюк чыдам
ве сабыр керек. Вели чыдады. Бу биринджи кере дегиль. Марианна-
нынъ онъа гонъюль берип кельгенине бугунъ къркъ бир кунъ олды.
О сырыны гизлемеди. Велини севгенини, омюр билля онынъле къал-
магъа разы олгъаныны айтты. Бутюн арекетт, атешли севгиси шуны
къостере ки, Марианна онъа теслим олмагъа чокътан азыр. Лякин,
Вели эп озюни тута, келеджекни, такъдирини тюшюне. Вели бельки
бойле алгъа къалмаз эди, эгер паннынъ имениеси дарма-дагъын
этильмеген олса. Шимди ойле олып чыкъты ки, Марианна санки онъа
меджбур олып сарылды. Асылында, эльбетте, ойле дегиль. Марианна
онъа юрегини ачкъанда даа бу алект чыкъмагъан эди. Пан Прокоп-
чук ве Элизабетта ханым сагъ эдилер. Эки дюнья бир олса, пан къызы-
ны чобангъа бермез эди. «Меним эвим-юртум олмаса, он беш йыл

гъурбетликте юрсем, малым-мулькюм олмаса, баба мекаяннан Джелал бей тарафыннан къувулгъан олсам, о да пан Прокопчукныъ досту олса, олар манъа кыыз берирлерми? Я алла, бакъ сен меним бу такъдириме, озюньинъ гунасыз факъыр къулунъа раим эйле, къорлама мени, ач манъа да кысмет къапуларыны!.. Мен бу кызыны алсам, мени гунахкяр эйлемезсинъми? Озю бир бульбуль олып, кокрегиме келип къонды, не эйлейим? Бай кызына эвленейимми? Я мен о такъдирим иле къайда барып баш сокъарым? Бир тонда эки тен олып юрейимки? Буны манъа лыйкъ коресинъми, яраббим?!»

Вели голъ янына барып абдест алды, кыбла бетке чевирлип кырытыш устюнде намаз къылды ве озюнинъ билген бир къач дуасыны окъуп, къююларгъа тараф уфледи. Саба салкынында тонгъа сарылып отургъан Марианна онынъ якъан ибадетини четтен сейир этип турды.

— Сен манъа да огрет,— деди Марианна Велиге . якъын келип.

— Юрегинъде олса огренирсинъ,— деди Вели ве атны екмеге башлады. Марианнаны къучагъына алып бедеркагъа ерлештирди, тельбевни онынъ къолуна берип, озю къююларны буюк ёлгъа тараф айдады. Ёлгъа чыкъар-чыкъмаз узакътан тоз чангъытып кельген атлыларны коръди.

— Булар баскъынджыларгъа бенъзей,— деди о Марианнагъа якъынлап.— Башынъны бир шейнен сарып багъла, бетинъни сакъла, устюнъден тонны ташлама!

Атлылар эки тарафтан айланып Велининъ алдына чыкътылар. Олар Дженишкеде олып кечкен вакъианы ишитип ёлгъа чыккъанлар. Кимдир оларгъа: «Вели деген бир басурман паннынъ кызыны алып къачты»— деген. Вели шашмаламады. Ат устюнде онъа якъын кельген казакъа тикленип:— Бир къююныма тиерсинъ, мынawy таякънен эпинъизинъ башынъызны эзерим,— деди.

— О-о! Курешмеге билесинъми?— деди атлы онынъ лафына хошланып.— Бешимизден учюмизни йыкъсанъ ханым сенинъки, йыкъалмасанъ бизимки.

Ойле дегенде казаклардан бири Марианнанынъ бетини ачаджакъ олды. Марианна апансыздан онынъ юзюне тюкюрди. Казак къамчысыны котергендже Велини курешке чагъыргъан казак кычырып оны токътатты.— Чыкъ курешке!— деди онъа башыны саллап. Казак Марианнагъа кыйыш-кыйыш бакъып, омузындан курткасыны, тюфегини, патронларыны ташлап, мейдан кырытышкъа чыкъты. Вели чантасыны бедеркагъа фырлатып атты ве кенъ адымларнен келип, казакнынъ белине япышты. Оны кокюсине сыккып эки метр къадар тепеге котерди де, айландырып аркъасы устюне ойле шыпырды ки, казак еринде ятып къалды. Экинджиси устюндеки кольмегини ташлап, авучларына тюкюрип Велиге келип япышты. Вели онынъ кыйыш къушагъы арасына пармакъларыны тыккъанынен казакнынъ бели сынгъан киби майышты ве бир кереден ерге авдарылды. Учюнджиси^о пек мазалы эди. Узун мыйыкъларыны сыйпап, шишман къурсагъынен Велиге келип окъталды. Вели онынъ омузлары астындан тутты ве башыны ашагъы басып, штанынынъ артындан япышты да, бираз юкъары котерип юзю къююн ерге басты. Четте ат устюнде тургъан казак:

— Эй, йигит, кель бу якъкъа!— деди Велиге. Вели чобан таягъыны къолуна алып онъа якъын кельди.

— Кызыны къайда алып кетесинъ?— деди онъа кыйыш-кыйыш бакъып. Вели индемеди.

— Алтынгъа сатаджакъсынъми!

Ойле дегенде Вели таягъыны авагъа котерди. Буны корьген Марианна бедерка ичинде аяккъа туруп кычырмагъа башлады. Марианнанынъ сеси Велининъ таягъыны ашагъы тюшюрди.

— Мен баскъынджи дегилим!— деди Вели ачувындан къалтырап.— Мына паннынъ имениесинден чыккъанда манъа берильген весикъа. Ма, окъу, сенинъ кибилери мени ве кызыны азат этип бу къа-

гъытны бердилер, анда къоюнлар да косътерильгендир. Къызынынъ исе озюнден соранъыз, сатылмагъа кетем десе, ал къайтынъыз, керекмей манъа!

Бойле дегенде Марианна устюнден тонны ташлап, бедеркадан сыч-рап тюшти ве келип Велининъ бойнуна сарылды.

— Ёкъ, ёкъ, олерим, кери къайтмам! Мен онынъ апайы олам!— деп къычырды.

Казакъ весикъаны Велиге узатты, Вели алмады.

— Сен йигит, атаман олсанъ, шу кягъытнынъ кенарына яз. Бизим алдымызгъа санъа ошагъан башкъа баскъынджылар чыкъмасын!

Казакъ озюндже бир къач сёзъ язды, имза ерине баш пармагъыны атынынъ къатранлы къайышына окъалап басты.

Вели кягъытны алып Марианнагъа узатты. Атлылар зий-чув олып, тоз чанъгъытып кери къайттылар. Марианна Велининъ ачувыны татлы опюшлериннен ятыштырды. Вели озюне кельди, бедерканынъ кенарындан тутып, энди олардан баягъы узакълашкъан къоюнларнынъ пешинден кеттилер.

Акъшам устю, буюкъ ёлдан четке бурулып кеткен топракъ ёлчыкъ бою кетерек, бир кучюкъ койчикке келип чыкътылар. Бу койчикте олгъаны-оладжагъы йигирми-йигирми беш хане бар эди. Эвлер эписи топракътан ясалгъан. Таванлары устюнде мысырбогъдай, кунъайлян къорайлары обалангъан. Балчыкъ диварларнен къораланып алынгъан азбарлар ичинде мал аранлары, тандыр оджакълары, оларнынъ янында къурутылгъан тезек къалавлары, чёюн ве къазан аякълар коръмек мумкюн. Койнинъ ашагъы башында буюкъ чанлар ве ашлавлар янындаки къуюдан бир ногъай баласы ат айдап сув чекмекте. Вели Одаман къоюнларыны къую тарафкъа айдады. Къоюнлар ашагъы тарафта мал сувармакъ ичюн махсус япылгъан ашлавлардан темиз, салкъын сув ичип тойдылар. Сонъра къуюдан юзь адым къадар четке чыкъып атны туварды ве Марнанны о ерде къалдырып кене къую башына къайтып кельди. Сув чекмекте олгъан бала кенардан бакъып тургъан эджнебий адамны корип атны токътатты. Вели баланынъ янына келип:

— Бу койнинъ ады не?— деп сорады.

— Къарлыджар,— деди бала онынъ козьлерине тикилип.

— Коюнъизде молла бармы?

— Молласыз кой оламы?— деп суальге суальнен джевап къайтарды бала.

— Молла акъайнынъ эвини манъа косътерирсинъми?

— Йигирми беш метий даа айдайым, сонъ...

Вели къоюнлары янына къайтып кельди. Марнанныгъа бир шейлер айтып, онынъ омузлары устюне ташлагъан шалынынъ уджларыны тюзетти ве кулюмсиреп,— Бу гедже Къарлыджарда мусафир оладжакъмыз,— деди.

Марианна Велининъ козьлерине муляйим назар ташлап,— Меним-чюн эписи бир,— деди.

Олар нелердир лаф этип тургъанда бала атыны туварды ве аркъасына минип Велиге къычырды. Вели баланынъ артындан кетти. Койнинъ та о бир четинде, къурулышынджа башкъа эвлерден бираз айрылып тургъан буюкъ къаралты янына келип, бала атындан тюшти. О азбаргъа кирди ве:— Моллакъам, моллакъам!— деп эки кере къычырды. Софагъа башында къалпагъы, къолунда теспи, аякъларында местил олгъан учкъур штанлы, кенъ джавурлы кесментик бир адам чыкъты. Бала онъа бир шейлер айтты ве Велини къапудан кирсетти атына минип кетти.

— Елджусызмы?— деди молла Велинен къол тутушып.

— Елджумыз. Ёлумыз узакъ,— деди Вели.

— Киринъиз, алла мусафирине къапумыз ачыкъ. Экиси де софагъа кирди ве ерге тешельген темиз миндер устюне багъдаш къуруп отурдылар.

— Къулагъым сизде,— деди молла тесписини тизи устюне къоюп.

— Сексен кѳююным бар моллакѳам, оларны айдап кетем. Коюм узакѳ. Бир айлыкѳ ѳл...

Молла «сексен кѳююн» деген лафны ишиткенинен мусафирге таба джылышты ве онынѳ кѳасеветли бетине бакѳып ырджайды.

— Эй, биз не ичюн софада отурамыз, кѳана, эвге буюринѳыз,— деп молла еринден турды ве эки кѳанатлы, боялы кѳапусыны ачып, Велиге тѳрден ер косѳтерди.

— Ёкѳ, ёкѳ, моллакѳам, мен янѳгѳыз дегилим. Чокѳ отурмаѳѳа вакѳытым ёкѳ. Кѳую башында...

— Зарар ёкѳ, кѳююнларынѳа бир шей олмаз, мына бойдан-бой ахырлар,— деди молла онынѳ лафыны болюп.

— Кѳююнлардан башкѳа, атым, арабам...

— Эй, атынѳыз да бармы?

Ойле олса, арабанѳызны азбарѳѳа айдап кетирмейсизми?

— Меним сизге ѳлум тюшти, моллакѳам, сиз мени бу кѳасеветтен кѳуртармасанѳыз, кимсе кѳуртарып оламаз.

— Догѳру айтасынѳ, джигитим, элимден базы бир шейлер келе, шукѳюр яраббиме.

— Мен сизинѳ эвинѳизде никѳа кѳыйдырмакѳ истейим...

— А-а, кѳыз кѳайда?

— Арабада.

— Анасы, бабасы-разылармы?

— Эписи разылар. Мен койге барѳан сонѳ никѳа кѳыйдырмакѳ, кѳююн союп дува япмакѳ истей эдим ама, кѳыз пек азарлана, бир ай даа ѳлда оладжакѳмыз, шунынѳ ичюн...

— Догѳру, джигитим, догѳру. Бир-биринѳызни севип, разы олѳан сонѳ, сизни кѳавуштырмакѳ керек. Атешнен барот бир ерде турмаз. Даяналмазсыз, гуняхкѳяр олурсыз, онынѳ да азабыны биз чекеджекмиз. Кѳыяйым, джигитим, сизни мурадынѳызѳѳа еткизейим. Манѳа чокѳ шей керекмей, бир кѳююн берсенѳыз, етер. Келининѳ ады не?

— Марианна,— деди Вели ич бир тюрюлю ямашлыкѳ тюшюнмеден. Молла бирден ачувланып аякѳкѳа кѳалкѳып кеткенини дуймай кѳалды.

— Марианна?! Сен меним эвиме кѳяфир кетиреджек оласынѳмы? Керекмей, кѳююнынѳ да озюнѳе олсун, теѳ эвимни бошат!

Вели неге огѳраѳѳаныны билѳмеди. О йигирми беш йыл эджиебилер арасында яшап, оларнынѳ бутюн урф-адетлерине алышты, тилини огрепти. Кѳызнынѳ севгисине инанды, озю де оны юректен севди. Энди не япсын? Молланынѳ бойле абдырап кеткенине бакѳып, Марианнаны ѳлда кѳалдырсынмы? Онынѳ акѳыкѳый севгисини аякѳ астына таптасынмы? Ёкѳ, Вели ойле йигитлерден дегиль. Ойле япаджакѳ олса, Марианнаны озюнен берабер алып чыкѳмаз эди.

Вели еринден турды, моллаѳѳа кѳол узатып саѳѳлыкѳлашаджакѳ олды. Молла кери чекильди, кѳолуны бермеди. Сонѳѳра, тесписини че-керек, Велини токѳтатты да кѳулагѳына эгилип:

— Бир шартнен. Эгер кѳыз адыны денѳиштirmeге разы олса, кѳуранда ает бар,— деди.— О вакѳыт бу иш ичюн учѳ кѳююн берирсиз.

— Мен о кѳююнларны ѳлдан тапмадым, моллакѳам. Эр бир кѳююн ичюн бир йыл ишледим.

— Сексен кѳююным бар дединѳ де?

— Эллиси кѳызнынѳ.

— Он беш даа?

— Ойле пек теренге далманѳыз, тарихы буюк.

— Яхшы экен де. Бир кѳююн сенден, экиси келинден. Никѳа кѳыярмыз, эвимизде сизни келин-кнев этермиз. Тотай дженгенѳыз гугюм кѳайнатып берир, сув долаѳымыз бар, даа не керек?

— Мен Марианнанен лаф этип бакѳайым,— деди Вели ве сувукѳлыкѳнен босаѳѳадан атлап, чыкѳып кетти.

Молла тесписини чеке-чеке эвге кирди, тотайы —Эльти анаы чаѳырды. Олып кечкен лакѳырдыны онѳа айтып анѳлатты.

— Сен пек нефисинъе къачкъансынъ, эфендим,— деди онъа тотайы.— Бир къоюн сорасанъ етмеймн? Ады не олса, олсун. Алланынъ эмиринен олгъан шейге къаршы кетилъмез.

— Айса, бар артындан, чагъыр кельсинлер,— деди молла пешман этип. Эльти ана башына оръме шалыны япынып азбардан чыкъкъандже Вели энди къуюгъа якъынлашмакъта эди. Эльти ана онынъ артындан кетти. Вели бедеркада шалына бурюнип отургъан Марианнагъа бу меселени айтып анълатты. Марианна бир сѣзсиз разы олды.

— Адымны озюнъ истегенинъ киби къой, мен разым — деди Марианна къуванып. Шу арада Эльти ана келп чыкъты. Велиге моллакъайнынъ фикри деъишкенини; малларны эвге айдап кельмеге разы олгъаныны айтты. Вели Марианнанынъ джан-гонюльден разылыкъ бергенине къуванды ве аелель-аджеле атны кетирип екти. Олар молланынъ азбарына келип янашкъанда акъшам эзаны окъулгъан мааль эди.

Ибадеттен сонъ молла софада чыкъып, къоюнларны къапатмакъ ичюн араннынъ къапусыны ачты. Къапудан итеклешип кирген къоюнларны бирер-бирер сайды. Тотай енге бедеркадан тюшеяткъан Марианнаны къолундан тутып ярдымлашты. Марианна ерге тюшкенде молла оны башындан аягъынадже козь къыядан эследи. Онынъ къаршысында тургъан узун сачлы, индже белли, толу кокюсли, ири козьлю дюльберни корип бир къач санине агъызы ачылып къалды. Тотай енге Марианнаны тез-тез эвге давет этти. Вели Одаман атны тударды, бедеркадаки одыр-будырларны софагъа ташып къойды. Къол, бет ювуп къара къаве ичилъген сонъ, молла кишилик эвге кирип ятсы намазына уйды. Сонъра къапуларны, пенджерелерни япып,— Энди кеч олды, эвимизге адам кельмез, гъалиба,— деп кунъдюзден бери азырлыкъ корейткъан эсас ишине — никъа къыймагъа тутунды. Молла тотайыны да шаатлыккъа чагъырды. Оданынъ ортасына курсю къойып, онынъ устоие орънекли юзбез тѣшеди. Бир тарафына озю, дигер тарафына Велини отуртты. Юзбезнинъ тюбуне баш пармакъларыны бир-бирине тиреп, хачлап къол тутуштылар. Молла адетий соров-суаллерге башлады.

— Келинимизинъ ады не олды?— деди о Велининъ къолуны сыкъып.

— Меръем,— деди Вели.

— Разысызмы, адынъыз Меръем?— деди молла Марианнагъа бакъып.

— Разым,— деди Марианна.

— Алланынъ эмиринен бир-биринъизни севип-сайып яшамагъа разысызмы?

— Разымыз,— дедилер экиси де.

Молла соров-суални битирген сонъ, къуранны ачты, бир эки аетлер окъуды ве уч кере оюп, манълайына тийсетти.

— Айни шунынъ киби оюп, манълайынъа тийсет,— деп къуранны башта Велиге, сонъ Марианнагъа узатты.

Марианна сакътлыкънен молланынъ дегенлерини япты.

— Мына, къызым,— деди онынъ козьлерине бакъып молла.— Энди Велининъ къолуны ве бизим къолларымызны ою. Алла сизге узун ве хайырлы омюрлер берсин. Бу дакъыкъадан ибарет, сиз эр ве къадынсынъыз, алла хайырлы этсин!

Марианна башта молланынъ, сонъра Эльти ананынъ ве акъайы Велининъ къолларыны оюп, онынъ артындан Вели де къол оюп чыкъты. Бираздан козь айдын софрасы къурулды. Тотай енге сары бурма ве тазе къатыкъ чыкъарды. Ашап тойгъан сонъ, фындыкъ, джеviz ярдылар, речелли бекмезнен чай ичтилер. Молла тотайына козь къыпты, о еринден туруп Меръемни чагъырды ве бу гедже онынъ келин оладжакъ одасына алып кетип къапатты. Вели яры геджеге къадар молланен лакъырды этти. Башына келип-кечкенлерни, пан Прокопчукнынъ къолуна насыл тюшкенини, Джелял бейден къамчи

ашап койден кзувулгъаныны, бабасынынъ ачлыкъ чекип вефат эткенини, он беш йыл гурбетликте ыргатлыкъ эткенини ве андан Марианнапен берабер зорнен куртулып квачкъаныны, шимди исе койге, кене бейнинъ кюлуна кайтып бармагъа истемегенини ве бу дюньяда озюне яшамагъа ер тапалмай юргенини айтып анълатты.

Эльбет, Вели Одаман ал-эшкялыны айтаракъ, молладан бир ярдым, я да имдат Беклемей эди. Молла шу девирнинъ руханийлер менфаатыны кюрчалатгъаныны, Вели киби чарыкълыларгъа мыскылнен бакъкъаныны эр кес биле эди. Лякин, молланынъ Велиге йымшакъ муамеле косътерювинде олгъан айнеджиликни даа анълап оламай эди. Эльбетте молланынъ вакъуф ерини ве дигер ишлерини бир минсиз беджерджек, Вели киби бир адам онынъ кюлуна тюшип квалгъанына о гедже-кундюз дуваджы эди. Бу ниетини пчине шимдилек сыр этип туткъан молла Вели Одаманы сабырнен динълеген сонъ:

— Истесенъиз бизим коюмизде яшанъыз,— деп ташлады.— Бал айыны бизде кечиринъиз. Сен ёл пчине кваладжакъ йигитлерден дегильсинъ. Сексен кююн, ат, араба... Бу фукарелик дегиль,— деди молла ийлекарлыкъ иле.

Вели онынъ айткъанына яры инанып, яры инанмаса да, бир квач вакыткъадже мында квалмагъа меджбур эди.

Яры гедже авды. Эльти ана бутун урф-адетлер боюнджа эр джеэттен азырлангъан. Оданынъ ортасына йымшакъ килим, онынъ устюне сигей юнунден толдурылгъан тешек кюйгъан, пуф ястыкъ, беяз чаршаф чыкъарып тешеген. Оданынъ бир кошесинде, тегерек бакъыр леген пчине гугюм кыыздырып кюйгъан, онынъ янына куман, сабун ве балабан бакъыр калай тура. Мерьемни союндырып, озюнинъ келинлик кунунден квалгъан оялы тюб кольмегини кийдирген.

Эльти ана ве молла озь одаларына кеттилер. Вели азбаргъа чыкты. Атны, кююнларыны козден кечирди. Кююнлар бир-бирине сыкълашып юкъламакъта; ат исе башыны ашлав пчине тыкып,, гыртылдатып палав чайнамакъта эди. Этраф чым-чырт. Патта-сатта сыгъыр манъравы, копек давушлары ишитиле. Ачыкъ кокте йылдызлар парылдай, ай шу кучюк койчикнинъ эвчиклери устунден озюнинъ зайыф шавлелерини сепмекте. Кой татлы юкьугъа далгъан. Ялынъыз Мерьем юкъламай. Онынъ юреги кокюс кяфесини тешип чыкъаджакъ киби дюкюльдей. Бу кыыз бала кюркю баскан дюльбер козьлеринен де пенджереге, де кяпугъа бакъа. Беклей, озюнинъ севгили йигитини беклей. Шу арада яваштан кяпу ачылды. Ичери бойнуны эгилтип Вели кирди. О пенджере янына келип, ай ярыгъында урбасыны ташлады ве ёргъаннынъ бир четини котерип, Мерьемнинъ сыджакъ кюйнуна сокъулды. Ай булут артына сакъланды. Оданы кяранлыкъ басты. Лякин бу эки асрет юрек севги атешинден ярыкъланды...»

Назим, дефтерини ястыкъ тюбюне сакълап, Куртнезир эмджесини озгъарып кетти. Онынъ эви Арыкъ-Чешме мааллесининъ та ашагъысында эди. Къайткъанда ёлда эгленмемек пчюн аякъмашинасыны алып, Куртнезирнен лаф этип кеттилер. Куртнезир онъа Кызылкюмда кую кязгъаныны, шу совхознынъ буюк келеджеги олгъаныны, яны багъчалар, багълар отуртмагъа азырлыкъ корюлгенини, лякин мутехассыслар, ишчи кюлу етишмегенини айтып анълатты. Сонъра, совхоз идареси Турсунбекнинъ теклифинен Назимни совхозгъа ишке давет этип мектюп ёллагъаныны айтты.

— Мектюп алмадым,— деди Назим омузларыны кысып.

— Бир тюшюнип бакъмакъ керек. Мен мында тарыкъам. Ишимнен мемнюн дегилим. Бу багъча ве онынъ этрафындаки адамлар ялынъыз бабамны билелер. О кельгенинден бери мында чалыша ве озюни кереги киби танытты. Манъа онынъ янында айланып юрге не аджет бар? Мен институт битиргенимден не анъладым? Эльбетте, бир аз четке чыкып чалышмакъ керек. Ишлеген сонъ, ишининъ севмелисинъ, онынъ кзуванчыны корьмелисинъ, догърумы эмдже?

— Пек догъру айтасынъ Назим. Мына, менден — эмдженъден унер

алса я. Коресинъми, меним аякъ басмагъан ерим къалмады. Мен о ишни севем. Халкъкъа файда кетиргениме къуванып чалышам, ишимден зевкъ алам. Къум чёлунде сув чыкъармакъ не демек? Мен чёллерге джан берем. Тезден бир къую даа теслим этеджекмиз. Анда иш пек чокъ, планлар буюк. Шимди бизим къую къазгъан еримиз шу совхознынъ меркези оладжакъ. Бутюн уфакъ мал ходжалыкълары бирлештириледжек. Анда чешит биналар, яшамакъ ичюн эвлер къуруладжакъ, къыскасы джансыз чёл джанландырыладжакъ. Бир келип кетсенъ эписини озъ козюнънен корерсинъ.

— Мектюп кельсин де, бельки барырым.

Келеджекте Нукъуста бизим идареге кирсенъ, андан бизге машина къатнай, вертолёт келе, ёлда къыйналмасынъ.

— Бакъармыз, эмдже.

— Мен бу йыл бутюн яз ве къыш анда чалышаджакъым. Япыладжакъ ишлеримизнинъ, сонъу ёкъ. Я сеничъ Эсманъ не олур экен?

Бойле дегенде Назим эмджесине тикленип бакъты. «Даа арада бир шей ёкъ, эмджем буны къайдан биле экен» деп тюшонди.

— Менде ич бир тюрю Эсма ёкъ,— деди Назим кестирип.

— Ёкъ, деме, олмакъ керек,— деди Къуртнезир.— О къыз сени севе. Менимдже Эсма яхшы къыз.

— Мен де оны бегенем ама, анам...

— Тек бегенмекнен иш битмей, севмек керексинъ.

— Онынъ институтта эки йылы даа бар.

— Институт мания дегиль. Эсасы севги. О заваллы энди ташыйташый къуюнъызда сув къалдырмады. Сен буны анъламайсынъ, сокъурлыкъ этесинъ.

Назим эмджесини эвине къадар озгъарып, аякъ машинасына минип къайтты. Ниметулла узакъта яшагъанындан бу гедже мусафир олды. Назим эвге кельгенинен Ниметулла эмджесине Қызыл-къум меселесини айтты. О да шу диярнынъ чобанларынен Ташкентте, айванасравджылар мушавересинде олгъаныны, къаракульджилик саасында чобанларара теджрибе алышып-беришов бригадасынен лзда Қызыл-къумгъа кетеджегини айтты.

— Эпинъиз Қызыл-къумлы оладжакъ экенсинъиз,— деди Сент-Гъазы кулюмсиреп.— Айдынъыз, яхшы адамнынъ ятар вакъыты олды. Саба ишке кетеджекмиз.

Назим къартбабасынынъ янына кирди. Мемедемин агъа пуфудлап юкълай эди. О бугунъ бир саат сёйленди. Болдурды, эльбетте юкълайджакъ. Назим къартнынъ икяесини язып алгъан дефтерини къатлап, озъ одасына кирди. Бу энди дёрдюнджи дефтер эди. Ама къарт даа икяесининъ сонъуна чыкъмады. «Сагъ-селямет олгъайды гъарип де, шу икяени айтып битиргейди. Эр кунъ зорламагъа олмай. Қарт ялынъыз озюнинъ кейфи кельгенде сёйлене. Шунынъ ичюн иш созулып кетти. Зарар ёкъ, мен о дефтерлерни темизге чекип, машинкагъа бастыраджакъым. Онъа къадар икяенинъ сонъуна да чыкъармыз».

Назим озюнинъ кроватина барып ясланды. Онынъ козь къапакълары агъырлашкъан эдилер. Лякин, акъылына Эсманы тюшюргенинен юкъусы къачты, хаял деръясына далды.

ОН ЕДИНДЖИ БАБ

Қызыл-къум диярында баарь. Эльбет, мында багъчалар ешермей, къырлар чешит чечеклернен безенмей, дагълардан селлер акъмай, озеньлер ташмай. Лякин, мында да эр мевсимнинъ озюне хас дюльберлиги, озюне хас къуванчы ола. Къос-Бурун ве Маркъай-Қудукъ арасындаки йылгъанынъ джапларында къыр чечеклери ве ешилъ отчыкълар пейда олдылар. Джапларнынъ устюнден башлагъан къумлукъ чёллерде базы саксаулларнынъ тюбюнде къар обачыкълары, базыларында дымлыкъ, кунъдогъуш тарафларында исе, ешилликлер пейда олды. Сув тыйнакъларынынъ этрафларында къогъа, халъуен отлары

баш котергенлер. Саксауллаар арасында джингые, жантакъ ве дигер осомликлер тазерип чыкъмакъталар.

Аскъар чобанны энди къошарда тапып оламазсынъ. О къоюнлары узакъ отлакъларгъа айдап кетти. Къоюнлар март айындан башлап къозуладылар. Аскъар чобан эр кунъ беш-он къозу ала, базылары эгизлей, базылары бирер дане къозулайлар. Онынъ отарында алты юз анабаш къоюн отлай. Бирер данеден къозуласалар биле, алты юз баш даа мал артаджакъ. Даа эгизлегенлер де бар. Аскъарнынъ энъ садыкъ ярдымджысы омюр аркъадашы Сулухан эди. О да бу йыл бааръде онынъ баласыны тапты. Он баланынъ анасы Сулухан эрге чыкъкъанындан бери чобан ярдымджысы олып ишлеп кельди. Бу йыл бааръни о да озъ журтында, озюннъ янъы дюньясы янында кечирмекте. Аскъар таягына таянып къоюнларынынъ тазе отлакъларда джайралып кеткенше бакъып фералана да, бинъ-бир тюрлю тюшонджелерге дала. «Алты ай бу къозулар озъ аналарынен юреджеклер. Сонъ балаларыны айырып аладжакъмыз. Янъы чобан керек оладжакъ. Оны кучюк огълума берирмиз. Сонъра юнъ къырккъыладжакъ. Ыргъачыларны айырып истисал отарына къошаджакъмыз. Оларнынъ ичиндеки тиш хасталыгынен къартайгъан сойларыны сечип алып этке теслим этеджекмиз. Зарар ёкъ, шимди мал хасталыгы бир тамам гъайып этильди. Къоюнларымыз илим ве техника ярдымы нетиджесинде юз йыллардан бери бизни буюк зараргъа огъраткъан сибирь ярасы, ичек, бавур къурты киби хасталыкълардан къуртулдылар. Шимди биз де эвельки чобанлар дегильмиз. Малнынъ неден хасталанаджакъыны эвельден билемиз. Мына козюм огюнде сув тыйнагы. Къоюнлар отлай-отлай эп тыйнакъкъа тараф бурулалар. Не ичюн? Чюнки, тыйнаккыннъ этрафында къогъа, хальуен отлары ешерип турмакъта. Чобан мукъайт олмаса къоюн бу отларны севип ашай да, ичек, бавур къурты хасталыгына огърай. Чюнки, о хасталыккыннъ ашератлары бу отларда сакълана ве инкишаф этелер. Къоюнларны бу дерттен къуртаргъан ветеринария усуллары да бар, эльбет, лякин онъа плядж берип отургъандже, отлакъта козъ ачыкъ олсанъ, даа яхшы дегильми? Мен бу йыл къыштан чыкъкъандже нелер чектим. Къоюнларым озъ кубреси устюнде къышладылар. Буннынъ эмиетини бильмей, сувукътан гъайыпкъа огърагъанлар да олды. Эски кубре пек джыллы ола. Онынъ усть къатыны кочюрип аласынъ, къойлар астында къалгъан кубренннъ сыджагындан нефес ала ве бир тюрлю сувукътан къоркъмайлар. Бундан къач йыл эвельси пек къатты къыш олды. Кызыл-Ордалыларнынъ къоюнлары аранларда бузлап къалдылар, менимкилери исе, мына шу кубре устюнде къышлап чыктылар. Меним Сулуханым бу йыл ярдымгъа кельмесе де, огъуллаар ярдым этерлер. Мен ольгендже олар да макътавлы чобанлар олып етиширлер. Буюклерн энди озълерине айрыджа отар дапасы этелер. Совхозымызда мал арткъан сайын бойле яш, окъумыш чобанлар да керек оладжакъ. Мен огъуллаарымнынъ шеэрде окъуп, кене яныма къайтып кельгенлерине къуванам. Шуннынъ ичюн баланы бешиктен тербиелеп башлайджакъсынъ. Бир йыл бизге узакъ отлакълардаки чобанларгъа меркезден комиссия кельди. Оларнынъ ичинде эким де бар экен. Юрт-юрттан юрип, яшайышымыз, турмушымызнен меракъланалар. Ава пек сыджакъ эди. Тышта къум устюне басылмай, юртнынъ ичинде исе, нефес алмаккыннъ чареси ёкъ. Мусафирлер меним юртума да кирдилер. Мен буны истемей эдим ама, кирдилер. Юртнынъ ортасында, бешикте сыкылып къундакъ ичинде бала ята эди. Мусафирлер киргенинен Сулухан, баланы назарламасынлар, деп бешикнинъ устюне ёргъан ташлап юрттан чыкты. Бала агълагъанда, агълай, санки йыртыладжакъ. Эким даянамады, бешикнинъ янына келип:

— Баланынъ устюни ачынъыз,— деди манъа.

— Керекмей ачмагъа, анасы ортып кеткен,— дедим мен.

— Бала сыджакъкъа чыдамагъанындан агълай, ачынъыз, олер сабий,— деди эким текрар.

— Олысе, олер, кьалса акъикъый къаракъалпакъ олур,— дедим. Мусафирлер индемедилер. Бираздан чыкып кеттилер. Мына шу балама бу йыл алты юз токълу берип бакътыраджакъ олам. Мен эминим ки, о да бабасынынъ юзюни къызартмаз. О вакъыт комиссия азалары чобанларнен субетлешип, юртларнынъ ерине вагончыкълар бермек къарарына келингенини айттылар. Вагончыкълар ичинде земане газ собалары, кроватьлары, радиолары, кузгюсине баргъандже яшмакъ — ичюн керек олгъан биринджи зарур шейлернинъ эписи олгъаныны айттылар. Эгер чобанлар разы олсалар, тез вакъытта юртларны шу вагончыкъларнен деньиштириледжегини билдирдилер. Чобанлар бир-аз тюшюнип-ташынгъан сонъ, эписи бир агъыздан бойле дедилер:— Эгер сиз бизим юртларымыздан айырсанъыз, бу чельде бир чобан къалмаз!»

Чобан ичюн юрт бойле къыйметли, бойле эйбетли экен. Эр алда шимдилик ойле. Эльбетте, юз йыллар девамында къулланылып келинген юртны бир кереден аяттан котерип аталмазсынъ. Онынъ айдалы ве онъайтлы тарафлары пек чокъ. Буны чобанлар яхшы билелер. Бир мисаль кетирейик. Шимдики заманда чобанлар бир ерде, яни сув чыккъан ерде йигирми, отуз куньден зняде туралмай. Бу не демек? Чобаннынъ алты юз къоюны бар. Бир ай девамында аини шу отлакъта юрген къоюн о ерни там-такъыр этип башлай. Демек, къоюнны башкъа отлаккъа авуштырмакъ керек. Авушмакъ ичюн бутюн варынъ-вариетинънен кочип, бир айгъа олса да темель тикмек керексинъ. Юрт ойле тюшюнип-ташынып, асырлар девамында сынавдан кечирилген ки, анда арткъач, я да эксик бир шей олмай. Онынъ тёпесине къоюлгъан агъачлар, чевресини орыткен килимлер, пенджереси, къапусы, оджагъы, ичерсиндеки донатмалары, тёшеги, ястыгъы ве иляхри, неси олса да, эписи бир я да эки девенинъ аркъасына юкленерек, «къуш учса къанаты, адам юрсе аягъы куйген ерлерден» кечип, озюнинъ истеген еринде янъы мекян къура. Юртны сёкип девеге юклемек, я да деведен бошатып янъыдан къурмакъ ичюн эки адамгъа бир къач саат вакъыт етерликтир. Атта, ойле ола ки, сув башына — ат, араба, трактор кирип оламайджакъ ерлерге девени кетире, ерге чёктире, шу анъ юкюни бошатып, юртны тиклейлер. Вагончыкънен бойле кочип юрмек ичюн башкъа шараит, башкъа икълим керек. Онъа ат, я да деве екмезинъ, трактор керек. Истеген еринъе де ерлештиралмазсынъ, авдарылыр, я да батып къалыр. Не олса да чобанлар шимдилик юртнынъ тарафдары олып къалалар. Ама, аини шу ерде, не ичюндир, буравджылар вагончыкъларда яшай ве чалышалар. Олар да бир, бир бучукъ айдан сонъ ер авуштыралар. Бунынъ себеби, анълашылгъанына коре терен тарихкъа далып кете. Қъаракъалпакъ халкъы эвель-эзельден бунъа алышып кельген ве бугунъ де узакъ чёллерде кочебелик этип мал асрагъан чобаннынъ бутюн омюри шу юртнен багълыдыр.

Бегдияр Надырович ве дигер партия ве девлет хадимлери бу меселелерни чокъ йыллар девамында огренип кельдилер ве ннает бу сынъырсыз чёллерни халкъкъа хызмет этеджегине эмин олдылар. Бунынъ ичюн ири комплекс ходжалыкълар къурмакъ, кичкене фермаларны бирлештирмек, меркезлештирилген мал асрав хозяйствосы мейдангъа кетирмек макъсадынен иш алып баралар. Бунынъ ичюн башта сув керек эди...

Қъуртнезирнинъ буравджылары отуз беш кунъ дегенде озъ макъсадларына ириштилер. Баарыннынъ ильк кунълери Қъос-Бурунда беш юз метр ер астындан салкъын, шербет сув фышкъырды. Сув ойле тазыйкънен тёпеге ынтыла ки, горизонталь шекильде айландырилгъан йигирми сантиметрлик трубадан чыккъан сув беш метрлик месафеге ура. Бу мунасебетнен бугунъ Қъос-Бурунда тантаналы байрам откерильтекте. Сув башында топлангъан джемааткъа Бегдияр Надырович узундан-узун нуткъ сёйлеген сонъ, партия ве укюметнинъ къарары боюнджа бугуньден итибарен эски Қъос-Бурун чобан дурагъына «Алгабас» ады берилгенини, совхоз идареси шу кунълер ичинде мында

кочип келеджегини илян этти. Сонъра Къуртнезирнинъ бригадасына совхоз адындан пара мукафаты-ве бир къююн бахшыш берильди. Тан-тана кеч вакъыткъа къадар девам этти.

Арадан эки афта къадар вакъыт кечти. Совхоз идареси ве онынъ хадимлери янъы япылып биткен эки къатлы бинагъа кочип ерлешти-лер. Идаренинъ софасына бойдан-бой: «Бугунъ кешегиден, эртенъ бугунгиден жакъсыракъ ислейик!» шиарыны тарттырып ильдилер.

Дирекция озъ ишини тешкилятий меселелерден башлады. Ерназарны биринджи ферманынъ мудир вазифесинден азат этип, Маркъай-Къудукъ фермасына авуштырдылар. Маркъай-Къудукъта янъы чалышып башлагъан яш коммунист Бекберген Жаксымуратовны Алгабас фермасына мудир таин эттилер. Оразбайны исе, бригадирлик ишинден бошаттылар. Бойлеликле, серин елли бааръ кунълери «Алгабас» совхозынынъ эмекчилери къыйын шараитта, республиканынъ меркези — Нукъус къалесинден беш-алты юз километр узакълыкътаки сынъырсыз Кызыл-къум чёлю ортасында «Алгабас» адлы янъы совхознынъ темелини къоймагъа башладылар.

Галия Абдулина къызы Шасенемнинъ аиле меселеси бойле олып чыкъкъанына юректен окюнди. Бегдияр Надыровичнинъ бу ишнен якъындан огърашмагъа вакъыты олмады. Шасенем онынъ бирден-бир къызы. Эвлядынынъ бахтсызлыгъы анги ана-бабанынъ юрегине атеш ташламагъан? Оразбай шу куню резиль олып кеткен сонъ, Шасенем оны судкъа берип, ресмий суретте айырылды. Оразбай баягъы вакъыт къачакълап юрьди. Разылыкъ бермек истемеди. Ниает, бир кунъ оны балыкчы Костя акъайнынъ эвинде якъалап, судкъа алып кельдилер. Къанун боюнджа тюшюнип-ташынмакъ ичюн учъ ай даа муддет бердилер. Шасенем шу учъ ай ичинде азды-тозды, Къос-Бурунда янъгъыз ятмагъа къоркъты ве не къадар къыйын олса да, бир къач кере ана-сына барып къайтты, Арзыгюльде ятты, чокъусы кунълерини исе, къайнатасы Ерназарнынъ эвинде кечирди.

Ерназар огълунынъ бир кереден бозулып кеткенине ич инанып оламай. Ёкъса, Шасенемни къарардан зияде севгени ичюн бойле нишарет шейлер этеми? Ёкъса, бу кунъджюликнинъ бир асылы, себеби бармы? Ич бир тюрлю сувгъа яткъызып оламай. Озюнен лаф этсе,— Сиз меним ишиме къарышмангъыз,— деп къуртула. Сонъ вакъытта исе, о Шасенемни дегиль севмек, атта онъа суикъастлыкъ этеджек олып юрди. Шасенемнинъ къоркъып, сакъланып юргенинде, эльбетте, эсас бар эди. Шунунъ ичюн Ерназар огълунынъ койден чыккып кеткенине аджынса да, бир тарафтан индемей разылыкъ берди. «Белядан бир адым узакъ юрсин» деди.

Бойледже айырылыштылар. Арада башкъа дава олмакъ мумкюн дегиль. Шасенемнинъ эвиндеки эшьялар эписи шеърден кетпирильди. Озюнинъ джаны истегени киби шеэр низамы — леззетиндже донаткъан ятакъ ханесинде кенъ ве дюльбер тахта, шифоньер, трюмо ве эки тумбочкадан башкъа бир шей ёкъ. Эв алдындаки юртны исе, Оразбай озю къурды, озю донатты. Ресмий айрылыкъ вакътында Шасенем Ерназаргъа риджа этти ки, келип юртны кочюрип кетсин. Бундан сонъ Оразбайгъа бу азбаргъа кирмеге ве шей давасы этмеге ёл къалмады. Энди бу ернинъ совхоз меркезине айланмасы ана-бабасынынъ мында кочип кельмеси Шасенемнинъ къырыкъ гонъюни баягъы котерди, озюнинъ сеvimли зенаатына джан-юректен сарылып ишлемеге ёл ачты. Арзыгюль исе, бу денъишмелерге даа зияде къуwandы. О санки къанатланды да коклерге учаджакъ киби олды. Бунынъ себеби шу ки, Бегдияр Надырович озюнинъ шофери Айдосны да «Алгабас»къа алып кельди.

Бегдияр Надыровичнинъ эвинде бу меселе акъкъында лаф чыкъса:— Кунъджюликнинъ акъибети бойледир,— деп ташлай Галия Абдулина.— Кунъджюлик инсанларны делирте, чешит тюрлю джинаетликке алып бара.

— Кунъджюлик — асылында озю делилик дегильми?— дей онъа Бегдияр Надырович.— Шизофрения! Тек бир феркъы бар. Шизофрения

дертине дерман ёкъ, кунъджюлик дерти исе, вакътыиле кечип-кете билир. Сонъ озюнинъ япкъанларындан озю утаныр ама, иш-ишинден кече де кете. Кунъджюлик чешит сааларда ола. Меселя бизде чобанлар бир-бирлерини кунълеселер, бир-биринден устюн олмагъа тырышсалар бу яхшы шей. Аскъар чобан бу йыл юз анабаштан юз къыркъ къозу алды. Бу шимдилик бизде рекорд. Башкъа чобанлар да оны кунълеп ойле япсалар, бунъа ким къуванмаз. Лякин зиялылар арасындаки кунъджюликке — зайыфлыкъ, дейлер. Бу не демек? Эгер сен бир де бир язиджынынъ эсерини, яхутта артистнинъ ойнагъаныны кунълесенъ, демек сен онынъ дереджесине етип оламагъансынъ, ондан артта къаласынъ, ондан зайыфсынъ. Ама сен кунъджю адамгъа бу сёзлерни айтып бакъчы, о чаре тапса сени бир къашыкъ сувгъа богъар. Менимдже аиледеки кунъджюлик де шунунъ озю — зайыфлыкъ. Сен апайынъны биревден кунълесенъ, демек, о адам сенден къат-къат устюн экен. Сенден гузель, сенден беджерикли экен. Яни сен озюнъни онынъ алдында зайыф коресинъ. Озюндже оны акъаретлемек ерине севип-сайгъан омюр аркъадашынынъны акъаретлейсинъ, озюнъни де шу адамдан ашагъы олгъанынынъны исбат этесинъ. Мына биз сенинъле омюр кечирдик, бир-биримизни не ичюн кунълемедик, Галия?

— Сен де кунъджю эдинъ. Унуттынъмы?

— О къадарлыкъ эр бир яш аиледе ола билир. Бир-биринъни севип-сайгъан сонъ... Атта копек де озъ чанагъыны ябанджыдан къызгъана. Сен Галия, гузель эдинъ, эр кес санъа бакъа эди...

— Шасенем гузель дегильми?

— Тыпкъы сенинъ яшлыгъынъ, Галия.

— Онъа да ойле бакъалар ки, коръмелисинъ.

— Адамларда козь олгъан сонъ, бакъаджакълар эбет. Бакъув — бу даа намуссызлыкъ дегиль. Бизим Шасенемнинъ яман тарафыны мен ишитмедим. Лякин шу кунъджюлик деген хасталыкъ намуслы адамни да баштан чыкъара биле. Сен акъсыз ерде эр кунъ апайынъны мийини чокъып турсанъ, оны ашталасанъ, апай да инсан, даяныр, даяныр да бир кунъ ола санъа коръсетир... Мына энди истесенъ кунъле, истесенъ кунълеме, деп сенден интикъам алыр. Кунъджюликнинъ де бир сынъыры олмакъ керек. Себебсиз, асылсыз кунъджюлик омюр ашамакътыр. Онынъ акъибети аджыныкълы ола. Оразбайнынъ япкъаны да ойле олып чыкъты, атта къолуна балта алды. Делилик дегильми? Демек, о Шасенемге ляйыкъ адам дегиль, экен. Буны озю тасдыкълады.

— Шасенем медениет коръген, анълы, земане къызларындан бири. Оразбай киби союна тиеджек къыз дегиль эди, ама... — деди Галия апа кокиос кечирип. Бегдияр Надырович къызынынъ такъдирине яныкълагъан Галиянынъ бетине бакъты да; оны тынчландырмакъ ичюн:

— Айды, къызынъны чокъ макътама, назарларсынъ, ана назары пек яман ола дейлер, — деп кульди. Сонъра олар яхшы, темиз урбаларыны кийип, янъы меянынъ къумлы сокъакълары бою адымлап, Шасенемнинъ эвине кеттилер...

Директорнынъ башында олгъан къасеветнинъ, тюшюндженинъ эсабы ёкътыр. «Янъы совхознынъ темелини тикмек, отарларны кенишлетмек, ем меселеси, люцерна-мысырбогъдай чёлю мейдангъа кетирмек, багъ-багъча ишлери... Онынъ уджы-буджагъы ёкъ. Мында кичкене хожалыкъларнынъ бирлешюви саесинде чокъ халкъ яшамасы козьде тутула. Мектеп, клуб, балалар багъчасы... Чокъ ишлер япылды ве даа чокъ ишлер япыладжакъ. Айванасравджылыкъны инкишаф эттирювининъ юксек суръатлары даа бутюн хозайстволарда эльде этильмеди. Озьбекстан Компартиясы Меркезий Комитети бу мунасебетнен бир сыра районларнынъ ёлбашчыларыны кескин тенкъид этти. Республиканынъ партия, совет, кой хожалыгъы органлары, колхозлары ве совхозлары айванасравджылыкъны памукъчылыкъкъа кедер этмеген бир айда илерилетмек тедбирлерини коръмектелер. Бу саада бизлер биринджи планда турамыз. Бизим топракъларда памукъ ёкъ. Ойле олгъанда

айванасравджылык мында озюнин кенъ къанатларыны джаймакъ керек. Биз санайы комплекслерни ве хозяйстволарара ишханелерни илерилетюв эсабына осюмнин эсас къысымыны эльде этермиз. Янъы къудретлеримизнин белли бир къысымы хусусан къумлыкъларда айванасравджылыкънынъ шекилленювине ве илерилювине муим дережде ярдым косътере билелер. Анълашыла ки, айванасравджылыкъны инкишаф эттирюв вазифеси санайы комплекслерини ве хозяйстволарара ишханелерни мейдангъа кетирмекнен сынъырланмай. Фермаларны буюльтюв ве реконструкция япув ишини мында биринджи небетке къоймакъ шарттыр. Озьбекстанда етиштирилген этнинъ учте бир къысымыны къоюнджылыкъ бере. Бу саанынъ ава хашымына бакъмадан эппейи осъмесиини темин этмек ичюн республика ве мааллий органлар къоюнджылыкънынъ маддий-техника базасыны пекитмектелер. Чёллердеки сюрюлерни емнен темин этмек макъсадынен ихтисаслаштырылгъан ходжалыкълар мейдангъа кетирилъмекте. Узакъ яйлаларда къыздырылгъан къошарлар къурулмакта. Бешйыллыкънынъ сонъунадже суварылгъан яйлаларнынъ колеми бир къач миллион гектар артаджакъ. Чёлъ отлары ве осюмликлерининъ мейданы йыл-йылдан кенишлетиледжек. Қъоюнджылыкъ ходжалыкълары къаба емни тымар этюв, азырлав ве оны айванларгъа берюв техникасынен темин этильмек керек. Буларнынъ эписи республикада къоюн ве эчкининъ сайысыны еди миллионгъа етиштирмеге имкъан береджек. Қъызыл-къум диярында къурулмакта олгъан комплексли «Алгъабас» совхозы бешйыллыкънынъ сонъунда къоюнларнынъ сайысыны шимдикинден эки кере даа арттыраджакъ. Совхоз бу ишлернинъ эдасына киришкен сонъ, къоюнларнынъ сайысы юз йигирми бинъге бараджакъ. Девлетке бир йылда элли бинъге якъын юксек кейфиетли къаракуль териси теслим этиледжек. Ем-пичен азырлав ишлери де бойле муим ерде тура. Белли ки, емсиз мал асралмай. Шимди ем-пичен санайысынынъ ишини яхшылаштырувгъа догърултылгъан бир сыра къошма тедбирлер корюльмекте. Олардан бириси якъында ер астындан фышкырып чыкъкъан артезиандыр. Бойле чешмелер совхоз чёллеринде онларнен оладжакъ. Бу сувлар тек малны суварув дегиль, онларнен гектар ем азырламагъа имкъан догъураджакъ».

Бегдияр Надырович бу ишлернинъ эписини акъылына, козь огюне кетире ве геджелери юкъусындан уянып, софагъа чыкъа да, Галия апа коръмеген арада тютюн чекмеге меджбур ола.

Олар Шасенемнинъ эвинде чокъ отурмадылар. Қъызынынъ гонълюни, рухыны котердилер, турмушыны козьден кечирдилер. Саба эрте турмакъ, ич олмагъанда бир къач отаргъа барып кельмек ичюн такъат топламакъ керек. Сагълыкълашып чыкътылар. Бакъсалар къапу алдында Турсунбекнен, Бекберген туралар. Олар Маркъай-Қъудукъта аягъыны эзген тракторджыгъа Шасенемни алып кетмек ичюн кельгенлер. Шасенем меселени анълады ве тез-тез кийинип, озюнинъ эвинде тургъан медицина сандычыгъыны алып чыкъты. Ярым саат кечер-кечмез хастанынъ янына кельдилер. Шасенем яранынъ ойле пек къоркъунчлы олмагъаныны коръди, хастаны тынчландырды, темизледи ве иляджлап багълады.

(Девамы бар).

ЙЫЛДЫЗЛАРГЪА ДОГЪРУ

Повестъ.

— Райкомдан телефонограмма кельген эди. Сени Ташкентке, айванасравджылар топлашувына ёллайлар. Ананъа шуны айтмакъ ичюн чагъырткъан эдим. Ёллукъ шейлеринъни азырласын демек истедим.

— Бойле сыкълет вакъытта о да насыл топлашув экен?

— Мунм слёт. Мытлакъ бармакъ керек, дедилер тёпеден. Эалини ашайт махсулатларынен темин этюв акъкъында къабул этильген къарарнен багълы. Бу саагъа энди айрыджа дикъкъат этиледжек, гъалиба.

— Къачан кетмек керек?

— Ярын анда олмалысынъ. Бугунъ энди поездге кечиктинъ. Райкомгъа кирерсинъ. Самолёткъа бронь берирлер. Бу тарафтан раатсызланма, эр шей еринде олур.

Тензиле апте эркеклер янына кельди.

— Исмаиль, Булат, къана тез зембильни кетиринъиз, Гульджианны анаву патырдавукъкъа минсетинъиз.— Къартий огълунынъ бойнундан къучакълап, манълайындан опыти.— Аферин, балама, хастаны экимлер киби тедавийлегенсинъ. Эким атыта бинтлерни чезип отурмады. Рентген япмакъ керек, деди. Умумен, хавфлы дегиль экен. Лякин эзик, чыкъыкълары тюзельгендже баягъы ятмакъ керек оладжакъ. Башыны да тешкермек лязим, эбет. Айтчы, Исмаиль, Гульджианны мында кетиргенде ёлда окъшымадымы, къусмадымы?

— Ёкъ.

— Шукюрлер олсун, демек мийи сарсылмагъан. Айды, давраныныъз, оны тез-тез хастаханеге алып кетмек керек.

Сим-сия кокте ири парлакъ йылдызлар сепильген. Гуя олар башынънынъ устюнде асылып туралар, къолунъны узатып, узъ де ал. Къаранлыкъ геджени сарсытып, юксекте демир къуш учмакъта. Учуджы, шлемофонында янъгъырап тургъан радиомаякны динълеерек, машинасыны идаре эте. Онынъ артында, салонда, демир скемлечиклерде дёрт адам отура. Оларнынъ къаршысында, ерде, зембиль устюнде къадын ята.

— Сабыр эт, къызым яныкъламагъа шей ёкъ,— дей демир скемледе отургъан къартий ве узун, индже, дамары къабарыкъ элинен дживаннынъ манълайыны, сачларыны сыйпай.— Шукюр эт, балам, ойле белядан сагъ къалгъансынъ.

— Мен онъа дегиль...— Гульджиан зорнен дудакъларыны къыбырдатты.— Огъулчыгъымны хатырладым. Ишлеримиз энди бите, тезден эвге къайтырым, корюшюрмиз, деген эдим... энди хастахане, тешекте ятмакъ...

Тензиле апте Гульджианнынъ манълайыны сыйпады. Гульджиан онынъ не дейджегини анъламады, лякин къартийге тешеккюр иле йылмайды.

— Исмаиль, топлашувунъ биткенинен Гульджианларнынъ эвине барырсынъ. Ходжасыны бильмейим, о иш адамыдыр, лякин анасынен огълуны алыр да, Къушучаргъа кетирирсинъ. Анъладынъмы?— деп хытап этти Тензиле апте.

— Анъладым,— деди Исмаиль,— эмиринъизни эда этерим.

— Яхшы олур эди...— деди ёргъун сеснен Гульджиан, ве тешеккюр бильдириджиджи назар иле Исмаильге бакъты.

Гульджиан, адресинъизни айтынъыз, язып алайым,— деди Исмаиль, джебинден дефтерчигини чыкъарып.

— Язынъыз. «Чиланзар массиви, докъузынджы квартал, учъ юз экинджи эв, етмиш алтындыжы квартира». Отьмек тюкянынынъ къаршысындаки бина. Беш къатлы панель эв...

— Айды, мен оны тапарым. О кварталда «Ленин байрагъы» газетамызда ишлеген бир достым яшай. Институтта окъугъанда онъа чокъ бара тургъаным. Кварталларыны яхшы билем.

Вертолетъ къонар-къонмаз янына «Аджеле ярдым» машинасы келип янашты. Гульджианны машинагъа авуштырдылар. Тензиле апте айдавджынынъ янына отурды. Хастаханеге еткендже агъызыны юммады.

— Явашча айда, балам. Пек силькитме, тири адамнынъ джаныны аладжакъсынъ, хаста бунъа насыл даяныр?!

Ниает, Гульджианны копчекли кроваткъа яткъызып, тешкерюв кабинетине алыя кирдилер. Тензиле апте, Таджиханов ве Исмаиль къабулханеде къалдылар. Яры гедже якъынлаша эди.

— Ёрулгъандырсынъыз, ана,— деди Исмаиль.— Мамутларнынъ эвине алып бараыйммы? Якъын ерде яшайлар.

— Ёкъ, балам, мен мындан бир адым атмам.— Тензиле апте терен кокюс кечирди, яшлангъан козьлерини сюртти.— Озь балам олса о къадар аджымаз эдим. О манъа дюньягъа бакъмагъа янъы козьлер берди. «Не худжур бу земане яшлары, хусусан къызлары, «Не ырыз, не намус бар оларда, не садыкълыкъ, не темиз-паклик билелер!» деп сомурдана эдик эки-учъ тишсиз къартый бир ерге топлансакъ. Мына. Гульджиан бунынъ аксини тасдыкълады. Тасавур этсенъ шашып къаласынъ. Эр бир адамнынъ бойле кучълуклерге ирадеси етмез. Олян, Исмаиль, манъа мына шу Гульджиан киби келин тапып кетир, ишитесинъми? Дигерине асыл разы олмам!

— Часткъа багълы, ана,— деди Исмаиль, энъсесини къашып.

— Часткъа бакъып отурсанъ, омюрлик тул къалырсынъ! Сен не ырджаясынъ кене, эй, Булат йигит?

— Ырджаймайым бит, къартыйим. Сизге сукъланып бакъам. Эм эмиринъизге къол тутам, ишитесинъми, Исмаиль? Эвленивни тезлештир энди. Эм, керчектен, Гульджиан киби союны тап.

Исмаиль индемени, башыны салындырды. О анасына ве достына насыл джевап берсин? «Ойле адамны къыдырып юрьмек керек дегиль, о тапылды, десинми? Ады Гульджиан, десинми?»

Исмаиль джебинден сигар чыкъарды, эеджанлы алда одадан чыкты. Къартыйнен Таджиханов бир-бирине бакъып алдылар ве артыкъ бу мевзуда лаф этмедилер.

Ярым сааттен беклегенлернинъ огюне Гульджианны бакъкъан хирург чыкты, бутюн керек тедбирлер корюлгенини айтты. «Хаста бир-эки айдан юрип башлар, бельки акъсамаз,— деди о.— Языкъ ки, шимди гипс къоймакъ мумкюн дегиль, чюнки ачыкъ яралары бар. Тынч гонъюльнен эвлеринъизге къайта билесинъиз, хастаны биз мында яхшы бакъармыз». Тензиле апте мында да озъ табиятыны косътерди. Эким о, десе — бу, деди, бу, десе — о деди, давалашты, энъ сонъу хастаханеде къалып, Гульджианнынъ башы уджунда отурмагъа хирургнынъ разылыгъыны алды. Эким «яхшы», деп етиштирмеди, къартыйнынъ къолунда беяз халат пейда олды (озюнен алып кельген олса керек). Оны омузларына ташлады да, къапыгъа догърулды.

Сиз кетингиз энди,—эмир этти о.—Сен, Исмаиль, деми айткъанымны мытлакъ яп. Бурнунъдан къан кельсе биле, Гульджианнынъ анасынен баласыны алып кель.

— Яхшы, ана,—деди Исмаиль.

Олар экимнен сагълыкълашып, тышары чыкътылар. Сия кокте бинълернен, юзь бинълернен йылдызлар парылдамакъталар. Истесенъ, узан да ал. Олар шу къадар якъын корюне эдилер.

ЭКИНДЖИ КЪЫСЫМ

I

Топлашув Навоий адына опера ве балет театри биначында отъкерильди. Онынъ ишинде партия ве ичтимай органларнынъ месуль хадимлери иштирак эттилер, айванасравджылыкъ саасында илери кеткен, дигерлерине нумюне ола биледжек колхоз ве совхоз векиллери чыкъышта булундылар, озъ теджрибелеринен пайлаштылар. Чокъ яхшы сёзлер, фикирлер айтылды, ама олар Исмаильни къанаатлендирмедилер. «Керекли микъдарда эт, сют, ягъ етиштирмек ичюн шиарлар дегиль де, иш керек. Бир дакъыкъа раатлыкъ бильмеген дарбели иш. Иште, илерилер сёзге чыкъалар. Биз ойле яптыкъ, бойле яптыкъ, дейлер. Ама озъ япкъанларыны талиль этмеге, айдын-ачыкъ картиналар вастасынен косътермеге бильмейлер. Демек, оларнынъ озъ ходжалыкъларында япкъанлары не къадар къыйметли олса-олсын, бизге, динълейиджилерге, файда кетире бильмейлер. Чюнки, къартлар демеси киби, «къыркъ кере ишиткенинъден, бир кере коръгенинъ хайырлы» деп тюшюнди о.

Исмаильнинъ кейфи бозылды, ашыкъышнен ёлгъа чыкъкъанына пешман этти. «Айды, олды-оладжакъ — къырылды баджакъ»,—деди о озъ-озюне.—Мадам ки кельдим, ич олмагъанда, бир севап иш япайым. Ярын ара тапып зувайым да, Гульджианнынъ анасынен огълуны алып эвге къайтайым.»

Лякин Исмаиль эртеси куню де, учюнджи куню де «зувып» оламады. Экинджи куню межлис олмады, оларны группа-группа болип, семинарлар отъкериледжегини айттылар. Семинарларда айванасравджылыкъ боюнджа чешит мутехассыслар, профессорлар, икътисадчылар ве аътта химияджылар иштирак эттилер, динълейиджилерни бу саада эльде этильген мувафакъиетлернен, чешит мемлекетлерде къуullanылгъан усулларнен таныштырдылар, ракъам ве косътермелер иле озъ сёзлерини тасдыкъладылар. Эм, къоркъмадан-тартынмадан фикирлерингизни айтынгыз, бу эпимиз ичюн гъает керекли ве файдалыдыр, деп талап эттилер. Семинарлар макътанув ве макътанчакълыкъ мейданы дегиль де, аксине, ильмий давалашув, тенкъидий фикир ярышына чевирилди. Сонъра оларны республика халкъ ходжалыгъы сергисине, Ташкент областы илери колхозларына алып кеттилер. «Мына, бу башкъа лаф, деп къуванды Исмаиль. Башта мен янъылгъан экеним, машалла бу топлашувны тешкилятландыргъан адамларгъа. Гъает файдалы ве керекли иш яптылар.»

Дёрдинджи куню топлашув битти. Қайтмагъа азырлангъан Исмаиль «Балалар дюньясы» тюкянына кирип, электик батареясы иле озю юрюджи бала машинасы алды, сонъ ашайт тюкянындан эки кило конфет, бир къуту шекер, бир кило къаве алып, таксиге минди ве Чиланзар бетке ёнеди. Шу кунъгедже Гульджианнынъ анасына бир аякъ кирип хабер аламагъанына тарсыкъа эди. Иште, энди озъ борджыны одейджек.

Исмаиль чанъ дёгмесини басар-басмаз къапы ачылды. Босагъада алчакъ бойлу, толуджа кельген, алтмыш яшларында, зилифлери агъарып башлагъан къадын пейда олды. Онынъ артында битасынынъ этегине япышкъан огъланчыкънынъ къувурчыкъ сачлы башы корюнди.

— Селям алейкум!—деди Исмаиль,—Шанде апте сиз оласынгызмы?

— Меним, балам, меним! Хош кельдинъиз!— деп джевапланды къадын ве четке чекилпиркен: Киринъиз!— деп ёл берди. Исмаиль бо-сагдадан ичери атлар экен, анасы да, огълу да Гульджиангъа не къадар бенъзей экенлер деп тюшонди.

Одагъа кирген сонъ, Шайде апте мусафирни стол янындаки кур-сюге отурмагъа давет этти, озю де къаршыдаки скемлеге афьдан отур-ды. Огъланчыкъ кене битасынынъ янындан айырылмай, кяде бир мусафирге ятсырап-ятсырап назар ташлай эди. Куннинъ сыджакъ маали олгъанына бакъмадан, баланынъ устюнде штан, кольмек, джем-пер бар эди, аякъларында исе юн чорап, потниклер. «Бу баланы эв ичинде бойле кийиндирселер, тышарыгъа насыл чыкъара экенлер?»— деп тааджипленди Исмаиль.— Бичаре бала. Чырайы ап-акъ. Чересине Озбекстаннынъ о къадар бол кунешинден дирем биле тиймеген».

— Мен Къушучар кышлагъындан кельдим,— деди.— Мында топ-лашувгъа ёллагъан эдилер. Къызынъыз Гульджиан, аркъадашларынен бизим кышлагъымыз янындаки дагъларда чалышалар. Яхшы таныш-мыз. Бир-эки кере келип, бизим эвимизде раатланып да кеткен эдилер. Гульджиан, меним Ташкентке кетеджегимни ишитип, сизге бир аякъ кирип ал-эвалынъызны билип кельмемни риджа эткен эди.— Исмаиль Гульджианнынъ къазагъа огърагъаныны анасына сонъки дакъыкъа-гъадже айтмамагъа къарар берген эди.

— Сагъ ол, балам,— деди Шайде апте ве козьлери торланды.— Мен сизни коръгенде, ойле де беллеген эдим. Бизге мусафир сийрек келе. Къолум-къомшудан гъайры кимсе кельмей десенъ оладжакъ. Шунунъ ичюн сизни коръгенимнен, Гульджиандан хабер кетирген адам олса керек, дедим. Шай да олып чыкъты. Сонъ, айтсанъыз, насыл о анда, сагъ-селямет юреми? Сонъки вакъытта, ничюндир, пек къасе-ветленип башлагъан эдим. Кунъде тюшюме келе, худжур-худжур ко-рем. Де аякъкъаплаарыны джойгъаныны, де бир оба акъча тапкъааныны корем...

— Нафиле къасеветленгенсинъиз. Гульджиан сагъ-селямет. Иш-лери де яман дегиль. Боксит оджагъы таптылар. О ерлерни бир кере даа тешкерселер, ишлери мувафакъиетнен екюнленди демек мумкюн оладжакъ.

— Алла берсин, ишлери онъ кельсин. Яхшы хаберлеринъиз ичюн сизни де танърым мурадынъызгъа еткизсин. Тез-тез къайтса яхшы олур эди, пек сагъындыкъ биз оны. Огъланчыгъы кунъде саба «Анам?» деп уяна. Акъшам яттымы, козьчиклеринден тыгъыр-тыгъыр яш чыбыра. Шакъылдап кульмек, багъырып агъламакъ не экенини билъмей сабий-чик, юреги кырыкъ. Озю де хастаджан. Бахтына ана-бабасы сагъ ол-гъайдылар...— Къартийнинъ козьлери яшланды, кыйыгъынынъ уджу-нен козьлерини сюртерек, аякъкъа къалкъты, «къаве бакъайым» деп, ашханеге кирди. «Гъарипнинъ озюнинъ де юреги пек инджерген экен», деп кокюс кечирди Исмаиль.

Огъланчыкъ битасынынъ артындан кетмеди, де мусафир эмдже-нинъ юзюне бир шейлер сорайджакъ киби тикиле, де Исмаиль кетир-ген гуллю оюнджакъ къутусына бакъа эди. «Эй, зырзоп, сени!»— деп сёгди озь-озюни Исмаиль.— Баланы не тельмиртесинъ, бахшыш кетир-ген сонъ оны вакътында берерсинъ даа!»

Къутуны ачып, машинаны чыкъарды ве стол устюне къойып, огъ-ланчыкъ тарафкъа итеди.

— Бу санъа, Тимур. Мына бу тарткъычны тартсанъ, озь-озюнден кетебере. Моторчыгъы бар. Устюне юк де къоймакъ мумкюн. Къум, топракъ, чакъыл — не истесенъ юкле. Мына бу баскъычны бассанъ — авдара. Самосвал.

— Огъланчыкъ де машинагъа, де Исмаильнинъ агъызына джид-дийликке бакъты, лякин элини узатып къаршысында, стол четинде тургъан оюнджакъны алмагъа ашыкъмады.

— Ана...— деди о яваштан. Узун кириккли, кызларгъа хас козь-лери бир-эки кере къапалып-ачылдылар.— «Мама приедет?»

— А-а, мына сенинъ зайыфлыгынынъ неде экен?! Мен исе сенин тасыр-тусыр татарджа лаф этеджек олам, акъанъ Гъазий!

— Мама скоро приедет. Это она машину тебе передала. Просила Тимура быть умненьким, не скучать. Слушаться бабушку.

Огъланчыкъ «анасынынъ бахшышы» денильгенинен оюнджакъны абайлап эки элинен столдан котерип алды да кокюсиние басты, дерсинъ, анасыны куджакълады, сонъра тешеккюр бильдириджи тебесюмле Исмаильге бакъты.

Шайде апте къаве кетирди. Озю кене скемлининъ четчигине афудан отурды. Онынъ бутюн юриш-турушлары, къылыкълары «ушт!» десенъ учып кетеджек урькек гогерджинлерни анъдыра эди. Қъартий бу звде озюни озъ эвинде дегиль де, мусафирликте булунгъан киби ис эткенге бенъзей, деп тюшюнди Исмаиль, яхут башындан кечиргенлери оны ойле эзгелеп ташлагъанлар ки, гуя о озюни не ерде олса-олсын, сербест тутмакъ икътидарындан марум олгъан. Не аджыныкълы ал!

Исмаильде апансыздан бу къартийнинъ эллерини опымек, онъа насылдыр бир яхшылыкълар эйлеп, онынъ азачыкъ олса да, рухыны котермек истеги пейда олды. Ама онынъ къолунда не бар да, оны бахтлы этсин, ъны ашагъы басып тургъан омюр юкюни эксильтсин?!

— Буюрынъыз, къаве сувумасын,— деп риджа этти Шайде апте.— Адынъыз...

— Сагъ олунъыз,— баш саллады Исмаиль. Адыны айтты.— Нафиле замет чектинъиз. Мен мусафирханеден чай ичип чыкъкъан эдим.

— Замети бармы онынъ,— джевапланды Шайде апте.— Сиз меним къасеветимни енгиллештирдинъиз. Сагъ олынъыз, бар олынъыз. Япкъан эйилигинъиз огюнъизге кельсин. Айткъан эдим саба, сагъ козюм ойнай деп, къуванаджакъыма экен даа...

— Мен, Шайде апте, ярын къайтаджакъ олам. Энди ярынгъа билет де сымарладым. Поезд акъшам саат секиз бучукъта кете. Лякин мен торунынъызнен берабер сизни да алып кетеджегим. Чюнки Гульджаннен меним анам манъа сизни алып бармакъ ичюн къатты эмир бердилер.

— Вай, бу уйгъунсыз олмазмы?

— Не ичюн уйгъунсыз олсын, пек яхшы олур. Там емиш-зерзават вакъыты. Ава да чокъ гузелъ. Бизим къышлагъымызнынъ авасы Чатырдагъ авасына бенъзей. Курорттан бир фаркъы ёкъ. Сыгъырымыз бар, торунынъыз сабалары тазе сют ичер, багъчадан истеген мейвасыны озю узип ашар, анасынынъ янында чапар-ойнар, бираз пишкинлешир. Бала пек начар, шимди онынъ сагълыгына дикъкъат этиледжек вакъыт, акс алда хастаджан олып къалыр...

Ерде машинасыны юрьгизмекнен мешгъуль Тимур, гуя онынъ сёзлерини тасдыкълагъан киби, апансыздан богъулып-богъулып оксюре башлады, череси чукюндир киби къызарды, манълайында тер тамчылары пейда олды.

— Даа дюнь тонзиллит олгъан эди,— деди битасы.— Айда бир-эки кере хасталана. Де тумав, де ангина... Яз маалинде асыл келишмеген хасталыкълар.

«Эбет, ойле чёрмеп юрьсенъиз шай оладжакъ даа о», деп тюшюнди Исмаиль.

— Коресинъизми,— деди Исмаиль,— бизге барсанъыз, эм озюнъиз раатланырсынъыз, эм балагъа яхшы олур. Бу хусуста экиленип отурмагъа ич аджет ёкъ.

— Эй, балам, яхшы олур эди ама...— Гульджаннынъ анасы торунына бакъып алды.— Бабасы къайиль олурмы экен...

— Я ичюн къайиль олмасын? Баласына яхшылыкъ истесе, сизни къувана-къувана ёлгъа озгъармакъ керек. Озюне де, беллесем, зиян олмаз: беш-он кунъ теналыкъта олур, бала аскъысындан къуртылып, тойып юкълар, ишлерини япар...

— Э-эй, ишлери чокътыр онынъ...— Шайде аптенинъ чересини булутлар къаплагъан киби олды. Лякин шу анъ маналы лаф чыкъаргъа-

ныны дуйды, гъалиба, сычрап еринден турды, ашыкъышле бошагъан фильджанларны джыйыштырып башлады. — Яхшы, балам, шорба-джы кельсин, бу меселени даа муакеме этермиз. Шимди мен аш бакъ-айым: мусафир кельген де, мен лаф сатып отурам, ойле шей оладыр даа!..

Исмаиль «ёкъ-ёкъ» деп, ред этеджек олды, кетмеге тедарикленип аякъкъа да къалкъты, лякин къонакъбай кетмеге изин бермеди. «Ёкъ, джаным агъырыр, сен бойле япсанъ, мен сизге насыл барарым?» деди о ве мусафирни дивангъа отуртып, огюне бир десте газета-журнал ташлады да озю ашханеге чыкъып кетти. Бир къач дакъыкъадан андан къавурулаяткъан согъан, помидор къокъулары келип башлады. Исмаиль истер-истемез ашкъа къалмагъа меджбур олды...

Шайде апте ыдырынып, этине къуйрукъ ягъы къошып долма пирди, озбекче шакароп ясады, бир къуту «Сайра» консервасы ачты, бусдолапкъа «мусафир кельсе» деп сакълап юрьген ракъы шишесини салды. «Бойле къадрли адам кельгенде ичильмесе къачан ичиледжек о? Шимдики заманда мусафирлерге бу джинабетни чыкъармасанъ олмайт. Бу адам ёлда-изде ичип юрьгенлерге ошамай ама, эр алда... хатир ичюн чыкъармакъ керек. Киев де:—«Я, анай, мусафир кельген экен, столгъа бир ярым окъкъа къойсанъыз олмаймы?»— деп утандыра биле. Вакътында кельгейди барем о да, масхара этмегейди...»

Шайде апте вакъыт кечтикче саатке сыкъ-сыкъ бакъып башлады, онъайтсызланды: саатнинъ акъреби алтыны кечти, едиге якъынлашты. Шамрат эп кельмей. «Теф-теф, напмалы, мусафир де ач олгъандыр, о къадар беклетмек оламы ят адамны?! Айыптыр. Келеджек олса, чокътан келир эди, ишханесинден олгъаны-оладжагъы йигирми дакъыкъа-лы ёл... Кене кетти, демек, къаякъкъадыр быралкъыланyp, кене киркифоз олып, шишип кельсе, ана сонъ коръ кореджегинъни...»

— Айып этмесинъиз даа, Исмаиль...— Шайде апте ашны кетирип столгъа къойды.— Киев кеч келеджек, гъалиба. Иши гъает чокъ, Айнынъ сонъу. Атчёт, свотка дегени киби...

Отурдылар, ашадылар. Чай ичтилер. Шамрат эп ёкъ эди. Саат онгъа якъынлашты. Исмаиль аякъкъа къалкъты.

— Чокъ сагъ олунъыз, Шайде апте. Ёлджу ёлуна ярашыр, дегенлер, мен энди кетейим.

— Ё-ё, ёкъ, асыл тюшюнменъиз биле! Кеч олды, энди. Бу маальде сокъакъларда юрюлирми, балабан шеэр, чешит-чешит адамлар бар... Мында ятарсынъыз. Ер чокъ, бизни асыл раатсызламазсынъыз.

— Кеч олгъаны не? Мен кетейим, мусафирханеде айры одам бар,— деди Исмаиль.

— Къалынъыз, деп зорлагъанымнынъ себеби бар,— деди сонъундан Шайде апте.— Кеч олса да, Шамрат келир, эбет. Бугунъ лаф этип оламадыкъ, ярын сабагъа къалыр. Сеннен берабер оны тездже къаңдырымыз дейим. Сыр дегиль, озю яхшы ама, табияты бираз фена...

— Ойле олса, къаладжакъ экеним даа...

Шайде апте онъа кабинетте ер салды. Адети узре, башы ястыкъкъа тийди дегендже, Исмаиль юкълап къала эди. Бугунъ де шай олды. Лякин танъ ярыгъындан пенджерелер даа янъ бунарланып башлагъан маальде сескенип уянды — къапынынъ чапъы адден тыш кескин ве узакъ джангъырдады. Торунынен орта одада юкълагъан Шайде аптенинъ нелердир мыдырданып еринден тургъаныны, папучларыны шапылдата берип софагъа чыкъкъаныны, тышарыда къаба эркек даушы чыкъкъаныны ишитип ятты. «Киев бала кельди, занымджа. Яхшы «атчёт, свотка» бере экен бу йигит.— Исмаиль саатине бакъты: саат беш эди.— Э-э, тыпкъы «иши биткен» мааль экен. Шайде апте, иштен саат беште бошай деген эди...»

Къапы ачылып-япылгъан сонъ, софада даушлар даа яхшы ишитильди. Мына, недир думбыр-думбыр полгъа тюшти (аякъкъапларыны ташлады, гъалиба). «Думп!» этип диваргъа урулды.

— Яваш олса, джаным Шамрат, бала юкълай, эвде мусафир бар.

— Э-э, не? Н... не... дединъиз? Мусафир? Недайын мус... мусафир о? Мус-сафир олса — озюне, манъа не? Мен озюм де мында мус-сафирим!.. Дюнъяда-а-а ба-ар адам мусафирдир эй,— созып йырлайджакъ олды Шамрат.

«Шашкъанмы шу, не мараз?— Исмаиль тѣшеги ичинде туруп отурды.— Худжур шей, гедже битмеден, саба тюшмеден... А-а, бу эриф саргъуш олмалы, зиль саргъуш! Айыныкъ адам бойле япармы? Эй, ахмакъ инсан э, не утанмакъ, не арланмакъ биле! Къайнанасына къылына, баласыны хорлай, мусафир де онъа бир ша! Гъарип Гульджиан, мына ничюн о аилеси хусусында лаф этмеге севмей экен. Ходжа меселеси тикенли экен. Бахты юрьмеген бичаренинъ. Ойле ола экен: яхшы адамгъа илле чурюги тюше. Дагъдаки энъ яхшы мейва аювгъа къысмет эте, дегенлери керчек экен.»

Софада бир нидже вакъыт сюкюнет укюм сюръди, сонъра къаба сес кене янъгъырады.

— Сиз, къайнана, мир-ровой адамсынъыз! Ама къызынъыз, бу къызынъыз бармы!?— Мени бир капикке алмады, эм алмайджакъ! Аятымызны харап этти!

— Бар, ят шуны, олян, не масхара этесинъ мени ябаний адам алдында, алла-а, алла!

— Насыл ябаний адам о?— Кокюс керип багъырды киев.— Меним эвимде, мен олмагъанда, насыл ябаний адам келип ята?!..

Исмаиль Шамратнен саба корюшти. Ваннада бет-къолуны ювып энди сюртюнип башлагъанда бирден къапы тарс этип ачылды ве ичери, сакъалы оськен, козьлери къоян козьлерине бенъзер къып-къырмызы, мавы майкалы адам кирди. Шамрат. О омузынен къапыгъа даянды да, эллерини кокюсинде хачлап, Исмаильге тикильди. Дудакъларында кинаеге бенъзер тебессюм, козьлери тикенли.

— А-а, мына сен насылсынъ, мешур айванасравджы! Корерим, деп, асыл умуот этмеген эдим, мына озъ аягынънен эвиме сюрп кельгенсинъ, маладес, маладес!

Исмаиль шу яшына кельгендже чешит адамларгъа расткельген, чешит пытракълы алларгъа огърагъан, лякин бойлесини даа корьмеген эди. О, урьмет этип кельген ерде, ватандашы, къандашынынъ эвинде асыл бойле дубарагъа огъарым, деп умуот этмеген эди. Башкъа ерде олгъан олса, о бир сание даянып оламаз эди, ама... мында... озюни басты, къонакъбай мусафирнинъ къадирина етмесе де, мусафир озъ къадирина билъмели.

— Бен сизинъ хусуста чокъ эйн лафлар эшитюрдим,— деп иляве этти Шамрат шамекленип.— Хош кельдиюз, азиз мусафир! Бен сизни озъ эвимде горьмекле гъает мемнюндиюрим! Энди сизе бу дияры анахтарый теслим этмек къалыор!— Шамрат ойнакълап таъзим этеджек олды, ама аякълары чаташты, елкесинен диваргъа урулды, аз къалды полгъа сернълмеге.

Исмаиль сабырнен юзъбезни чюйге асты, сачларыны тюзетти, сонъ эки адым атып, Шамратнынъ къаршысына кельди. Сол элинен оны четке сюрп озюне ёл ачты, къапы туткъучыны тутып токъталды. Шамрат дыр-дыр къалтырай, онынъ ченъгесине юмрукъ тюшюрмеден озюни зорнен тутып тура. Тюшюрмек де эди, къаш-козюне бакъмаз эди, лякин кучюне ишанамады. Исмаильнинъ къабарыкъ мускуллары, таштан оюлгъан киби къавий мучеси оны токътатып тура эдилер.

— Санъа бир шей айтмакъ истейим, дост,— деди Исмаиль данелеп-данелеп.— Бизим халкъта МУСАФИР деген сѣз бар, ишиткендирсинъ, бельким. Босагъанъны атлап кирдимин инсан баласы, о СЕНИНЪ мусафиринъ ола. Къан душманынъ олса биле, эвинъе кирдимин, о МУСАФИР, яни МУКЪАДДЕС адам сайыла. Бабанъны ольдирген олса биле, дегил онъа терс сѣз айтмакъ, оны сыйламакъ, тѣрде отуртмакъ борджлысынъ. Ойле анъане олып кельген. Озюни, миллетини урьмет эткенлер шай да япалар. Эм билем ки, шай да олып кетеджек. Ама корюнип тура ки, сен ичюн халкъымызнынъ асырлыкъ анъанелери пу-

лым дегиль экен. Бу сеинъ ишинъ, бильгенинъни яп. Бойле унсурлар-
гъа раст кельгенде: «йип богъазына!» дейлер. Шай ама... олар сени
акъаретлер, чамыргъа батырып башласалар, даянып турмакъ кучъ
ола. Яхшы ки, бахтынъа, дост, мен МУСАФИР экенимни унутып ола-
майым, къайнананънынъ ве огъланчыгъынънынъ да урметинден ке-
чалмайым...

Шамрат, бир сѣз айтмагъа биле меджалы ёкъ, нефрет ве гъа-
дап толу козьлерни Исмаильге тикильгенлер.

Исмаиль, лаф битти, деген манада къапыны ачып софагъа чыкъты.

Шамрат бир-къач дакъикъа онынъ артындан бакъып турды, козь-
леринде парылдап янган нефрет атеши сѣнди, оларнынъ ерине окюнч,
утанч аляметлерни пейда олдылар. «Бу адамгъа къутургъан копек киби
атылып догъру яптымы о? Я янъылгъан олса? Я бутюн о хусуста ишит-
кен лафлары ботен, ялан олса? Шай олса о омюринде пльки дефа
корьген, эвине мусафир кельген адамны акъаретледиди, юзюне тюкюрди.
Яхшы иш яптымы бунынъле? Ёкъ, ёкъ, даа кеч дегиль, ичери кирмек,
о адамдан афу сорамакъ керек.»

О софагъа чыкъты. Орта одадан къайнанасыннынъ сеси, Тимур-
нынъ шенъликке кульгени ишитильди. Ёкъ, о анда барып оламаз. Не
юзьнен барсын? Эм даа малюм дегиль, бу айванасравджы къабаатлы-
мы — ёкъмы. Ким биле, бельки ичинден мени куледир. Алды афу сора-
макъ, мына онъа! Барсын бутюнлери башымдан деф олсынлар! Къарт-
дедемнинъ артындан кетсинлер, теф демем.

О, чюйден эски быджагъыны чекип алды, майкасы устюнден кий-
ди де тышары атылды.

Эвде исе, Шайде апте ве Тимур огъланчыкъ зый-чув ёлгъа азыр-
лана эдилер. Исмаиль оларгъа шейлерини чемодангъа ерлештирмеге
ярдым эте эди.

II

Шамрат, къадыны экспедициягъа кетеджегини илян эткен сонъ,
шашты-сачмалады, къутураязды. Оларнынъ тыштан бакъкъанда къа-
вий корюнген аилеси, пуф дегенде дарма-дагъын олды. Севгилери
акъикъийми, аилелери къавийми, эр-къадын бир-бирине садыкълар-
мы — буларнынъ бутюнини бираз вакъыт айры олув ачыкъ-айдын
косътере биле эди. Лякин Шамрат бойле, эр кеснинъ башына тюше
биледжек сынавынынъ сонъуны беклеп отурмады, озъ ювасыны озъ эл-
лериле парча-кесек бозып башлады.

Гульджианнынъ ёлгъа чыкъкъанына учъ кунъ кечкен сонъ, о гео-
логия Баш идаресине бармагъа къарар берди. Гульджиан учъ йыл
Касид Муляевич Мендеряевнинъ къызы Виканен берабер бир курста
окъугъан эди. Олар дост эдилер. Шамрат о заман Гульджианнынъ
досты, озюнинъ якъын танышы олгъан Виканынъ бабасынен де та-
нышкъан эди. Бир-эки кере эвлерине де баргъан эди. Эбет, нидже ва-
къыт кечти, о Шамратны унуткъандыр да, лякин яхшы анълатса, ха-
тырлатса, бельки, эслер, ярдым этмектен къачынмаз. Юксекте отурса
да, бир джорукъ инсангъа бенъзей эди...

Лякин ишке насыл янашмалы?

Эвеля, Гульджианнынъ табиятыны тарифлер. Инат, урдымдуймаз,
озъ нукъсанларыны озю танымагъан, кучю неге етеджек-егмейджегини
бильмеген, терс, торс, эгоист адам. Менликни севе, аш олмасын —
командалыкъ этмек олсын, дюньясыны унутыр. Ама бунынъле бирге
озъ эксикликлерини гизлемеге, озюни айлякъ, гъаевий косътермеге пек
уста шахс, дер. Тек озюни, озъ менфааты, озъ кейфине уйгъаны ичюн
аилесини ташлап, экспедициягъа кетти. Акъайы месуль иште чалыша,
вазифесини одемек ичюн секиз саат онъа азлыкъ эте, учъ-дѣрт саат даа
идареде къалып мий ёрмакъ сырасы келе. Кучюк огъланчыкълары бар,
хасталыкътан чыкъмай. Онынъле битасы отура, пенсия яшындаки
къартый, бала бакъмакъ къайда, онъа озюни бакъмакъ керек, озю де

чокътан склероз олып юре. Иште, бу алда анлесини ташлап кеткен къадын, ана хусусында не демек мумкюн? Озюнъиз айтынъыз, урьмет-ли Касид Муляевич...

Эгер о, Шамрат, Касид Муляевичке бу ишлерни этрафлыджа тарифлеп, Къасимовагъа яхшы тазир бермекле оны мында, шеэр ичинде бир де бир адий, тынч ишке ёлламасыны риджа этсе, Мендерев ред этмез, бельким. О эсли-башлы, эски адет-анъанелерни урьмет эткен адамлардан олса керек. Шубэсиз, Шамратны анълар, онъа къол тутар. Шай олып чыкъса, эр шей еринде олур.

Шамрат яваш-яваш адымларнен, эски дёрт къатлы бинанынъ экинджи къатына котериле эди. Бир топ яш къызчыкълар, эллеринде сумкачыкълары, кулфюше-кулюше, онынъ къаршысындан кечип, ашагъы чапып тюшип кеттилер. Шамрат саатына козь ташлады. Даа он эки биле олмагъан. Булар исе энди ишханени терк этелер: бутюн ярма-лыкъны айланырлар, тюкян-базаргъа даларлар, эм кейф чатар, эм ишлерини битирирлер. Я бизим ахмакъкъа бойле ишке кирип, джанынынъ къадирын биле-биле яшамагъа ким кедер этти? Озю. Зырзоп-лыгъы.

О экинджи къаткъа чыкъты. «Башлыкънынъ кабинети бу ерде олмалы.» Ана, даа бир топ фериште. Пенджере огюне топлангъанлар, синар думанлаталар. Бирининъ этеги бир къарыш, дигерининъ елкеси белинде ачыкъ, учюнджисининъ яры кокюслери корюнип тура... Аласынъ да бир къамчы, башлайсынъ гаса-гас урмагъа», деп, Шамрат тишлерини гъычырдатты. Уйдыргъанлар дюньянынъ сыртына анахтар, кяхпелер. Иш ёкъ, лаф чокъ. Мий къапакъларыны ачып бакъсанъ, ичинде бир шей тапалмазсынъ. Ойле экен, иште, туралар, баллы-татлы ерлерини нумайыш этерек, лаф саталар. Эшеклер чалышсын, дагъ-таш ичинде абына-скрюе юреберсинлер. Кимни тааджиплендирир экен, аджеба?

Ана, бири даа келе, узун бойлы, узун аякълы, «Сафарин» антерининъ ог садефлеринден дёрт-беши дёгмеленмеген, адым аткъан сайын йырмачы ачыла да, безэ, тырс-тырс эткен балдырлары корюлип ала. Антерининъ якъасында да учъ-дёрт садеф дёгмеленмеген, козь къамаштырыджы юксек кокюслерини яры-ярыгъа косътере. Дживаннынъ сачлары «Улитка» шекилинде таралгъан, аман-аман ярым кунъ берберханеде отургъан олса керек ханий. Козълеринде ири, ашагъы энген сайын ренки агъарып баргъан итальян козьлюги. Иште санъа апай. Узун туткъычлы мешин сумкачыгъыны саллай-саллай келе. «Э-эх!» деп кокюс кечирди Шамрат ве яланып алды: «Иште бойле бирини тапсанъ да...»

— Шурик, Шамрат! Сенсинъми шу? Привет!

Шамрат шашты. Абдырап токътады. Қъаршысында пейда олгъан дживан йымшакъ йылмайды ве козьлюгини манълайына котерип къойды.

— Эски достларны танымайсынъмы энди ёкъса?

— Э, танымагъаным не. Лякин сизни мында коръмеге умют этмегенимден шашмаладым.

— Ничюн я? Мен мында сыкъ-сыкъ келип турам. Гулянен де мында корюше тургъанмыз базада. Эр алда, бабам мында ходжайын. Коръмеге кирем кимерде.

— Шай, биле эдим... Яхшы... Қъартларны урьмет этмек керек...

Вика — дживаннынъ толу ады Виктория олса да, онъа эр кес Вика дей эди — шакъылдап кульди.

— Вольно, ефрейтор! Не маразымнынъ шейи бу: солдат офицерининъ къаршысында тургъан киби «смирно» турасынъ, «сиз» деп лаф этесинъ? Дерсинъ, ябаний адамлармыз! Бир тешекте нидже айлар яткъанымызны унуттынъмы ёкъса?

— Керчек, — деп кулюмсиреди Шамрат ве кене яланып алды.

Вика онъа дикъкъатлыджа назар ташлады. Эбет, онынъ алдында яланып-тамшанып, баягъы фарыгъан, сачлары сийреклекшен, агъыр

чанта юкленген («ичине къартоп, согъан, хияр, отъмек шыплагъан-дыр!») адам бир заманлары Ташкент «стиляга»ларындан бири, лафазан, шакъаджы, оюнджы, спорт устасы Шурикке асыл да бенъземей эди. Виканы бир заманлары акъаретлеген, аякъ алтына алгъан, къавун киби кесип, истегени къадар ашагъан ве тойгъан сонъ къалгъаныны «керекмей энди» деп чёпликлер арасына котерип аткъан да бу дегиль, дигер Шамрат, Шурик эди. Энди исе, бакъ сен онъа, там башкъа адам олгъан, аят оны яхшы орьселеген, озю де яхшы саллаштыра, гъалиба, юзю-козю шишик, бурны кызыл, дудакълары къуракъшыгъан...

— Затен, сен мында не япасынь шу? Апайыньны арап кельдинъми?— Вика-Виктория Гульджианнынъ экспедициягъа кеткенинден хабери ёкъ эди. Эгер шимди Шамрат эсини топлап, ёкъ, къадыным шимди узакъларда, деп, бутюн керчекни айткъан олса, Вика оны озь панджасындан бошар, бельки де эски достынынъ истегини ерине кетирмеге ярдым да этер эди. Лякин Шамрат кене севдиги ялангъа урулды. Онынъ ниети шимди ялынъыз Виканы къачырмамакъ эди.

— А-а,— деди о, элини саллап.— Апай деген шейден эвде безе-синъ. Мында бир-эки исап къагъыты керек эди, ёлдан кечкенде, айды озюм кирейим алайым шуны, бичаре хадимлерни айдаштырып юрь-мейим дедим.

— Иш биттими, ёкъсам ярдым керекми? Мен мында чокъларны билем, керексе, бир козь къымсам...

— Ёкъ, ёкъ, битти. Мен энди бошым.

— Мен де,— Вика кене кульди ве бирден бурулып, басамакълар тарафкъа догърулды. Шамрат онынъ артына такъылды.

«Мен санъа, Шурик-Шамратик, бугунъ кичкене бир оюнчыкъ косъ-терирум,— деди Вика ичинден. «Динамо» дениле. Бутюн кунъ, бутюн гедже артыма такъып юерим, киселеринъни сонъки капингидже топлетирим, къанынъны ичерим, джанынъны эзерим, башынъдан аягъы-нъадже франсыз духисининъ къокъусыле ныкътарым, сонъ «бар озь сасыкъ этегинъе» деп къуварым. Ана ондан сонъ, бар да эвде Гулячы-гъынънен эсап корь! Сачларыньны юлкъып, эвден къувмаса мен дегил-лим! Не алгъа тюшкенинъизни корип, джандан къуванырым, шакъыл-дап-шакъылдап кулерим, акътыман алгъаныма — экинъизден де! — бахтлы олурым. Эбет, энъ къабаатлысы сенсинъ, Шурик-Шамратик. О вакъытта менимле юре, ята-тура экенсинъ де, меним энъ якъын, севимли достымны къоллай экенсинъ. Гульджиан ахмакъ дегиль эди, лякин бу меселелерде айны козю ачылмагъан кучелеклерге бенъзей эди. Онынъ башыны айландырмакъ сен хынзыргъа «тыфу!» демек эди. Мен исе гъафлетте къалгъаным, сенинъ къылыкъларынъны биле туруп, контрольден чыкъаргъаным. Нетиджеде, бир кунъ бакъсам не корейим, сен манъа «Адю синъора,— дединъ.— Сеннен яхшы вакъыт кечирдик. Сагъ ол, мен энди келеджекни тюшюнемек, айле къурмакъ кереким.» Ойле этип, экинъиз меним бахтым эсабына, озь бахтынъызны къураджакъ олдынъыз. Эбет, текрарлайым, эсас къабаат сенде олды, йнгит, лякин Гуля-Гульджианда да бар. Сиз алякъа багълап юрьгенинъиз ярым йыл девам эткен, ама о шюмшюк бу акъта манъа бир керечик агъыз ахмады. Эвлендинъиз. Мен исе нерва хасталыгъына огърап хастаханеге тюштим, секиз ай яттым. Керчек, мени кореджек олып Гульджиан адресимни къыдыргъан, ама мен бердирмедим. Онынъ бахтлы чересини корьмеге, геджелери сенинъ бойнунъа сарылгъанларыны тасавур этмеге меджалым ёкъ эди. Шай да яры дели эдим. Чюнки мен сени севе эдим, сен меним бу дюньяда ишангъан, таянгъан екаяне бир дагъым, къаям эдинъ! Сен исе мени къурбан эттинъ. Бойле хиянетлик багъышланьрмы?

Ондан сонъ мен чокъ шейлер корьдим, институтны ташладым, озюмни кечиндирмек ичюн газета, радио, журналларгъа санаат боюнджа макъалечиклер язып башладым. Бакъсам: истидатым бар экен, ишлерим баягъы ёлуна минген киби олды... Лякин онъадже... Кейф-

лер... ресторанлар... «Севги»... къарты-яшы, семизи-арыгъы, алчакъ ве юксек бойлысы... Бир шейге бакъмай эдим. Дерсинъ, тез-тез бу дюнья-дан аладжагъымны алып, кетмеге ашыкъа эдим... Шукюрлер олсын, янъы тапкъан ишим мени учурым устюнде токътатты, кучюме ишанч багъышлады, янъы аят башламагъа имкъан берди... Энди эр шейим бар: ишим де, акъчам да, достларым да... Факъат севгим ёкъ. Оны сен хырсызладынъ, Шамрат, сен! Сен чиркин, пис, алчакъ адамсынъ, Шурик! Сен эки адамны бахтсыз эттинъ. Гульджиан сенинъ ичинъни корип, анълап етиштирмеген олса, шимди тамам вакъты. Сонъра кеч олур. Мен бу саада онъа ярдым этерим. Эм джезаларым, акътыман алырым, эм козьлерини ачарым. Сен исе айды давран, агъызынъны ачтынъ, къармакъны ют!»

Олар ян-янаша юрип ёлнынъ четине чыкътылар.

— Айды, сагълыкълашамызмы?— деди Вика тебессюмле Шамрат тарафкъа чевирилеркен.

— Я не бойле ашыкъыш?! Корюшювимизни къайд этмели. Энъ гузель ресторанда!— Шамрат бугунъ айлыкъ алгъан, ондан гъайры огълуна къышылыкъ тон расткельсе деп, алып юрьген элли рублеси бар эди.— Джеми — юз отуз кумюш. Къоркъмагъа шей ёкъ. Парасыны берген дудюгини чалыр.

— Кавалер теклиф этсе, ханым ёкъ демез,— деп йылмайды Вика.

Шамрат такси токътатты, энъ гузель рестораннынъ адыны айтты, «ама скверден айланып кеч», деп иляве этти. Вика: «Я бу не керек?» деген манада онъа бакъты. «Сенинъ къолунъда бугунъ дюньяда энъ буюк ве гузель гуль дестеси коръмек истейим», деди кавалер. «Сагъ ол, джаным». Вика пармакъларынынъ уджунен онынъ янагъыны сыйпап алды. Озю дуймадан, ичинден инълеп алды. «Не мараз, шу йыкъынтыны аля даа севемми шу?— абдырады о.— Бельки шу ерде, шимди таксини токътатып тюшип къалмакъ керек? «Токътат», десем ете, машина тарс токътай. Сеанс бите, ярыкъ яна».

Лякин о индемеди. Машина, суръат иле сквер тарафкъа учып кете эди.

Даа эрте олдыгъы себеп, ресторанда адам аз эди. Олар энъ гузель ерлерден бирине — оркестрден узакъ да дегиль, якъын да дегиль, эки адамлыкъ столчыкъ башына кечип отурдылар. Вика-Виктория дикъкъатле менюен танышыркен, Шамрат яваштан къоюн джебине тийип бакъты: акъча еринде, эм етерлик, бейлер киби кейф чатмакъ мумкюн. Эм кимнен э, янындан кечкен эр бир эркек Викадан козюни алмай. Яхшы шейчик, акъкъы не керек. Тени янъы къабугъындан темизленген бананны анъдыра. Дудакъларынынъ бир озю, къыбырдавы, йылмаювы къанынъны къайната, башынъны айландыра. Э-эй, дюньяда бойле алекетли заллар, бойле тотайлар, кулп-яйрап отурмакълар бар экенини о чокътан унуткан...

— Ма, озюнь де бакъ.

Шамрат сескенип, башыны котерди. Къаршысында — Вика. Виктория. Къабугъы сыдырылгъан банан. Ылмайып, онъа менюны узатып тура.

— Сен бакътынъмы? Сайладынъмы? Пек гузель. Озюнье не алсанъ, манъа да шуны сымарла. Мен санъа ишанам.— Албу исе Шамрат менюгъа бакъмагъа биле къоркъты. Анда не язгъанлар, не язмагъанлар — алла биле. Алса — я бир келишмеген, лезетсиз шей алыр, яхут онъайтсыз бир шей айтар. О исе бу гузель фериштеннинъ огюнде озюни алчакълатмагъа истемей. Кейф чатаджакълармы — чатаджакълар. Бейлер киби. Барсын бизден сонъ дюньягъа янгъын тюшсин, сув бассын, зельзеле тепренсин — тьфу!

Шамрат элини котерип, эки пармагъынен «шырт-шырт» чертип, официантынъ дикъкъатыны озюне джелъп этти. Официант кельди. Вика онъа ашайт сымарлагъан сонъ, Шамрат:

— Ичимликтен буз ичине шампан шарабы кетиринъиз,— деди. Даа якъында телевизорда шоёле сымарыш берильгенни коръген эди.—

Бир шише коньяк, цитрус мейванъыздан ёкмы, меселя, банангъа бенъ-зеген шей?— О Викагъа маналы бакъып алды.

Официант онъдан-солгъа баш саллады, лякин пек де къатий дегиль.

— Яхшы тюшюнип бакъ, олян,— деди Шамрат онынъ гонъюлиндекини анъларкен.— Мен сени сонъундан яхшы «джезаларым» мемнюн олурсынъ.

— Анъладым,— деди официант ырджайып.— Портакъал, апельсин. Шимди олур. Коньяккъа — лимон.

— Браво, брависсимо!— эльчырпты Вика.— Ана, оркестр башы да пейда олды. Вакътында музыка да сымарлап къойсанъ яхшы олур эди.

— Шимди япамыз. Сен не истейсинъ?

Вика терен кокюс кечирип, рйгъа далды.

— Сеннен берабер экенде, энъ севген йырымыз бар эди. Оны сымарла. Не, унуттынъмы? — Вика кинаели кульди. — «Унутма мени» деген йыр эди.

— А-а, хатырладым! Мийим ферик мийи олып къалгъаны чокътан.— Шамрат догъру эстрада янына барды, оркестр башына йигирми бешликини узатты. Сымарышыны айтты.— Бутюн акъшам чалырсынъыз,— деди.— Кимнинъ сымарышы экенини илян этмесенъиз де ола.

— Бутюн акъшам?— тааджиПЛенди оркестр башы.— Бу, акъча ичюн чалынса — еди кере чалыныр. Там фияты — беш кере.

Шамратнынъ козьлери тегерекленди. «Бабанъа пайтайым! Я бу меним учъ кунълик иш акъкъым да я?! Сиз шаштынъызмы шу, эрифлер? Яхшы локъата тапкъансынъыз!»

— Къач кере мумкюн олса — о къадар чалынъыз, сонъ даа сымарларым.

О ерине къайтып барып отурды. Официант энди мейванен коньяк-шарапны кетирип къойгъан экен. А, мына бусы терс дегиль — Шамрат эллерини бири-бирине уфкъалады.

— Сен не ичесинъ, джаным? Шампанмы, коньякмы?

«О-о, бакъ сен онъа! Хэмингуэй, Ремарк олгъан акъанъ Гъазы. Он йылдан бери элине бир китап алдымы экен? Бир кере о, Вика бугунъ Озеровнынъ бир шириини окъудым, шаштым» дегенде, Шамрат: «О комментатор Озеров энди шиир де язып башлагъанмы?» — деп тааджиПЛенген эди...

— Озюнь не ичесенъ, ондан бер.

— Мен коньяк ичем.

Шамрат Вика ичюн къадеге, озю ичюн фужерге коньяк текти, ша-къа этти:

— Мен сени расткетиргениме о къадар къуwandым! Айды, кеттик. Вика пармагъыле онынъ фужерине басып токътатты.

— Тост айтылгъан адет бар эди, унуттынъмы, ёкъса? Не ичюн ичемиз я?

— Сен ичюн, Вика. Дюнъяда энъ гузель, энъ назик, энъ... энъ шырын къыз ичюн!

Вика онынъ юзюне тикильди. Шу козьлер, шу къашлар... Юрегинде насылдыр бир сызлав асыл олды, о эм татлы, эм аджджы эди. Оны бастырмакъ макъсадынен дживан къадесини бир кереден котерип йиберди. Тепсиден бир парча лимон алып къапты. Оркестр оларнынъ сымарышларыны иджра этип башлады. «Гедже-кунъдюз мени унутма, тюшюнъде де, эсинъде де унутма... Дерьялар артына кетсенъ де унутма... Сенсиз манъа омюр ёкъ... Сенсиз мен эсмеген елим... Япракъсыз терек... Сувсыз дерья... Нурсыз кунеш... Унутма мени, унутма... Аякъларынъ астына чакъыл олып ятайым, унутма... Серин ава олып юзюньни хошлайым, унутма, унутма мени, унутма, унутма, унутма!»

Вика бирден эки элинен юзюни къапатты, агълап башлады. Шамрат онъа тикилип бакъып турды, турды да, элини узатып къызынынъ омузыны сыйпайджакъ олды. Вика онынъ элини къакъып атты.

— Акъыз, санъа не олды шу?!

— Бир шей де.— Вика шампан шишесини алып, озюне шарап тѣкти, ичти. Башыны саллап, йылмайды.

Ресторан залы энди толгъан, гъаля-гъуля эп артып бара эди. Базы кызгъан чифтлер оюнгъа чыкъа башладылар. Худжур шей, тааджипленди Шамрат, бу да оюн олгъанмы шу? Беш-он къалпазан дайре асыл этелер де, сыртларына ине санчылгъан киби, бургъучлана берелер. Йигит кызыны коръмей, къыз йигитни. Оюнгъа чыкъкъан сонъ къошагъыннынъ назик къокъусыны къокъламасанъ, оны кокюсинье басмасанъ, индже белини сыкъмасанъ оюн олдымы шу?!

— Чыкъмайкъмы?— деди апансыздан Вика.

— Э, мен эскиргеним,— кульди Шамрат, элини салларкен.— Рок-н-роллны, твистни бираз беджере эдим ама, буны...

— Мукъайт ол, Шурик, сени къартлыкъ басып башлагъан!— Вика онъа пармакъ саллады.— Айды, тур, биз эскиджесине ойнармыз, эки къарт... эски дост...

Оркестр башы оларнынъ оюн мейданына чыкъкъанларыны коръди, гъалиба, амаи музыканы денъиштирди, кене «Мени унутма» янгъырады.

Бундан эвель оркестр йырнынъ факъат макъамыны чала эди, шимди исе микрофон огюне яш бир мыйыкълы огълан чыкъты, сѣзлерини айтып йырлай башлады. Вика кене озюни тутып оламады, башыны Шамратнынъ къалын елкесине къойды да, козьяшларыны гизлей-гизлей агълады...

Унутма мени, унутма... Дюнъяда чокъ шейлер унутыла экен. Яхшы да, яман да. Бахт да, матем де. Озенде сув бир кере акъа, ич кери къайтмай. Омюр де шай экен. Балалыкъ да, яшлыкъ да, бахт да къайтып кельмей экен. «Унутма мени, унутма... Унутмагъангъа кучъ...» Унутмагъан, Горькийнинъ Изергиль къартийине бенъзеп, омюр бойы азапкъа къала... Унуткъангъа яхшы — о бахтлы. Мына бу йигит киби. Коресинми, пасыл ялыша? Эвини-баркъыны, тотай апайыны унутты, менден бугунъ истегенини алып олса — битти, веселям, истер дюнъя янсын, иши ёкъ. Бугуннен, дакъикъа, саниенен яшагъан адам. Айвандан не айырдылыгъы бар? «Унутма мени, унутма... Аякъларынь астына чакъыл олып ятайым, унутма. Ава олып нефесинье кирейим, унутма... Козълеринье нур олайым, унутма... Дамарларыньа къан олайым, унутма, унутма мени, унутма, унутма, унутма...»

— Юрь, джаным, къайтайкъа,— фысылдады Вика Шамраткъа яшлы козълерини тикерек.— Ёрулдым... Аякъларым тутмай, башым айлана...

Шамрат официантнен эсаплашкъан арада, о бираз салкъын шарап ичти, озюне кельген киби олды. Сонъра Шамрат онынъ къолтугъындан алып тышары етекледиди. Машина туттылар, кеттилер. Виканынь мийинде эп амансыз бир чѣкюч ура эди: «Унутма, унутма, унутма!»

Олар Виканынь квартирасына котерильдилер. Шамрат къапыны орьтти, элиндеки кягъыткъа сарувлы богъчаны стол устюне къойды. Шу арада арттан онынъ бойнуны эки араретли къол къуджакълады.

— Ох, мен сени он йыл бекледим...— инъледиди Вика.— Унутып оламадым...

Шамрат чевирлипп, оны багърына басты.

О геджени Шамрат бу квартирада кечирди.

III

Шамрат танъ атып башлагъанда уянды. Яваш ёргъан тюбинден сувурылып чыкъты, тез-тез кийинди. Тамагъы къурып къалгъан, башы патлайджакъ. О, тюневин ресторандан алып къайткъан богъчаны ачты, ичиндеки ярым шише коньяктан пналагъа тѣкти, оны котерди, артындан бир портакъал парчасы къапты.

— Танъатарда ичмек оладыр даа,— деп мыдырданды шай да дивар тарафкъа чевирлипп яткъан Вика-Виктория. Истесенъ, ашханеде къаве бар, пишир ич.

«Пишир ич, эмиш. Тургъайдынъ да пиширгеидинъ. О, Шамрат, сабалары козюни ачып энди тѣшегинде отургъанда, Гульджиан къавесини кетирип огюне къоя тургъан. Бу, къабугъы арчылгъан банан исе еринден биле къыбырдамады. «Пишир ич, керек олса!»

Коньяктап сонъ онынъ алы бираз гузеллешти. Сонъ сигар якъты, терен кокюс кечирди, шишеде къалгъан коньякны сонъунадже тѣкип ичти ве индемеден чевирилип чыккып кетти.

Шамрат чанънынъ дѣгмесине тийгенинен къапы ачылды. Қайна-нанынъ козьлери къып-къырмызы эди, «юкъламагъан, бесебелли, гъарип».

Киев ичери киреркен, Шайде апте:

— Қайда къалдынъ я, балам?— деди.— Бутюн гедже козь юмай чыкътыкъ. Эм сен ичюн раатсызланам, эм ялынъыз къоркъам, эм Тимурнынъ да сыджагъы чыкъты кене... Дакъыкъа сайын сув истей берди. Сандыракълады. Дохтыр чагъырайкъмы экен?

— Чагъырынъыз,— деди Шамрат басыкъ давушнен.— Мен аш маалинде келип хабар алырым.— О гъает ёрулгъан адам киби теренден кокюс кечирип алды.— Эх, бу ишханеде тамамиле тонъюльттилер адамны. Москвадан комиссия кельген эди, тюневин къайтмакъ истегенлер. Директорымыз чагъырып: «Озгъарса шуларны, керекли адамлар, джанлары агъырып кетмесинлер», деп риджа этти. Ред этип оламадым. Олар акъшам саат секизде учмакъ керек эдилер, ама ава яманлыгъындан, бутюн гедже аэропортта отурып чыкъмакъ сырасы кельди.

— Я авасы кунешли эди де, балам?

— Э, о мында, Ташкентте кунешли эди. Москвада исе бозукъ экен. О къабул этмеди.

Шайде апте инандымы бу уфуртмеге, инанмадымы, эр алда, лафны созмады, сусты.

Шамрат электрик устрасыны чыкъаргъанда, шкафта, урбалар астында гизли яткъан эманет кассасы дефтерчигини алып джебине сокъты. Сонъра: «Айды, анай, мен ишке кеч къалам», деп зувды. Автоматтан ишханеге телефон этти (саат докъуз олгъан эди): «Балам хаста, бираз кечикеджегим, дохтыр беклеймиз», деди.

Шамрат чыккып кеткен сонъ, Вика сычрап тѣшеги ичинде отурды. «Кет, джойыл, мараз, деф ол!»— деп, ястыкъларыны бири-бири артындан къапыгъа тараф, Шамратнынъ артындан фырлатты. Сонъ тѣшекке йыкълды, козьяшларынен кирпичлериндеки тушь ве графитни ирите-ирите агълады. Не худжур адамлармыз биз я, бу апай миллети?! Ичюн кене келип элине къондым мен шу махлюктынъ я? Не яхшылыкъ таттым бундан, не гузеллик корьдим? Ана оны ойле япарым, бойле япарым, джезаларым, деп озюми озюм алдаттым, козь боядым, албу исе, пармагъыны бир-эки къыбырдатса — копечиги киби янына чапып бараджагъым белли эди. Затен, чагъырмаса да озюм бардым. Ой, ахмакъ, сени, ахмакъ. Озюнъни озюнъ таптамагъа севесинъ, онынъ ичюн де бахтынъ ёкъ. Аякъ чулы кибисинъ. Бакъ сен, бир ресторангъа алып баргъанынен кельди тѣшегинъе ятты. Қъуваджакъ еринъе, озюнъ бойнуна сарылдынъ. Айыплар олсын, истер ресторангъа барып ашанич, истер о параны алып джебинъе сал — эп бир кяхпелик, ашшалыкъ дегильми шу?!

Вика секирип полгъа тюшти, халатыны элине ильди, чыплакъ алында ваннагъа ашыкъты. Тез-тез устюнден, тенинден о махлюктынъ къокъусыны, излерини сабун ве сунгар иле ювып, силип, сыдырып атсын да — веселям, экинджи о адамы танымайджакъ. Етер. Битти! Бутюни янып куль олды. Эйиликке алып бараджакъ шей дегиль бу. Гульджианны исе о нафиле кунълеп, сѣгип, акъаретлеп юрьген экен. О бичарени акъаретлемек дегиль, аджымакъ керек экен. Бойле айваннен яшамакъ бал олмаса керек. Йыртыджы, эгоистнен. О ич кимге садыкъ блмаз: не досткъа, не апайына, не ойнашына. Факъат

озюни билер. Озь кярыны козьлер. Ойле сойына тийген этегинъни кесип атаджакъсынъ.

Вика ваннадан чыкъты, кузьгю огюне кечип, фэннен сачларыны кѳурутты, сонъра махсус машинканен юзюни массаж япты, тенни йымшатыджы эм тазертиджи кремнен сюртинерек, еринден турды. Ашханеде чайник милиционер дудюги киби сызгырып башлады. Вика чыкътып, кѳаве пиширди, джезвесини алып, керѳ кѳайтты, язув столы башына кечип отурды. Фильджангѳа кѳаве тѳкти, агъызына бир кесечик шекер ташлап, саатине бакъты. Он бир олаята. Пенджереге бакѳабакѳа кѳавесини ичти, сигар тютетти, сонъ озюне тараф язув машинкасыны чекти. Онынъ ичине кягът ерлештирди, бираз хаялланып турды...

Недир онѳа ишлемеге кедер эте эди. Дерсинъ, артындан энъсесини козьлеп кимдир тикилип алып онѳа бакътып отура эди. Вика бирден артына чевирилди. Стол устюнде кѳатайып тургѳан бош конѳяк шишесини, кягъты дарма-дагътын этип ачылгѳан богътчаны коръди.

— А-а сени, езит огълу езит, сен бакътып тура экенсинъ де маѳа!— Сычрап еринден турды, шишени ве богътчаны кѳапкѳачлап алды, чабик адымларнен барып «жакъ!» эттирип чѳплик кѳопкѳасына быракъты. Эллерини бири-бирине уфѳкалап, темизлеген олды, кѳанатленмеди, кѳокѳулы сабун алды, хирурглар эллерини ювгѳангѳа бенъзетип, пармакъларыны бирер-бирер ювды, сонъ кене бирер-бирер юзьбезге сюртти.

— Ана шай, азиз Шурик. Сенинъ еринъ анда, чѳплик ведресинде. Ресторан тапкѳан келип мында! Танѳатарда тургѳан, кѳулт-кѳулт конѳяк иче, айван. Рухсет, афу сорамакъ ѳкъ, яслангѳан да, сасыкъ сигарыны думанлата. Кабак тапкѳан, э? Апайынъ сени сигар ичмек ичюн кенефке яхут балконгѳа айдайдыр! Мында исе — не истесе мумкюн беллеген! Таптынъ локѳата! Бир кельдинъ, экинджи шиш келирсинъ, джаным! Всѳ! Нокѳта! Ариведерчи! Чао! Ауфвидерзейен!— Озюнинъ лафларындан озю ошланып, о шакътылдап кульди, барып ерине отурды. Кене бир фильджан кѳаве ичти, стол устюндеки кѳоюн дефтерини алып, язувларыны козьден кечирди. Дюнъ рус драматик театринде премъера олгѳан эди. Вика шеэр акътшам газетасынынъ сымарышы муджиби, о спектакль акъткындыда рецензия язмалы. Дефтерчикте сейир вакътында кѳайд эткен фикирлери бар. Оларны бираз кѳарыштырса, белъки, илинмеге бир шей тапар. Башласа, о ягъты кетер эди ама... юрегинде эп бир шей кѳыбырдана бере, ой-фикирлерини ала кѳача...

Апансыздан телефон алектеленди. Вика сескене тюшти. «Оѳ, сойылгѳан домузгѳа ошамай оль!» деп трубкины алды, юреги кѳафесинден чыкѳаджакъ киби чапалана эди.

— Алло?— деди кѳарыкъ сеснен.

— Алло, бу ательеми?— деп сорады яш кѳыз сеси.

— Ёкъ, бу психлер хастаханеси,— деди кѳаба сес иле Вика ве ачувнен трубкины ташлады.— Истесенъ, кель, берабер тедавийленирмиз.

Ша-ай... Рецензия... Ильк эвеля, ашагътдакини аныкѳламакъ керек: о спектакль яхшымы, яманмы? Сѳгмелими, макѳтамалымы? Образлар? Суный. Характерлер? Ёкъ эсабы. Арекет? Уйдурмацион. Тили? Зайыф. Тузсыз балыкъ шорбасына бенъзей. Эм дады-лезети ѳкъ, эм балыкъ сасый. Яни, автор эвде, ашханесинде апайынен насыл лаф этсе, шу тильнен яза. Озю де бутюн химиявий мадделерден марум этильген сувгѳа бенъзей. Ичсенъ — кѳусаджагътынъ келе. Гѳае? Бинъ кере чайналгѳан. Сюжет? Демирѳлгѳа бенъзей. Кѳайсы станция кѳаерде — эвельден малюм. Кѳайсына саат кѳачта барып чыкѳаджакъсынъ, о да белли. Керекли пѳесамы? Мевзу джеэттен — эбет. Лякин бедий тарафтан агът зарарлы. Сейирджининъ эстетик дадыны боза. Пѳеса ѳкъ. Пѳеса олмагѳаны себебинден — спектакль де ѳкъ. Эбет, режиссѳр, артистлер — бутюн коллектив чокъ чалышкѳан, тырышкѳан: текстте

айтылган уфакъ-тюфек лафларны насылдыр умумлештирмеге, образларга аятий чизгилер багъышламагъа аракет эткен. Олар пьесаны жанландыраджакъ олганлар, ама бутюн ындырынувлары буз устюне чыкъарылып атылган балыкнынъ чапаланувуны анъдыра. Чюнки не къадар тырышсалар да, пьеса оларны озъ амансыз демир панджаларында къавий тута, тыршавындан азат эйлемей...

Вика машинка клавишлерини тасырдатып, язып башлады.

Телефон джангъырдады.

— Тьфу, шейтан!— Вика трубкины алды.— Алло?

Телестудиядан экен. Санъат акъкъында бир-эки сериялы косътерюв планлаштырганлар. Кино акъкъында бир-эки субет, азырлап бермесини риджа эттилер.

— Насыл кино акъкъында?— деди Вика сертейип.— Инд фильмлерни хусусындамы? Олар мында экрандан тюшмейлер. Дерсинъ Дели яхут Рангун шеэри. Умумен? Кино акъкъында умумен лаф олурмы, джаным? Айса, кино институтынынъ студентлери ичюн язылган дерсликни ал да, гаса-гас экранда окъуй беринъиз.

Вика трубкины ташлады ве аякъкъа къалкъып, ода ичинде о якъкъа-бу якъкъа юрьди. Сонъ акъылына недир тюшти, ашханеге чыкъты, саба чёплик къопкъасына ташлагъан богъчаны мукъайтлыкъле алып, стол устюне къойып ачты.

— Вай, вай, я бу мубареклернинъ не къабааты бар эди?— Портакъал ве мандаринлерни четке сюрди, ачылмагъан шампан ишшесини коръди.— Яхшы ки сынмагъан. Азачыкъ даа къаттыджа аткъан олсам... О-хо, коньяк да бар экен мында! Я насыл олды да о эриф буну тюплемей кетти. Тюневин акъайлыкъ этип алганыны унуткъандыр. Коръмегендир. Коръген олса къалдырмаз эди. Ич олмадым, джебинге сокъып кетер эди. «Сердце, тебе не хочется покоя!» деп йырлай-йырлай, эки шише эки элинде, одагъа кирди, креслоларнынъ бирине ясланды. Узанып, серванттан эки фужер алды. Бирине азачыкъ текти, дигерини рыкъма-рыкъ толдырды. Сонъ толусуны элине алып, дудакларыны ялады да, эркек давушына такълит этерек:

— Биз тостсыз ичмеймиз!— деди.— Дюнъяда сиздайын назик, гүзель, шырын къызлар ичюн, айды кеттик-поехали!

Бир котергенде, фужерни тюпледи ве текрар толдырды. Озь-оюнден онынъ козылеринден яш тыгъырып башлады. Сигар якъаджакъ олды, эллерни къалтырагъанындан серник ерге тюшти, сигарета сынды. Оны ташлап шарапны ичти. Бир къач вакъыт сусып отурды, сонъра аякъларыны кресло устюне къойды, мугъайып пенджереге бакъып къалды. Шимди о дюльбер, хош бичимли ханым дегиль де, ювасындан тюшкен, не япаджагъыны бильмеген аджиз къуш баласыны анъдыра эди.

Шайтип о къыбырдамадан ярым саат къадар отурды, сонъра аякъкъа къалкъты, папучларыны биле киймеден, тельгене-тельгене кровать тарафкъа юрьди. Сервант янында токъталды. Онынъ ашагъы козюни ачты, баягъы къармаланды, сонъра къыдыргъаныны тапты. Бу гъает кучлю юкълатыджи илядж эди. Пакеттен он данесини чыкъарды, стол четине къойды. Артына къайтты, фужерине шарап толдырды, кетирип, илядж обачыгъы янына къойды. Бир къач вакъыт де фужерге, де иляджгъа бакъып турды, сонъра барып гурс этип кроватина йыкъылды. Эки дакъыкъадан о энди терен юкъугъа далган эди.

IV

Баарь, яз кечти, кузь кельди. Гульджианнынъ экспедициягъа кеткенине аман-аман еди ай олды. Онынъ группасынынъ раатлыккъа къайтмагъа акъкъы олса да, къайтмады. О къадар чалышкъан сонъ, Акъташ дагъларыны сонъунадже тедкъикъ этмейип къайтмакъ эм икътисадий, эм маневий джеэттен келишмей. Гульджиан аля даа къышлакъта яшай ве сагълыгъы баягъы тюзельген эди.

Апайынынъ аля бугунъ къайтмагъаны Шамратны бир тарафтан

ачувландырса, дигер тарафтан кѳувандыра. Чюнки о ойле тузакъкъа тюшкен эди ки, не къадар чапаланса да, кѳуртылмакъ ерине даа бетер чубалана эди. Меселе эп пытракълаша.

Биринджиден, о эманет кассасында олгъан, бир къара кунюмизге ярар деп Гульджианнен бир къач йыл девамында топлагъан эки бучукъ бинъ кумюш параны авагъа савурды.

Экинджиден, ишине де кеч, де ичип кельдиги я да эрте чыкъып кеттиги, къачтыгъы себебинден, дирекция тарафындан бир-эки дефа тазир ашады, ахыр-сонѳу ёлбашчылыкъ онъа башта ресмий суретте тенбие, сонъра къатты тенбие бермеге меджбур олды. Ишханеде пасиетти къачты. Даа бир кучючик себеп олса — иши битти, весселям.

Учюнджиден ве энъ эсасы исе, оларнынъ Виканен мунасебетлери эп къабарып, чаталлашып барды. Биринджи кунюнден башлагъаны киби, олар сыкъ-сыкъ океленип, къавгъа этип ала, эки-учъ кунъ бир-бирини коръмеге козьлери ёкъ юре, сонъра кене барыша, эки гогерджин киби севише эдилер. Ама бу незакет чокъкъа сюрмей. Бу вазиет ахыр-сонъру бир патлавгъа алып бараджагъына шек-шубе ёкъ эди.

О кунъ Шамрат, энди адетке чевирильген тарзда, къайнана сына небеттеки яланны уйдырып кеч келеджегини айтты да, эвден сыптырылды. Виканынъ эвине саат еди-секизлерде келип чыкъты. Қъаралтыдан бурулгъанда, онынъ пенджересинде чыракъ янгъаныны коръди, «А, Вика эвде, беклей экен», — деп кѳуванды. Якинъ подъездге киреджекте о кене пенджереге козь ташлады ве — тааджип! — пенджерере энди къаранлыкъ экенини коръди. Шамрат ничюндир бунъа дикъкъат бермеди, тез-тез учюнджи къаткъа котерильди. Виканынъ къапысы артындан музыка чалгъаны, эркек сеси ишитильген киби кельди. Шамратнынъ ичи «шу-ув!» этти, юреги эеджан ве къоркъу иле ура-башлады, о чабикъ дёгмеге басты. Чанъ тасырдагъанынен къапы артында музыка да, эркек сеси де деръал кесильди. Шамрат чанъны кене ве кене джангъырдатты. Қъапыны онъа кимсе ачмады. Онынъ алыны коръсенъиз эди! Элери къалтырай, чырайы бем-безд кесильген, козьлери акъайгъан — эм къоркъаджакъсынъ, эм аджыйджакъсынъ!

Шамрат кене чанъ дёгмесини басты. Кене джевап алмады. Қъапыгъа кѳулагъыны тиреп, динъленип турды. Ичериде чуркъ эткен давуш кельмеди. Ах, шимди о ичериге бир козьчингинен, ич олмадым козь кыйыгъынен бакъып олса эди!

О чапып ашагъы тюшти. Пенджерелерни бир даа дикъкъатнен сюзип чыкъты. Дёрти де къаранлыкъ. Теф, не япмалы? Вика эвде олса да-олмаса да, эрте-кеч илле пейда оладжакъ. Ичериде олмаса, тыштан келеджек. Эвде олса, ярыкъны якъаджакъ, якъмагъан такъдирде биле илле чыкъаджакъ да шу андан! Ана о заман Шамрат онынъ билегинден «шап-п!» этип тутар. «Қъана айтчы, ничюн мен кельгенимнен чырагъынъны сёндирдинъ, къапынъны ачмадынъ?» дер. Қъайда бараджакъ, бакъайым, не ялан уфюртеджек? Баламы ёкъса о, Шамрат, онынъле ойнамагъа, оны ахмакъ этмеге? Ёкъ, анаву тереклер артында бутюн гедже отурып чыкъар, къаравуллыкъ этер, ама бу тотайнынъ кылыкъларынынъ устюни ачар!

Бу къараргъа кельген сонъ о, барып бир шейлер тапып, богъазыны сылатмакъ истеди. Кетти. Тюкянлар энди къапалгъан экен, тюкян-джи балагъа «Ака, ука, келинъ энди», деп базарлыкъ эткендже баягъы вакъыт кечти. Эки шише портвейинни чантасына урып, кери къайтты. О, энди сабагъадже къаравуллап отурмагъа азыр эди. Ама... ама Виканынъ эви къаршысына чыкъкъанда, тарс токътады. Оны, дерсинъ, йылдырым урды. Учюнджи къаттаки дёрт пенджереве де йылым-йылым электрик нурлары парылдай эди.

— Якъты да, йыкъты! Ернен ексан этти! — деп мыдырданды Шамрат, манълайыны юмрукълап. — Не ахмакъ адамым мен! Азгъана сабыр этмейимми? Чубалыкъны къолай-къолай чезер эдим. Мына энди, бар онынъ уджуны тап! Ойнашы олгъан олса — тапсанъ ал, чокътан къачып кеткендир. Энди Вика: «Озюм шимди кельдим» десе, аксини

тасдыкъла да бакъ! О-о, бу къадын несили бизни алдатмакъ истесе, къойнунъда яткъан дакъикъасы алдатыр, дуймазсынъ!

О, дёрт-беш кере секиргенде учюнджи къаткъа чыкъты, чанъны чалдырды. Қъапы шу анъ ачылды, онынъ огюнде кийинген-къушангъан, тарангъан-боялгъан Вика пейда олды.

— О-о, даа бир мусафир!— деди къыз кулип. Шамратнынъ юреги «солкъ» этип алды. Аякълары, дерсинъ, памукътан, ичери атлады, Виканынъ чересине сынавджы-сынавджы назарлар ташлады. Лякин о бир де бир къабаат сезген адамгъа бенъземей эди. Юзю эр вакъыттаки киби тазе, гузель, янакълары ал, дудакъларында тебессюм.

Шамрат чантасыны софада къалдырып, ичери кирди. Креслода сигар тютетип отургъан йигит аякъ устюне турды. Йигит сарышын, беяз кирпичли-къашлы, Шамраттан баягъы инджедже, лякин яры баш юксекче эди. Юзю, бойны, беяз тюклю эллери кунештен къап-къара. Шунынъ ичюн кирпич-къашы беяз корюнселер керек. Бельки де, кунештен агъаргъандырлар. Устюнде мот бичильген беяз костюм. Костюм ичинде исе кокрегинде насылдыр ресимлер ясалгъан футболка.

— Таныш олунъыз, бу Шамрат Қъасимов. Институт аркъадашымнынъ ходжасы. Бу меним достым, Жора. Озю геолг. Якъында экспедициядан къайткъан.

— Жора,— деди йигит, Шамратнынъ козьлерине тикилип бакъаракъ — Григорий Васильевич Лебан. Мемнюым. Сиз хусуста Виктория чокъ эйи лафлар айтты бугунъ.

«Виктория». Аралары ойле якъын олса, «Виктория дегиль, «Вика» дер эди. Шамрат бираз рухланды. Лякин... «бугунъ баягъы эйи лафлар айткъан» олса, демек олар кунъ бойы берабер олгъанлар!

— Отур, Шурик. Иштен келесинъми, къарнынъ насыл?— деди Вика муляйим тавурда.

— Иштен,— деди Шамрат башыны саллап.

Вика бираздан стол устюне кетирип коньяк, пиво, озюне енгиль шарап, тепсиде бир оба пенир бутерброды къойды. Ичтилер. Арагъа сюкюнет чёкти. Жора Шамраткъа эп сынавджы назарле бакъа эди. Шамрат буны сезди, тарсыкъты.

— Қъайсы тарафларда булундынъыз?— деди о къолайсыз сюкюнетни бозмакъ ниетинен.

— Акъташ дагъларында.

Шамратнынъ бутерброды тап элинден тюшеязды. Бу пезевенк...

— Керчек, Шурик, Жора бу мевсимде сенинъ къадынынъ Гулянынъ группасында чалышкъан,— деп лафкъа къарышты Вика.— Меракълы шей, э? Бельки ондан селям да кетиргендир...

— Екъ, Гульджиан Қъадировна бизни Шамратнен корюшеджегимизни къайдан бильсин! Меляикеге ошаса да... меляике дегиль де шу,— кульди Григорий.— Ондан гъайры мен ёлгъа аджеле суретте чыкътым. Лаф этип де оламадыкъ.

Шамрат тамагъыны кырып, оксюрип алды. Биллиард оюнында буны «лузагъа урып кирсетмек», дейлер, шахматта исе «мат». Барсын да энди бу ерде, бу экевининъ арасында о «озь акъ-укъукъы» акъкъында лаф-сёз ачсын. Екяне бир «Гульджиан» сёзинен агъызыны къапатмазлармы?!

— Яхшы-ы,— деп созды о, не дейджегини бильмеден.— Сонъ, озю яхшымы, сагъ-селяметми?

— Юре иште,— омузыны кысты Григорий.— Не оладжакъ онъа? Атик апай о, атеш киби. Экспедиция гъает нетиджесиз олса да, озюни сыкъмай. Чюнки ирадеси челиктен де къавий...

— О эр даим шойле эди,— сёз кыстырды Вика. Ама Шамрат, бу йигитнинъ сёзлеринде ачыкъ, устте яткъан манадан гъайры башкъа мана да бар экенини ичинден сезди. Токъта сен, бираздан лаф эттиририм сени, деп тюшюнди. Ичинъде барыны тёкерсинъ алдыма!

— Қъана, бирер дане даа алайыкъ, Григорий!

«Илинди,— деп кульди ичинден Лебан.— Оны не меракъландыр-

гъаны белли. Апайынынъ ахлякъы. Озю де о хусуста энъ яман шей ишитмеге истеген киби. Меним де дейджегим шу я. Не, макътар эдимми оны?! Эльбет, яманлайджагъым, иште. Биринджиден бу — Шамрат эфендиге керек, экинджиден манъа. Факт, информация бизим заманда бедава сатылмай. Эрифчик, джеби пара толуга адамгъа бенъземей ама, эр алда... домуздан бир къыл къопса да файда дегенлери киби... бельки бир файда чыкъар. Меним алымда неге десенъ къанаатленирсинъ. Ольген къой борюден къоркъмай. Тепмеге якъынлагъанны тепип къалайым.»

— Котерейик даа!— деди о, йылмайып.

Олар бойле бир-эки «котерип» къызышып башлагъан сонъ Вика:

— Мен бир аш бакъмасам олмайджакъ, гъалиба,— деп еринден турды.

— Аш пишкендже биз шарап ичейик,— деди де, Шамрат чанта-сындаки портвейн шишелерини кетирди. Лебан факъат «О-о!», деди ве тѣюльген шарапны ред этмедди. Оларнынъ субети кене айланып келип Гульджиангъа багъланды. Григорий айтаджагъыны айтты. О шимди насыл ялан уфюртсе, Шамрат инанаджакъ, Лебан буны биле эди. Уйдырмасыны о Гульджианнен Исмаиль устюнде къурды. Исмаильнинъ буюк эви, машинасы, ваннасы (къышлакъ шараитинде!) бар экенини, Гульджиан къышлакъкъа тюшкенде эр вакъыт онынъ эвинде токътагъаныны айтты, ама йигитнинъ анасы бар экенини гизледди. Исмаильнинъ экспедиция чалышкъан дагъларгъа сыкъ-сыкъ кельгенини айтты ама, о анда махсус дегиль, тек отлакъларгъа кельген вакъытта киргенини айтмады. Шай этип о керчек фактларны ойле къарыштырып беян этти ки, акъ къарагъа чевирильди, къара исе даа зияде къара олды. Шамрат бутюнне инанды, я не ичюн инанмасын? Эриф корьген-билгенини айта, ялан айтмакътан онъа не файда! Сагъ олсун бар олсун, керчекни айтып, онынъ, Шамратнынъ, козюни ачты. Ойле бир шейлер олдыгъыны о чокътан юрегинен сезе эди, янълышмагъан экен. Ахмакъ, масхара! Къадыным бар, деп юре э, эш-шек! Ойле апайны къой киби авдарып соймайсынъмы? О сенинъ намусынъны бир капик этти, чамургъа булгъалады, чиркефке къарыштырды, сен исе бакъаджакъ отураджакъсынъмы? Екъ, ойле ягъма кечмез. Шамрат билир, не япаджагъыны. Ярын барып судгъа ариза ташлар, асыл козюне бакъмаз. Етер. Битти. Весселям!

Шамрат къаде артынан къаде толдырды, Вика къавурып кетирген этли къартоптан бир-эки алды, башкъа къол урмады. Эп ичти. Жора-Гриша-Григорий де артта къалмады. Яхшы саргъушландылар. Саат эки къарарларында ашагъыда насылдыр автомобилнинъ даушы ишитильди. (Вика телефонда такси сымарлап къойгъан экен), Жоранен экевлешип эки къолтугъы тюбюнден алып, Шамратны машинагъа отуртып йибердилер. Вика Жорагъа ашханеде ер салды, озю ода къапысыны ичериден килитледи де, ерине ятты, лякин баягъы вакъыт юкълап оламады.

О, Жора Лебаннынъ Гульджиан акъкъында айткъанларыны ишитти. Екъ, о Гульджианни гузель биле эди, онынъ адъюльтерге урулмайджагъына, бом-боштан, эглендже ичюн четке бакъмайджагъына эмин эди... Ама... ама о, акъыкий адам, акъыкий севги расткетирсе, севсе, истесе — оны ич бир шей токътатып оламайджагъыны да биле эди. Ойле адам о, Гульджиан. Эм о такъдирде ялан-малан айтып, къыбыр-зыбыр ойнап, намусыны да кирлемез. Олдыгъыны айтар къояр, араны ачыкъ этер. Ама Шамрат, шу къадар берабер яшап, озъ къарысынынъ юрегини сечмеген, табиятыны анъламагъан. Эх, Шамрат-Шурик... Нелер эйлегенининъ озюнь билесинъми экен? Мени бир вакъытлар аякъ асты эткен эдинъ, энди кене яныма къайтып кельдинъ, ама биз берабер олурмызмы асыл?.. Акъылым етмей. Энди, эйиси, аилени де бозмагъайдынъ. Бир бахтсыз ерине учъ... дѣрт бахтсыз олур. Къадынынъ, баланъ, озюнь... мен. Екъ, бу ишни сынъырламакъ ялязим. Бугунъден итибарен мен сени къабул этмейджегим. Биревге

ханник япмакъ меним унерим дегиль экен. Умумен бу оюнны башлагъаныма пешман этем де, янам. Ама не япайым? Мордасыны корьгенимнен башымны джойдым. Гульджиандан акътыман аладжам, одырбудыр деп, озь-озюмни алдаттым, гонъюлимни тынчландырдым. Албу нсе бирден бир истегим — бойнуна сарылмакъ, багърыма басмакъ эди. Дюнъяда энъ худжур, энъ анълашылмагъан шей олса, бу да севги экен. Мийинъ иле буны япмамакъ кереклигини биле-биле, юрегинъ эмир эттигини япа экенсинъ. Айгиди сени дюнъя, айгиди севги...

Шамрат эвге кельген сонъ, къайнанысынынъ сёзлеринден эвде мусафир бар экенини билъди. Саба нсе онынъ ве Исмаилънынъ арасында энди окъуйджыгъа малюм токънашув олып кечти.

Шайде апте киевининъ чыкъып кеткенини ишитти. эльбет. Къайтып кельмейджегини де биле эди. Шунунъ ичюн кабинетке кирди, элине къалем алып, Шамраткъа мектюп язып къалдырды.

Шамрат огълим, балам!

Мен олюримде чешип къыйынлыкълар, хорлыкълар, эзлетлер корип кечирдим. Тапталгъан, акъаретленген вакъытларым да аз олмады. Ама тюневин ве бизинъки киби ич къачан масхара олмагъан эдим. Ер ярылса, ерге киреджек эдим. Сен мени о къадар ашшаладынъ. Нидже йыллардан бери бир сачакъ тюбинде яшаймыз, мен санъа бир терс сёз айтмамагъа, ананъ ерине олмагъа тырыштым. Ашынъызны пишпидим, чамашырынъызны ювдым, баланъызны бакътым, эвинъизде хызметкар киби чалыштым, озюм ашмасам да, сизлерге бердим, сизлерге олсын, деп тырыштым. Тешекюринъ шу олдымы, балам, ичюн сен манъа бир керечик биле «Бу да инсан баласы», деп бакъмадынъ? Мени ахмакъ, джайль, кёр-сокъур бир къартий беллей эдингъ. Ама мен сенинъ табиятынъ, бутюн къусурлыкъларынънынъ там манасыны тап сиз Гульджианнен эвленген йылынъыз анълагъан эдим. Бар ола — ёкъ ола яшап кетерлер, деген уютле индемеден юрьдим.

Сен мени, Гульджианнынъ кеткенине ичъ кинъ кечмеден ойнаш тапкъанымны би къартий бильмегендир, деп, нафиле тюшюмме. Эписини коре, биле эдим, ама юзюнъе шыпыртмадым. Бала дегиль, акъылыны топлар, аилесини тюшюмюр, бу къылыкъларындан вазгечер белледим. Олмады. Къарт адамдан, баланънынъ битасындан, къадынынънынъ анасындан утанмакъ-арланмакъ бильмединъ. Бу буюк гуня экенини билесинъми сен? Алла эль-аягъынъны тутар, кёр этер, къоркъмайсынъмы?

Ама мен кене даяндым, юзюнъе бир терс сёз айтмадым. Иште, бу мектюпни язгъанымнынъ себеби шу ки, мен санъа акъылынъны джыймагъа имкъан бермек истейим. Бу къадаргъадже къызыма сен хусуста бир яман сёз айтмагъан эдим. Энди де айтмам. Шамрат, балам, озюнъни къолгъа ал, инсан ол. Ялварам санъа. Сонъ кеч олур. Пешман файда этмез. Гульдай огълунъыз, апайынъ, озюнъ эшкъына. Гульджиандан гонъюлинъ тынч олсун, о ар-намуслы аиледе осьтц. Эгер юреги истесе, къумсаса биле юрегини чыкътарып сувурып атар, лякин ханник этмез, биревнинъ, акъайынынъ намусына леке тийсетмез, аилесини къыргъый озь ювасыны къорчалагъан киби имае этер.

Саба биз, дегеним киби, Къушучар къышлагъына кетемиз, Гульджиан пек чагъырткъан. Исмаиллернинъ анда балабан эви, багъы бар экен. Раатланырсынъыз, дейлер. Сенинъ изининъсиз мен асыл кетмез эдим, лякин тюневинки къылыкъларынъдан сонъ къатты къараргъа кельдим. Сонъ, ондан гъайры, санъа тюшюмюр-ташынмагъа да имкъан бермек истедим. Давран. Энди тезден Гульджиан къайтаджакъ. Муаббет-татлы яшаманъызны арзу этем. Дагъ къышлагъында булунмамыз, бельки, Тимургъа да файдалы олур: чёндай назик бала, сынмагъайды, деп къоркътам.

Айды, сагълыкънен къал. Корюшкендже, язан ананъ Шайде.

Акъшам саат секиз бучукъта поезд оларны Акъташ дагълары бетке алып кетти.

V

О куню Шамрат ишке бармады, эр вакъыттаки киби, телефон этип, себебини де айтып отурмады. Бармады — весселям. Тентиреп, шеэр бойлап юре берди. Пиво ичти, шарап, рахъы — не расткельсе, ютаберди. Айланып-айланып кене Виканынъ эви къаршысына чыкъты. Чюнки онынъ юрегини сабадан, уянгъанындан бери насылдыр бир шей кемире эди. Тюневин Виканен Гриша оны саргъуш алында машинагъа отуртып йиберип, экевлешип къалгъанына эмнет бермеген эди. Демек, о викинг сымалы геолог Викада геджеледи! Виканынъ тѣшегинде ятты! О, Шамрат исе копек киби ичти де къайтты кетти, ой эшек сени, эшек! Зерре къадар акъылынъ, айнеджилигинъ олмаса ойле ола экен о!

Шамрат бу кереси эвнинъ артындан айланып кельди де, чапып подъездге кирди: Вика пенджеренен корер де, кене къапыны ачмаз, деп къоркъты. Эбет, викинг майка-трусикте, эв ичинде яланаякъ юресе, Вика ханым исе халатнен олса — эр иш олгъан эсабы. Оны, Шамратны, бу меселелерде алдатмакъ кучъ. бала дегиль о.

Вика, акъыкъатен, халатнен эди. Бир къарыш кельген штанчыгъы, лифчиги. Башкъа урба деген шей ёкъ. Шамрат буны корьгеннен алысзланып, софраның диварына таянып къалды. Аякълары алтындан ер сыптырылып кеткен киби олды.

— Кир, не къатайып къалдынъ шу? — Вика къапыны орытти. Шамратнынъ даа бир кичкенечик, сонъки умюти бар 'эди: бельки Лебан мында дегильдир, бельки о да тюневин, Шамрат къайтып кеткен сонъ, мындан деф олгъандыр?

Ама бу умюти де шу саниде бошкъа чыкъты. Ашхане беттен онынъ къаршысына Жора чыкъып кельди. Шукюр, яланаякъ, трусикнен дегиль, аякъларында потиклери, сыртында штаны бар ама... лякин кольмегини киймеген, майканен. Сачлары таралгъан, даа сылакъ, атыта таракъ излери корюнип тура. Элинде яры-ярыгъа бошатылгъан пиво шишеси.

Шамрат Жоранынъ янындан селямлашмадан кечти, Виканынъ артындан ашханеге кирди.

— Сонъ, насыл, гедже яхшы кечтим? — деди къарыкъ сеснен.

— Кечти. Юкъладыкъ-турдыкъ, иште...

— Жоранен э? — Шамрат Виканынъ билегинден алыркен, кескин суретте озю тарафкъа чекти. — Айт, мени масхара этмеге утанмайсынъмы?!

Виканынъ чырайы агъарды. — Сен шаштынъмы шу? — деп фысылдады о асабийликнен. — Ама ятсам да, сенден сорап отурмаз эдим.

— Сен мени ахмакъ беллеме. Къадыннен эркек бир эвде ятаджакъ да...

Вика онынъ янагъына чевириле туруп бир шамар яплаштырды.

— «Слушай, сен!» Тонъюльттинъ сен меши! Дюнъямдан бездирдинъ. Ничюн сен адамгъа инанмакъ истемейсинъ?! — Вика энди озюни туталмадан, бар сесиле багъырып башлагъан эди. — Санъа керчек керекми — яланмы? Керчегини айтсам — инанмайсынъ, ялан айтсам гонъюлдинъ хош оладжакъмы? Мени къанджыкъ, быралкъы этип чыкъарсанъ бахтлы оладжакъсынъмы? Лебан мына бу ерде ятты, бакъ, кѳр олмасанъ! — Вика аягынен ашхане столчыгъы тюбюнде тыгъырыкъланып къююлгъан тѣшекни тепти. — Мен, эсамеси биле окъулмасын, деп, одамны ичериден килитлеп яттым, анъладынъмы, айван?

— Не ола шу мында? — ашханеге Жора сокъуладжакъ олды.

— Деф ол! — деди онъа Вика, къапыны тарс къапатып. — Сенсиз де къусаджакъым келе! Эки къадыннынъ 'эри олмыш Шурник-Шамратикле арамызны ачыкъ этмек арфесинде турамыз!

Вика — энди юзю къып-къырмызы эди — кене Шамрат тарафкъа чевирилди.

— Сен меним кимим оласынь шу, эриф, айтчы манъа бакъайым? Менден федакярлыкъ, садыкълыкъ талап этесинъ, сен мени ашатты-пчирдинъми, бала-чагъамны бакътынъмы, инсанлар козю огюнде аилемнинъ, меним адымны юкселъттинъми? Ёкъ, сен мени, бедава кях-пени къуллангъан киби къулландынъ. Меним севгимден озъ ашшаа ннетлеринъ ичюн айдаландынъ. Огълунынъ сютлик, аплесининъ аш-лыкъ парасыны озюнинъ пусюр къылыкъларыны къанаатлендирмек ичюн ишлеткен адамдан даа не беклемек мумкюн?

— Балагъа, аилеме токъунма!— деп гъудурдады Шамрат богъукъ сеснен.

— Ничюн токъунмайджакъ экеним? Я меним озъ акъкъымны талап этмеге, менфаатымны къорчаламагъа акъкъым ёкъмы ёкъса. Меним аиле къурмагъа, бала-чагъа коръмеге, эр кес киби бахтлы олмагъа, инсан киби яшамагъа авесим, истегим ёкъ беллейсинъми? Янъыласынъ. Ама меним бу истегим, арзум санъа ят, сенинъ алчакъ ннетлеринъе уймай. Сен не беллединъ, мунасебетлеримиз ойле де сонъун-адже кете береджек дединъми? Ё-ёкъ, мырзам, ойле локъата ёкъ. «А» деген, «б» де демек керек. Не, мени Гульджиан къайткъан сонъ да сеннен шимдикине къадар олгъаны киби, гизленип, сакъланып, севгиге ойнар беллединъми? Ёкъ, янъыласынъ, достым. Я Гульджиандан айырылып манъа келесинъ, я да меним башымы азат эйлейсинъ. Мына шимди, шу ерде бир къараргъа келе де, манъа беян этесинъ. Этмедигинъдже, бугунъден, шу саниден итибарен пармагъынънен биле озюме токъундырмам. Байрам кунълеринъ битти, мырзачыгъым. Паспортынъа «Виктория Мендеряеванынъ ходжасы» деп язылмагъандже, меним яныма огърама, весселям.

Вика, алсызланып, курсиге чёкти, пенджереве яткъан къутудан бир сигарета алды, тютетти.

— Энди кет, Шамрат.— Къызынынъ сеси аэнксиз, бом-бош эди.— Кет де, бир даа кельме. Телефон номеримни де унут.

— Сен, Вика, нафиле ерде мени о къадарлыкъ ашшалайсынъ. Шамратнынъ озю бу алымыздан тарсыкъмайдыр, дейсинъми? Аштан-сувдан кесильдим, геджелери юкълап оламайым... Гульджианнен... Кеткенинден бери бир мектюпчик язмады Меним де озюме яраша гъурурым бар. Тынч, нормаль яшайшымызгъа ильк эвеля о, Гульджиан, тепме эндирди, аилемизни хараплады.

— Не япкъан экен о? Ойнамагъа дегиль, ишине кеткен адам. Сен не, эвленгенде онынъ насыл зенаат эльде этеджегини бильмеген эдинъми?

«Бу къадыннен асыл лаф этмекнинъ чареси ёкъ. Прокурор, къаралайыджыдан бетер, хынзырнынъ баласы. Истесе, тили бал-шекер, истесе — зёрден бетер...»

Ниает, Вика сигарыны чекип битирди, куллюкке ныкътады, ама еринден къалкъмады. Ялт этип Шамратнынъ юзюне бакъты ве онынъ алельхусус худжур экенини сезди (ах, бу сезгир, мераметли апай юреги бармы!), шимди гудюрдеп йыкъылыр, деп къоркъты. Узанып, буздолаптан ачыкъ шишени алды-ве пиалагъа толдырып шарап текти.

— Отур, ич. Бир шей къапасынъмы?

Шамрат башыны онъдан-солгъа къакъытты, аякъ устюнде пиаланы тюпледи, елькесинен диваргъа таянды. Қозълери яшлангъан киби олды.

— Джанджал конец? Кирсек оламы шу?— Ашхане къапысына Жора сокъулды.

— Ана бир оксюз да. Қадынсыз къалгъан да манъа келе, милициядан къачкъан да. Қир, кир, не бакъып турасынъ?— мураджаат этти Вика Лебангъа.— Башыма бир фикир кельди, пайлашмакъ керек. Бу,— деди Вика Шамраткъа, пармагъынен Жораны косътерип,— аз къалгъан адам ольдюреязгъан. Энди милициядан къачып юре. Меним эвим онъа сычан делиги олгъан. Мен оны ашатмакъ, ичирмек, милициядан гизлемек керек экеним.

— Шай, шай,— ырджайды Гриша.— Достлыкъ борджы.

— Э-э, джеэннемде корьдим ойле достларны. Сизлернен мен эм пьяницагъа, эм кяхпеге, эм арамтамакъкъа чевириледжегим. Эки куньден бери бир сатыр язып оламадым. Ишим къаланып ята. Шимди такси сымарладым. Бар да Шамратнынъ эвинде — мадам о бош экен, домалынъыз. Ичинъыз, ашанъыз, манъа десе, баш устюнде юринъыз, ама мени азат этинъыз. Экевинъизни де кореджек козюм къалмады.

— Догъру сёзге не етсин,— эллерини керди Лебан.

Виканынъ теклифи Шамратнынъ телюкели чапалангъан юрегине де мельэм олып къуюлды. Ер — истегенинъ къадар, учъ одам бом-бош, бир озю джаны сыкъылып олер, бу Жора дегени гевезе адамгъа бенъ-земей, онынъле джанынъ сыкъылмаз. Викагъа исе о аселет эки-учъ кунъ корюнмез. Бираз сувусын, сагъынсын... сонъра озю къыдырып башлар.

— Яхшы, кетейик манъа,— деп разылыкъ берди о.— Топла, Жора аркъадаш, уфакъ-тюфегинъни.

— Бу бир дакъикъалыкъ иш,— козь къымды онъа Лебан. Талий оны, Гришаны, шу Гульджианнынъ дапресинден чыкъармагъа асыл истемей. Де алып барып Исмаильге къадай, де кетирип акъайына. Мына энди дживаннынъ эвине ёллай. Қысмет дегенлери шудыр даа. Қысметинъден ред этип оласынъмы асыл?

Вика телефон этмеге чыкъып кетти.

VI

Эркеклерни аткъаргъан сонъ, Вика бабасына телефон этти

— Алло, Касид Муляевич, селям, бу меним, Вика къызынъ. Шукюр, бир къарарым. Озюнъ насылсынъ, къан басымынъ шимди недай, гузельми, пек яхшы!— Вика бабасыны корьмегенине баягъы олгъан эди.— Мени корьген эдинъ? Қъаерде я? Телевизорда? Э, санъат бойынджа бир-эки субет кечирмемни риджа эткен эдилер. Бир кере чыкътым, сонъ ред эттим. Айлакъ баш кутелер. Язгъан шейинъни кеселер, къырпычлайлар, диннини-иманыны айдайлар. Эм де гевезелери чокъ. Текстни яз, тасдыкълат, рецензиягъа бер, репетициягъа бар, эки-учъ кунъ кино-суретке тюш... Акъ бермеге кельгенде исе — сорама. Шимдимпи? Эбет, радио, газеталар ичюн къаралап турам. Ама башкъа ишке къол урмакъ ниетим бар. Нешрият, къол санъаты хусусында бир кучюк рисале язмакъны риджа этти ве сымарлады. Шимди шунынъле огърашаджам. Санъа телефон эткенимнинъ де себеби шу. Бир риджам бар. Манъа бир путёвкачыкъ керек. Иджат эвлеринден бирине. Олсын языджылар, киноджылар, архитекторлар, чалгъыджылар эви — кимнинъки олса олсын, тек отурып чалышмагъа шараит олсын.— Вика бир къач дакъикъа бабасынынъ дегенлерини дйпълеп отурды. Сонъра:— Яхшы, мен эвдем, беклерим,— деп трубкины ташлады.

Кучюк чемоданыны чыкъарды, ичине учъ-дёрт китап, кягъыт, язув машинкасыны къойды, денъиштирмеге бир къат урба салды. Шу арада бабасы телефон этти.

— Алло, Вика,— деди о.— Ташкент дживарларындан бир шей тапып оламадым. Истесенъ, Қыргъызстанда Ыссыкъ-гольде ер бар. Яхшы пансионат. Айры коттеджлерде айры одалар. Сыджакъ сув ве иляхри уйгъунлыкълар. Ашлары да гузель дейлер. Зан этсем, бу санъа келишпр.

— Къуда киби макътап отургъанынъ да не шу, баба? Ер бар, демек, кетем. Бир саат беклемеге такъатым ёкъ. Мен энди ёлгъа азырым.

— Айса, Ленин мейданына кель, путёвканы алырсынъ. Токъта, бир дакъикъа, мен самолётны бакъайым... А, мына, Фрунзеге он секиз къыркъта рейс бар. Шунъа етише билесинъ. Учюнджи кассада Маргарита Павловнаны сорарсынъ. О санъа билет такъыштырыр.

— Сагъ ол, бабашка! Сен олмасанъ, мен бу дюньяда не япар экеним, аджеба?!

— Касид Муляевич бир-къач дакъикъа сусып турды, сонъра:

— Етип баргъан сонъ телеграмма бер,— деди.— Мектюп де язып тур.

— Яхшы. Опем. Сагълыкънен къал, баба.

Вика чемоданыны алып, сокъакъкъа чыкъты.

Саат он секиз къыркъта ИЛ-62 лайнеры кокке котерильди ве Фрунзе тарафкъа ёл алды. Онынъ когертесинде Вика да учып кетмекте эди.

Шамратнен Григорий Лебан бири-бирине гъает уйдылар. Жоранынъ даа баягъы акъчасы бар эди (геологлардан хырсызлангъан парадан гъайры, о бабасынынъ да джебни яхшы къакъкъан эди). Илък эвеля, олар буздолапны ичимликле толдырдылар, эт, ягъ, колбаса, пенир де алдылар. (Тюкянларгъа, базаргъа Шамрат озю чапа эди. Гриша аля даа гизлене, чыкъса, геджелери чыкъа, эв якъынында бираз доланып къайта эди). Онынъ бу гизленюви худжур корюнсе де, Шамрат ич де «Олян, шу ресторанда олгъан тесадоф котек бу адамны ничюн бу къадар къоркъузгъан? Бойле гизленмеге не аджет?— деп тааджипленмеди.— Демек, бир джиддий джинаетте къарышыкъ бу эриф?» Акъчасы бармы — гузель, сарф этейик, тили бармы — динълейик, кулейик. Аш, ичимлик бар — ашайыкъ, ичейик. Эвге таныш «тотайчыкълар»ны да чагъыра билемиз. Шамрат шимди юксек ёлдан ашагъы ич бир идаресиз учкъан машинагъа бенъзей. Эрте-кеч илле ёлдан сыпырылып чыкъаджакъ яхут бир шейге барып уруладжакъ... Ама бу оны асыл раатсызламай эди.

Вика онынъле кене кесен-кес лакъырды эткен сонъ, о учъ кунъ эвден чыкъмады, факъат бир аякъ тюкянгъа чапып барып келе, ишинде биле бир керечик корюнмеди. Дёрдюнджи куню ишханеге кельгенде, оны директоргъа чагъырдылар, ничюн прогул япкъаны хусусында анълатув. къагъыты язмасыны талап эттилер. Шамрат, ит масхарасы олып, къабаатны бойнуна алды, шу учъ кунни отпусказы эсабына сайылмасыны риджа этти, бу ал баламнынъ хасталыгъы себебинден олды, энди текрарланмаз, деп ант-емин ичти. Бир сёзюне инанмаса да, директор оны аджыды, яхшы, прогулынъызны отпусказ эсабына кечипремиз, деди. Ама бу къанунгъа сыгъгъан шей дегиль. Шунынъ ичюн биз сизни отпусказгъа чыкъарамыз. Учъ кунъ эвельсинден. Акъчанъызны алынъыз, барып бир ерде бираз раатланынъыз да, къайтып кельген сонъ бу къылыкъларынъызны текрарламанъыз.

Шамрат отпусказыны алды. Элине пара тюшкенинен Викагъа телефон этти. Дефаларджа. Кимсе джевап бермеди. Сонъ бир франсыз духиси, Австрия къолчагъы, бир топ гуль сатын алды да, къызынынъ эвине ашыкъты. Бунынъле о, Виканен барышмакъ, мунасебетлерини онъламакъ истеди. Ама онъа кимсе къапыны ачмады. Вика эвде ёкъ эди. Бутюн кунъ эв этрафларында тентиреп юрьди. Вика пейда олмады. Ахыр-сонъу къомшуларгъа мураджаат этмеге меджбур олды. Оларнынъ дегенине коре, къыз учъ кунъ эвель чемоданыны алып, чыкъып кеткен. Ама къайда кеткен, къачан къайтаджакъ кимсе билмей. Бизге айтмады, дедилер.

Шамрат, къарпызы элинден тюшип, эвине къайтты.

Григорий Лебаннынъ тышкъы корюнюши сербест олса да, ичинден тарсыкъып башлагъан эди. Нидже вакъыткъадже о, аюв киби бу квартирада ятаджакъ? Сап-сагълам эриф къабир ичине комюльген киби... Эйиси, онъа бу диярны ташлап, узакъларгъа кетмек, дейик, тундра, тайга ичине барып синъмек керек. Бир-эки йылдан эр шей унутулыр, ятышыр. Языкъ ки, бабасы худжур адам, анаву Гульджиан киби шахслардан. Гриша, анасына бутюн олгъан шейни анълатты, бабайгъа тесир эт, деди, ама къарт папаз эсамесини биле окъумагъан. «Джинает эткен олса, милициягъа теслим олсын да, джезасыны алсын. Ятып чыкъса, бельки акъылы ерине келир, деген. Мен оны къорчаламакъ огърунда пармакъ-пармакъкъа урмам, джинает япкъан джезасыны алмакъ борджлы», деген. Ана ойле гъаевий адамлар да бар дюньяда, чюрип кетеджеклер.

Догъру, бу ерден кетмек лязим. Ама, биринджиден, весикъа керек. Паспорт. Диплом. Акъча. Чокъ акъча керек. Беш юзь-бинънен битеджек шей дегиль. Къартый ярдым этер, эбет. Ама онынъ бергени не оладжакъ? Вика... Вика эсаптан тюшти. Эски мунасебетлерини хатырлап, Гриша онъа умят багълагъан эди, лякин бу фындыкъ да бош чыкты. Кене бир хораз онынъ, Гришанынъ, огюни кесип кечти. Бу дефа мынаву Шамрат-Шурик деген быламыкъ. Тааджипли шей, баргъан-баргъан да, Гульджиан, Вика киби кызлар шойле махлюккъа севда олгъанлар. Неси бар экен онынъ, несине кыызгъан шунунъ апайлар? Не дюльберлиги бар, не акъыл-идраги, не акъайлыгъы. Худжур шей бу — севги дегени.

Яхшы-ы. Акъча меселеси. Шамратнынъ эвине кечмек меселеси чыккъанынен, Григорий: «Яшасын, кене частым юрьди!» деген эди. Ама кельди, бакъты ве нафиле кыувангъаныны анълады. Бу эрифнинъ арткъач шейи ёкъ экен. Анълашылгъанына коре, апайынынъ ёктылгъындан файдаланып, эманет кассасында туткъан беш-он кумюшлерини де ельге савургъан. Шимдилек оны, Гришаны кемире. Зияны ёкъ. Борджлансын. Куню келир, Жора онынъ богъазына япышыр: «Къана, ашагъан-ичкеннишни одеци, достчыгъым». Къайда бараджакъ?

Озь ишини мукеммель билъген Жора Шамратнынъ эвини гузель тешкерип чыкты, айры бир кягыткъа акъча чыкъара биледжек бутюн шейлерининъ джеделлини тизди. Алтын-кумюш деген шей бу эвде бол дегиль экен: эки эски алтын купе, бир билезлик, эки юзюк, бир кумюш кыушакъ (къартыйнынъки олса керек). Яхшы, балабан килим. Буллор савутлар, яхшы бир тон (Гульджианнынъки олса керек). Даа бир кучючик килим ве уфакъ-тюфек... Орта эсапнен эки бучукъ бинъге тартар. Ондан ярдымджыларгъа да бираз бермек керек олур... Пара кене азлыкъ эте биле. Ама бир де бир тюкянчыккы абрасалар...

Баягъы тюшюнип-ташынгъан сонъ, Гриша бу фикирден къайтты. Ёкъ, бу олмай. Онынъ бойнунда шай да беш-алты йыллыкъ муддет асувлы, оны къабартып юрьмек не керек. Гриша Шамратнынъ шейлерине сонъунадже тиймез, эвеля йигитни ёлгъа салып, одюнчке бир-эки бинъ пара таптыр.

Гриша сач-сакъал осьтюрип башлады (юнлю махлюкъ шимди кимсени тааджиплендирмез, мот шей). Къара козьлюк алдыртты. О, кунъ бойы ята, тура, гимнастика япа, чай, къаве иче, китап окъуй, аш пишире, кыыскъасы, озюни эглендирсе де, безе эди. Акъшам, Шамрат (оннынъ отпусказы тез кечип кетти) кельгенинен ичкиджилик башлай. Сонъ «тотайлар» да пейда олалар. Ама актив табнатыл Жораны бойле бакъыт кечирюв къанаатлендирмей эди. Кунълерден биринде о йзув столы башына кечти ве тюшюнджелерге далды. О шимди биревнинъ ахмакълыгъы ичюн къурбан кетейта. Шу дели къадын ахмакълыгъына барып, озюни къаядан атмагъан олса, не бар-бир шей ёкъ эди. Санки Жора онынъ этини ашайджакъ, кемигини кемиреджек эди. Борюми ёкъса о? Инсан баласы. Инсан баласында исе — инсан истеклери. Дерсинъ о къадын озю инсан дегиль. Инсанлыкъ япкъан олса, шимди о озю де хастаханеде мыргъасы чыктып ятмаз, Гриша да бу алда сандыракълап юрьмез эди. Энди озюнден корьсин! Онъа яманлыкъ яптылармы, Жорадан да яхшылыкъ беклемесинлер.

Григорий Лебан яшты хынзырлыкъ ойлап тапты ве санагъа чыкъа-джакъ артист киби эеджанланды, элини-элине уфкъалады. Сонъ кягыт алды ве шикъет язмагъа башлады. Шамрат Къасимов адындан Геология-тедкыкыят Баш идаресининъ башлыгъы К. М. Мендеряев адына. Яхшы-ы копорти. Эр шейни бир ерге обалады. (Акъташта боксит тапылгъаны хусусында онынъ хабири ёкъ, эм бу факт идареде де малюм дегиль эди), бу отрядда низам-интизам деген шей олмагъаныны, группа азалары колхоз отлакъларында ве кышлакъта ичкиджиликке берильгенлери ве умумен экспедиция башы Г. Къ. Къасимова озюнинъ коммунист деген улу адына иснат кетирген арекетлер себепчидир, деп язды о. Сонъра Гульджианнен Исмаилнинъ мунасе-

бетлерине кечеркен, ойле яланлар, ойле пусюрликлер текти ки, шашар-сынъ. Шикъетнамени о шойле сёзлерле екюнледі:

«Урьметли достлар, аркъадашлар. Мен Сизге бу мектюпни язмакъ иле буюк бир джесарет косътердим, бунынъле сиз де шу сааты белли бир чаре ве тедбирлер корерсинъиз де, къараны — къара, акъны — акъ, дерсинъиз, шу анъ акъикъатны къорчаламагъа атылырсынъыз, деген умютте дегилім. Ама мен, чин совет адамы оларакъ, бойле писликлерге индемеден сейир этип отурмагъа асыл даянамайым. Эбет, Г. Къ. Къасимова — меним къарымдыр, огълумнынъ анасыдыр, биз онынъле он йыл къадар берабер яшадыкъ. Бу вакъыт девамында ондан мен чешит къурназлыкълар корьген, лякин бу къадарлыкъларны беклемеген эдим. О эм озъ адыны, эм меним пак адымны чамургъа булгъады. Улу Ана сёзюне улу къадын-къызлар несилининъ адына леке тюшюрген бойле апайгъа мен нефрет беслейим. Ондан вазгечем. Сизлер насыл чарелер, насыл тедбирлер корьсенъиз, о Сизинъ ишинъиздир. Аризамнынъ 3 нухасыны газета редакциясына ве дигер юкъары тешкиятларгъа ёллайым.»

Гриша Шамратны кымыкътыра берип, судгъа айырылув хусусында ариза язмагъа меджбур эткен эди. Энди шунинъ ичюн де къоркъмадан бу сёзлерни язды. Досты яхшы кейф алгъан вакъытта элине бу кягъытны тыкъса, къувана-къувана озъ элинен кочюрир, имзалар да конвертке къойып ёллар. Жора Шамратны яхшы огренген эди.

Ойле де олып чыкъты. Шамрат шикъетнамени ишханесинде къалып озю машинкалады. Дёрт нуха. Учюни, дегенлери киби, учъ адреске ёллады, бир нухасыны озюне алып къалды.

Касид Муляевич элине бу кягъыт тюшкенинен шашты къалды. Узакътан олса да, о Къасимовлар аилесини бираз биле, акъайыны бир-эки дефа корьген, лаф эткен, къадыныны исе озю ишке алгъан, экспедициягъа тайин эткен эди. Гульджиан онынъ кызы Виканен бир-къач курс берабер окъугъанларыны, дост олгъанларыны да биле эди. Вика хасталанып институтны быракъты. Ама, Гульджиан, эвленген сонъ кыйын олса да, окъувыны девам этти. (Сонъки эки йылыны гъиябий факультетте битирди). Атик, ишкир къыз. Партия, азасы. Ишини, хусусан геологияны джан-гонъюльден севе, онъа омюр билля садыкъ къаладжакъ шахс эди, гъалиба. Ама бакъ сен... Шейтан ёлдан ургъан бесебелли... Омюр о, эбет, кимнен олмай? Бир чарелер корип, меселени ятыштырайым, десе, бакъ, бу адам не япкъан, акъылсыз эриф: аризасыны тек бу идареге дегиль, даа бинъ бир ерге ёллагъан. Шимди башларлар баш кутмеге: не олды, не къалды, насыл тедбирлер корьдинъиз? Языкъ, Вика эвде ёкъ, олса, бар, бир лаф этип бакъса шу адамнен дер эдим, ама кызы узакъта, Ыссыкъ-гольде.

Касид Муляевич сабырсызлыкъле ода ичинде о якъкъа-бу якъкъа адымлады. «Ахмакълыкъ. Буюк ахмакълыкъ. Бир ахмакъ къуюгъа таш атар, юз акъыллы чыкъарып оламаз. Эльбет, кезинти, кейф чатув бар ерде иш олурмы? Ялан олса, догъмуш акъайы бойле шейлер язар эдими? Ель эсмесе япракъ тепренirmi?..

Касид Муляевич секретарь къадынны чагъырды, аякъ устюнде туруп, онъа эки кягъыт яздырды. Бири телеграмма, бири эмир.

Къушучаргъа ёлланылгъан телеграмма, Гульджиан Къадиrowна Къасимова аркъадаш геология экспедициясынынъ башлыкълары вазифесинден азат этилerek, кері чагъырылгъаны хусусында эди. Онынъ ерине А. Т. Полетаев таинлене эди. Касид Муляевич эски дипломатик ёлбашчылардан эди, о Къасимованынъ не себептен иштен бошатылгъаныны телеграммада косътермеді. Арткъач лаф — эшекке юк, дегенлер, кышлакъ еринде о къадыннынъ ады чыкъты демек, идареннинъ де ады чыкъты, демектир, таякъ къайтып келип, кене ёлбашчынынъ озюне ура биле.

Эмирде о тартынъп отурмады. «Джемиетке уйгъунсызлыкъ, ах-

лякъсызлыкъ арекетлери, низамгъа риает этильмеюви себебинден, вазифе эда этильмегени ичюн...» ве иляхри сёзлернен толдырды ве шашкъан секретарь къадынгъа къарарны машинкалап, номерлемекни риджа этти, ляккин шимдилик тахтагъа асманъыз, столынъызда тутуп турынъыз, деди. Эмирни къарышыкълыкъ башлагъан вакъытта косъ-термек инетинде эди. Дипломатиянынъ даа бир шекили. Илыкъ эвеля, озюни къорчаламакъ...

VII

Шамрат ишханеден чыкъты да, енгилъ автомобиллер тургъан мейданлыкъта токъталды. Чантасыны ерге, аягъына таяндырып, чевре-четке бакъты. Кунеш парылдай, ельчик эсе, япракълар къыбырдайлар, машиналар чапышалар, адамлар къаерлергедир ашыкъалар. Онынъ, Шамратнынъ исе энди ашыкъмагъа ери ёкъ. Шимдичик оны кадрлар болюгине давет этип, эмирге имза чектирдилер. Систематик суретте прогуллары... ишке кеч ве саргъуш алда кельгени... озь вазифесини эда этмегени... даа бильмем нелер япкъаны ичюн иштен азат этильгени илян этиле... Ана ойле, медений ве алидженап суретте...

«Эсап-къасапны бухгалтерияда япарсынъыз. Эки афталыкъ акъ алырсынъыз,—дедилер.—Биз чокъ айткъан, тенбилеген эдик, языкъ ки, динълемединъиз...»

Шамрат, терен коюк кечирип, чантасыны элне алды, адамлар акъымына къошылып, башы бакъкъан тарафкъа кете берди. Бугунъки дарбе онынъ ичюн буюк янъылыкъ дегилъ эди. О, саба почта къутусыны ачкъанда, газета арасындан сарымтыл къагъытчыкъ парчасы чыкъты. Бу суд повесткасы экен. Оны корьгеннен судгъа чапмакъ истеди, ама озюни тутты, ишке давранды. Андан телефон этти, не чагъыра бересинъиз шу мени, деп зорланды.

«Сиз айырылув хусусында ариза берген эдинъизми?—дедилер онъа.

«Эбет. Ама мени энди чагъырып акъыл къояджакъ олгъан эдилер. Дегенимден къайтмагъан эдим. Даа не?»

«Даа несин: апайынъыздан мектюп кельди. Сизинъ талабынъыз муджиби о разылыгъыны берген. О бириси кунъ саат он беш отузда махкеме».

«Насыл махкеме? Қъарынынъ озю олмаса насыл махкеме ола биле?»

«Мадамки, къарынъыз махкеменинъ онынъсыз отькерильмесине разылыкъ берди, демек, ола биле. Онынъ кельмеге имкяны ёкъ экен. Сизге ич бир тюрюлю давасы ёкъ. Алимент де талап этмей. Мына мектюби, кельсенъиз таныш олурсынъыз. Сизни чагъыргъанымыз да шунинъ ичюн эди. Эм ярынгъа повестка алырсынъыз. Иштен кетмек ичюн весикъа.

Бу лафтан сонъ, ярым сааттен онъа иштен къувулгъаныны илян эттилер. Весикъагъа аджет къалмады.

Иште о кете; даа догърусы, оны адамлар акъымы алып кетмекте. Юзьлернен, бинълернен адам. Ама эр бирининъ насылдыр арзу-умютти, истегин, макъсады, туткъан иши бар. Факъат о, Шамрат, пуска киби бом-бош. Бармагъа ери, ашыкъмагъа иши ёкъ. Қъарысы бар эди, ондан къуртылды. Баласы бар эди, гъайып этти. Анасына бенъзер къай-нанасы бар эди, онынъ да юзюне тюкюрди, аякъ алтында таптады. Ишини гъайып этти, ит масхарасы олып къувулды. Оны севген екаяне бир адам, Вика бар эди, оны да тонъюльтти, озюни терк эттирди. Не копегин бар, не мышыгъы. Факъат акъылдане акъылдашы, ялакъдашы — Григорий Васильевич Лебан, викинглерге бенъзер геолог, о да эвельки заман айдутларына бенъзей... Узун сач, узун сакъал... Узун лафлар, узун гевезелик... О Шамратнынъ богъазына ойле япышты ки, тур десе турсата, отур десе, отурта. Борджгъа бир бучукъ биш кумюш тапмагъа меджбур этти. Э-эй, о параны тапкъандже индже чапты-чапкъалады Шамрат бичаре? Озьара ярдым кассасындан беш юз ал-

ды, о таныш-бу танышындан элли-юз кумюштен, ишдешлеринден, кьомшуларындан о кьадар акъчаны топлагъандже агъызындан-бур-ныннан кьаң кельди. Ама о пезевенк шу бешерлик, онарлыкъ, йигирми бешликлерни сайып биле отурмады, джебине сокъты кьойды, аясыны саттыгъымнынъ Рокфеллери. Бир-эки чаташкьан вакъытлары да олды, ама Жора оны ойнай-ойнай ерге урды! «Акъылынъны топла,— деп тенбиледи.— Менимле ойле шакъа кечмез. Меним парама ашамагъа-ичмеге, кейф чатмагъа бильдинъми — борджынъны одемеге де биль. Ама кьоркъма, къара кунълерим кечтикче, бу сасыкъ паранъны къай-тарып беририм. Факъат бираз сабыр эт.»

Омюри бойы даа кимсе Шамратны бойле алчакълатмагъан, акъа-ретлемеген эди. Башына энди шу да кельди. Эм не япсын, ютты, бетни-деки силекейлерни ялады...

О эп кете, къайсы сокъакъ бойлап къайда кете, ницюн кете озю-нинъ де хабери ёкъ. Насылдыр, багъчачыкъ пчинде скемлеге отуруп бираз раатланды, сонъра кене кетти. Бир вакъытта бакъса, чантасы ёкъ, анаву скемле устюнде унутып кьалдыргъан олса керек. Лякин о кери къайтмады. Не керек онъа чанта? Не ташыйджакъ? Ташыйджа-гъыны ташып битирди. Бабасынынъ артындан кетсин, истесе...

Бир сокъакътан екпнджи сокъакъкъа, ондан учюнджисине, Янъы шеэр, Навоний сокъагъы. Эски джува, ишчилер шеэрчиги... Аякълары эпилди, ёгъурылды, тамагъы кьуруды, кьурсагъы гьулдырап башла-ды. О нидже дефалар ашайт, сув сатылгъан ерлерден кечти. Ама токъ-тамады. Эп кете берди. Дерсинъ, ненинъдир артындан кьувалап етмеге ант эткен, еминини эда этмеге ашыкъа... Демек, о бириси кунъ махке-ме. Демек, энди эр шей белли, ачыкъ-айдын... Ярындан итибарен о бекяр, къарысыз... тыфу, Гульджиан — тул... Огъуллары, Тимурчыкъ, оксюз... Бабасы сагъ ола турып, оксюз... О-о акъылынъа, гьурурынъа не айтайым, бутюн беляларны сен чыкьардынъ, сен, сен, сен!.. Даа алименттен де ред эткен эмиш. Не алидженаплыкъ я?! Эбет, бир бала-ны бакъарсынъ сен, укуометтен де йигирми манат сыдырысынъ. Мен-ден алмагъа шей ёкъ. Топлап кьойгъаным да ёкъ...

Насылдыр кыйыш-кьонъгъур сокъакъларны айлана-айлана о ке-не шеэр меркезине келип чыкъты. Сыра-сыра тизилип гуль саткъан къадынларны корьди, қозю огюне кене Вика кельди, Вика, бем-безъ бедени кьабугъы арчылгъан банангъа бенъзер кьыз. Вика... Оны раст-кетирмеген олса, бельки бу кьадар терен чукъургъа тюшмез эди? Ким биле, русларда, домуз булгъаланмагъа батакълыкъ тапар, деген ата-лар сёзю бар. Керчек, Вика онынъ ичюн данма буздолапта ичимлик тутса да, ичмесине къаршы чыкъа тургъан... Вика... О, темизликни гъает севе эди. Саба турдымы — душкъа кире, акъшам ваннада чай-къанмагъандже тёшекке ятмай тургъан... Онда олгъан шампунъ, са-бынлар... Ваннадан сонъ сачларыны фэннен кьурута, кремлернен сюр-тине, сонъра эв джыйыштырмагъа тутуна эди. Савут-сабаны, мебель-ни, полларны балкьылдатып сюрте, лезетли къаве пишире, кунъде илле учъ-дёрт саат машинка башында отура. Шамрат кедер этсе, элине кн-тап туттыра, окъу, деп зорлай эди. О исе китапны ала, ача, ята да юкълай къала эди. «Бакъ, бу алда сен кене маймунгъа чевирилир-синъ, деп куле эди Вика...

Шамратнынъ кьулагъында балабан бир кьонъыз донъгъылдагъан киби кельди. Устюне кьонгъандыр, беллеп, о ерини-бу ерини кьакъты, донъгъылды де эксильди, де артты, дерсинъ бирев о кьонъызынъ йипке багълагъан да, башы узеринде айландыра.

Онынъ ой-фикри кьачты, озюне динълене башлады. Шу анъ сокъ-акъ бойлап «Аджеле ярдым» машинасы кечти. Онынъ выйылтысы Шамратнынъ кьулагъындаки донъгъылдыны кести, ама озюнинъ инъ-левини кьалдырды: «Ой-й-й-й!» Шамрат саатына бакъты. Алтыны ке-че. Қозюне инанмады, саатни кьулагъына кетирди. «Чыкъ да кет, чыкъ да кет, чыкъ да кет!» — урулды онынъ кьулагъына сес. О-ой-й-й-й-й! Чыкъ да кет, чыкъ да кет! О-о-й-й-й-й!

Шамрат къамачавгъа къалгъан борю киби шашмалады, чевре-чет-ке бакъынды. Сонъ кесен-кес бурулып, сквернинъ ичерисине кирди. Анда адам аз, машина ёкъ, кимсе онъа бир шей деялмаз.

— Ака, гуль алынъ!— Онынъ алдына яш къызчыкъ чыкъты. Озю Шамраткъа гульдесте узата, озюнинъ козьлери гъадап-нефреттен парылдайлар. «Санъа гуль дегиле, кубре туттырмакъ керек!» деген сес ишитиле къулакълары ичинде. Тааджип шей, къыз агъызыны ачмай, ама онынъ бутюн дегенлерини Шамрат гузель ишите. Ёкъ, бу ерден къачмакъ керек, къачмакъ!..

О чапа-чапа ёлакъларны бир айланып чыкъты, сувы шырылдап, акъкъан арыкъ бойында токъталды. Арыкъ сувы: «Сув ичме — пиво ич, пиво ичме — шарап ич, шарап ичме — ракъы ич, ракъы ичме — зеэр ич!»— деп шырылдай эди. Шамрат эки элинен къулакъларыны къапалты. Ама давушлар гъайып олмадылар, аксине, теннини титретип, чокътан вефат эткен Февзие тизесининъ таныш сеси янъгъырады. О эм агълай, эм такъмакълай эди: «Ва-а-ай, ба-лаа-а-ам, Шамра-а-ат, бала-а-чыгъы-ы-ым! «Озюнъни харап эттинъ де, бизни де масхара эттинъ, вай не япайым да не эйлейим!»

Шамратнынъ артыкъ даянмагъа меджалы къалмады, о, артындан къутургъан копеклер къувгъан киби еринден сыптырылды, адамларгъа уруна-сюрюле чапты, дивары джамлы бина къаршысына келип чыкъты, бунынъ кафе экенини хатырлап ичери сокъулды.

Къулакъларны сарсытыджы музыка чала. Зал ичинде чешит ренкли ярыкъ балкъылдай. «-ва-ай, ба-ла-а-амм!»— деп инълей труба сеси. «Чыкъ да кет! Чыкъ да кет!»— думбирдей барабан. «Ма санъа! Ма санъа!»— гудюрдей онынъ бакъыр чанакълары.

Шамрат, борангъа къаршы кеткен адам киби, ерге энкейип, ичимликлер сатылгъан кошеге тараф кетти. Залдаки бутюн адамлар нефретле онъа бакълар белледи о.

— Бир стакан коньякъ,— деди о, ниае, сатыджы къадыннынъ къаршысына барып. Акъчасыны тахта устуне ташлады. Стаканны бир котергенде тюпледи.— Бир даа толдырынъыз,— деди тааджиптен агъызы ачылгъан сатыджыгъа. Шамрат оны да ичти. Сонъра озюне динъленип бакъты. Банак и чешит сеслер анъына энди къарышып, чатышып келип урула эдилер. Шамрат, сатыджы къадынгъа бинъ ялварса биле, о артыкъ онъа бир ютум ичимлик сатмайджагъыны анълады ве залнынъ узакъ кошесинде бир бош ерчик тапып отурды. Официант къадынгъа эки юз грамм коньякъ иле бир шише шарап сымарлады. Сигар якъаджакъ олып джебине далды. Тапмады. Ама элине насылдыр бир джам къутучыкъ илиндй. Чыкъарып, козьлерини якъын кетирип бакъты. Бу — сонъки кере Виканынъ эвинде олгъанда, алып джебине къойгъан кескин юкълатыджы илядж эди. Шу быджагъыны о чокътан киймеген эди. Бакъ сен, джебинде ята экен. О исе нидже геджелер юкълаялмай тёшеги ичинде фырланып чыкъты. Барып бир юкълайым бере, деп апларны авучы ичине алды. Энди юкълар о, яхшы юкълар...

Официант къадын сымарышны кетирди. Кетирди ама, банаки вийылты кене башлады.

«Ва-а-а-ай-й, бала-а-а-м, Шамратчы-ы-гъы-ы-ы-ым!..»

«Тур да кет, тур да кет!»

«Копек! Масхара!».

«Сув ичме — пиво ич, пиво ичме — чиркеф ич!..»

Артыкъ бу эзнетининъ артыны кесмек лязим. Не маразлынъ шейин бу! Адам ольдюрдини о, биревни абрадымы, ашыны-сувыны алдымы! Не япса — озю озюне япты. Етер вийылтынъыз, деф олунъыз!

О тили устуне эки-учь ап ташлады, коньякнен ичип йиберди. Ёкъ, файда бермеди. Къана бир сакин, тынч кошечник тапса да, домалса, бир морда коръмесе, бир давуш ишитмесе, бу вийылтылардан къуртылса! Ама къайдан алсын ойле кошечикни?!

О кене джебине далды. Стол башындаки къомшулары онъа дикъ-

кьат этмей эдилер. Истесе, чатлап-патлап ольсин, озьлери иле меш-гьуллер.

Шамрат авучыны иляджнен толдырды да, эписини агъзына атты, артындан шарап ичти. Кене онъа дикъкьат эткен олмады...

Бираздан о тентир-ментир аякъкъа къалкъты, кёр киби къапыгъа тараф ынтылды. Онынъ къып-къырмызы козьлеринден козьаш инджилерни тыгъырып, ичине баткъан янакъларыны сылата эдилер...

Къаршысына расткельгенлер онъа ёл бере, «яхшы тойгъан бабай!» деп кулелер. Керчектен де о шимди алтмышны кечкен бабайгъа бенъзей эди.

Шамрат, бинанынъ артына айланды, озюни къаранлыкъ чалылар арасына урды. Бир къач адым даа юрьди, сонъра «гурс!» этип юзюкъююн ерге серилъди. Насыл йыкъылгъан олса, шай да ятып къалды...

Танъатарда оны, скверни айланып чыкъмакъта олгъан милиция наряды тапты. Саргъуш беллеп, янына бардылар. Бирини онынъ башы устюне эгилъди, элини тутуп бакъты.

— Э, бу эрифке бизден энди файда ёкъ,— деди.

— Не олгъан я?

— Кечкен энди. Къатып да етиштирген.

— Эй, бичаре эй. Не худжур олюм я — ёлда йыкъылып ольмек. Озю дюрюст адамгъа бенъзей. Эвде анлеси беклейдир гъариппини. Юреги зайыф олса керек...

Албу исе онынъ энди не эви, не баркъы, не анлеси бар эди. Айны шў куню Гриша онынъ квартирасындаки козге корюнген бутюн эшьяларыны саттырып, ярын ёлгъа чыкъмагъа тедариклене эди.

— Айды, несн зайыф экенини экимлер аныкъларлар,— деди биринджи милиционер.— Сен бар, болюкке хабер эт, машина ёлласынлар.

Кечингенинъ янында не парасы, не весикъасы бар эди. Оны машинагъа юклеп, догъру моргъа алып кеттилер. Джесет анда, шахсы аныкъланылгъандже, эки-учь кунъ ятты...

VIII

Къушучаргъа апапсыздан бирининъ артындан бири, эки кягъыт келип чыкъты.

Биринджиси суд повесткасы эди. Конверт ичинден уфачыкъ мектуп де чыкъты. Оны судья Мирзаахмедов деген киши имзалагъан. О, Гульджианнынъ акъайы Шамрат Къасимов судгъа апайы Гульджиан Къасимовадан айырылув хусусында ариза ташлагъаныны хабер эте, Шамратле субет отъкерилъгеннини, лякин аризаджи озь ичинден къайтмагъа ред эткенини билъдире, эгер о, Гульджиан Къасимова кельмеге имкян тапса, келип, махкемеджи иштиракинде ходжасыле барышув ёлларыны арасалар яхшы олур эди, дениле эди. Келип ола-маса, мектуп язып, хабер этсин. Озь къарарыны билъдирсин.

Гульджиан, акъайынен илле бойле бир шейге огърайджакъларыны ичинден дуя эди. Мадамки, Шамрат бу ишни озю башлагъан, сонъундаже тюшюнип-ташынгъандыр, берабер яшап оламайджакъларыны анълагъандыр. Истесе, барсын ойле олсын.

Гульджиан къалем, кягъыт алып, Мирзаахмедовгъа мектуп язды (онинъ мундериджеси окъуйджыгъа малюм), лякин ишлери энди айырылувгъа келип къадалгъаны хусусында кимсеге, атъта анасына биле агъыз ахмады.

Бу меселе аныкъланылды дегенде, жап экинджиси чыкъты: Мендеряевнинъ телеграммасы. Бу, Гульджианны акъайы айырылмакъ истегени хаберинден зияде шашырды ве тааджиплендирди. Мирзаахмедовнынъ повесткасы ве мектуби конверт ичинде кельген, онынъ не экенини кимсе анъламагъан, дуймагъан эди. Затен бу кичкенечик койчик ичинде телеграмма гизленип олурмы? Бир дакъикъа ичинде онынъ мундериджеси эр кеске, шу джумледен, эльбет, анасына, Исмаиллерге, экспедиция азаларына малюм олды. Кимсе бир шей билъмей, анъла-

май, Гульджианнпъ озюнден сораилар, о исе омузларыны кысмадан башкы бир шей бильмей.

Гульджиан артык не япадагъыны бильмегеннен, отряд партия топлашувыны чагъырды (алты адамнынъ алтысы да коммунист), онъа колхоз партия тежиклятынынъ секретарыны (Исмаильни), колхоз ренси Таджихановны, кой совети ренси Хайдаровны да давет этти. Топлангъанларгъа телеграмманы окъуп илян этти, шу дакыкыада экспедиция башы вазифесини бойнундан алгъаныны айтты да, «Мына, ишлер шойле,— деп екюледи.— Сиз не дейсиъиз? Не кыбаат эйледим, не янлыш яптым, озюм де бильмейим. Сиз бильсеъиз — айтынъыз, мен динълемеге азырым».

Чыкышта булунгъанлар айны ашагъыдакини айттылар.

А. Т. Полетаев: «... бу буюк бир ахмакылыкътыр! Экспедициянынъ акъикый ёлбашчысы тургъанда, мен отрядны кыбул этип оламайым. Не десеъиз, денъиз, мен шахсен бунъа кыаршым. Нокъта! Ариза язып кетсем — кетерим, ама бу акъылсызлыкънен разы оламам!»

В. В. Вайдес: «... зан этсем, меселеде янлышлыкъ олгъан. Кызма-табанлыкъ ярамаз, Саша. Лаф кимини ёлбашчы олувында дегиль. О кыадар мешакъкыатлардан сонъ ишимиз энди козьге корюнип башлагъанда, бу меселенинъ пейда олувы — умумий вазифемизнинъ тамырыны балталамакътыр. Биз бунъа ёл беремиз».

Б. Т. Таджиханов: «... керчектен де, анылашылмагъан, тааджипли шей. Отряд тер текип ишлесе, мувафакъиет эльде эссе де, тешеккюр ерине онъа кыаршы бойле чыкыш япылсын! Бунынъ тюбинде бир мана бар. О бизге малюм дегиль. Илыкъ эвеля, оны бельгилемек керек. Буны исе факъат анда, Баш идареге барып аныкыламакъ мумкюн. Меним шойле теклифим бар: Гульджахон Кыадировна аджеле суретте Ташкентке кетмек керек. Кетип олурсынъызмы, Гульджахон?»

Г. Кы. Кыасимова: Эбет, башкы не чарем бар? Кыыйн олса да, кетерим даа.

Б. Т. Таджиханов: Ярдымджы берейикми янынъызгъа?

Г. Кы. Кыасимова: Ёкъ, ёкъ, керекмей. Озюм...

Б. Т. Таджиханов (сёзюни девам эте): Бу бир. Экинджиден, партия топлашувы кыарарына бинаен, отрядгъа вакътынджа Александр Тимофеевич Полетаев ёлбашчы тайинлене. Бу тедебир экспедициянынъ озъ ишини токътавсыз девам этиви ичюн зарурдыр. Лаф-сёз кесилип, шу чарелер амельге кечирилсе, мен яхшы олур беллейим...

Кыараргъа келинди:

1. Г. Кы. Кыасимова аркыадаш Ташкентке, Геология-теджикыат Баш идаресине ёлланыла.

2. Онъа отряд партия топлашувы протоколынынъ бир нухсасы бериле. О, Акъташта тапылгъан боксит нумюнелерини де алып кете.

3. Уйкен геолог А. Т. Полетаев вакътынджа отряд ёлбашчысы олакъ тайинлене.

Кыарар бир агъыздан кыабул этильди.

О куню эки сааттен сонъ, акъшам, Исмаиль Гульджианни озъ машинасынен демирёл станциясына алып кетти, поездгъа отуртты. Гульджиан область меркезине поезднен, андан Ташкентке самолётнен уадажакъ эди.

Эртеси куню, саба саат докъузны йигирми эки дакыкыа кечкенде, Ташкентте Геология Баш идареси бинасына бир кыадын кирип кельди. О, саде кийинген, бираз акъсай эди. Череси солгъун, чырайы кыачыкъ. Элинде чанта.

Экинджи кыаткыа котерильди ве буюк арифлернен «КЪАБУЛХА-НЕ» деп язувлы мешин ортюли кыапы кыаршысында токътады. Нефесини онълады, сонъра ичери кирди.

— Багъышланъыз, сизге ким керек? — деп сорады башыны машина-кадан котермеден секретарь кыадын.

— Мендеряев, Касид Муляевич.

— Бугунъ кыабул куню дегиль. Не ишинъиз бар эди?

— Шахсий ишим.
— Шахсий ишлернен о джума куню кьабул эте. Бугунь зарур ишлернен мешгъуль.
— Меним ишим де зарур.
— Фамилиянъыз не? Невбетке язайым. Джума куню келирсинъыз.
— Фамилиям Къасимова. Гульджиан Къадировна Къасимова.
Секретарь къадын апансыздан шамар ашагъан адам киби, сеске не тюшти: Къушучаргъа ёлланылгъан телеграмма да, столнынъ чекмеджесинде папка ичинде яткъан эмир де, онынъ къолундан кечкен эдилер.

— Касид Муляевич...— О аякъкъа кьалкъты ве Гульджиангъа тикилип бакъты.— Иши пек чокъ... Токътанъыз, мен шимди сорайым да...

О, тезликле ичери кирип кетти. Ама Гульджиан да онынъ кери кьайтып чыкъмасыны беклеп отурмады. Къапыны шиддетнен итеп, босагъадан атлады.

Мендеряев «Т» ариффи шекилинде ерлештирилъген кениш столлар артында отура эди. Онынъ кьаршысында секретарь къадын, артына бакъына-бакъына нелердир сёйлей эди.

Гульджиан теклиф беклемеден, индемейип догъру барып, Мендеряевнинъ сагъ тарафындаки скемлелерден бирине отурды. Секретарь онъа худжур назар ташлап, чыкъып кетти. Оны корьгенинен чырайы сытылгъан Касид Муляевич бираз вакъыт пармакъларыны столгъа чертип отурды да, сонъ башыны котерди.

— Сонъ? Динълейим?

— Ёкъ, динълейджек меним,— деди Гульджиан, стол устуне телеграмманы ташлап.— Бу филькинаме кьайдан келип чыкъты, сиз манъа анылатмакъ борджлысынъыз, Мендеряев аркъадаш. Даа беш коммунистнинъ де талабы шу.— О энди Мендеряевнинъ кьаршысына партия топлашувнынъ протоколынъ чыкъарып ташлады. Касид Муляевич, бу да не дер экеч, протоколны аджеле элине алды, окъуп башлады. Чырайы даа да сётылды, гонъюли хошнутсызланды. «Тактикасында бираз янълышмадымы экен о? Эльбет, телеграмма ве эмир меселесини партия бюросы секретары, ерли комитет реисинен меслеатлашып япмакъ керек эди ама, я вакъыт зыкъарлы эди де... Затен, ашыкъты, гъалиба бираз, кыызматабанлыкъ япты. Лякин о шикъет де оюнджакъ дегиль де я? Булар, эбет, топлашып, биз яхшымыз, деп тирелирлер. Артыкъ не япсынлар? Ким мен кьабаатлым, дер? Бутюни бир йипнен багълылар. Языкъ ки, озь ёлларына колхоз ве кой совети реислери киби адамларны, атыта парторгны да джелъп эткенлер... Токъта-токътачы, бу Исмаиль дегени анаву шикъетте язылгъан адам олмасын? Ана санъа хияр, парторг дениле де! Я о хууста ветеринармы, зоологмы, бильмем не мараз, деп язылгъан эди де?!

— Мында,— деди эеджаныны гизлемек ниетинде басыкъ сеснен Мендеряев, пармагъынен протокол кягъытларыны тюртерек,— мында насылдыр боксит нумюнелери хусусында аныла. О да насыл кьартоп?

— Кьартоп дегиль, боксит!— деди Гульджиан кестирип.— Бизлернинъ еди ай ишлеп, тедкъикъат этиов нетиджесинде тапылгъан боксит оджагъымызынынъ нумюнелери.— Шай дер экеч, дживан чантасындан нумюнелерни чыкъарды, данъгъырдатып стол устуне кьалады.

— Я боксит тапкъан экенсинъыз, биз буны ничюн бильмеймиз?— ачувланаджакъ олды шашкъан Мендеряев.

— Сиз, озюнъиз геолог оларакъ, яхшы билесинъыз, Касид Муляевич, нумуне тапмакънен оджакъ ачмакъ арасында буюк фаркъ бар. Къаяларны патлатып ачып бакъмакъ, этрафлыджа тедкъикъ этмек... Рапорт язмакъ кьолай ама, янъылмакъ да бир шей дегиль. Ондан гъайры, экспедиция вазифесине ант олмагъан гонъюльсизликлер де кедер эттилер, ишни боздылар...

— О да насыл гонъюльсизликлер?— Мендеряев аман шикъетнамени хатырлады.

— Бу суалъге мен джевап бермеге истемейим,— деп кестирди

Гульджиан.— Бунинъ шимдилик ишке алякъасы ёкъ. Кереккенде айт-арым. Мен шимди мени не эсаста иштен бошаткъанынъызны бильмек истейим.

— Э, яхшы. Айса, мына окъунъ.— Мендеряев столнынъ чекмеджесинден учъ бучукъ сапфе машинкалангъан шикъетни чыкъарып онъа туттырды. Сонъра, озю не япаджагъыны бильмеден, чанъ дёгмесини басты, шу анъ къапыда корюнген секретарь къадынъга:— Эки чай кетиринъ,— деди.

Гульджиан дикъкъатле аризаны окъуй башлады. Онынъ череси джиддий ве эеджансыз эди. О аризанынъ ильки сатырларыны кореркен, шу анъ ель къайдан эскенини анълады. Эбет, бу иш Григорий Лебаннынъ иши. О пис аля даа милиция къолуна тюшмеген экен...

Гульджиан аризанынъ сонъки сапфесини ачкъанынен, энъ ашагъыда, ири арифлернен язылгъан фамилияны, имзаны, сонъра адресни коръди, эллерни къалтырап кетти. Козълерни яш толды. Шикъетнаменишъ сонъуна чыкъмадан столгъа ташлады. Явлугъыны козьлерине басты.

Энди онъа бутюни малюм олды. Айры-айры йип парчалары бири-биринен къурашып, бутюн бир сыджымны асыл эттилер.

— Чай... Мына чай...— деген сес чалынды Гульджианнынъ къулагъына Лякин о бунъа итибар бермеден.

— Акъайымнынъ имзасы, керчек,— деди сонъра.— Озюнинъ бутюн язгъанларына озю инана-инана язгъаны белли. Ама бу кягъытны язгъан адам о дегиль.

— Я ким ола биле?— Касид Муляевич стол артындан чыкъып, Гульджианнынъ яшындаки скемлеге келип отурды.— Чай пчинъ.

— Отрядымыз тизильген маальде, хатиринъизде олса, сиз бизге бир адамны тевспе эткен эдинъиз.

— Хатиримде,— баш саллады Мендеряев. Вика: «Бир серсем эриф бар, оны бир де бир группагъа ишке къошып йиберсе», деп риджа эткен эди о заман. Касид Муляевич, эльбет, онынъ риджасыны ерине кетирген эди.— Лякин фамилиясыны унуткъаным.

— Лебан Григорий Васильевич. Язса, буны факъат о яза биле. Меним акъайым не группа-азаларыны, не Къушучар къышлагъынынъ бир адамыны таний. Бойле шейни язмакъ ичюн исе, ялан олса да, келишкен фактлар, адамларнынъ ады, фамилиясы, сой ады, мутехассыслыгъыны, ерлернинъ адыны бильмек керек, догърумы?

— Догъру. Лякин о Лебан дегеннъиз буны ичюн япаджакъ? Бундан онъа не файда?

Гульджиан омузларыны къысты.

— Телефонынъыз чалышамы?— деп сорады о джевап ерине.

— Чалыша,— деди тааджипленген Мендеряев.

— Шай исе, Касид Муляевич, мен кеткен сонъ Республика милиция адресине телефон этинъиз, о адам хусуста бу суаллерни беринъиз. Анда оны яхшы танийлар. Зан.этсем, оны корьмеге чокътан авес этелер.

Гульджиан еринден къалкъты, бир къач адым къапы тараф юрди, сонъра токъталды.

— Керексем, мен эвде олурым. Бюллетеним бар. Ишанам ки, Баш идареде махсус комиссия тизилип, бу аризадаки фактлар темелли тешкерилир. Мен озюмни акъламагъа тырышып, пармакъ-пармакъкъа урмам. Комиссия меним къабаатларымны тасдыкъламакъ борджлы. Чюнки, къанун боюнджа, атыта джинаетчи биле онынъ къабааты махкеме тарафындан тасдыкъланмайнджа джинаетчи деп сайылмай. Мен джинаетчи дегилим. Мен партия адамым. Коммунистим.

— Биз... бельки... бу ишни...—«бастырырыкъ», «ятыштырырыкъ»,— дейджек эди Мендеряев, лякин тили айланмады. Гульджиан исе о айтмадан онынъ не дейджегини анълады, сёзюни больди:

— Мен сизни аджыйым, Касид Муляевич,— деди.— Тез къартая-

сынъыз. Тез-тез пенсиягъа чыкъынъыз, ёкъса эски усулларынъыз сизни йыктырырлар, турамазсынъыз...

Нидже айлар эвде олмагъан олса да, Гульджиан эвге ашыкъмады. Не япаджакъ анда? Чевирильсе — Шамратнынъ изини, тюзюни кореджек, кене асабы къозаджакъ, эеджанланаджакъ, агълайджакъ. Акъшам, эльбет, истер-истемез корюшеджеклер. Сонъки лакъырды оладжакъ. Сонъра о, Гульджиан, я къомшуларгъа я да бир де бир танышына барып ятар. Шамратнен энди бир сачакъ тюбюнде биле олмагъа истемей.

Шеэрни бираз айланмакъ къарарына кельди. Сагъынгъан. Адам чокъ. Мот урбалар: беяз ве мавымтыл джинсилер, «сафари» антерлери, атлас, хан-атлас, платформа аякъкъаплары... Дерсинъ — байрам. Шенъ черелер, кулькю, шамата. Эр адымда аш пише, нелердир сатыла. Э, Ташкент даима — къыш-язы беректели, шенъ, мераметли шеэр эди. Онынъ эр куню байрамдыр. Шимди де, эльбет, ойле...

Сокъакъ бойлап ашыкъмадан, енгильден акъсап (кимерде бир аякълары даа фена агъырып башлайлар), адымлар экен, о айны шойле кунешли, байрамгъа бенъзер, renkлер иле толу эеджанлы бир кунни, Шамратнен таныш олгъан кунюни хатырлады.

ОДО янындан кечерек, о скверге келип чыкъты. Аякълары сызлап, агъырып башлады. Чокъ юрьменъиз сакъын, сыныкълар даа яхшы пекишмеди, деп тенбилеген эди оны эким. «Керчек Айткъан, гъалиба, шай девам етеджек олса, янгъан экен чырагъым! Касид Муляевич иштен къувып оламаса да, иштен кетмек керек оладжакъмы, не ма-раз?»

О сквер ичине кирди, бош скемле тапып, аякъларыны узатып, отурды, юзюни муляйим кунеш нурларына тараф тутты...

Эгер Гульджиан бу ерге дёрт-беш саат эвель келип, 'анаву джам диварлы кафе къаршысына барып отургъан олса, мазаллы-мазаллы эки санитар кимнидир машинагъа юклегенлерини корер эди. Эгер мерагъы уянып, якъынджа барса — шу адам онынъ акъайы Шамрат экенини билир эди.

Шимди исе сквер тынч-сакин, кунеш нурына батып ята эди. Балачыкълар чапкъалашалар, коше-кошеде севдалар отуралар, къушлар нагъмеси янъгъырай...

Гульджиан терен кокюс кечирип, еринден турды. Айды, бугунъге етер. Акъшам оны даа Шамратнен оладжакъ агъыр лакъырды беклей...

Ама Гульджиан янъыла эди. Бугунъ оны даа бир сынав беклей эди.

Озь кварталынадже о маршрут таксинен барып чыкъты. Тюкян-гъа кирди, отъмек, ягъ, шекер алды (Шамраткъа ишанч ёкъ, озюне бир чай биле къайнатып ичкенлерден дегиль), сонъра яваш-яваш эвлерине тараф юрьди. Эв огюнде скемледе къарылгъачлар киби тизилишип отургъан къартийлернен селямлашты, юкъары котериле башлады. «Бу ишсиз ошекчилер бармы?— деп тюшюнди о.— Кечкен-кельгенни рентгенден кечирген киби бакъалар. Ёкъсам мени танымадылармы шу? Бир худжур-худжур бакътылар, дерсинъ мен озь эвиме дегиль, биль-мем не ерге кельгеним...»

Албу исе, о эв огюнде бираз токъталгъан, къартийлернен лаф ачкъан олса, баягъы бир шейлерден хабердар олур эди.

Лякин Гульджиан ашагъыда токъталмады, озьлерининъ бешинджи къатына котерильди, анахтарынен къапыны ачып ичери кирди, аякъкъапларыны чыкъарды, папучларыны кийди, орта одагъа кечти...

Стол устюне пусюр чанакъ-чельмек обалангъан, ашайт къалымтылары, бош шишелер, пол кирли, тапталгъан... Қъаршыда, диван артындаки килим ёкъ.

Гульджиан, «озь эвиме кирдимми шу асыл, янъылмадыммы?» деген киби арткъа чевирильди, кене о ян-бу ян бакъты. Ёкъ, озь квартирасы. Ама... сервантнынъ устюнде пармакъ къадар тоз, ичи... бом-бош, буллятор савутлар, ашайт ве чай сервислери къайдадыр, ёкъал-

гъанлар. Булжур люстра ерине аадиъ тельге илинген лампачыкъ саллаып тура.

Гульджиан ятакъ одасыны ачты. Кровать артына асувлы кичкене килим де ёкъ. Орьтю де. «Шамрат эвде олмагъан олса, квартираны абрагъанлар»,— деп тюшонди Гульджиан, шифоньерни ачаркен. Онынъ ичинде де козьге корюнген бир шей къалмагъан.

Гульджиан кабинет тарафкъа юрьди, къапыны ачты... Анда, диван устюнде, чот сакъалыны тавангъа тиклеген ят бир адам юкълай эди... Язув столы янында къара чемодан, спортчылар котерип юрьген мавымтыл чанта. Насылдыр ёлджу... яхут бир де бир мусафир кельгенми? Шай олса, ана коръ масхаралыкны...

Гульджиан, ичери кирмеден, сакъаллы адамгъа тикилип бакъты. Лебан! Ич шубе олмакъ мумкюн дегиль — диван устюнде яткъан адам Григорий Васильевич Лебан эди.

Гульджиан яваш къапыны орьтти, орта одагъа чекильди. Анахтар... Мадамки, Шамрат бу езитни эвге алып кельген, онынъ меслеатларынен иш туткъан, демек ондан квартиранынъ анахтарыны да гиз-леменгендир...

Сервантнынъ ичини, стол устюни бакъты (эр итималгъа къаршы ондан элине аш пычагыны алды). Ама анахтар ёкъ. Къайда ола биле о?

Кабинетнинъ къапысыны аралыкъ этип, язув столыны козьэтти. Анда да ёкъ.

Кери чекильди. Ашыкъмадан, нефесини онълап, ода ичини сюзип чыкъты. Онынъ юрегинде ич къоркъу ёкъ эди. Эгер шимди о явуз, кабинеттен турып чыкъкъан киби олса, о, Гульджиан, озю ольсе олер, ама оны да мындан сагъ чыкъармаз. Онынъле эсаплашув вакъты кельди, этмишлери ичюй джевап тутмакъ борджлы...

Онынъ назары диван устюнде букленип къоюлгъан безя костюмге тюшти. Шамратта бойлеси ёкъ эди. Демек бу урба — Лебаннынъ ки. Бакъ сен оны, хаинни, хырсызлыкъ парагъа фирмалы чул-чубур да алып етиштирген...

Аякъ уджунда барып, костюмнинъ быджагыны алды, джебини тешкерди. Анахтар ёкъ. О, штаннынъ сол кисесинден чыкъты.

Яваш-яваш юрип, софагъа чыкъты, къапыны ачты. Тышарыгъа чыкъып къапыны килитледи, лякин анахтарны тешикте къалдырды. Эр тесадюфке къаршы. О хыпзырдан не десенъ беклемек мумкюн. Запас анахтар да азырлап къоя биле.

Сонъра Гульджиан дёрдинджи къаткъа тюшти, телефоны бар къомшуларнынъ къапысыны къакъты. Эки дакъыкъадан о телефон янында эди.

— Алло! Милициямы?— деди.— Аджеле суретте адам ёлланъыз. Меним квартирамда телюкели джинаетчи къапавлы. Тез олунъыз, о уяна биле. Ёкъ, дейим де, юкълап ята. Нелер эйлегенини сонъ билирсинъиз. О хусуста къыдырув илян этильген эди. Лебан. Григорий Васильевич Лебан.

Еди дакъыкъадан учъ милиция хадими иле берабер, олар ичери кирдилер. Лебан ала даа юкълап ята эди. Уйкен лейтенант онынъ башы уджуна кечти.

— Гражданин, турынъыз!

Гриша козьлерини ачты, бир къач санне формалы адамларгъа тикилип бакъып ятты да, сонъра ырджайды.

— А-а, келип таптынъыз, демек.

О турып диван устюнде отурды, шу анъ Гульджианны эследи.

— Гульджиан Къадировна?— тааджиПЛенди.— Сизни насыл елдер учурды я мында? А-а, анълашылды...— Кене ырджайды.— Сизге къойылгъан тузагъыма озюм илингеним. Бакъ сен э? Мен эр вакъыт зайыф шахматчы эдим. Бу кере де фигураны янълыш джылыштыргъаным, бесебелли.

— Фигураны дегиль, Лебан.— Гульджиан милиционерге ёл берип,

четке чекильди.— Шахмат дегиль, омюр тахтасында сиз озюнъизни янълыш джылыштырып кельдинъиз. Иште, акъибети.

— Мен озюм яман адам дегилим, Гульджиан Къадировна. Ама эллерим ве юрегим даима кычыд туралар, авантюра талап этелер. Талийн азретлерининъ эмирине бинаен меним даиреме сиз тюштинъиз. Ама сизинъ еринъизде башкъасы ола биле эди. Багъышланъыз. Мен энди сизге яманлыкъ япмагъа сынъыр чекем.

— Къоркъмайым, Лебан,— деди Гульджиан.— Сизинъ япкъан че- шит фитне-фесадынъиз манъа ич де тесир быракъмазлар.

— Керчек,— деди Жора разы олып.— Мадамки, меним сеятым (о, чемоданы ве сумкасы бетке баш къакъытты), мадамки, сеятым бозылды, абралгъан шейлеринъизининъ парасыны къайтарып берем. Айткъанларымны къайд этинъиз, милиционер граждандар.— Ырджай- ып алып, о девам этти.— Вокзалда, сакълав камерасында чанта бар. Онынъ ичинде сизинъ паранъыз ята.— Лебан камеранынъ номерини айтты, сонъра уйкен лейтенанткъа мураджаат этти.— Бугунъ алын- сын. Ёкъса, меним сизге тюшкеннини бильгенлери такъдирде, достла- рым алып къачарлар.

— Етер, турынъыз,— деди уйкен лейтенант.— Виджданынъизны нумайыш этмеге сизде даа вакъыт чокъ олур.

Шаатларнынъ козьэтюви алтында Къасимовларнынъ эвинден ча- лынгъан эшьяларнынъ джедвелли тизилген сонъ, эр кес аякъкъа къалкъты.

Къапыдан чыкъаджакъта, Гриша кене Гульджиангъа мураджаат этти. Бу кереси онынъ чересинде шамеклик аляметлери ёкъ, о атыта тантаналы, джиддий эди.

— Омюр бир капик шей экен, Гульджиан Къасимовна. Манъа инанынъыз. Адамлар келелер — кетелер. Дюнъяда дирек олып къал- майлар. Сиз алицженапсынъыз. Мен билем. Шамратны багъышланъыз. О зайыф адам, прадесиз. Сизсиз о сынар. Мен исе...— о ах чекип эль саллады — анда.. дагъда... о кере сизге айткъанларым керчек эди. Омюримде олмагъан шей... эм энди олмайджакъ бес-белли.

Лебан, мабюслерге хас арекетле эллерини артына адлы, башыны салландырып, эки милиционер арасында басамакълар бойлап ашагъы тюшип кете башлады. Гульджиан индемени. Не айтсын? Эр эйлемш, озъ булдыгъыны алып, дегенлер. Ойле дюнъя. Оны даа кимсе денъиш- тирип оламагъан. Эм оламаз.

«Зайыф адам» акъшам эвге къайтмады. Гульджиан одаларны джыйыштырды, полларны, джыйылып къалгъан чамашырны ювды, чай къайнатып ичти. Бир-эки къомшу кирип чыкъты, оларнен беш-он дакъы- къа отурды. Сонъра телевизорны биле къурмагъа гонъюли бармады. Ятакъ одасында ер салып, ичериден килитленип, ятты.

Ёл юрип кельген эди, бугунъки теэссулатлар оны ёрулттылар. Ярынки кунъ де енгиль олмайджакъ. (О эр алда судгъа бармагъа къа- рар берген эди. Мадамки Ташкентке келип чыкъгы, не ичюн барма- сын? Гизленип юрьмеге не, янълыш, айып бир шей яптымъ? Шамратны динълер, озю айтар. Айтмакъ вакъты кельди, гъалиба...)

Шойле тюшюнджелер иле о тезден юкълап къалды.

Шамрат гедже де кельмеди, саба да.

Гульджиан ювунды, таранды, базардан эт тапып келип, къазан асты, ашады. Бираз ятып раатланды.

Шамрат кельмеди.

Саат экиде о судгъа ёнеди. О анда эрте келип чыкъты. Бош зал- гъа кирип отурды. Ниает, саат учъ бучукъ олды. Дёрт... Не азатлыкъ севдасы Шамрат эфенди бар, не судья, не бир кимсе... Худжур шей...

О, еринден туруп, секретарь къызыны барып тапты. «Не мени бек- летесинъиз,— деди,— бу махкеменъиз къачан башлайджакъ?»

Секретарь къыз гъает тааджипленди.

— Биз сизинъ кельгенинъизни асыл бильмедик,— деди.— Нафи- ле беклегенсинъиз. Махкеме бугунъден къалдырылды. Чюнки дава-

джынынъ озю кельмеди. Ничюн, бильмейим. Мен онынъле о бириси кунъ телефонда лаф эткен эдим. Келирим деген эди. Лякин, кельмеди.

— Онынъсыз олмаймы?

— Екъ, чюнки ариза берген о. Эм разылыгы ёкъ.

Гульджиан суд идаресини терк этти. Бу къадар месулиетсизлик. Ариза берген нидже адамларны ишке салгъан, озю исе... нередедир быралкъыланып юре... Чабик хырсыз саибини хырсыз тутар, деп нафиле айтмагъанлар.

О автомат будкасында Шамратнынъ ишханесине телефон этти. О тарафтаки адам, онынъ кимни сорагъаныны ишитип эйин-бейин олды, туткынып башлады.

— Алло, анъламайсынъызмы шу?— ачувланды Гульджиан.— Мен Къасимовны сорайым.

— Анълайым, анълайым, ничюн анъламайым я... Я сиз онынъ кимни оласынъыз?— деди, ннает, адам.

— Къадыны олам.

— Я къадыны олсанъыз о сизге айтмадымы? О бизде энди ишлемей...

— Ишлемей?— тааджиПЛенди Гульджиан.— Къайда кетти о?

— Кетти дегиль, кеткиздилер.— Адам тез-тез трубкины ташлады.

Гульджиан шашкъын алда будкадан чыкъты. Не япаджагъыны, не тюшюнеджегини бильмеден баягъы вакъыт сокъакъ ичинде къатайып турды. Сонъра тез-тез такси тутып, эвге ашыкъты. Бельки о энди кельгендир? Иште олмаса, гедже эвге къайтмаса, къаерлерде юре биле?

Ама эв бом-бош эди.

О ашайджакъ олды, тамагъындан аш кечмеди. Ятаджакъ олды, ятып оламады. Юрегини недир эзгелей берди. Эеджаны артты. Чешит титис фикирлер мийини ёрды.

Ахыр-сонъу олдырамады, тышары атылды. Пахыл киби, якъындаки телефон-автоматларнынъ бири де чалышмай эди. Бири тек пара юта, дигерининъ телини узип кеткенлер, учюнджисининъ дискасы айланмай, бешинджиси, онынъджысы... Шай, кете-кете поликлиника къаршысына барып чыкъкъаныны дуймай къалды. Ичери кирди. Невбетчи эмширеге риджа этти, акъайым эки кунъден бери эвге кельмей, бир шей олмадымы, деп къоркъам, деди. Къыз мераметли экен, аман аппарат башына кечти.

Екъ, бойле адам хастаханелерге тюшкени ёкъ.

Екъ, бойле адам милициягъа тюшкени ёкъ. Ама... токътанъыз-токътанъызчы... тюневин, саат дёрт йигирми едиде шахсы бельгиленмеген олю моргъа ёлланылгъан. Яхшы отуз-отуз бешлерде, мазаллы, эсмери кельген...

— Сагъ олунъыз, къардашым.— Гульджиан тышары чыкъты.

«Ёкъ, бу асыл акъылгъа яткъан шей дегиль... Шамраттыр о... озь джанынынъ къадинини бильген эриф... Сагълыгы еринде, ат киби эди... Не ола биле онъа? Екъ-ёкъ, о шахсы бельгиленмеген адам Шамрат дегиль. Эбет...»

Гульджиан кене эвге чапты. Одалар кене бом-бош. Ашханеге кирди, о одадан бу одагъа юрьди, озюни къайда сокъаджагъыны бильмедди. Языкъсында, пешман этти. «Асыл о Гульджиан, акъайыны ташлап кетип догъру яптымы, аджеба? Иш, деди, месулиет, боюн борджу, деди, асылды-кесильди... мына не олды? Не анлесин... не ишин... Онынъ энъ мукъаддес боюн-борджу озь анлесини къорчаламакъ, озь ювасыны тюшюнемек эди де!.. Эбет, не япса, озю япты. Эвден озю чыкъып кетти. Балам, анам, акъайым демеди. Чыкъты кетти. Сонъра, бу да аз киби, анасынен баласыны да артындан чагъырды. Факъат озюни, озь менфаатыны козъледди. Бу инсанны исе озь башына ташлады... Лебан догърусыны айтты... Зайыф адам о, Шамрат, керчек, прадесиз... Шуннынъ ничюн де Шамрат, оны инсан деп, янгъызысырап, Гришагъа япыш-

кѡан... Бу вазьетте бир де бир этекли тапса да, тааджибли шей олмаз... Озюнѡ кѡабатлысынѡ, Гульдѡжан, не олса — озюнѡ...»

Артыкѡ о даянып оламады. Шу морг деген ерге барып, андаки шахсы бельгиленмеген адам Шамрат олмаѡяныны аныкѡламаса, патлап олер. Кетмек керек, дакѡикѡасы паалы.

Сокѡакѡа атылып чыкѡты, такси токѡтатты.

— Кѡайда кетемиз, опа?— деди таксидѡи онынѡ индемеден отургѡянына тааджипленип.

— Адресини бильмейим,— деди Гульдѡжан.— Мени моргѡа алып барасынѡыз, ука. Меркезий хастахане моргына.

Бундан сонѡ Гульдѡжан не япса, тюште япкѡан киби, озю анѡламадан, бильмеден, автоматик суретте япты.

Илк эвеля, анасына, сонѡра хатирине тюшкеп, адреслерини тапкѡан сой-сопына телеграммалар ѡлады, озюнинѡ ишине (о шимди анаву огѡурсыз шикѡет хусусында тамамыле унуткѡан эди), Шамратнынѡ ишине хабер этти. (Оны иштен чыкѡарып аткѡан олсалар да, эр алда о анда аман-аман он йыл козь нурыны тѡккен эди, олюсине олар кельмесе, ким келеджек?! Бойле алда, бойле вазьетте о кимге чапсын, кимге базансын?!)

Геджелик эвге кѡайтмаѡа гонѡлю тартмады: ишдешлерининѡ бирининѡ эвине кетти, анда кѡонды. Саба кѡайткѡанда, эвлери огюнде Исмаильнинѡ джартайѡан сарымтыл «Москвич»ини ве эки «Жигули»ни корѡди. Азбарда, диреклер арасында балабан кѡара кѡазан ерлештирилген, бакта сув кѡайнай, оларнынѡ кѡатында башына кѡара кѡыйыкѡ баѡлаѡан Тензиле апте арекет эте эди.

— Эмир алла, башынѡыз саѡ олсын, балам,— деди о Гульдѡжаннынѡ кѡаршысына чыкѡып, оны кѡучакѡларкен.— Не япадѡакѡсынѡ, сабыр этмек керек. Эр кеснинѡ башына кельген шей...

Гульдѡжан, бойле алларда не денильгенини бильмей эди, юзюни кѡартийнинѡ кокюсине кѡюуп, окюрип агѡлап йиберди.

— Эджельдир о... Ольгенлерининѡ артындан олюнмез, балам. Озюнѡни эльге ал. Баланѡны тюшюн, сен озюнѡни йыкѡсанѡ, о сабийнинѡ алы не олур. Эмир алла айткѡанларѡа «достлар саѡ олсын демеге» унутма. Эр шейнинѡ озюнинѡ бир кѡандеси ола. Биз учь машина толушып кельдик. Ярдымджылар, елип-ювурып хызмет этмеге адам чокѡ. Ананѡ да, сен де бу алда не ишке ярайѡѡакѡсынѡыз? Исмаиль беш-он кѡартны тапып, чаѡырып кельди. Шимди юк машинасы кѡыдырып кетти. Кельгенинен берабер весикѡаларны алмаѡа кетерсинѡыз. Аркѡадашлары кѡалѡан кереклерни бакѡарлар. Шоѡѡасым ака башчылыкѡ этер.

Шамрат шу куню дѡыйылды...

СОНѡКИ АККОРД

Кунеш батты. Кѡанлыгольнинѡ сувлары шу анѡ кѡап-кѡара тюске кирдилер. Авасы бир кереден салкѡынлашты.

Гульдѡжан аякѡа кѡалкѡты, этеклерини кѡакѡты, узакѡа тикильди. Онынѡ отѡюр козьлери сарп ѡлакѡ узре котерилип келеяткѡан атлыны сечти. Бу, Айдынны минген Исмаиль эди. О даа бир атны етеклеп келе эди.

Гульдѡжан ичюн.

Кокте, анда-мында йылдызлар пейда ола, липильдеп алып, эп кучьлюдже нургѡа тола эдилер.

Исмаиль садыкѡ аты Айдыннынѡ устюнде эп оларѡа, йылдызларѡа доѡру сарп ѡлакѡ иле котерилип кельмекте: О юксекликте оны Гульдѡжан беклей эди.

1980—1981 с.с.

Риза Фазыл,
Лютфие Софу

КОКЛЕР СУЛТАНЫ

Повестъ

МЕСУЛИЕТ ДУЙГЪУСЫ

Къоркъу бильмез шаиннинъ джесарети, онынъ къараманлыгъы хусусында къанатлы хаберлер тек джебэ ёлакъларында дегилъ, месафелерни кечип, мемлекетиниъ чешит кошелеринде янъгъырады.

Улу Ватан дженки ветераны, языджы Шамиль Алядин бу вакъианы шойле хатырлай: «Джебэде яраланып, эки ай Махачкалада госпитальде тедавиленген сонъ, манъа текрар джебэге кетмез эвель йигирми кунъ отпускаи бердилер. Мен Краснодаргъа барып, штабымызны таптым ве сонъра Сочиге бардым. Анда «Сочи» мусафирханесинде ерлештим. Мусафирханенинъ экинджи корпусында обкомнынъ биринджи секретары эм де Кърым партизан арекети штабынынъ башлыгъы В. С. Булатовнынъ кабинети бар эди. Озиюмининъкилерден биринджи корьген адамым языджы Керим Джаманакълы олды. Бир-биримизнен корюшкенимизге севинип, эеджанлы лакъырды эткен вакъытымызда о, манъа джебинден къазан-татар тилинде басылгъан кучюк колемде джебэ газетасыны чыкъарып косътерди. «Мына коресинъми бизим къараманымызны?» деди. Бакъсам, анда алупкалы татар йигити Амет-Хан Султангъа Советлер Бирлигининъ Къараманы уиваны берильгени хусусында, онынъ дженкявер ярарлыкълары акъкъында макъале басылгъан. Фото сурети де бар. Макъалени окъугъан сонъ: «Я буны не ичюн джебинъде ташып юресинъ?» дедим. «Я не япайым оны?» деди асылында ювашча табнатлы, сабырлы Джаманакълы. Элиндеки газетаны алдым да, юрь пешимден деп, оны догъру Булатовгъа алып бардым. Кабинетинде меджлис кете экен. Секретарь къыз меджлис бар деп, бизни одагъа йибермейджек олды. «Меджлисини беклемеге вакъытымыз ёкъ», дедим ве Булатовнынъ къапысыны ачтым. Устюмде арбий джебэ урбасы, биз ичюн о вакъытта эр ерде къапылар ачыкъ эди. «Рухсет этинъиз» деп, мен догъру Булатовнынъ янына бардым ве яваштан онъа газетаны косътерип, Къараманымыз хусуста хаберни айттым. Булатов мени биле эди ве макъсадымы деръал анълады. О меджлисини токътатты. Газетаны окъуды ве отургъанларгъа хытап этип:

— Аркъадашлар, бакъынъыз, насыл Къараман тапылды! Онынъле мытлакъа барып корюшмек ве бундан халкъны курешке рухландырмакъ ичюн файдаланмакъ керек,— деди.

Къараманнен барып корюшюв вазифеси газетаны тапып, бунен огърашкъан Джаманакълыгъа авале этильди. О, къалабалыкълы джебэ ёлларында юрип, Мелитополь янларында Амет-Ханны тапа ве онынъле корюше. Амет-Хан пек севинше. Лякин анасы ве бабасы хусусында къасеветленгенини бильдире. Джаманакълы анасы-бабасынынъ сагълыгъы хусусында хабер алынып, онъа бильдириледжегини ишандыра.»

Къач куньлерден сонъ, о вакъытта душман аркъасындаки эаличюн кучюк колемде чыкъарылгъан «Къызыл Кърым» ве «Красный Крым» газеталарында Амет-Хан Султаннынъ къараманлыгъы хусусында халкъны фашист ягъмаджыларынен даа кескин курешке рухландырыджы макъалелер басылды. «Красный Крым» газетасынынъ 1943 сенеси сентябрь 24 номерининъ «Татар халкъынынъ огъулла ве къызлары» серлевалы баш макъалесинде шойле деңиле: «Бугунъ биз шанлы юртдашымыз, Къызыл Ордунынъ джесюр дженкчиси, къырыджылар авиациясынынъ гвардиялы капитаны Советлер Бирлигининъ Къараманы Амет-Хан Султаннынъ джесюране дженкявер ярарлыкълары хусусында хабер басамыз.

Амет-Хан Султан Алупкада догъып осьти ве тербиеленди. Татар халкъынынъ садыкъ огълу Улу Ватан дженкиннинъ биринджи куньлеринде немсе-фашист ягъмаджыларыны амансызджа ёкъ этмекте. Онынъ аджаип къараманлыкълары хусусында китаплар язмакъ мумкюн. Къоркъу бильмез ватан шанни Амет-Хан Султан немсенинъ онъа уджюм эткенини беклеп отурмай. О душманны озю къыдыра, тапа ве совет ватанперверлерине хас джесюрлик иле фашистлерге уджюм япып, оларны къырып ташлай.

Дженкиннинъ башындан берип о къыркъ дане фашист-самолётыны урып тюшюрди. Ялынъыз Таганрог ичюн урушларда Амет-Хан Султан он бир душман самолётыны урып тюшюрди. Совет Укуметини батыр татарны ляйыгъынджа такъдирледип. Онынъ кокюсини Ленин ордени, Къызыл Байракъ, Къызыл Йылдыз орденлери яраштыра. СССР Юкбасы Совети Президиумынынъ 1943 сенеси август 24 Ферманы муджиби Амет-Хан Султангъа Советлер Бирлигининъ Къараманы унваны берильди.

Къызыл Орду сафларында бойле къараман татарлар аз деңилъ. Озълерининъ умумий душманы олгъан немсе-фашист ягъмаджыларына къаршы рус халкъы ве Советлер Бирлигининъ дигер халкъларынен эль-эльге берип татар халкъынынъ да бинълернен энъ яхшы огъулла ве феодаларне дженклешмектелер. Къызыл Орду сафларында, партизан отрядларында татар халкъынынъ огъулла ве къызлары русларнен бирликте озь Ватанынынъ азатлыгъы ве мустакиллигини къараманджа къорчалап, фашистлерни амансыз суретте къыйраталар...

Татар халкъынынъ огъулла ве къызлары! Ватанны немсе-фашист айдутларындан темизлемек ичюн Къызыл Ордугъа ве партизанларгъа ярдым этинъиз! Немселерни къоркъу бильмез дженкчи, Советлер Бирлигининъ Къараманы Амет-Хан Султан киби къыйратынъыз. Гитлерджилерни амансыз суретте ёкъ этинъиз!

Немсе ягъмаджыларына олюм!»

Амет-Хан къызгъын джеңкявер вазифеден янъ къайтып кельген эди. Ерулгъан алда ерге чёкип сигарыны якъаяткъанда учуджылардан бири:

— Амет, санъа газета ёллагъанлар, анда сени язалар. Бар ал, командирде.

Озь учуджысы ичюн севинген полк командири А. Морозов «Красный Крым» газетасыны Амет-Ханнынъ элине туттырып:— Хайырлайым, дост! Сени энди халкъынъ да биле. Пек яхшы язгъанлар. Сенинъ адынъ, сенинъ джесюрлигинъ, озь халкъынънынъ векиллерини душман иле даа къатты дженклешмеге рухландыра. Эвалла, санъа!— деди.

Газетаны, андаки озюнинъ суретини корип о къызарды, озюни келишиксиз бир шей якъкан киби дуйды. Озю акъкъында язылгъан

ларны окъугъан сонъ, бойле буюк сѣзлерге, бойле юксек къыйметке мен даа лйыкъ дегилим, фашистлернен эр кес киби урушам, деп тюшюнди. Газета онъа сонъ дередже тесир этти. Андаки сѣзлер оны айрыджа эеджанландырдылар. Юреги чапаланды. О энди еринде отурып оламады. Фашистлерни урмакъ ве Гъалебе кунюни тезлештирмеге ашыкъмакъ керек эди.

— Ватаныма, халкъыма тешеккюр, подполковник аркъадаш! Немсе фашистлерини даа зияде нефрет иле урмакъ ичюн эр анги дженкявер вазифеге азырым!— деди командир огюнде теменна этерек.

— Сагъ ол, Амет-Хан! Сен буны япаджагъынъа, халкъынънынъ огюнде борджлы къалмайджагъынъа эминим. Сен ойле де энди батырлар суялесицен ер алдынъ. Илериде сенинъ шуретинъе даа шурет къошулмасыны истейим.

Амет-Хан газетаны джебинде ташып юрьди, гүя бу онынъ анабабасындан бир селям эди. Озю акъкъында язылгъан макъалени бир къач кере окъуды. Анда, бир вакъытта анасы онъа икяе эткен Чора-Батырнынъ, адий халкънынъ менфааты ичюн курешкен джесюр йнгит Алимнинъ де адлары анъыла. Худжур шей, бала экенде о анасынынъ Алим акъкъында икяеслигенде: «Ана, мен Алим олмакъ истейим, Алим киби джесюр олайым, ойдеми?» деген эди. Бакъ, шимди онынъ ады халкъ къараманы Алимнинъ адынен бир сырагъа къойылгъан.

Акъшам аркъадашлары топлангъанда, Иван Борисов ондан газетаны истеп алды да:

— Мына бакъынъыз, газетада бизим Амет-Хан Султан акъкъында не язалар,— деди ве макъаленинъ серлевасыны айрыджа котеринки сеснен окъуды: «Ватан шаини — къарамангъа шан-шуретлер!» Сонъ макъалени окъуды. Эр кес дикъкъатле динъледди. Макъаленинъ сонъу шу сѣзлернен бите эди: «Фашист айдутларына къаршы куреште Амет-Хан Султан мисильсиз джесарет ве къараманлыкълар косътерди, озь халкъыннынъ мунасиб векили оларакъ, татар халкъыннынъ бахты огърунда улу рус халкъынен къол-къолгъа берип дженкешмекте.

Джесюр. Ватан шаини, Советлер Бирлигининъ Қараманы Амет-Хан Султангъа шан-шерефлер! Улу Ватан дженки къараманларына шан-шерефлер!

Джошкъун, котеринки давушнен окъулгъан бу сѣзлерден сонъ эр кес зий-чув олып Амет-Ханны хайырлады, онынъ къуванчыны болюштилер. «Пек яхшы, пек догъру язылгъан!» дедилер. Озюне бойле дикъкъат айырылгъанына эр вакъыт сыкъылгъан, утангъан Амет-Хан бу муитни бираз йымшатмакъ ичюн аркъадашларынынъ сѣзюне къошулып:

— Эбет, достлар, мында бираз къабартылып язылгъан. Лякин мен белли бир дереджеде уста къырыджы олгъан экеним, бунда озь полкым ве дженкявер аркъадашларымнынъ хызмети буюк деп эсап этем. Шунынъ ичюй фашист къузгъунларына аман бермеген докъуз-ынджы полкнынъ бутюн учуджыларына шан-шерефлер!— деди. Онъа эр кес къолтутты.

О газетадаки озюнинъ суретине бир даа бакъты да: «Бу газета анамынъ элине барып тюшерми экен?— деп тюшюнди.— Эр алда мен оны сакълап къояйым» деди ве газетаны анасына язып къойгъан мек-тюплери арасына ерлештирди.

Бир къач кунъден сонъ Амет-Ханны кене командир чагъырды.— Мына, сени обком секретары тебриклеј,— деди Морозов ве онъа ресмиј укумет къагъытында басылгъан махсус тебрикнамени узатты.— Айттым да мен санъа, сени энди бутюн халкънынъ биледжек ве шерефлейджек. Лякин, бакъ, бу тебриклерден башынъ айланмасын.

— Екъ, подполковник аркъадаш, бундан сонъ мен, аксинне, анда авада фашистлернинъ даа зияде башларыны айландырмагъа арекет этерим,— деди Амет-Хан мемнуннетле.

Тебрикнамеде шу сѣзлер бар эди:

«Кыйметли Амет-Хан Султан аркъадаш! Сизни Советлер Бирлигининъ Къараманы унваны берилюви иле самиметле хайырлаймыз! Сиз — татар халкъынынъ шанлы огълу, бизим улу Ватанымызны немсе варварларындан буюк джесаретнен ве батырджасына къорчалагъанынъызгъа гъурурланамыз. Сизнинъ немсе ягъмаджыларынен куруште къысхырген къараманлыкъларынынъ халкъымызны хасис душманны даа кучлю урмагъа ве тувгъан топрагъымызны немсе пилигинден тездже темизлемеге рухландыра. Сиз, Ватанымызнынъ душманларыны амансызджа тар-мар этерек, бунынъле орденли улькемизнинъ намусыны къорчалайсyzыз. Кыйметли топракъдашларымыз, совет халкъынынъ душманларыны авада илериде де шойле амансызджа ёкъ этмевизни истеймиз.

ВКП(б) обком секретары В. Булатов».

Тебрикнаме Амет-Ханда буюк теэссурут къалдырды ве онъа илериде оладжакъ урушларгъа даа юксек месулиет дуйгъусы ашлады.

Амет-Хан командирининъ янындан чыккып догъру самолётына ашыкты. Оны дженкявер вазифе беклемекте эди. Бу дефа олар озь эскадрильясынен душман пекинтилеринъ ёлагъына учаджакъ бомбардурман самолётларымыз группасыны къорчалайджакълар. Аванынъ бираз уйгъунсыз олгъанына бакъмадан вазифе мувафакъиетле эда этильди. Амет-Ханнынъ къырыджылары бизим бомбардурманларгъа ич бир фашист къузгъунынъ якъын къоймадылар ве олар озь ишлерини аля дереджеде беджердилер. Душман пекинтилеринъ дарма-дагъын этильди.

Бу арада бекленильмеген ал олды. Бомбардурманлар озь юклерини бошатып, ич бир маниасыз керин айланып къайтаткъанда, умютсизден шималъ тарафтан пейда олгъан дёрт дане душман къырыджысы оларгъа уджюм этилер. Авада озь дикъкъатыны ич бир вакъыт зайыфлатмагъан Амет-Хан фашистлерини озь вакътында корип етиштирди ве озюнкилерине эмир берди:

— Дикъкъат! Уджюмге кечемиз!

Фашистлер бизим къырыджыларны баштан корьмеселер керек, шимди оларны корьгенлеринен айланып зувмагъа ашыктылар ама, энди кеч. Амет-Хан юкъарыдан бирининъ узерине догърулмакъта эди. Фашист къузгъуны энди онынъ нишан алкъасы ичинде. Арада месафе эп экесиле. 80—100 метр къалгъанда, пулемёты ве топынен бир кереден атеш ачты. Онынъ бу мергин атешинден бир къузгъун даа совет топрагъында озь мезарыны тапты. Амет-Ханнынъ аркъадашлары да бир самолётны зарарлап етиштирдилер.

Озь халкъынынъ ве ресмий реберлерининъ тебригинъ Ватан огълу иште бойле джевап бермекте эди.

Уруштан къайтып кельген сонъ, командир Морозов Амет-Ханнынъ янына барып, оны енъишнен башта озю хайырлады ве онынъле кенарда отурып бирер сигар якътылар.

— Билесинъми не, Амет,— деди Морозов бираз индемей отургъан сонъ.— Санъа о тебрикнамеге джевап язмакъ керек. Эр алда бу ресмий тебрикнаме. Сенинъ джевабынънынъ халкъ ичюн дженкявер эмиети бар.

— Догъру, мен анълайым. Лякин мен бир вакъыт ойле шей язмадым, бу меним элимден кельмез. Эйиси, мен бугунъкиси киби фашистлерни чокъча урайым да, халкъкъа джевабым шу олсын. Бу меним элимден келе.— Амет-Хан эеджанлы алда сигарыны ташлап, бирисини даа якъты.

Ноябрьде бизим аскерлер энди Сивашнынъ шималъ ялысынен бе-рабер бутюн Дженюп Украинаны азат этип, Кърымнынъ къапысына чыкътылар. Немселерни Кърымгъа къапап, джебъ ёлагъына Днепрге догъру йылыша берди.

Докъузынджы полк бу вакъытта ярым адагъа якъын ерге авушып Чаплинка янларында ерлешти. Илериде Кърымны азат этеджек аскерлерни авадан къорчалав вазифеси бу полккъа авале этильди. Амет-Хан, эбет, о куньлернинъ тез кельмесине ашыкъа. Озю эеджанлы, ана-бабасыны, Алупкасыны душман элинден озю азат этеджеги хусусында тюшюнджелерни ичинде тутуп оламай. Бу тюшюнджелерини эр кеске айтып юре. Амет-Ханны билъмеген кишиге, гуя оны бундан баш-

къа ич бир шей меракъландырмагъан киби корюне биле. Ама дженкявер вазифе алып авагъа котерильгенинен бус-бутюн деньише, душманнен амансыз курешкен къарталгъа чевириле ве, адети узре, эр сефер ерге енъиш иле къайтып келе.

Амет-Хан ашыкъа. Ама дженк ойле шей, онда кетишат сенинъ дегенинъ, сенинъ беклегенинъ киби олмай. Шимди де ойле эди. Джебэ-де асыл олгъан арбий шарант, фашистлернинъ, эвеля, Днепр артына айдап къувулмасыны талап эте. Тек бундан сонъ Кърымнен мешгъуль олунаджакъ.

Ишнинъ бойле бурулыш алувы Амет-Ханнынъ кейфини сонъ дереже бозды о даа пек сабырсызланды. Достлары буны сезе ве онынъ вазитини анълайлар. Я насыл анъламасынлар, оларнынъ бир талайы азат этильген ерлерде энди озъ тувгъанларынен корюшюв къуванчына наиль олдылар, биревлер буны даа огде беклейлер.

— Эр алда, бизим эвге мытлакъа барырмыз, достлар!— дей Амет-Хан озъ-озюни тынчландырып. Ве эр сефер озюнинъ дженкявер достларынен берабер анда насыл бараджагъыны, оларны анасы ве бабасынен насыл таныштыраджагъыны тасавур эте.

АМЕТ-ХАН СУЛТАН ВАТАННЫ КЪОРЧАЛАЙ

Арбий мухбир Л. М. Леровнынъ 1943 сенеси декабрь айында меркезий матбуатта басылгъан макъалеси иште бойле адландырылгъан эди. Бу макъаленинъ къыймети шунда ки, о къыскъадан олса да, Амет-Хан акъкъында язылгъан биринджи кучюк очерк эди. Анда плькни кере Амет-Ханнынъ ким олгъаны, къайда догъып оськени, насыл этип Къараман олгъаны тасвир этиле.

«Бугунъ де Амет-Хан Сиваш ве Перекоп къараманларынен селешерек, Кърымны немсе ягъмаджыларындан азат этиов ичюн дженклешмекте. Къызыл Орду сафларында рус ве украин учуджылары иле бир сырада, Ватан огърунда къанат-къанаткъа берип, кърымлы учуджысы, Советлер Бирлигининъ Къараманы Амет-Хан Султан уруша...

Чокъ урушлардан бирини Амет-Хан айрыджа мемнионетле хатырлай. Шу вакъытта бир озю эки «Мессершмитт»нен урушты. Онынъ бу урушыны затен ава урушынынъ классик нумюнеси деп эсап этмек мумкюн.

Штабдан, немселер бизим мунм объектлеримизни бомбалайлар деген хабер кельди. Эр кеске учмакъ эмири берильди. Учуджылар озъ самолётларына чаптылар. Амет-Хан озъ машинасына биринджи етти ве къоруджысыны беклемеден бир озю учты. Авагъа котерильгенинен къаршысына эки «М-109» расткельди. Амет-Хан 4500 метр юксекликте эди. Немселер де айны шу юксекликте. О, пльк эвеля, юкъарыгъа, 5500 метрге котерильди ве «Мессершмитт»лерге шу юксекликтен уджюм этти.

Баягъы ашагъыда къалгъан немселер, устюнлик совет учуджысында олгъаныны анълап, кери дёнмеге башладылар. Ама энди кеч. Амет-Хан биринджи уджюмде етекчи самолётларны якъты ве текрар юкъары котерильди. Бу онынъ сеvimли усулы: тёпеден уджюм япа ве суръатыны эксильтмейип, янынъ уджюм ичюн кене тёпеге котериле. Шимди де ойле япты. Юкъарыдан келип экинджи «Мессершмитт»ке уджюм этти. Оны да урып тюшюрди ве енъишнен къайтты. Енъиш юксеклик санбининъки олды...

Амет-Хан атеш ичиндеки Сталинград устюнде дженклешти, кениш къулач Дон чёллери узеринде урушты, аскерлеримизнинъ Миус ве Молочная озенлерини мувафакънетли кечмелерини темин этип, оларны авадан къорчалады. Ве эр сефер:

— Мен Ватанымыз ичюн дженклешем, мен озъ топрагъымыз ичюн урушам!— дей.»

Бу макъале басылгъан газета джебэде эль-эльден юрьди. Оны окъугъан дженкчилер ве командирлер алупкалы бу йигитнинъ дже-

сюрлигине батырлыгына, усталыгына айретте кыала эдилер. Хусусан озь юрдашлары онынъ кыараманлыгына айрыджа севине ве газета-ны аркыдашларына косытерип:

— Мына, бизимкилер фашистлерни насыл уралар!— деп гыурур-ланалар.

Бутюнлей озь укюмине кирген кыыш шарапти, кунь тертибине душман иле авада курешювнинъ усулларыны денгыштирюв меселесини кыйды. Бу мунасебетнен генерал Хрюкин, душман самолётларына, гемилерине, юк эшелонларына, танклары ве автоколонналарына «сербест авджылыкъ» япув кйби дженкявер арекет теклифини огге сюрди. Бу теклиф учуджылар арасында кыызгын мунакыша котерди.

Декабрь 16-да Аскания-Нова деген ерде Дженюп джебэсинде иштирак эткен энъ намлы совет асларынынъ топлашувы олды. Советлер Бирлиги Кыараманларындан элли киши иштирак эткен бу топлашувны 8-иджи Ава Ордусынынъ команданы генерал Т. Т. Хрюкин ве сонъундан авиация маршалы олгъан Е. А. Савицкий тешкиль эттилер. Эртеси куню «Красная Звезда» газетасы бу хусуста хабер берди: «... Топлашувда Советлер Бирлигининъ мешур эки дефа Кыараманлары Покрышкин ве Глинка, белли аслар Лавриненков, Амет-Хан Султан ве башкылар иштирак эттилер. Топлашув иштиракчилерининъ эр бирининъ эсабында оларнен ава урушы ве он бешер-отузар дане урулып тюшюрилген душман самолётларыны бир ерге кыошсакъ, буюк бир ракъам — бинъден зияде самолёт оладжакъ!»

Душман иле куреште «сербест авджылыкъ» усулына ант бутюн меселелер, иште, бу топлашувда музакере этильди.

Амет-Хан, Лавриненков ве Алелюхин топлашувдан мемнион олып кельдилер. Акъшамлыкъ аш вакътында Иван Борисов Амет-Хандан топлашувда не айтылганыны сорады. Амет-Хан Борисовгъа бакъып, эр вакъыттаки киби хош кулюмспреди.

Авджылыкъны насыл япмакъ ве неден сакът олмакъ кереклиги хусусында тафсиллятлы анълатув яптылар.

— Буны насыл анъламалы?— деп сорады Борисов текрар.

— Буны бойле анъламакъ керек, акъайлар: душманны таптынъмы — оны ур, ёкъ эт ве ёлунъны девам эт. Изле, кыдыр ве кене ур, эм догъру козылеп ур — янъылма. Айны вакъытта, зениткалар ве хусусан «эрликон»лар сенинъ энъ баш душманынъ олгъаныны да унутма. Анъладынъмы?!

— Ничюн анъламайджакъым, Амет. Мен сени эр вакъыт, агъызынъдан сёз чыкъар-чыкъмаз, не айтаджакъынъны анълайым да,— деди Борисов сёзлерни гуя йыр созгъан киби тизиштирип.— Хусусан кыанатларыны саллагъанда, буны эр шейден зияде анълайым.

Кимдир, немселернинъ шимди Кырымда озь аэродромларыны ана шу «Эрликон»ларнен сонъ дередже пекиткенлерини сёйледди. Ана даа кыайда кыызгын урушлар оладжакъ!

— Эбет, бизге даа чокъ терлемек керек олур,— деп джевап берди Амет-Хан бу сёзлерге ве тюшюнджеге далды. О, тарелкасындаки тавшан этини ашыкъмайып ашады. Шу анъде о, кечмиш аятындан бир левханы хатырлады. Бир кере балаларгъа кошулып, Ай-Петри этегиндеки эменликке баргъан эди. Эменликнинъ ичи мейдан, истегенинъ кыадар чапкъала. Олар тереклер арасында кыувалашып ойнагъанда, Аметнинъ аягъы астындан тавшан чыкып кыачты.

— Тавшан! Тавшан!— деп, кычырып, балалар ташларгъа япыштылар.

— Токътанъыз, тийменъиз!— деди де, Амет кыачаяткъан тавшанынъ артындан бакъып турды.— Чапсын юрьсин, о да яшамакъ истей.

Узакътан ишитильген гурульти Амет-Ханнынъ фикирлерини дженк муитине авуштырды ве о бу дженкте ёкъ олгъан кыурбанлар хусусында тюшюнди. «Я олар да яшамакъ истей эдилер де. Дженкте исе хатир, гонъюль, инсаф ёкъ, о амансыз. Пек амансыз. Насыл ханн тюшю-

нип чыкьаргъан экен бу дженк деген шейни» деди о озь-озюне ве фашистлернинъ ерли эалиге насыл кылынганлары хусусында якъында «Кызыл Кырым» газетасында окъугъан хаберлернини хатырлады. «Не япмалы ве насыл этмели де, шу мельунларны Ватан топрагъындан тездже кыуып чыкьармалы?» Бу тюшонджелер онъа шу геджеси юкьу бермедилер.

Декабрьнинъ орталары. Сабадан ава булутлы, ягъмурлы — учмакъ мумкюн дегиль. Бойле вакъытта учуджыларнынъ кейфи бозула, олар бош отуралар. Амет-Хан да озюни къайда къоймагъа билмей, де КПге кирип чыкъа, де учуджылар топланып отургъан одагъа кире. Юрегинде насылдыр эеджан бар, гуя шимди бир шей оладжакъ. Бу арада къапыдан Иван Мольков келип кирди:

— Амет-Хан, ойна, санъа мектюп бар. Озю де укюмет конвертинен! — деп эр кеснинъ дикъкъатыны джелъп этти.

— Мына шимди ава ачылсын да, биз экимиз анда чыкып ойнармыз, — деди Амет-Хан юкъарыгъа ишарет этип. Иван онынъ кейфи бозукъ экенини анълап, шакъаны чокъ созмады ве конвертни Амет-Хангъа узатты.

Амет-Хан мектюпни окъуп башлагъанынен, еринден сычрап турды ве: — Достлар! — деп кычырып йибергенини дуймай къалды. Эр кес абдырап, не олгъан экен деп, юзлерини онъа чевирдилер. Даа янъчыкъ кейфи бозукъ Амет-Ханнынъ чырайы бир кереден денъишкен, кыуанч толу козьлерини мектюптен алмайып: — Козъайдын, достлар, козьайдын! Анам-бабам сагъ-селямет экенлер, мына, Сочиден кельген мектюп ичинде анамнынъ озь элинен язгъан кягъыты да бар!

Амет-Ханны эр кес тебрикледи, бу козьайдын хаберине онынъле берабер кыуандылар.

Меселе шунда ки, Кырым партизанлары меркезий штабынынъ башлыгъы, обком секретары В. Булатов аркъадаш къараманнынъ кюрантасынынъ къайдыны чекюв вазифесини махсус радиограмма вастасынен бу бригаданынъ комиссары Мустафа Селимовгъа авале этти. Иште, Амет-Хангъа кельген мектюп, Селимовнынъ партизанлары ярдымынен онынъ анасы ве бабасындан алынган ильки кыуанчлы хабер эди.

Амет-Хан шу ерде отурып анасына озь сагълыгъыны билъдирип ве оларны, тувган юртуны фашист зулумындан азат эткенге къадар фашист езитлерини амансэздже дегеджегине сёз берип кыскъа мектюп язды. Эбет, анасына о, чемоданындаки бутюн мектюплерни ёллар эди, ама шимди бунъа имкян ёкъ. Сонъра Амет-Хан, онъа ана-бабасынынъ сагъ-экенлери хусусында хабер билъдирген аркъадашларгъа да командир А. Морозовнынъ ярдымынен джевап язды. Бир къач вакъыттан сонъ, Амет-Ханнынъ бу мектюби «Кызыл Кырым» ве «Красный Крым» (1944 сенеси, январь 11) газеталарында басылды.

Амет-Ханнынъ анасына язгъан мектюби де, онынъ акъкъында макъалелер басылган газеталар да, эбет, партизанлар вастасынен Алупкагъа еткизильди. Насибе, дагъдан кельген махсус эльчилернен, огълунынъ сагъ экенлиги хусусында ильки хаберни алгъанда, кыуанчыны къайда сыгъдырмагъа билъмеди, онынъ джандагъ севген Амети ичюн къаарь-къасеветтен тель-тель олып къалган юрегине якъындан джан кирген киби олды. Озюнинъ кыуанчыны тек якъын догъмушларынен болюшти. Бу козьайдын хаберине Насибеден сонъ энъ зняде Амет-Ханны бундан тамам учь йыл эвель «Союзтранс»къадже озгъаргъан Миясе къардашы севлиди. Дюнъя ойле шей, этрафта дженк, атеш, кыыргъынлыкъ олса да, яшайыш токътамай. Онынъ озь къанунлары бар. Немселернинъ Германиягъа къуллыкъкъа айдав ичюн яшларгъа, кызыларгъа якъкан «облава»ларындан къртулмакъ макъсадынен олса керек, Миясе шу къара куньлерде эрге чыкмагъа меджбур олды. Вакъты келип, при, къара козьлю дюльбер огъланчыкъ догъургъанда, онъа Амет-Ханнынъ адыны къойды. Чюнки эки йылдан бери девам эткен дженк атешини ичинде Амет-Ханнынъ сагъ къалмасы олар ичюн

чокъ шубели. Баланынъ адыны онынъ хатиреси олсын деп къойдылар. Насибенен Султан энди эр кунъ акъшам ястыкъ тюбюнден Амет-Ханнынъ мектюбинн чыкъарып текрар. ве текрар окъуйлар, огъулла-рынынъ батырлыгына севине ве гъурурланалар.

1944 сенесининъ янъы йылыны учуджылар энди башкъа шарапте къаршыладылар. Кейфлерн гузель. Джебэ эп огге йылышмакъта. Вакъналарнынъ кетишатыны бааръ айлары косътерирлер. Огге Кърым, Алупка, сонъ исе гъарпкъа догъру, та Берлинге баргъандже! Амет-Хан ве онынъ достлары янъы енышлер ичюн янъы йыл къаделеринн, иште, бойле инетлернен котердилер.

Сабасына — дженкявер кунъ. Олар шимди душман-авджылыгъындалар, авада душман самолётларыны излеп тапып, ёкъ этелер. Бу, че-шит тюрлю биллимеген ве бекленильмеген тесадюфлер иле багълы хусусий бир вазифе. Бунъа «сербест авджылыкъ» дейлер. Бу Докъу-зынджы полкнынъ шапнлерн ичюн шерефли вазифе ве, айны вакъытта, буюк ишанч эди. Хусусан, махсус тешкиль этильген гизли аэро-дромда сакъланаракъ, апансыздан котерилип, душманнынъ Констанца-дан (Румыния) ве Одессадан. Кърым ялыларына сия ташыгъан самолётлары ве гемплеринн якъалав яхшы нетидже бере.

Бойле кучюк гизли «Подскок» аэродромы Къара денъиз ичине кирип кеткен Қилигей бурунында ерлешкен эди. Амет-Хан бу ерге ильки кельгенде чокъ эеджанланды. «Къара денъиз! Учъ йылдан зняде оны беклеген йырджы далгъалар! Онынъ аджап, тынч балалыкъ дюнъясы! Кок юзю киби, инаетсиз кенъ алем, кок киби мавы...» Денъиз уфукъына бакъып тургъан Амет-Хан досты Женя Дранищевинн козь-леринн хатырлады. Кедерленди. «Не къадар къурбан бердик сенинъ ичюн, азиз денъизим, меним Ватаным! Ве даа не къадар бериле-джек!..»

Ава серт, сувукъ. Гъарптан кучлю ель эсе. Денъиз далгъалы, Амет-Ханнынъ юреги киби эеджалы. Денъиз, гуя Аметинн тюшон-джелеринн анълай, ялыгъа келип кучлю-кучлю урулгъан далгъалар гуя онынъле сёйлешмек, дертлешмек, шикъет этмек истейлер. «Эй, денъиз ве далгъалар юртынынъ эвляды! Сен бизим тилимизни анъ-ларсынъ. Биз чокъ йыллар сеннен берабер бир тильде сёйлештик, бир дуйгъулар ис эттик, бир хаялларнен яшадыкъ. Биз санъа чокъ шенъ-лик, чокъ къуванчлы дакъикъалар багъышладыкъ, сенинъ бешигинн тебетип осьтюрдик. Салкъыи, тендюрюст, шифалы сувымыз сенинъ тенинъе сагъламлыкъ, чыдамлыкъ, праде ашлады. Биз сенинъ денъиз-джи олманъны истедик, лякин сени кок юзю озюне чекти. Барсын шой-ле олсын, бизим джанымыз агъырмай. Кок де бизим догъмушымыз. Коресинъми, ренкимиз де бирдайын, инаетсиз бошлугъымыз да, дюль-берлигимиз де ойле. Бакъ уфукъкъа, биз кок иле анда корюшемиз, къучакълашамыз, сырдашамыз. Бизни анда бири-биримизден айыр-макъ, айырды этмек мумкюн дегиль. Сен исе бизим эвлядымызсынъ, денъиз ве кок вэлядысынъ! Кокте олсанъ да, сен бизни унутмайсынъ, билемиз. Азиз ананынъ миннетдар огълу киби, юрегинъде денъизге садыкълыкъ, бизге айрыджа севги беслегенинъ ичюн эвалла санъа! Иште, кельдинъ, къавуштынъ. Сагъ ол! Лякин къучакълашып, бири-биримизни севиндирип, ойнашып оламаймыз. Вакъыт ойле. Биз буюк дешет ве зулум алтындамыз, душман эли тюбюндемиз. Биз о бир алы-дан дюнь чыкътыкъ. Санъа ана-бабагъдан селям кетирдик. Олар сагъ-лар. Лякин балалыкъта чапып юрген сокъакъларынъ, тырмашкъан къаяларынъ, къырларынъ хасис душман чызмасы алтында инълей. Ананъ-бабагъ эсарет алтындалар. Олар сени, озъ батырыны беклей-лер, азатлыкъ, сербестлик арз этелер. Бутюн чеккен зулумлары, акъа-ретленген азиз топракълары ичюн сенинъ душмандан интикъам ал-манъны истейлер. Интикъам! Интикъам! Къан ичюн къан! Джан ичюн джан!..»

Ялы ташларына шиддетли урулгъан далгъанынъ салкъын тамчы-лары Амет-Ханны абдыратты, тюшонджелеринн виран эттилер. О,

керн чевирилип, тез-тез адымлар иле ялыдан узакълашты. Ама, «Интикъам! Интикъам!» даушлары онынъ къулакъларында эп текрарландылар. «Эбет, интикъам, душмандан интикъам алырым, фашистлернинъ башыны эзерим. Догъгъан юртым ичюн, Ватаным ичюн, халкъым ичюн къанымы да, керек олса, джанымы да аямам...»

Шимди Чаплинкадаки эсас аэродромдан котерильгенде, Амет-Хан къач куньлер эвель Къара денъыз иле бойле корюшкеннинъ хатырлады. Сонъки вакъытта о, догъмушларыны, таныш-билишлерини сыкъ-сыкъ хатырлай. Газетада окъугъан хаберни, фашистлернинъ тынч эалиге насыл къылынганъы, татар койлеринде якъан вахшийянклери хусусында малюматлар акъылындан чыкъмай. Онынъ душмангъа къаршы нефретни, гъадабы даа зияде ашып-ташты, огюне расткельген фашистен дев кибн дженклешмеге азыр эди.

Насибенинъ теляшлы юреги джепк башлангъандан бери тынчлыкъ бильмедн. Севимли тонгъучу он алты яшында босагъадан атлап, озъ талиинне догъру адымлады. Дюнъя атеш ичинде. Амансыз, къарсамбалы джепк кете. Фашистлер кельген куньден бери этрафта къааръ, къасевет, яныкъ, теляш. Даа кеченлерде олгъан адисе шимдикиси кибн козюнинъ огюнде тура. Воронцов сарайынынъ шималь кемер къапысы янында, эллеринде автоматлары иле фашист къоруджылары туралар. Шеэр эалисини анда топлагъанлар. Дигер тарафта исе облава вастасынен джыйылып алынган яшларны СС-чилер чельтелемектелер.

Стол башында отургъан офицерлерден бири немседже къычырып, элинен ишарет эте ве азбардан эки яш огъланны чыкъаралар. Биринджиси узунджа бойлы йигит немселерге серт-серт бакъып оларнынъ айткъан сёзлеринне «Екъ!» майасында башыны терсине саллай. Офицер ачувнен ишмар этип, оны автоматлы къоруджыларнынъ элине теслим эте. Экинджиси даа осьмюр, яп-яш огълан. Къоркъкъанындан козьлери бир нокътагъа тикилип къалгъанлар. Офицер онынъ устюне джекирип нелердир айта ве къолунен кокюсинне тюрте. Индемей къатып, къалгъан огълан баягъы тургъан сонъ, козьлерини аля шу нокътадан алмайып, разылыкъ берген манасында башыны саллады. Стол башында отургъан офицер онынъ адыны айры кягъыткъа къайд этти ве огъланны экинджи тарафкъа айырдылар...

Фашистлер озъ къапкъанына тюшкен яшларны ве осьмюрлерни иште бойле «чельтеп» эки тарафкъа айыра эдилер. Аз олса да, о бир тарафтакилеринне олар озьлерининъ ешилъ чекменлерини кийдиреджеклер, чокълукъны тешкиль эткен бу тарафтакилер къуршунгъа тизиледжек, я да олюм лагеринне дженетиледжеклер.

Авлакъта бакъып тургъанлар, эбет, меселени анълайлар. Къартийлерден бири даянамайып:— Вай, аллам! Не ола бу дюнъяда. Бу аджиз къулларынынъ не гунялары бар?!— деп агълап йиберди. Бир къач къартий даа такъмакълап, онъа къошулдылар. Кенарда тургъан немселер келип:— Сусынъыз!— деп автоматларынынъ къундагынен къартийлерни тюртип, уйтеклеп, оларны ятыштырмакъ нетедилер. Адамлар даа зияде зий-чув олдылар...

Насибе таш басмакълардан юкъары котерильгенде, кучьсизликтен аякълары зорнен юре эдилер. О, эвине тараф кете ве эп автоматлы фашистлернинъ элине теслим этильген яшларнынъ талиин не олур экен деп тюшюне.

О кельгенде Султан агъа эвде эди.

— Я сен бармадың ёкъса?— деп сорады Насибе.

— Екъ,— деди Султан агъа.

— Я келип тешкерген олсалар?

— Азбар къапыны къакътылар, чыкъмадым,— деди де, Султан агъа анда не олгъаны хусусында сорады.

— Чокъмы эди анда яшлар?

Насибе индемени. Сабасына энди бутюн шеэрге малюм олды. «Гошьюлли»лер сафына къошулмагъа ред эткен яшларны, башкъалар-

ны кьорктузув макъсадынен эпписини шеэр четине чыкъарып кьуршун-
гъа тизгенлер...

Актышам кеч вакытта азбар къалы къакъылды. Насибе къапы-
нынъ янына барды ве тешигинден бакъып, яваштан ачты. Азбаргъа ча-
бик адымларнен кирген адам:


— Эгленмеге вакыт ёкъ. Сиз огьлунъызгъа мектюп ёллайджакъ
единъыз. Ярын саба, базарда корюширмиз. Мен сизиниъ янынъызгъа
барырым,— деди ве кене шойле тез адымларнен ашыкъып кетти.

Эртеси куниниъ сабасы. Алупка базары. Адамларнынъ юреклерни
насыл кедерли олса, ава да ойле бозукъ, булутлы. Бу ериниъ ады ба-
зар — адамларгъа одыр-будыр алмакъ, сатмакъ ичюн кучюк бир мей-
дан. Этрафта ачлыкъ ве сувукъ. Базарда пейда олгъанлар ичннде
сатыджылар чокъ корюнмей. Эксери кишилер мында эски-ускъу урба-
ларыны я да башкъа бир шейлерини, ашамагъа ярагъан не олса,
шунъа депъништирмек ичюн кельгенлер. Адамлар топлангъанынен мей-
дан тарашлыкъ олды. Немсе патруллерни де мындан чыкъмайлар. Ки-
шилериниъ элинде козълерине гузель корюнген бир шей расткельдимни,
шу анъде тутуп алалар.

Амет-Ханнынъ анасы базаргъа кельгенинен, озюнинъ къомшула-
рындан бириниъ корьди. О къадып да Насибени эсledi ве: «О не ичюн
кельген экен базаргъа? Бир вакыт базаргъа шей сатмагъа кельмей
эди де,— деп тюшонди.— Эвден чыкъмай отурса не ола экен. Бирев-
лериниъ козюне илишир ве кимнинъ анасы о деп, тефтишден башлар-
лар». Қъадын ойле тюшонди ве Насибени корьмеген киши олып, иши-
ни девам этти.

Насибе козюне гузель корюнген, дякин оны танывагъан бир къа-
дыннынъ янына барды ве алма, армут кьуруларыны сатмагъа азыр-
лангъан киши сыфатында, сепетиниъ устюни ачып къойды. Ве дикъ-
къатнен сагъгъа, солгъа бакъып алды. Башта янына келип кьурунынъ
флятыны сорагъанларны ишитмеген киши олып турды, сонъра исе
«энди сатылды, шимди келип аладжакълар» деди.

— Я бу не?! Оларнынъ яндарында патруль пейда олды. Насибе-
нинъ юреги телашлы чапалана башлады. Кьурулариниъ тюбинде огь-
луна язгъан мектюби бар эди. «Я шимди келип сепетни алса?» деп
тюшонди о ве аякълары кесильген киби олды. «Я бу эснада онынъ



Урушлардан бош арада. Сагъдан полк комсоргы Д. Кацин, эскадрилья коман-
дири Амет-Хан Султан, авиация техниклери И. Слюсарев ве Н. Бутов, эскадрилья
командириниъ муавини А. Аристархов, авиация техниги Я. Пеньковский.

беклеген кишиси де келип к'алса?» деген фикир оны даа зияде абдыратты. Патруль исе эп он'а якъынлашмак'та. «Не япмалы!..»

Бак'са, не корьсин! Бу арада фашистнинъ артындан, шей сатк'ан к'адынлардан фият сорай-сорай онынъ беклеген адамы кельмекте. Бу вакъытта патруль бирден арк'аг'а чевирильди ве омузынен о адамнынъ омузына к'акъылып, кери адымлап кетти. Ниает, адам Насибенинъ к'аршысына кельди. К'зуруларны бак'к'ан киши олып о, сездирмеден башыны к'акъытып, селямлашк'ан киби олды, ве:

— К'ачк'а?— деп сорады.

— Сатылды энди, муштериси пара алып келейим деп кетти, аля даа ёк'. Яхшы, алынъыз, энди беклемеге вакъытым ёк',— деди де Насибе сепетни кельген адамг'а туттырды.

Бойле этип о даг'г'а сепетнен к'зуру иле, намы бутюн джебёге дарк'аг'ан к'араман ог'луна мектюп йиберген эди. Партизанлар мектюпни Буюк топрак'к'а ёллайджакъ ве андан сонъ о джебёге, Амет-Ханнынъ элине барып тиеджек.

Амет-Ханларнынъ эви Алупканынъ энъ юк'арысында, к'ырларнынъ тюбинде ерлешкен. Бу, партизанларг'а мында келип кетмеге уйг'унлыкъ дог'ура. Партизанлар кельген вакъытта Султан аг'а бутюн гедже юк'ламай «мусафирлер»ни к'аравуллай ве оларг'а бираз ратланмаг'а имк'ан бере. Чюнки олар саба эрте, танъ атмаздан эвель чык'ып даг'г'а джонейджеклер. Бойле вакъытларда о эп тонг'уч ог'лу Амет-Хан хусусында тюшюне. Озюнинъ шаинини корьмекни арзу эте.

Вазият г'ает аг'ыр. Бутюн оккупация девире эр кес ичюн гуя к'асевет ве кедер толу, теляшлы бир к'аранлыкъ гедже киби эди. Бу ал 1943 сенеси кузьде, юзюмлер пишип башлаг'ан вакъытта олды. Султан аг'а ве Насибе ханум кедерли алда эвлеринде бири-бирининъ козьлерине бак'ып, не япмаг'а бильмей отура эдилер. Султан аг'а ярым саат эвельси фашистлер комендатурадан оларнынъ яхшы бильген адамлары Джетерени ве Екатерина Гаурдингни атмаг'а алып кеткенлерини озъ козьлеринен корип кельди. Бойле адамларнынъ ботен ольдюриледжегине Султан аг'а сонъ дередже нефретленди ве ич тынчланып оламай. Насибе исе озюни тутайып, к'ыйыг'ынынъ уджунен эп козьашларыны сильмекте. Олар экиси де пек денъиштилер. Султан аг'а азды ве юзю, чырайы к'ап-к'ара олды. Насибенинъ де юзю солукъ, чырайы к'ачыкъ, башында исе кумюш ренкли теллер эп артмак'та эди.

Бу аджаип адамлар, озъ вазиятлерининъ хавфлы олг'аныны бильселер де, озьлерининъ аяты к'ыыл уджунда экенлигине бак'мадан, башк'аларг'а ярдым к'юлу узатмаг'а арекет эте эдилер. Насибе буюк к'азаннен аш пишире ве ачлык'тан юзьлери когерип к'алг'ан балаларны топлап ашата. Бир кере бунынъ ичюн базардан эчки биле сатын алдылар.

Партизанлардан оларг'а энъ чокъ Кучюк-койлю Абдураман Ибраимов келе эди. Партизан к'адынлардан дог'ма алупкалы Эмине Айвазова да чокъ келе эди. Абдураман Ибраимов бир кере бу к'орантаны даг'г'а алып кетмек вазифесинен де кельген эди. К'рым партизанларынынъ меркезий штабы к'араманнынъ к'орантасыны даг'г'а алып чык'макъ ве сонъра Буюк топрак'к'а джёнетмек мак'садынен бу вазифени Дженьюбий партизанлар бирлешмесине авале эте. Дженьюбий бирлешменинъ командири Михаил Македонский ве комиссары Мустафа Селимов бу вазифени эда этюв ичюн бир к'ач кере операция тешкиль этелер. Лякин о вакъытта Амет-Ханнынъ анасы аг'ыр хасталанг'аны себебинден оларны даг'г'а чык'армакъ имк'аны олмай.

Бу операцияг'а барг'ан группанынъ иштиракчиси, 10-нджы Ялта отрядынынъ сабыкъ партизаны, шимди Ферг'анада яшаг'ан Неби Мухтеремов оны шойле хатырлай:

«Бизим отрядымызнынъ командири Иван Крапивный, комиссары Сераджедин Менаджиев эди. Бир кере бизге махсус вазифе берильди.

Белли олгъан малюматларгъа коре, фашист къузгъунларынен курешлерде нам косътерген къараманымыз Амет-Хан Султаннынъ ана-бабасынынъ башлары узеринде телюке асыл олгъан. Оларны дагъгъа алып чыкъмакъ ве сонъра Буюк топракъгъа озгъармакъ зарур эди. Бу операцияны эда этиов ичюн Алупкагъа энди бир къач кере барып кельген теджрибели партизан Абдураим Ибраимов етекчилигинде беш адамдан ибарет махсус группа тешкиль этильди. Бу группагъа мен де кирдим. Эпимиз намлы шаинимизнинъ къорантасыны дагъгъа алып чыкъув вазифеси бизге авале этильгенине гъает севиндик.

1944 сенеси январь айынынъ сувукъ кунълеринден биринде азырланып, янымызгъа бирер десте «Къызыл Кърым» ве «Красный Крым» газеталарыны алып ёлгъа чыкътыкъ. Бизге къырлар, яйлялар устюнден 30-35 километр ёл юрип кечмек керек. Бешуй комюр оджакълары янындан саба ачылгъанда чыкътыкъ. Дагъдан яйлягъа котерильдик. Ёл гъает агъыр: боран, ель, терен къар. Хавфлы ерлерни айланып, бузлы ерлерни сунгюлернен тешип, озюмизге ёл ачып, Али-паша къырындан, Бодене-къырдан оттик ве акъшам устюнде Алупка богъазына еттик. О ерде Таш-къоба ичинде ийыкъ ерде ер азырлап анда геджеледик. Экинджи куню кундюз ёл юрип, акъшамгъа Алупка дживарына чыкътыкъ. Къаранлыкълашкъан сонъ Султан агъанынъ эвине бардыкъ. Азбарда кимсе ёкъ. Къапыны къакътыкъ. Султан агъа чыкъты. О, Ибраимовнынъ сесини таныды ве къапыны ачты. Учъ аркъадашымыз тышарыда къалдылар, биз Ибраимовнен ичери кирдик.

Султан агъа бизим кельгенимизге пек эеджанланды, севинди. Ичери одада кроватта, устюне ёргъан орътоли къадын ята эди. Юзю азгъын, чырайы ап-акъ олса да, озю гъает муляйим, дюльбер къадын экенлиги сезилип тура. Хасталыкътан озюнинъ меджалсызлыгына сыкылып о, недендир утангъан киби олды.

— Айып этменъиз, джаным, вазнетимиз фена вакъытта расткельдинъиз. Бу хапнлерден раббим бизни не вакъыт къуртарыр экен. Халкънынъ омюрини комюр эттилер.

— Зарар ёкъ, сиз биз ичюн ич сыкъланманъыз. Биз Султан агъанен лакъырды этер, озъ ишимизни битиримиз.

— Огълумдан хабер кетиргендирсинъиз, эбет, огълуджыйым сагъ-селяметтир? — деп, къадын сабырсызлыкъланен бизим козьлеримизге бакъты.

— Кетирдик, эбет, шаппинъиз сагъ-селямет. О кокте фашистлерни йигитчесине ура. Мына; бакъынъыз озъ батырынъызгъа, севининъиз, — деп ана ве бабагъа къараман огъуллари акъкъында макъале ве онынъ фото-сурети басылгъан бирер газета бердик.

Ана къалтырагъан эллеринен газетаны алды ве суретке бакъкъанда, озюнинъ джандан азиз Аметини корьген киби олды. — Меним батырым, севимли шаиним! — деп ресимни опип, газетаны кокюсине баскъанда, онынъ козьлеринден яшлар акъты. Газетаны алып кенаргъа чекильген Султан агъа исе де ресимге бакъа, де макъаледе огълу акъкъында язылгъан сёзлерге козь ташлай. Огълунунъ япкъан ишлерине бойле буюк къыймет кесильгенине, онынъ джесаретлигине севинген бабанынъ да козьлеринде гъурур козьашлары пейда олды.

Бахтлы ана ве баба бизни насыл этип алгъышламагъа сёз тапмадылар.

— Чокъ сагъ олунъыз, дагъ батырлары! Алла разы олсын! Раббим сизнинъ элинъизге, белинъизге кучъ берсин, явуз душманнен курешлерде сизге енъишли ёллар насип эйлесин! — дедилер олар.

Ана-бабанынъ эеджанлары бираз ятышкъан сонъ, кельгенимизнинъ макъсадыны анълаттыкъ. Лякин теэслюф ки, къадынны бу хаста алында дагъгъа алып чыкъмакъ мумкюн дегиль эди. Буны биз къапыдан киргенимизнен анълагъан эдик.

— Багъышланъыз, ойле олды, — деди Султан агъа. — Бираз вакъыт беклемек керек олур. Озюнъиз де коресинъиз, бу алда ёлгъа чыкъмакъ мумкюн дегиль...»

Бираздан тышарыда кьалгъан аркъадашлары да небетнен эвге кирдилер ве Султан агъа мусафирлерни сыджакъ чайнен, эвде тапыш-тыргъан одыр-будыр емеклернен сыйлады.

Сабагъа якъын Султан агъа мусафирлерни озгъарды. Оларнынъ эр биринен самиметле къучакълашып сагълыкълашкъанда:

— Чокъ сагъ олунъыз, достлар! Бизден бутюн партизанларгъа ве бизим къайдымызны чеккен дигер аркъадашларгъа юректен тешеккур бильдиринъиз,— деди.

Бу вазифенинъ сонъунадже эда этильмегенинден юреклеринде хошнутсызлыкъ ис эткен партизанлар группасы, озьлеринен кетирген газеталарны, саба ачылгъандже сокъакъларда юрип, эвлерини, азбарларына ташлап, даркъатып битирген сонъ ёлгъа чыккыты ве бош эльнен къайтмайкы деп, Ялта тарафтан келейткъан беш немсе автомашинасына уджюм эттилер. Машиналарны зарарлап, иштен чыкъардылар. Айдавджылардан сорап, Ялтадаки вазият хусусында керек малюматларны эльде эттилер.

Амет-Ханнынъ тек озю дегиль, онынъ къараманлыкы акъкъында фото-суретнен берабер махсус басылып чыкъарылгъан листовкалар да душманнен куреше эдилер. Партизанлар тарафындан кой-койден юрип, бинълернен даркъатылгъан бойле листовкалар халкъны хайырсыз оккупантларнен курешке даа зияде къозгъамакъ ичюн дегерли хызмет эте эдилер.

О листовкалардан бирининъ сонъунда шойле дениле:

«Амет-Хан Султан улу рус халкъынынъ къараман эвлятларынен, совет Ватанынынъ бутюн къардаш халкъларнынъ шанлы эвлятларынен ян-янаша турып, совет Ватанымызны, бутюн совет адамларыны, догъмуш халкъны фашизм эсирлигинден къуртармакъ огърунда куреше.

Азиз ватандашлар!

Барсын Амет-Хан Султаннынъ къараманлыкы ве федакярлыкы сизни рухландырсын!

Ватан шаини, Советлер Союзынынъ Къараманы Амет-Хан Султангъа шан-шереф! Немсе запт этиджилерине олюм!»

Элине бу листовка тюшкен адам оны окъуп, севинип, ишанчлы кюмшусына я да башкъа аркъадашына окъумагъа бере ве листовкалар эль-эльден юрелер.

Бойле листовкалар Алупкагъа да келип еттилер. Султан агъа ве Насибе ханым куню-кунюне телюке ве теляш ичинде булунсалар да, огъуллерынынъ джебэде косьтерген ватанперверлик ишлерине юректен гъурурланалар.

Бу вакъытта исе Дженюбий джебэнинъ кокюнде немселерини: «Ахтунг! Ахтунг! Авада Амет-Хан Султан!» деген радио давушлары сыкъ-сыкъ янъгъырамакыта эди.

Амет-Хан ве онынъ садкы дженкявер досты даимий къоруджысы Иван Борисов экиси эки самолётта учалар. Олар Килигей бурунындаки гизли аэродромгъа ёл алдылар. Анда Лавриненковны денгъиштиреджеклер.

Килигейге якъынлаяткъанда Амет-Ханнынъ козюне узакъта къара нокътачыкъ илишти. Шубе ёкъ — бу самолёт. Эм бизимки дегиль, эбет. Борисовнынъ радиосында Амет-Ханнынъ давушы ишитильди.

— Бизге мусафир кельди, гъалиба. Учувны девам этип, онынъ пешине тюшемиз, быралкыны якълмакъ керек.

Денгиз устюнде кучлюю ель, далгълар копюре. Амет-Хан быралкынынъ пешине тюшкенде, о къачаджакъ олды, лякин бойле авада онынъ самолёты бизим къырыджыдан къачып оладжакы бармы. Ель олмаса биле Амет-Хан Султан ве Иван Борисов киб совет асларынынъ козюпе илишкен къузгъунгъа, артык къуртулыш ёкъ. Бу энди адет олып къалды.

Фашистнинъ пешинден еткен сонъ, Амет-Хан оны пулемёт атеши-не тутуп, керек тарафкъа бурулмагъа меджбур этти ве озьлерининъ гизли аэродромы бетке айдады. Амет де, Иван да севиндилер: полкларында даа бойле трофей олмагъан эди — «Физилер-Шторх!»

Немсе энди къртулып оламайджакъыны анълады ве ерге къронмагъа меджбур олды. Борисов тѣпеге айланып, эспрни къраравуллады, Амет-Хан аэродромгъа, озъ эскадрильясынен смена беклеп тургъан Лавриненковгъа ашыкъты.

Бу тесадуфны хатырлап, В. Д. Лавриненков шойле яза: «Чокъкъа бармай бизге озюннъ дженкявер досты ве къроруджысы москвалы Иван Борисовнен берабер Амет-Хан учып кельди. Биз оларны: тек Амет-Хангъа хас учув усулына бакъып та авада экенде таныдыкъ ве севиндик. Лякин олар къронмагъа ашыкъмайлар. Энди аэродромны да кечип кеттилер.

Шу куню денъиз беттен кучълю ель эсе эди, ама Амет-Хан Борисовнен бизим устюмизден кечип, учмакъны девам этелер. Бираздан энди о тарафтан башымыз устюнде эки дегиль, учъ самолѣт корюнди ве атышма ишитилди. Учюнджиси немсе самолѣты экенлигини анъладыкъ. Амет-Хан онъа тосат-тосат кършун ягъдырып, оны ерге къронмагъа меджбур этти. Амет-Ханнынъ зыкъысындан къроркъкъан фашист еркеки аэродромны биле коръмейип, догъру барып чѣльге къронды.

Шу анъде Амет-Ханнынъ «Аэрокобра»сы биз тарафкъа бурулды ве бир къач саниден келип, штаб одасы янында токътады. Юзю эеджанлы Амет-Хан самолѣтнынъ къранатындан секирип тюшти ве кълумсиреп догъру манъа тараф догърулды.

— Къабул эт, достым, бахшышны! Бойле шей «Физилер-Шторх» учуджысынынъ акъылына биле кельмегендир. О, Евпаториягъа учса керек, мен исе оны «Лавриненков ярым адасы»на кърондырдым...

— Сенинъ эр вакъыт бахтынъ юре, Амет-Хан! Ишинъ шу дередже онъ юре ки, бахт сенинъ къраршынъа озю учып келе.

— Эй, Володя, сѣйлейсинъ сен де... Эгер мен оны коръмеген олсам, пешине тюшмеген олсам, учып келир эди о санъа бу ерге! Не де олса, иш япылды. Кеттик!— Амет-Хан чалылар тюбинде гишли тургъан машина бетке адымлады.

Биз «Физилер-Шторх»нынъ янына баргъанда учуджысы кабинада кърбырдамайып отура эди. Борисов да тѣпеге эп айлана. Пистолетлеримизни азыр тутып кабинагъа якъынлаштыкъ. Амет-Хан учуджыгъа кабинадан чыкъ, деп эмир этти. Учуджы эллерини котерип чыкъты. Биз самолѣтнынъ къранаты устюне котерилип оны силъасызландырыдыкъ. Амет-Хан онъа, эллеринъни ашагъы эндир манасында ишмар этти ве озю кабинагъа кирип отурды, идаре алетлерини козьден кечерди. Сонъ немсеге бакъып, оларны косьтерди. Фашист онынъ истегини терджимансыз да анълады. Амет-Хан кабинадан чыкъты ве немсе озъ ерине отурып, самолѣтны кочюрди. Сонъ кене чыкъты ве онынъ ерине меним достым отурды.

Биз эсир немсенен берабер ерге тюштик. Амет-Хан исе енгиль «Физилер-Шторх»ны чѣль ичинде айдаштырып, авагъа котерилди. Бираз учып кейф алгъан сонъ бизим янымызгъа келип къронды.

Эсир алынгъан немсе гитлерджилер штабынынъ алякъаджысы экен. Ондан немселернинъ «Ю-52» юк ташыйыджы самолѣтларынынъ учув ве гемилернинъ юрѳв маршрутлары хусусында чокъ кърыйметли малюматлар алынды.

Иште, бойле этип, Амет-Хан даа В. Х. Лавриненковнынъ эскадрильясыны денъиштирмезден эвель, анда немсе самолѣтыны кърондырып етиштирди. Бундан сонъ о, озъ эскадрильясынен Къара денъизнинъ ичине узакъкъа кирип кеткен кимсесиз бош Килигей бурунында баягъы вакъыт «сербест авджылыкъ» иле мешгъуль олды.

Сербест авджылыкъкъа олар чифт-чифт олып кетелер. Амет-Хан бу сефер Иван Мольковнен берабер учты. Запорожьенинъ гъарбында эки «Мессершмитт»ни расткетирдилер. Оларны коръгенинен, Амет-Хан Мольковгъа мени аркадан кърорчала деп, душмангъа догърулды. Айры булутлардан файдаланып оларнынъ пешинден этти ве 80-50 метр къалгъанда, бирисини догърудан-догъру урып тюшюрди. Экинджи «мессер» къачты.

«Амет-Хан бу экинджи фашистке не ичюн токъунмады, не ичюн онынъ пешинден къувмады?» деп тюшюнди Мольков. Бу аныде радио-да Амет-Ханнынъ сеси ишитильди. О, самолётынынъ моторы бозулганыны ве тездже къайтмакъ кереклигини бильдирди.

Амет-Хан ойле адам ки, онынъ козълеринден бир шей къуртулмай. О, бозукъ мотор иле ашыкъып къайткъанда биле, ерде меракълы адисени — бензин цистерналарындан ибарет буюк юк эшелоныны корип къалды. Эшелон немсе аэродромлары тарафкъа ёл тутмакъта эди. Амет-Хан эшелоннынъ координатларыны бельгиледи ве деръал озюне план къурды. Мольков микрофонда текрар онынъ сесини ишитти:

— Бираз давранайыкъ, достым, бизге даа бир иш чыкъты, гъалиба.

Аэродромгъа кельгенлеринен, механиклер самолётнынъ моторыны тюзеттилер, машиналаргъа бензин толдырдылар. Амет-Хан озюнен берабер алты самолёт алып, бензин эшелонына догъру джөнеди. Нетиджеде, бензин толу он секиз цистерна якъылды. Гедже де барып шу янгынны фото-суретке алдылар.

Амет-Хан озюнинъ бу дженкявер арекетинен шу ердеки немсе аэродромларыны баягы вакъыткъадже якъарлыкъсыз къалдырды.

Кене шу кунълерде, сербест авджылыкъ вакътында, Амет-Хан немселернинъ джебэде корректировка ве разведка япыджы «Фокке-Вульф-189» самолётлары ерлешкен аэродромны тапты. Бизимкилер о самолётларгъа «Рама» дей эдилер, Амет-Хан оларны чокътан къыдыра ве бу самолётлар, къайдадыр, Николаев янларында ерлешселер керек деп тюшюнерек, «ах, оларнынъ дурагъыны тапсам да» — дей эди. Иште, бойле къуванчлы тесадуф!

Амет-Хан секиз самолётнен берабер догъру озю бельгилеп алгъан аэродром устюне барып чыкъты ве олар андаки «фоккер»лернинъ эпсини гуя полигондаки киби юкъарыдан ич бир маниасыз атеш ачып ёкъ эттилер. Джемий олып секиз «фоккер» ве бир де «Физилер-Шторх» ёкъ этильди.

Бу иш ниаетине етип, къуршунлар да биткенде, эскадрилья учуджылары командирнинъ эмирини ишиттилер:


— «Мессер»лер келелер! Секиз дане! Уруш иле керн чекилемиз!

Бу урушта Иван Борисов бир дане «мессер»ни де урып етиштирди. Бунда да оларны Амет-Ханнынъ козълери къуртарды, сюрип келеткъан фашист къырыджыларыны озь вакътында корьди. Къуршунлары биткен алда оларнен урушкъа насыл этип киришеджек эдилер.

Амет-Ханнынъ эскадрильясы Килигей бурунында туруп, душмангъа ойле тузакъ къурды ки, дженкявер достлары буны аля хатырлайлар. Шакъамы я — бир афтада 32 душман самолётыны ёкъ эттилер. Дёрдини шахсен командирнинъ озю урып тюшюрди: экисини Одесса устюнде, экисини Николаев шеэри узеринде.

Мергини къырыджылар, айны вакъытта, душманнынъ ердеки бир чокъ сияяларыны да ёкъ эттилер. Бутюн бу енъишлернинъ эсас амиллеринден бири эскадрилья учуджылары арасында достлыкъ, сыкъы бирлик ве бири-бирини яхшы анылав эди. Озь аркъадашлары огюнде эскадрилья командирининъ итибары да сонъ дередже юксек. Олар командирлерине бутюнлей ишаналар. Амет-Хан да учуджыларынынъ эр бири эр анги вазнетте енъиш ичюн элинден кельген эр шейни яп-джагъына эмни. Шубесиз, бойле дженкявер гонъюльдешликнинъ нетиджеси де ойле ола.

Амет-Хан Султан, озь табиятынджа, реберлик, ёлбашчылыкъ ялув ичюн озюнде ич бир тюрлю не истек, не де истидат сезмей эди. Насыл вазифе олса-олсын, шахсен озю эда этмеге, озю япмагъа алышкъан ве бунъа уста эди. Ама биревлерге иш яптырмакъ, биревлерге авале этмек, яни реберлик япмакъ — бу онынъ ичюн дегиль эди. Лякин инсан белли бир вакъытларда, белли бир шараитлерде озюнинъ табиятыны да денъиштире биле, янъы хаснетлер санби да ола биле. Амет-Хан ойлелерден эди. Дженкявер теджрибеси, усталыгъы эсапкъа алы-



9-нджы полктаки Советлер Бирлиги Къараманларындан бир группасы. Сагъдан Падел Головачев, Иван Борисов, Амет-Хан Султан, Алексей Алелюхин, Анатолий Морозов, Аркадий Ковачевич, Иван Королев, Владимир Лавриненков ве Александр Карасев. 1943 с.

нып, энъ пишкни совет асларындан бири сыфатында онъа 9-нджы аслар полкынынъ эскадрилья командири вазифеси, яни бир группа къырыджы-учуджыгъа етекчилик япув иши авале этильгенде, о бунъа ич итираз этмедн. Чюнки буну ондан дженк шариати, Ватан огърунда куреш ихтияджы талап эте деп анълады. Ве озюнинъ табнатына уйгъун иш оймаса да, бу арбий вазифени олдыкъча шерифнен беджерюв ичюн чокъ гъайрет этти.

Учуджыларнен муласебетни, оларнынъ устюнде тургъан ёлбашчы оларакъ дегиль, айны озьлери киби тек месулиети зияде бир аркъадашлары, достлары сыфатында шекилленидирди. Мен командирим деп, ич бир вакъыт озюни олардан юксек тутмады, озюнден зияде оларнынъ къайдыны чекти. Олгъан теджрибесини, усталыгъыны озь къырыджыларына ашламагъа тырышты. Айларнен девам эткен бойле гъайрет ве догърудан- догъру урушлар вакътында косьтерильген амелий нумюнерлер саесинде бойле бирликти, урушчан 3-нджи Амет-Хан эскадрильясы асыл олды. Кет-кете онынъ командирлик истидаты да артты.

Бу хусуста арбий мухбир Илья Бражини «Улу Ватан дженкинде» адлы китабында меракълы малюмат кетире:

«Дженк башлагъанда Амет-Хан Султан он докъуз яшында экен, мен корьгенде йигирми бирде эди,— деп яза И. Бражини.— Ама о, энди гвардиялы капитан увванына малик эскадрилья командири, шахсий эсабында исе 29 душман самолёты бар. Мен бу ракъам устюнде айрыджа токъталмакъ истейим. О мени тааджиплендирди ве айретте къалдырды. Ракъам эксери къырыджыларда олгъаны киби, эки кысымдан ибарет эди: он ве он докъуз. Он самолётны Амет-Хан шахсен озю урып тюшюрген, он докъузыны — группанен, яни аркъадашларынен бирликте. Лякни бу «шахсий» ве «группанен» денильген ракъамларнынъ нисбети манъа худжур, адден тыш олып корюнди. Амет-Ханнынъ полк аркъадашларынынъ эписинде, шахсен озьлери урып тюшюрген самолётларнынъ сайысы группанен урулгъанындан зияде эди. Месея, Алелюхинде шахсий — 11, группанен — 8; Сержантов шахсий — 13, группанен — 9 ве иляхри. Ялынъыз Амет-Ханда группанен урып тюшюргени шахсен озю ургъанындан аман-аман эки кере зияде. Буннынъ себеби неде экен? Мен, Амет-Ханнынъ урып тюшюрген самолётларынынъ эсабы не ичюн бойле адден тыш деп сорадым.

— Не ичюн адден тыш? Акъикый командирге хас эсап,— деди о.

Мен бу сёзлернинъ манасыны бир кeredен анълап оламадым. Тек сонъундан, Амет-Ханнынъ аркъадашларынен, онынъ эскадрильясындаки учуджыларнен ве шахсен яш командирнинъ озю иле субетлешкен сонъ бунынъ манасыны ве себебини анълап олдым.

Амет-Хан Султан, ильк эвеля, командир эди. Аркъадашларынен бирликте урулып тюшюрильген самолёткъа о шахсен озю ургъанындан зияде эмие^т бере. Шунунъ ичюн озю ургъанына бакъмадан, о, командир сыфатында, аркъадашларынынъ эсабыны арттырмагъа тырыша эди. Буны о озюнннъ командирлик боюн-борджы деп анълай эди. О вакъытта о «шахсий-махсий» деген шейге чокъ эмие^т бермей эди. Онынъ эсас макъсады — насыл ёлнен олса-олсын, чокъча душман самолёты ёкъ этильсин. Шунунъ ичюн о озюнннъ шахсий эсабына эмие^т бермей ве онъа къулакъ асмай эди. Эскадрильясындаки учуджыларны озъ мисали, озъ нумюнеси эсасында тербиелев, оларгъа душманнен насыл урушмакъ, онынъ самолётларыны насыл этип урып тюшюрмек кереклигини огретюв — онынъ ичюн энъ эсасы бу эди.

Бу джеэттен, чокъ йыллардан сонъ, яызджы Шамиль Алядиннинъ къараманымыз акъкъында «Ленин байрагъы»нда бастыргъан «Корюшюв» серлевалы ильки макъалеси де чокъ меракълы. Москвада, Амет-Хан Султаннынъ эвинде, онынънен ве дженкявер аркъадашынен субет вакътында, яызджы Къарамандан озюнннъ мешур ава урушлары хусусында сёйлемесини риджа эте.

«— Мен, язмакъ ичюн сизге зевкълы шейлер икяе этер эдим, лякин сёйлемеге пек уста дегилим,— деди Амет-Хан.

— Эр алда, базы муим вакъяналарны ишитмек тек бизим ичюн дегиль, халкъ ичюн де меракълы олур эди.

— Саша сёйлесин.— Амет-Хан дженкявер достына ишарет этти.— Меним дженкте якъан ишлерим онъа малюм. Саша — ерде начальник эди, бизлер — кокте.

— Сеннинъ иле анълашмакъ пек къыйын, Амет!— деди Саша. Онынъ чересинде эски къанаатсызлыкъ уянды.— Мен олмагъан олсам, дженк вакътында сеннинъ не къадар самолёт урып тюширгениннн гъалиба ич кимсе бильмайджакъ эди. Худжур адамсынъ сен! Дешетли ава чатышмаларында душман самолётлары ерге бири-бири артындан текюле эди. Лякин не къадар тюшти? Къайда тюшти? Сен бунъа ич къулакъ асмай эдинъ. Яшхы ки, мен сеннинъ авада котеклешкениннн козьэтип тура эдим. Сен пек джалагъайсынъ! Брянск хатиринъдеми? Я Узюм-Барвенково? Я Берлин? Айтам да, сенде эсап-къасап пек джайракъ эди.

— Кулакъ асма, Саша,— деди Амет-Хан.— Манъа къалгъаны да етеджек.

— Къыркъ эки сенесининъ къышы акъылынъдамы?— деп сорады Саша.— Сталинградда немселернинъ радиосы озъ учуджыларына: «Авада Амет-Хан доланмакъта! Мукъайт олунъыз!» деп къычырыкълагъаны хатиринъдеми? О вакъытта авиаполкымызынъ командирни штаб огюнде туруп:—«Токътанъыз сиз, Амет-Хан шимди сизге косъте-рир!»— деп гъурурлангъаны эсимде».

Ава урушы затен ойле шей ки, командирнинъ огюне эр анъ бек-ленильмеген вазифе келип чыкъа биле ве о вазифени шу анъде чезмек лязим — сонъ кеч олур. Мында командир, догъру къарар къабул этиювнен, келип чыкъкъан вазифени догъру чезе билювнен бирге, оны шу анъде, шу саниде йылдырым тезлигинен япа бильмесин шарт. Ава урушынынъ озъ къанунлары бар. Еркеки урушлар кунълернен, афта-ларнен девам эте биле, ама ава урушы бир къач дакъыкъалыкъ шей. Ама о дакъыкъаларгъа чокъ шей багълы ола, шу анълерде еркеки муим урушларнынъ, бинълернен адамларнынъ талиин чезиле биле. Шунунъ ичюн ава урушы вакътында командир этрафтаки ер шейни коръмек ве сече бильмек борджлы, онынъ козьлери кескин, бакъышы теджрибели олмакъ керек. Амет-Хан, анджакъ бу джеэттен башкъалардан айырыла ве чокълардан бир баш устюн эди.

Бир кунъ Городище районында Амет-Хан еди кырыджыгъа етекчилик япып, бир группа штурмлайджы самолётны озгъарды,— деп хатырлай И. Бражнин.— Джебъ ёлагъы артына еткенде, «Ил»лар душман кучьлерини авадан кыйыр-чийыр эте башладылар. Юксекте учкъан Амет-Хан, бу арада, немсе самолётлары бизим джебъ ёлагъымызны бомбалап башлагъанларыны корип къала. О, озь кырыджыларынен берабер анда догърула. Къыскъа урушта Амет-Ханнынъ кырыджылары эки «юнкерс» ве бир дё «мессершмитт»ни урып тюшюрди ве башкъаларыны къувып, къачырып, оларгъа бомбаламагъа имкъан бермедилер. Сонъ кене озь ишлерини битиреяткъан «Ил»ларгъа къайтып барып, оларны аэродромларына озгъарып кетирдилер.

Бу дженкявер учувнынъ нетиджесине, энъ юксек талап иле кыймет кескенде биле, яш командир шу вазиятте там догъру къарар къабул этти, енъиш онынъ кесен-кес чабик ве джесаретли арекети саесинде эльде этильди демек мумкюн. Бу урушта Амет-Хан озю самолёт уруп тюшюрмедиле, о озь аркъадашларына урмагъа имкъан берди. Лякин бу ал онынъ шу уруштан алгъан мемнуниетлик дуйгъусыны ич эксилътмедиле.

Амет-Хан, энъ джанбаз кырыджы-учуджы олмакънен бирге, айны вакъытта, йылдырым тезлигинде къарар къабул этив икътидарына малик, бир группа самолётнынъ урушыны усталыкънен идаре эте билъген дженкявер командир дереджесине котерильди. О, къыскъа девирде озюнде командирге хас ойле хаснетлер асыл этти ве озюни ойле косътерди ки, меркезий газетадан кельген арбий мухбир онъа кыймет кесип: «Амет-Хан — догъма ава командир» деди.

... Мелитополь ичюн уруш куньлерини эди. Генерал Хрюкин озюнинъ козьэтив нокътасында турып, алты совет кырыджысы. бизим аскерлеримизни насыл этип авадан къорчалагъаныны корьди. О, бу группанынъ командири ким экенлигини билъмесе де, уруш майданы узеринде якъкан акъыллы, уста аркетлерине сукъланды.

Эки чифт самолёт учъ бинъ метр юксекликте учып, къоруджылыкъ япа, учюнджи чифт исе олардан да 500 метр юкъарыда сербест маневр иле этрафны козьэте. Бу вакъытта джебъ артындан келеяткъан докъуз дане «Ю-88» корюнди. Эфирде етекчининъ:

— 90 градус сагъгъа бурулып, уджюмге кечемиз! Головачёв озь къоруджысынен берабер дёрдимизни къорчаласын.

Ердеки авиация командирлери озьлерининъ севимли татар учуджысынынъ гъает таныш сесини айырды этилер.

— Амет-Хан!

Авада муим аркетлер олды. Немсенинъ устюне биринджи олып лейтенант Олег Кильговатов уджюм япты. Ондан сонъ уджюмге Амет-Хан киришти. О, «Ю-88»ге эр вакъыттаки киби, арт тарафтан юкъарыдан уджюм этти ве 70-80 метр къалгъанда атеш ачты. «Бу санъа совет Ватанымыз ичюн! Мелитополь ичюн!..» «Юнкерс» алевленип ерге тюшти. Бомбалайджыларнынъ сафы бозулды, олар чешит тарафкъа дагъылдылар. Қъалабалыкътан файдаланып, лейтенант Борисов бир «Юнкерс»ни даа урып тюшюрди. Юкъарыдан Головачёв да немселернинъ устюне атылды ве мергин атешинен учюнджи самолётны якъты. «Қъайда бирлик, анда тирилик» дегенлер. Олар авада бу сёзлернинъ там манасынен бирлик олып урушалар. Амет-Хан иште ойле командир эди.

Акъшам полккъа генералдан махсус тебрик радиограммасы кельди. Анда о, Амет-Хан Султан ёлбашчылыгындаки алты кырыджынынъ эписини аджаип енъиш иле хайырлай ве оларгъа орду командалыгъы адындан самимий тешеккюр билъдире эди. Эртеси куню Амет-Хан, урушкъа усталыкънен ёлбашчылыкъ япувы ве косътерген шахсий джесарети ичюн орду команданы тарафындан «Қызыл Байракъ» орденинен мукафатланды.

Ава ордусынынъ команданы онынъ шаинлер киби урушкъанына сукъланып, «Амет-Хан акъикый кырыджы!» дей. Арбий мутехассыс-

лар: «Амет-Хан Султан догъма ава командири, группалы уруш устасы» дейлер. Дженкявер аркъадашлары «Амет-Хан акъыкый инсан, самимий дост, мераметли аркъадаш» деп оны урьмет этелер, севелер. Фашист къызгунлары иле урушларда косътерген ярарлыкларына юксек къыймет кесип, укюметимиз онъа Советлер-Бирлигининъ Къараманы увананы берди.

Иигирми учъ яшында Амет-Хан, совет топрагъыны фашист мельуналарындан азат этерек, озъ юртунынъ босагъасына, Перекоп янларына, иште бойле инсаний шерейке наиль олып кельди.

БАТАН ОГЪРУНДА

Март айынынъ сонъки кунълери. «Ава урушы усталары» полкнынъ намлы къырыджсы Амет-Хан Султан, тезден ярым аданы азат этиу урушлары башлайджакъы ичюн олса керек, гъает эеджанлы, чырайы джиддий. Эр вакъыт якъан шенъ лакъырдылары, шакъалары да эксильди. Уруштан бош вакъытларда ялынъыз башына булунмагъа аракет эте. Аркъадашлары оны анълай ве кедер этмейлер.

Бугунъ де бойле, акъшамлыкъ аштан сонъ, ятакъ одасына кирмеди. Бир озю баягъы азбарда юрьди ве сонъра ярысыны снаряд къопарып алгъан чонтыкъ терекнинъ тюбюне чёкти. Догъмуш эвлери, азбарлары козь огюнден кетмеди. Бугунъ о, ничюндир, Миясени чокъ хатырлады. «Онъа бир шей олмагъанмы экен? Сагъмы экен?» Партизанлар вастасынен эвлеринден алынып кетирилъген къыскъа мектюпте Миясе хусусында бир хабар ёкъ эди. Амет-Хан раатсызлана. Кеченлерде «Красный Крым» газетасында фашистлернинъ Кърымда якъан джанаварлыкълары хусусында окъугъан хабери оны гъает теляшландырды, къаны къайнады. Инсан къняфетини джойгъан фашист унсураларына къаршы бу вакъыткъа къадар даа ич бойле нефретленмеген эди. «Улу Сала койнинъ фаджиясы» серлевалы шу макъаленинъ эр бир сёзю анъына синъип къалды.

«Сизнинъ огюнъизде немсе хаинлерининъ Багъчасарай районы, Улу-Сала койинде якъан вахшийликлери хусусында весикъа тура. Бу весикъа адий кърым койи эалисининъ дешетли фаджиясыны акс эттире,— дениле эди макъаледе.

Декабрьнинъ сонъунда, партизанларнынъ тазыйккы алтында немселер Улу-Сала койини ташлап кетмеге меджбур олдылар. Койге партизан отряды киргенде, халкъ интикъамджыларынынъ козьлери огюнде гъает титис вахшийлик манзарасы ачылды. Бутюн кой атеш ичинде, эвлер яналар, койде сагъ адам къалмагъан. Ялынъыз секиз эвни атештен къуртармакъ мумкюн олды.

Умер Ментаирнинъ магъазында 25 кишининъ джеседи тапылды. Немсе хынзырлары койден кетмез эвель, бу магъазгъа совет кишилерини топлагъанлар. Эписини багълагъанлар. Сонъ устылерине бензин текип, якъкъанлар. Чыкъкъандан сонъ эвни де якъкъанлар. Аджиз бедбахтлыларнынъ джан-айбети иле къычырувлары чокъ вакъыткъа дже ишитилъген.

Мына, ольдюрилъгенлерининъ джедвели. Оларнынъ аман-аман эписи къартлар ве балалар эдилер. Эмир-Сале Асан—74 яшында, Ашире Эмир-Сале—63 яшында, Нафе Умер—73 яшында, Ашиме Нафе—64 яшында, Муса Абибулла—11 яшында, Лейля Абибулла—5 яшында, Диляра Абибулла—3 яшында, Энвер Абибулла—1 яшында, Сулейман Мустафа—64 яшында, Раиме Сулейман—54 яшында, Эфтаде Мухтерем—74 яшында, Мустафа Осман—69 яшында, Константин Шаши—74 яшында, Хатидже Фезла—79 яшында, Эминне Абдулла—69 яшында, Назифе Мустафа—66 яшында. Булардан башкъа дигер эвлерде 11 джесет даа тапылды. Оларнынъ ким экенлиги белли дегиль.

Немсе баскынджылары совет кишилерине иште, бойле вахшийликлер япалар. Бизлер буны ич бир вакъыт унутмамыз...» (1944 сенеси, январь 24)

60—70 яшында къартларны, бир яшында, учь яшында сабийлерни тирилейин якъмакъ — бу не къадар дешэт, бу не къадар кийиклик! Амет-Хан буны асыл унутырмы, бу унутыладжакъ шейми! Бу адамларнынъ эр бири ичюн о юз дане фашистинъ богъазына япышмагъа азыр. Ама не япсын, о фашистлерининъ озюнден зияде, оларнынъ самолётларыны къырмакъ борджлы...

Эртеси куню Амет-Хан озюнинъ аман-аман учь йыллыкъ дженкявер терджимейи алына даа янъы силнимез саифелер къошмакъ ичюн ынтылды. Озюнинъ полкы иле ярым ада босагъасына аякъ баскъан вакъытта, онынъ кечип кельген дженкявер ёлунда не къадар саифелер бар эди! Акъыкий совет асынынъ дженкявер языларнен толу бу саифелернинъ эр бири, командалыкъ тарафындан онъа кесильген кыйметин ачыкъ-айдын тасдыкълай:

«Иште усанув, ёрулув бильмей... Эр шейден зияде учмагъа севе... Уруш вакътында джесюр ве къатты табнатлы... Эли алтындаки аркъадашлары арасында итибары буюк.. Қъарар къабул этиювде ве оны эда этиювде гъает джесаретли... Ава разведкасы устасы... Бомбалайдыжылар иле къараплыкъта биринджи олып уруш кечирди...» Мемлекетнинъ бу джесюр шаинининъ дженкявер ве инсаний хасиетлерининъ эписини сайып чыкъмакъ кучь.

Қърымгъа даа уджюм япув азырлыкъы кете, ама Амет-Хан энди Перекоп устюнде озь эсабыны башлады. О, озюнинъ къоруджысы Олег Кильговатовнен берабер Перекоп устюнде уча эди. Булутсыз, темиз кокъ юзюнде Амет-Хан къара бир нокътаны эсledi. Нокъта эп буюк-лешти. Олар покътагъа къаршы догърулдылар ве бир къач саниден сонъ онынъ душман самолёты экенлигини аңладылар. Самолёт бир озю дегиль, къуйругъына тиркеме де такъылгъан. О, тиркеменен Қърым аэродромларындаки самолётлар ичюн якъарлыкъ алып кетмекте.

«Бунъа ёл бермек олмаз, фашист самолётлары якъарлыкъсыз къалмакъ кереклер» деди Амет-Хан озь-озюне ве ашыкъты. Душманынъ пешинден еткен сонъ, фашистке эмир этти: «Бензин юклю планерни чезип ташла» деди. Фашист онынъ сёзюни тутмады. Амет-Хан ачувланып: «Сен бу мавы кокнинъ шорбаджысы ким экенлигини бильмейсинъ гъалиба» деп, айланып келип планерге уджюм этти: «Қърым ичюн! Перекоп ичюн!...» Мергин атештен бензин толу планер туташты ве авада патлады. Оны тиркеп алып кетейткъан самолёт да зарарланды.

Экинджи куню Амет-Хан озь къоруджысынен кеше Перекоп устюнде учмакъта эди. Бир даа бакъса, сагъ тарафта самолёт пейда олды. Душман самолёты. «Хейншель-III». Бир озю. «Бунынъ да совет топрагъында бир къарыш ери бар экен» деди Амет-Хан ве онъа уджюм этмеге къарар берди. Бу арада фашист де оларны эсledi ве къачмагъа азырланды.

— Уджюм этемиз! Пешинден къалма, бакъ мен санъа бир дерс къосьтерейим,— деди Амет-Хан аркъадашына ве тезликнен озь усулы иле юкъарыдан ашагъы энип арттан фашистке якъып келерек, 60-70 метр къалгъанда оны нишангъа алды: «Алупка ичюн! Қъара денъиз ичюн!...» «Хейншель» аркъасында къара думан къалдырып ерге догъру ёланды.

— Сонъ, насыл, Иван?— деди Амет-Хан мемнуншетле.

— Аджанп, устаз дост! Алний дереджеде эда этильди,— деп джевап берди къоруджысы микрофонда.

Иште, бойле, даа Қърымгъа уджюм башламаздан эвель, Амет-Ханнынъ мергин атешинден бир фашист унсуры даа Перекоп яларында озюне мезар тапты.

Ярым адагъа уджюм башламаз эвель, Амет-Хан Султан башкъа эскадрилья командирлеринен берабер, джебзининъ ог ёлагъына барып Сиванынъ тузлы топрагъы устюнде юрьди. Бу ерде пняде аскерлер бугунъ-ярын башлайджакъ уджюмни беклейлер. Уджюм башлагъанда, къырыджылар авадан оларны къорчалайджакълар.

Тезден бу кунъ де етип кельди. Бинъ докъуз юз къыркъ дёрт сене-сининъ апрель секиз куню. Уфукъ артындан догъмагъа азырлангъан кунешнинъ аллы-гуллы нурлары даа дженюп кокюнн айдынлатып етиштирмеди, артиллерия миномётлары ве авиация энди душман пекинтилерине кучлю атеш ягъдырып башладылар. Азаплы ярым аданынъ чокътан бекленильген азатлыгъы башланды.

Ерде гъает агъыр урушлар кете. Бизим учуджыларымыз душман позицияларыны бомбалав иле ве авадан душмангъа атеш ягъдыра-ракъ, ердеки аскерлеримизнинъ уджюмине фааль къол тутмакъта эдилер.

Фашистлер озьлерининъ Сивашта ве Перекоптаки пёкинтилерине ич якъын барылмаз, олар ич запт этильмез деп эсап эте эдилер. Ама совет аскерлерининъ кучлю тазыйкъы алтында бу пекинтилер де дарма-дагъын этильди ве шанлы аскерлеримиз душманны ярым аданынъ ичерисине айдап кеттилер. Къырыджы-учуджылар аскерлеримизни авадан федакаране къорчалап, душман самолётларына аман бермедилер. Немселерининъ кери чекильмекте олгъан аскерий кучьлерине ве аэродромларына атеш ягъдырып, бизим арбий къысымларымызгъа огге йылышмакъ ичюн дегерли ярдым косътердилер.

О кунни Амет-Хан шойле хатырлай эди: «Топрагъымыз атеш ичинде эди. Ама ярым ада узеринде кок о къадар юксек, темиз, мавы, дюльбер эди ки, гуя этрафта не дженк, не харабе, не олюм — бир шей ёкъ. Табиат сени! Сийрек булутчыкълар, санки бизге авада урушмагъа кедер этмек истемейип, янымыздан кечип кетелер. Лякин догъмуш топракъ узериндеки бу мавы океаннынъ гузеллигини сейир этмеге, ондан кейф алмагъа вакыт ёкъ. Ашагъыдаки дженк гудурдилери эр шейни бастыра, эр шейни унуттыра. Иште, бу сонъкиси эписинден зняде хатиримде къалды. Оны ич унутмайым».

Кърымнынъ тёрюне, Севастополь тарафкъа чекилерек, душман эм ерде; эм авада къутурмыш дереджеде къатты къаршылыкъ косътерди. Фашистлер бу диярны ич ташлап кетмек истемедилер. Олар ярым аданынъ ерли эалисини бутюнлей ёкъ этип, бу ерде темиз немсе виляети тешкиль этмек планыны тюзген эдилер. Бу вахшийликъ планыны фашистлер Кърымгъа аякъ баскъан куньлерден омюрге кечире башладылар. Дагъ районларында онларнен якъылгъан ве ернен эксан этильген койлер, партизанларнен багъы ичюн атылгъан, ольдирилъген биньлернен тынч эали, Германиягъа вагон-вагон айдалгъан яшлар ве къызлар, Симферополь янында биньлернен ерли ватанперверлер ичюн мезар олгъан «Красный» совхоз топрагъы, Керчь янындаки 7 биньден зняде ерли кишилернинъ атылгъаны, Эски-Кърым шеэринде бир геджеде 700-ге якъын адам ольдирилъгени ве бунъа бенъзеген бир чокъ дигер вахшийликлер фашистлернинъ иште шу планларынынъ куню-кунюне омюрге кечирилиювинден делалеттир.

Озь халкъынынъ садыкъ огълу Амет-Хан Султан гитлерджи ханн-лерининъ халкъкъа чектирген бойле зулумы ичюн интикъам алмакъта эди. Мына, онынъ догъмуш совет кокюнде шу интикъам дуйгъусы иле «язгъан» бир дженкявер сапфеси даа.

Амет-Хан озюнинъ къоруджысы иле джебэ ёлагъы устюнде учкъан вакытта, ёлакънынъ о тарафында фашистлерининъ «Хеншель-126» деген самолётыны корьди. Самолёт алчакътан учып, джебэ ёлагъындан озьлерининъки бетке къачып кетмекте эди. Амет-Хан «Хеншель»ни кери къайтарып, джебэ ёлагъындан бу топракъкъа айдап, бизим тарафта къондырмагъа къарар берди. Амет-Хан ниет этти, vessелям! Ойле де япты. Аркъадашынен берабер фашистке тенбие сыфатында бир къач кере атеш ачты ве къаршылыкъ косътермек нафиле олгъаныны анылатты. Сонъра экиси «Хеншель»нинъ эки тарафына якълашып, оны аркъагъа чевирильмеге меджбур эттилер. Иште, бойле, Амет-Хан ве Олег Кильговатовнынъ тазыйкъы алтында фашист учуджысы джебэ ёлагъыны кечип, бизимкилер тарафта чёльге къонды.

Ама бош чёль ичинде фашист самолётынынъ экипажыны эсир ал-



Огдеки сырада солдан: Остапенко, комиссар Н. А. Верховец, полк командири Л. Л. Шестаков, полк штурманы И. Г. Королев. Арттаки сырада: эскадрилья командирлери Амет-Хан Султан, В. Лавриненков ве А. Апелюхин.

магъа кимсе ёкъ. Амет-Хан буны озю япмакъ къарарына келе. О, аркъаданына «Хеншель»ни авадан къаравуллан турмакъны авале эте ве озю аэродромгъа кете. Анда ПО-2 алякъа самолётыны алып эки учуджынен берабер «Хеншель»нинъ янына келип къоналар. Бизим учуджылар эки фашист учуджысыны эсир алып, эллерини багълайлар ве ПО-2-ге отуртуп алып кетелер. Амет-Хан шу ерде къала. Оны алякъа самолёты сонъ келип аладжакъ эди.

Лякин ПО-2-ге экинджи рейс япмакъ керек олмады. Ич бир вакъыт биревден ярдым беклеп отурмагъа алышмагъан Амет-Хан «Хеншель»нинъ янында бир озю къалгъан сонъ, онынъ устуне минди, ве эр шейини козьден кечирди, идаре этюв алетлерини тешкерди ве онъа затен таныш олмагъан душман самолётыны кочюрип, оны авагъа котерди. Беш — он дакъыкъадаи о шу трофей алгъан самолётынен озю аэродромына барын къонды. Андаки учуджылар аэродромгъа къонаяткъан «Хеншель-126»ны корип бунынъ не экенлигини бир кередеи аныламадылар. Ялынъыз самолёттан тюшеяткъан Амет-Ханны корип, сонъ ишини асылына еттилер.

Амет-Хан оны сарып алгъан учуджыларгъа мураджаат этип:

— Қыбул этинъиз, достлар, бу менден сизге къонакъбай бахшышы,— деди севинчли дауш иле.

— Не бакъасынъыз? Мен догъру сёйледим. Мен бу ернинъ къонакъбайым, сизлер исе меним юртымда мусафирсинъиз. Бизде, къримлыларда, ойле — тек мусафирликке баргъанда дегиль, энъ мутебер мусафирине къонакъбай да бахшыш бере.

— Сагъ, ол, Аметка! Аферни!— деп аркъадашлары зий-чув олдылар.— Биз де санъа борджлы къалмамыз.

— Я къайда анавы джинасирлер?— деди Амет-Хан эсир алынган фашист учуджыларыны хатырлап.— Айтынъыз оларгъа, джаишлары агъырмасын. Бу топракынынъ, бу кокинни шорбаджысы ким олгъаныны энди анылагъандырлар.

8-иджи Ава ордусы газетасынынъ сабыкъ арбий фото-мухбири Юрий Николаевич Скуратов, дженктен сонъ бу эпизод хусусында «Авиация ве космонавтика» журналында тафсилатлы икье эткен эди.

Фашистлерини Сиваштаки къавий мудафаа пекинтилерини къыры-

лып кечилбген сонъ, бизим авиациянынъ биринджи новбет вазифеси уджюм иле огге йылышкъан аскерлеримизнинъ ёлуны темизлемек ве оларнынъ уджюмнинъ енгиллештирмек эди. Бунынъ ичюн исе, эвеля, душманнынъ чокътан-чокъ самолётлар, авиация техникасы, дженк кедиклерни иле толу аэродромларыны урып дагъытмакъ лязим эди.

Бу вазифени ялынъыз штурмовиклер иле беджерюв, керек нетиджени бермеди. Чюнки аэродромлар зенит артиллериясы ве хусусан «Эрликон»лар иле сонъ дередже къорчалапа эдилер. Сонъ шойле къараргъа келинди: Башта къырыджылар огде учып, шу зенит нокъталарыны атешке тутып, чокъусыны тындыралар ве оларнынъ артындан штурмовиклер озь ишлерини япалар. Ама бу саеде къырыджыларгъа да штурмовиклер киби алчакъ учмакъ керек ола. Демек, зенит топларынынъ атешине огърамакъ имкяны да арта.

Гъает джиддий, хусусий бу вазнетте, Амет-Хан, эр вакъыттаки киби, дженкявер тешеббюс косътерип, акъыллы фикир теклиф этти. О, душманнынъ сонъ дередже кучлю атешинден олдыкъча аз зарар корьмек ичюн, аэродромгъа алчакътан уджюм япылгъанынен юкъары котерилбген вакъытта самолёт бир кереден янбашкъа къойылса, зенит снарядларынынъ онъа тиув ихтималы дефаларджа ексилр деп эсап этти. Бу усул къырыджылар ичюн бекленильмеден пек яхшы нетидже берди. Джанкойде ве дигер ерлердеки аэродромларны ёкъ этювде Амет-Хан аркъадашларынен берабер иште бу усулдан файдаланды.

«Амет-Ханнынъ теклифи о вакъытта, шу муреккеп, агъыр вазнетте бизге чокъ айда кетирди, бизим чокъ гъайыпларымызнынъ огюн алды. Амет достымыз эр анги вазнетте бойле бир янъылыкъ теклиф этип пек чокъумызынынъ сагъ къалувымызгъа себепчи олгъандыр»,— деп хатырлай онынъ сабыкъ къоруджысы Иван Александрович Мольков.

Ярым аданынъ бутюн шеэр ве койлеринде ерли эали, оларгъа азатлыкъ кетирген догъмуш совет аскерини буюк къуванч иле къаршылап алмакъта эди. Апрель 14-те Симферополь азат этильди. Багъчасарайда совет аскерлерини шу геджеси шеэрни эльге кечирген Джепюбий бирлешменинъ мешур комиссары Мустафа Селимов ёлбашчылыгъындаки партизан отрядлары къаршылап алдылар. Апрель 15-те Ялта, сонъ Алупка азат этильди.

Бу хош хаберлер шу куньлерде буюк бир федакярлыкъ ве сабырсызлыкъ иле дженклешкен Амет-Ханнынъ кучюне кучъ къоштылар. Қърым энди аман-аман бутюнлей фашистлерден темизленди. Ялынъыз Севастополь шеэри ве душманнынъ Херсонестеки энъ буюк баш аэродромы къалды. Севастопольни къорчалап тургъан о аэродром къырыджылар, бомбалайдыжылар, штурмовиклер ве транспорт самолётлары иле рыкъма-рыкъ толу. Этрафында исе о къадар чокъ зенит топлары ерлештирилбген ки, оларнынъки киби кучлю атеш даа джебэнинъ ич бир еринде расткельмеген эди.

Озюнинъ къадимий тарихында нелер, нелер корьмеди бу Херсонес! Шимди исе фашист «Эрликон»ларынынъ джан-айбети иле кокке фышкъыргъан узылюксиз атеш далгъасынынъ шааты олмакъта. Бу ерде, Херсонес бурунындан котерилип, Сапун-Дагъ бетке эшелон-эшелон немсе бомбалайдыжы самолётлары кетелер.

Докъузынджы къырыджылар полкы бу вакъытта «Китай» совхозы янындаки чёль аэродромында ерлешкен эди. Херсонес бурунындаки фашист самолётларыны тындырмакъ ичюн бизим къырыджылар кепе юкъарыда анъылгъан дженкявер тактика усулыны къулландылар.

Қърым кокюнде ава урушлары кунь-куньден кескинлеше. Бу кокшинъ шорбаджысы Амет-Хан Султаннынъ иссесине эп якъын-якъын дженкявер адиселер тюше. Мына, къарамаман Севастополь ичюн уруш. Невбеттеки ава чарпышувы Северная лиманы устюнде олды. Амет-Хан гъает чевик фашистнинъ пешине тюшип, эки-учь кере оны нишангъа алмакъ истеди, ама немсе уста учуджы олса керек, эп онынъ атешини

ден кѳуртулды. Бу ал Амет-Ханнынъ джанына тийди. О бир даа айланып, юкѳарыдан ашагѳы кѳартал киби кѳузгѳуннынъ устѳоне атылды ве:— Севастополь ичѳон! Кѳара денѳиз ичѳон!— деп пулемѳтыны ве топыны бир кереден ишлетти. Бу дефа фашист онынъ мергин атешинден кѳуртулып оламады — «Фокке-Вульд-190» алевленип денѳизге тюшти ве оны шу анъ Кѳара денѳиз далгѳалары ютты.

Амет-Ханнынъ кѳулагѳына немселернинъ радио-сигналы чалынды: «Ахтунг! Ахтунг! Дикѳкѳат! Дикѳкѳат! Кокте Амет-Хан! Кокте Амет-Хан!»

«Фокке-Вульф»нынъ янып тюшюви ве онынъ устѳоне де бу сигнал-фашистлерни шашмалатты. Кѳалгѳан самолѳтлар дарма-дагѳын олып кѳачтылар.

Амет-Хан бу уруштан да енѳиш иле кѳайтып кельди. Ерулса да кейфи гузель. О, «Кобра»-сынынъ кѳанатындан хош тебессюм иле ерге секирип тюшти, ама аля душман элиндеки Севастополь, Сапун-Дагѳ; «фоккер»лернен «мессер»лернен ве даа дигер фашист самолѳтларынен толу Херсонес буруны онынъ акѳылындан чыкѳмай.

Невбеттеки ава урушы Балыкѳлаванынъ гѳарп тарафында башланды. Амет-Хан Иван Мольковнен берабер эди. Ойле олды ки, фашистлер оларнынъ экисине де бир кереден уджюм эттилер ве оларны бири-биринден айырдылар. Бу себептен оларгѳа ялынѳыз башына, айры-айры урушмакѳ керек олды.

Амет-Хан теджрибелли фашист учуджысынен кѳатты урушты. Немсе онѳа якѳа туттырмайджакѳ олса да, Амет оны энди сыкѳыштырып башлагѳан эди, бу анѳде экинджи бир фашист Мольковнынъ «Кобра»-сыны денѳиз узериндеки кѳаягѳа сюрѳштирип, оны мына-мына ѳкѳ этеджек эди. Буны корип етиштирген Амет-Хан бир анъ тюшюнмеден, фашистни быракѳып, достына ярдымгѳа ашыкѳты. О, сонѳки санпелерде арт тарафтан келип, фашистен эвѳль онынъ озѳоне атеш ачып етиштирди: «Достым ичѳон! Ватаным ичѳон!» «Фокке-Вульф-190» япалакѳланып ашагѳы юварланды.

Иште, бойле этип о, Балыкѳлава ялысы янында бир мельѳунны Кѳара денѳиз сувуна богѳды ве энѳ эсасы, озѳонинъ кѳоруджысы, досты Иван Мольковны олюмден кѳуртарды.

Буюк рус шаири Александр Твардовский озѳ шипринде:

«Учуджы неспини алсакѳ биз эгер,
Оларчѳон достлыкѳ бу — садыкѳлыкѳ, эрлик.
Душманны ѳкѳ этив — пек буюк дегер,
Ама дост кѳуртарув — энѳ юксек мердлик!»

деп язгѳанда, анджакѳ бойле алларны козѳде туткѳандыр.

— Бу дефа да Аметнинъ кескин козѳлери ве дженкѳвер достлыкѳ-кѳа садыкѳлыгѳы ярдым эттилер,— дей И. А. Мольков бу хусуста.— Эр анги муреккеп вазнетте озѳ аркѳадашына садыкѳлыкѳ борджыны о, ич бир дакѳикѳа эстен чыкѳармай эди. О вакѳытта мен ялынѳыз достым Амет-Ханнынъ чабиклиги, джесарети ве усталыгѳы саесинде сагѳ кѳалдым. Шунынъ ичѳон мен омѳурлик онѳа борджлым.

1944 сенеси майыс секизде Севастополь ве Балыкѳлава ялылары узеринде сонѳки ава урушлары олды. Эртеси куню майыс 9-да 51-нджи орду, 2-нджи гвардиялы орду ве хусусий Денѳиз яны ордусы аскерлери Севастопольни азат эттилер. Бунынънен Кѳрым немсе-фашист баскѳынджыларындан бутюнлей темизленди.

Енѳиш! Бу кѳуванч гвардиялы учуджыларнынъ юреклерине серпинель киби келип кирди. 1944 сенесининъ бу кунешли майыс кунѳлеринде оларнынъ гонѳюллери ойле хош дуйгѳулар иле толып-ташты ки, гуя даа юксек, даа айдын ве дюльбер олып корѳонди. Хусусан, Амет-Ханнынъ юзюнде айрыджа айдынлыкѳ сезиле, козѳлеринде севинч нурлары парылдай. Аркѳадашлары оны догѳмуш юрты азат этилюви мунасебетинен сыджакѳлыкѳнен хайырлайлар. Бу самимий хайырлавларыны

о ачыкъ гонъюль иле гъурурнен къабул эте ве полкдашларынынъ эписни озъ эвине мусафирликке чагъыра.

Умум джебэ ёлагъы бу вакъытта энди чокъ узакълашкъан ве та Днепр артына, Украинанынъ гъарп тарафына барып еткен эди. Шунынъ ичюн ярым аданы азат эткен аскерлерге, шу джумледен учуджыларгъа да бираз вакъыт раатланмагъа имкян береджеклерине шубэ ёкъ эди. Акъикъатен, эки-учъ куньден сонъ полк командири Морозов илян этти:

— Аркъадашлар, бизге бир афта раатлыкъ бериле. Владимир Лавриненков ве Николай Остапченко Евпаториягъа путёвканен раатланмагъа кетелер, бир группа аркъадаш Севастопольге кете. Къалгъанлар, азырланынъыз, ярын эдимиз мусафирликке бараджаъмыз,— деди ве кулюмсиревини гизлеп оламай, Амет-Хангъа бакъты.— Эгер къонакъбай озъ даветинден ред этмеген олса, ярын, достлар, Алупкагъа кетемиз,— деп къошты о.

Эр кес зий-чув олды. Достлары, севинчинден не айтмагъа бильмей тургъан Амет-Ханны сарып алды ве оны бир къач кере эль устуне котерип, котерип салладылар. Бу, бойле вакъытларда якъын достлар тарафындан косътерильген энъ юксек севинч ве хошнутлыкъ дуйгъуларыны акс эттириджи бир адет эди.

Экинджи куню, Докъузынджы аслар полкынынъ учуджылары ваде эткенлери киби, машиналаргъа минип, севине-севине Амет-Ханнынъ аңа-бабасыны ёкъламагъа, анда мусафир олмагъа кеттилер.

СУЛТАН АГЪАНЫНЪ МУСАФИРЛЕРИ

Насибе апте сонъки куньлерде бутюнлей раатлыгъыны джойды. О, озюнинъ тонгъучу Амет-Ханындан хабер беклей эди. Бутюн вакъыт юреги чапалана, азбаргъа чыкъа ве чокъ вакъыткъадже денъиз тарафкъа бакъып тура.

Бир кунь, гуя Севастополь беттен недир беклеген киби, Алупка-Сары тарафкъа бакъып азбарда тургъанда, бирден кокте мотор даушы ишитильди. Тёпеге бакъса—самолётлар, къанатларында кызыл йылдызлар бар. Насибе аптенинъ юреги сыкъ-сыкъ урды. Самолётлар алчакътан учтылар. Сонъ кене айланып кери къайттылар. Насибе аптеге самолётлардан бирининъ къанатлары саллангъан киби корюнди. Онынъ аякълары кесильди ве шу ерде босагъа устуне чёкти. Ходжасына нелердир айтджакъ олды, ама агъызындан сёз чыкъмай. Озю исе тошюне: «Бельки бу меним Аметимдир? Я о олса, не ичюн бир хабер бермеди, не ичюн озюни бильдирмеди?» Ана юреги чырпынмакъта. Сонъ яваш къалкъып, одагъа кирди ве энди ачыкъ ерде тургъан газеталарны, Амет-Ханнынъ фото-сурети иле басылгъан листовкаларны чыкъарды. Насибе апте огълунынъ суретине хайли вакъыт бакъты ве кене тынчланып оламады. Султан агъа къапыдан чыкъкъанда, о къыйыгъынынъ уджунен козь яшларыны силе эди. Ходжасы индемени. «Кене Амет-Ханны хатырлады» деди озъ-озюне.

Насибе апте бутюн гедже юкълап оламады. Султан агъа:— Сагъ-селяметтир, иншалла, озюнни къыйнама, эр шей яхшы олур,— деп, оны тынчландыра, ама огъуллаарынынъ къайда экенлигини бильмей, озю де къасеветлене: «Эбет, дженк о, анда эр кунь, эр саат олюм беклемек мумкюн.» Албу исе Амет-Хан узакъта дегиль, мында, Кърымда эди.

Ярым ада немселерден азат этильди. Эки бучукъ йыл девам эткен эзпет ве къаранлыкъ геджеден сонъ кунь ярыгъы ачылды, халкъ сербест нефес алды. «Кызыл Кърым» газетасынынъ Майыс 1 номеринде яызды ве шаирлеримиз бу хусуста гуръ даушнен сеслендилер. Шаир Решид Мурад озъ шииринде шойле дей:

«Зынджырындан къопкъан къанджыкъ копекдай
Къапымызны парлап кирди фрицлер.
Фаджиалы эки сене ве беш ай
Сув ерине инсан къаны ичтилер.

Эфсанели Чонъгъар ве Ор чёлюнде
От битмеди, къан агълады яш юртым.
Демир чюлю чызмаларнынъ тюбинде
Чичеклери солды бу ешилъ юртынъ.

Зиндан олды мектебимиз, эвимиз,
Сокъакъларгъа дарагъачлар салынды.
Джандан севген шеэримиз, коюмиз,
Немселернинъ атешинен алынды.

Нидже явлукъ, марамалар ве шаллар
Анайларнынъ козь яшынен сыланды.
Ер инъледи, гурульдеди далгъалар,
Къара денъиз къайнап ташты, буланды.

Айдут душман тапалмады бир дуракъ,
Къызыл Орду сюнгюсини корьгенде.
Къанымызнен ялдызлангъан ал байракъ,
Шавле сача шанлы юртынъ устюнде!

Къанлы Сиваш, Севастополь — шан сизге!
Огге кете сонъ еньишке полкларымыз.
Лянет, Гитлер! Биль ки, сони тез кунъде
«Катюша»нынъ атешинен абрармыз».

Эр кимнинъ юзюнде къуванч, юрегинде шадлыкъ олса да, Насибе апте ичюн даа бир къач къасеветли кунъ кечти. Уйле авгъанда Султан агъа азбарда отура эди. Кимдир, азбар къапыны къатты дэгди.

— Ким бар анда?—деп сорады о еринден къалкъмайып.

— Козъайдын бар, Султан агъа, козъайдын! Тезден огълунъыз Амет-Хан келеджек. О сагъ экен. Оны корьгенлер,—деп къычырды киши къапы арасындан.

Султан агъа тез-тез къалкъып азбар къапыгъа бараджакъ олды, ама аякълары онъа бойсунмадылар. Къапы арасындан козъайдын сейлеген киши исе токътамады, ашагъы ёл бетке ашыкъып кетти.

Насибе енгени, аксине, бу хабер ич абдыратмады. О, бойле хаберни эр кунъ беклей эди, бунъа озюни азырлагъан эди. Ана юреги бугунъ-ярын бойле хош хабер келеджегини сезе эди.

— Эбет, мен сана сёйлемедимми? Севастополь алынды, Кърымда немсе къалмады. Огълуджыйым мында олса, мытлакъа келир. Мен буны билем де,—деди о хожасына севинчли, сакин давушнен. Ама эеджаныны тутуп оламады.

Султан агъа башта шашмалады, сонъ озюне келип:

— Зан этсем, о бир озю кельмез, оларны насыл этип, ненен къаршылар экенмиз,—деди къарысына, энди тедарик корип башламакъ ниетинен.

— Зарар ёкъ,—деп джевап берди эр шейге саде бакъмагъа алышкъан Насибе апте.—Чареси тапылыр. Энь эсасы, меним Амет-Ханым сагъ, мен оны кореджегим.

Эм, акъыкъатен, эртеси куню эр шейнинъ чареси тапылды, аш-сув пиширилди, столлар азырланылды. Уйлеге якъын, эр шейнен меракълангъан ве орталыкъта чапкъалап юрьген балаларнынъ узакътан сеслерни ишитилди:

— Келелер, келелер! Къараманлар келелер!

Къараманлар, салмакълы адымлар иле келелер. Энь огде Амет-Хан, онынъ артындан полк командири А. А. Морозов, онынъ муавини А. Ф. Ковачевич ве башкъалар. Олар бир сыра олып, сарп сокъакътап юкълари котериле ве къокъулы, темиз дагъ авасынен кокюслерини толдырып-толдырып нефес алалар. Баягъы котерильген сонъ, кимдир, шакъа этти:

— Бу, достлар, сизге самолётны юкъларыгъа котерюв дегиль, мында озюнь озюньни котермек керексинъ.

Котерильдилер. Азбар къапы янында токъталып, нефес алдылар.

Азбарда булунгъан эр кес ёлгъа чапып чыккыты, эр кес оларны биринджи олып корьмеге ашыкъа. Амет-Хан, азбар къапыдан чыккыаяткъанлар арасына сокъулып, азбаргъа кирди ве анасына чапты. Къучакълап опыти, башыны кокюсине басты. Дюнъяда энъ къыйметли кишиси — анасы сагъ олгъанына, озюнинъ козьлерине инанмайып, текрар-текрар анасынынъ козьлерини опыти. Сонъ бабасынен къучакълашты, акъайджасына онынъ эллини сыккыты.

Насибе апте козьлерини сюрте-сюрте, оларнынъ эр бирини небетнен къучакълады, опыти. Не къадар муляйым, аджайип огъланлар! Бир чокъунынъ кокюсинде Амет-Ханнынъки киби Алтын Ыылдыз ялтырай. Ыылдызы олмагъанларнынъ да кокюслери орден толу. Огълунынъ аркъадашларыны биринджи кере корьсе де, олар эписи Насибе аптеге догъмуш киби якъын олдылар. Оларнынъ эписине козь ташлап, «эр бирининъ анасы бардыр, олар да мен киби озъ балаларынынъ къасветини чекедирлер» деп тюшонди о.

Султан агъа да эписининъ эллерини сыккыты, сонъ азбарда булунгъан эр кес оларнен селямлашты. О бугунъ айрыджа гъурурлы, башы кокке тиеджек. Не демек олсун — Къараман огълунен берабер онынъ эвине, онынъ шеэрини урьмет этип, бу къадар дженк къараманы, бу къадар чокъ джесюр шаинлер кельдилер.

Амет-Хан эеджандан бираз озюне кельген арада, кимдир онынъ бойнуна сарылды. Бакъса, бу Миясе эди!

— Вай, Миясе, насыл дегишкенсинъ! Асыл танымаз эдим. Ама гузеллешкенсинъ, — деди Амет-Хан къардашыны корьгеннен достларыны биле унутып.

— Юрь, мен санъа Амет-Ханны косьтерейим, — деди онъа Миясе.

— О даа насыл Амет-Хан?

— Менним огълум, — деди Миясе ве бир къач сёзнен онъа озюнинъ талийи хусусында сёйлеп, оны ичери одагъа алып кирди.

Анда, кроватта, дудачыкъларыны къабартып, гузель балачыкъ юкхламакъта эди.

— Мына, бу Амет-Ханчыкъ. Сенниъ аддашынъ. Сенниъ асретинъден балагъа бу адны къойдыкъ.

Амет-Хан севинчли козьлеринен де балагъа, де Миясеге баккыты да:

— Хайырлайым сени! Пек гузель балачыкъ, машалла! — деди эеджанлы даушнен. Сонъ иляве этти: — Меракълы шей, сени асыл бойле, баланен козь огюме кетирип оламаз эдим, Юрь, чыккыайыкъ, бала уянмасын. Сонъ лакъырды этерик.

Азбарда къадынлар чапкъалап, софрагъа къыйметли, мусафирлер ичюн азырлагъан ашларыны, къокъулы кебаплары ерлештирмектелер. Миясе де тез-тез оларгъа къошулды. Амет-Хан исе чемоданыны ачып:

— Алынъыз, ана, окъурсынъыз, — деп анасына озюнде топлангъан мектюплерни туттырды.

Полкнынъ севимлиси, достлары Амет-Хан ана-бабасынен сагъ-селямет корюшкенн, онынъ севинчи аркъадашларыны да севиндирди, оларны да мемнун этти. Юреклеринде ойле дуйгъу асыл олды, гуя олар да озъ ана-балаларынен корюштилер. Айларнен токътамай девам эткен кергин урушлардан сонъ, озъ аркъадашларында бирининъ эвинде бойле самимийлик, мусафирченлик мунтине тюштилер. Бундан мефтун олмамакъ мумкюнми?!

Стал башында гурьдели, шеиъ лакъырдылардай сонъ, полк командири Анатолий Афанасьевич Морозов мемлекетимизге Амет-Хан киби къарталны тербиелеп берген ана-бабагъа самимий сёзлер иле мураджаат этти. О, къыскъадан Амет-Ханнынъ кечип кельген дженкявер ёлу хусусында, онынъ фашистлернен куреште косьтерген джесюрликлерни акъкында икье этти.

Насибе апте исе, огълуна баккып-баккып тоялмай. Онъа эки байрам бир олды. Эм халкънен берабер фашистлерининъ эсирлигинден

къуртулды, эм юрегининъ парчасы — Аметине къавушты. Лякин о биле, бу корюшюв чокъкъа сюръмейджек. Дженк даа девам эте. Амет-Хан кене кетеджек, кене атешлер ичине барып киреджек. Шунунъ ичюн ана юрегини кене теляш инелери санчып, санчып алалар.

Мусафирлер Султан агъанынъ эвинде учъ кунъ, учъ гедже раатландылар. Дёрдинджи куню олар сайгъылы къонакъбайларнен сагълыкълашып, озъ къысылларына къайттылар. Учуджыларда Амет-Ханнынъ ана-бабасы, догъмушлары, шеэр джемааты хусусында чокъ эйн, саминий теэссуратлар къалды.

Кърымны азат этюв урушлары Докъузынджы полкнынъ дженкявер тарихына даа бир шанлы саифе олып кирди. Генерал Тимофей Тимофеевич Хрюкин та 1944 сенеси язгъан «Сталинграддан Севастопольгедже» серлевалы макъалесинде бу урушларгъа шойле къыймет кескен эди:

«Сталинград ичюн къатты урушларда бизим учуджыларымыз Рихтгофеннинъ 8-нджи авиация корпусы 52-нджи эскадрасынынъ энъ айтувлы къырыджы асларынен дженклештилер. Душман гъает джиддий азырлыкълы эди. Бунъа бакъмадан, биз оны енъмек керек эдик. Авадаки шарантнынъ бутюн муреккеплигине бакъмайып, бизим огюмизде авада укюмранлыкъ эльде этмек вазифеси тура эди. Биз авиация къысылларындан энъ яхшы учуджыларны сечип алдыкъ ве олардан махсус полк тешкиль эттик.

... Волга янларында эксериси даа адий учуджылар олгъан шу ава урушы усталары, Кърым босагъасына — Сивашкъа ве Перекопкъа энди теджрибелли авиация офицерлери, дженкявер арбий командирлер олып кельдилер.

Майор Ерёмин, майор Куделя, Советлер Бирлигининъ Къараманы подполковник Морозов, бизим асларымыз Советлер Бирлигининъ эки дефа Къараманы Алелюхин, Советлер Бирлигининъ Къараманлары Амет-Хан Султан, Лавриненков, Ефремов, Болашов, Морозов, къырыджы самолётнен 800 дженкявер учув япкъан мешур разведкаджы Решетов — Кърымгъа ава уджюмине азырлыкълны биз мына бойле батырларнен башладыкъ. Бу уджюмде бизим учуджыларымыз гъает юксек рухий пишкинлик ве дженкявер усталыкъ косътердилер».

Агъыр ава урушларында буюк ираде ве къараманлыкъ косътерек, Советлер Ватаны ичюн юрегининъ бутюн атешини берип дженклешкен бу учуджыларгъа, шу джумледен Амет-Ханнынъ хызметине, Улу Ватан дженкиннинъ талантлы арбий ёлбашчыларындан бири, 8-нджи Ава ордусы команданынынъ бу сёзлеринден даа къандырыджы делиль керекми, аджеба.

Докъузынджы полк чокъкъа бармай тынч аяткъа кечкен Кърымнен сагълыкълашты. Мемлекетнинъ дженюбининъ азат этюв урушларынынъ кергинлигини даа унутмагъан гвардиялы къырыджылар озъ «Кобра»ларыны теслим этип, янъы самолётларгъа авушмакъ ичюн Москвагъа джёнедилер. Оларнынъ вазифеси тек янъы самолётлар алмакъ дегиль, мемлекет конструкторларынынъ янъы иджат эткен «Лавочкин-7» къырыджы самолётыны менимсемек эди.

Москва, учуджыларны кулер юзьнен къаршылады. Мында бамбашкъа дюнья, не дженк, не уруш. Худжур шей — олар мында дженклешмейлер, тынч-эркин шарантта талим кечелер. Лякин къараман дженкявер учуджылар бу ерге насыл вазифенен кельгенлерини ич бир дакыкъа унутмайып, янъы къырыджы самолётны огренюв иле мешгъуллер. «Ла-7»нинъ башта учув-тактик къабилиетини назарий джеэттен огренелер, сонъ оны авада айдап, амелий суретте менимсейлер. Дженк даа битмегенини, илериде даа къызгъын урушлар оладжагълны олар яхшы анълай ве бу урушларгъа эр тарафлы азырланмагъа тырышалар.

Америкадан кетирилъген «Кобра» самолёты зарарсыз эди, олар бу самолётта чокъ енъишлёр эльде эттилер. Лякин «Лавочкин» озюмиз-

ниньки. «Тез учув, сурьат!..» Бу эр бир учуджынынъ хаялы,— деген эди мешур совет учуджысы Валерий Чкалов. Бу машинада олар даа тез учмагъа, даа юксек котерильмеге наиль оладжакълар. Дженкни тездже битирмеге ярдым этмек ичюн бу гъает муим эди. Шунунъ ичюн учуджылар душман иле сонъки ава урушлары ашкъына кучъю слянен донатылгъан янъы къырыджы самолётны исрарлыкъле менимсейлер.

Бу вакъытта бекленильмеген къазадан полк командири А. Морозов фаджиалы эляк олды. 9-нджы полкнынъ командири оларакъ Советлер Бирлигининъ эки дефа Къараманы В. Д. Лавриненков тайин этильди.

Къыркъ дёрт сенесининъ джыллы июль акъшамларындан биринде эки яш кыыз ЦДКАгъа концертке кельген эдилер. Концертте Леонид Утёсов озюнинъ янъы концерт программасынен чыкъышта булунаджакъ. Концерт башламаздан эвель кыызлар парк ичинде кездилер. Яз вакъты олса да, багъчада адам аз эди. Даа дженк битмей, эбет, кыызларнынъ юрегинде буюк шенълик ёкъ. Тереклердеки ктушчыкълар биле недендир, сакъынып чивильдешкен киби корюне. Эр алда, яшлыкъ озюни сездире. Къызлардан бири алчаракъ бойлу, сарышын кельген, мавы козьлю, Инна деген сойы элине узунджа къамыш парчасыны алгъан ве шакъа этип оны де достынынъ къабургъасына туртип ала, де артына гизлей. Онынъ бойле шакъасындан безген досты тап сонъу:

— Етер энди ойнагъанынъ, юрь кеттик, даа концертке де кеч къалырмаз.

Олар аджеле адымларнен ЦДКА бинасы бетке юрдилер. Бираз кеткен сонъ, къаршыларында келеяткъан учуджыларны корьдилер. Алты учуджы, эписи де бирдайын яш дюльбер огъланлар. Алтысынынъ да кокюсинде Советлер Бирлиги Къараманынынъ Алтын Иылдызы парылдай.

Иннанынъ козьлери дёрт олды. Шашты. Ялынъыз: «Ана йигитлер!» деп етиштирди. Досты исе онъа:

— Инна, бакъ, кенардаки къара перчемли насыл якъымлы,— деди.

Инна къара перчемлиге тикилип бакъты ве озюни туталмады, куюмсирей йиберди. Перчемли де куюмсиреди. Къызларнынъ янындан кечаяткъанда:

— Манъа, мына бойле къамыш керек эди,— деди.

Учуджыларнынъ алтысы да Москвагъа янъы самолётны менимсемеге кельген Докъузынджы къырыджылар полкнынъ шаннлери эдилер. Къара перчемлиси, эбет, бизим Амет-Хан Султан, онынъ янашасындаки исе досты Иван Борисов эди.

Учуджылар кыызларны концертке озгъарды ве кери айланyp кеттилер. Ама Иннанен досты концерттен чыкъкъанда учуджылар оларны беклеп тургъанларыны корьдилер. Бу ерде олар таныш олдылар ве Амет-Хан Инна Максимовнанынъ пешине тюшти. Эр шейни тез ве кесен-кес япмагъа алышкъан Амет-Хан бу меселеде де чокъ тюшюнип отурмады ве беш-он кунъ ичинде онъа эвледи. Эки бучукъ айдан сонъ, октябрыннъ башларында энди джебёге дженемек ичюн Иннанен сагълыкълашты.

— Эгер Кенигсбергге бармасам, онынъ кокюнде озъ имзамны къалдырмасам, адым Амет-Хан олмасын,— деди о шу вакъытта.

Иште, Амет-Хан озюнинъ кызыл бурунлы янъы «Лавочкин» самолёты янында тура. Самолётнынъ фюзеляжында; эр вакъыттаки киби, къанатларыны яйдыргъан кучъю къарталнынъ ресими япылгъан. Бу онынъ эскадрильясынынъ шахсий нишаны.

Амет-Хан енгилликнен самолётнынъ кабинасына чыктып ерлеше. Полк озъ къанатларыны саллап Москванен сагълыкълаша ве Шаркый Пруссия бетке ёл ала. Огде даа Кенигсбергге ве ондан сонъ Берлингедже къатты урушлар иле толу узун-узакъ агъыр дженк ёлу бар.

ШАРКЫЙ ПРУССИЯ КОКЮНДЕ

Балтыкъ бойынынъ серт рузгярлы, къуршун киби агъыр булутлы, ягъмурлы, чамурлы кузю. Бойле шарапта Шаркый Пруссия босагъасында, ниае, душманнынъ озь топрагъына уджюмге азырлыкъ башланылды.

8-нджи Ава ордусы команданы генерал-полковник Х. Т. Хрюкин бу уджюмни азырлагъан арбий ёлбашчылардан бири эди. О, бутюн шу джебэнинъ уджюм планынен багълы суретте озь ава къысыларынынъ дженкявер арекет планларыны тизди ве шу конкрет планларынен озь авиация офицерлерини таныш этти. Япыладжакъ уджюмге совет командалыгъы буюк эмнет бере, чюнки о, Советлер Бирлиги девлет сынъырыны кечип, энди душман топрагъында алынып барыладжакъ урушларгъа башлангъыч къояджакъ.

Янъы «Лавочкин» самолётларында учып кельген аслар полкы ичюн де командармларынынъ элинде азыр планлар бар эди. Бу дженкявер арекет планларында шаинлер ичюн таныш олмагъа чокъ шей бар. Чюнки бу ульке, Шаркый Пруссия сынъырындан та онынъ меркези Кенигсберг шеэрини къадар демир, бетон ве ташлар иле сонъ дередже къвийлештирилген туташ пекитилер ве мудафаа ёлакълары иле къапланып алынган эди.

Бу ерде, 3-нджи Белорусие джебэсиндеки 303-нджи къырыджылар авиадивизия эркъанына къошулган 9-нджы полк деръал дженкявер азырлыккъа киришти. Бойле азырлыкъ кунълеринден биринде Амет-Хан ве онынъ къоруджысы Иван Мольков эр санпедэ учмагъа азыр олып невбетчиликте тургъанда, Литва кокюнде пейда олган ава разведкаджысыны ёкъ этмек эмири берильди. Экиси де бир кереден учылар. Лякин юкъары котерильгенде, Мольковнынъ моторы бозулды, о керн къайтып къонмагъа меджбур олды. Демек, дженкявер вазифени эда этмек Амет-Ханнынъ бир озюне къалды.

Амет-Хан даа зияде юксекке котерильди ве разведкаджы самолёткъа якъынлап башлады. Бу вакъытта о «Хейнкель-III»ни дёрт дане къырыджы «Фокке-Вульф-190» къорчалагъаныны корьди. Беш самолёткъа къаршы бир озю. Лякин Амет-Хан атыта бойле муреккеп вазияетте биле керн чекильмеге алышмады. Эмирин мытлакъа эда этмек керек. Разведкажды озь аэродрома къайтып бармамакъ борджлы, чюнки о бизим уджюмге азырланган аскерий кучьлеримиз ве техникамызынынъ ерлешюви хусусында гъает муим малюмат топламакъта. «Къана бакъайыкъ, бинъининъ ярысы беш юз — о да бизде ёкъ» деп, Амет-Хан уджюмге кечмеге къарар берди ве микрофонны элине алды:

«Мен — Амет-Хан Султаным! Мен — Амет-Хан Султаным! Литва узеринде уджюмге кечем! Беш къузгъунгъа къаршы уджюм этем! Фашист айдутларына олюм!»

Амет-Хан озюнинъ бутюн теджрибеси ве усталыгъындан файдаланып, джанбаз арекетлер, шиддетли уджюмлер иле дёрт къырыджынынъ дженкявер сафыны бозды, оларны шашмалатты ве уйгъун вазияет асыл олган арада самолётыны разведкаджыгъа къаршы аль этиджи уджюмге догърултты. Мумкюн дередже онъа якъын келип, топ ве пулемётнен кучьлю атеш ачты. Амет-Ханнынъ бойле атешинден ич бир фашист мелъуны къуртулып оламагъаны киби, разведкаджы «Хейнкель-III» де пешинден къара тютюн изи къалдырып ерге юварланды. Энди айланып «Фоккер»лернен тутушаджакъ олды, ама оларны тапсанъ ал, зувганлар.

Экинджи кере Амет-Хан Султаннынъ алты къырыджыдан ибарет эскадрильясына бизим джебэ ёлагъымызны бомбаламакъ ичюн келеткъан чокъ сайылы фашист бомбалайыджы самолётлары группасыны токътатмакъ эмири берильди. Командир озь учуджыларынен берабер догърудан-догъру оларнынъ къаршысына чыккып, юзь-юзьге келип уджюм япты. Фашистлер бу психологик уджюмге чыдамады ве аркъагъа чевирилип башладылар. Амет-Хан бир къач дакъыкъа ичинде озю



Амет-Хан Султан ве кѳоруджысы Иван Борисов «Ла-7» самолѳты янындалар.
Шаркый Пруссия, 1944 с.

эки бомбалайыджыны урын тюшюрди, урушыныъ сонъунда исе учюнджи самолѳтны якъты. Бу мувафакъиетин урушта дѳрдинджи самолѳтны онынъ кѳоруджысы Иван Мольков урып тюшюрди. Эскадрилья аэродромгъа ич бир гъайыпсыз къайтып кельди. Амет-Хан ве онынъ достлары фанисетлерин иште бойле ура эдилер, — деп хатырлай Пруссия коюнде Амет-Ханнен бир дивизияда дженкешкен истифадаки полковник А. И. Сморчков.

Бойледже, ноябрь ве декабрь айларында, даимий серт, муреккеп ава шарантында гвардиялы учуджыларымыз ердеки аскерлерин авада кѳорчалав ве душман аэродромларына уджюм ичюн юзлернен дженкявер учув янтылар. Эфсаневий полкнынъ батырларыны не аванынъ феналыгъы, не арбий шарантынъ муреккеплиги — ич бир шей токътатып оламай. Чюнки олар яхшы билелер — ердеки джебѳ ёлагъында мувафакъиет муним дереджеде оларнынъ кокте уста арекетлерине багълы.

Къар ягъа, боран уфюрте, юзлернен топлаарнынъ титретиджи гурультисен. Енгъишли кыркъ дѳрдинджи сененинъ сонъки кунълери бойле кечмекте ве янъы 1945-иджи йыл, Улу Ватан дженкининъ екюптейнджи йылы кельмекте эди.

Шу кунълерден биринде Докъзузынджи кырыджылар полкнынъ учуджылары шанлы «Нормандия» полкындаки франсыз учуджыларынен таныш олдылар. О полк да шу 303-иджи кырыджылар авиациясы эркъанында эди. Бизимкилер ве франсызлар бир дивизияда олып, авада бири-бирининъ шахсий радио сигналларыны яхшы билъселер де, озълери даа таныш дегиль эдилер. Бу танышлыкъ дивизиягъа ве учуджыларгъа орденлер такъдим этилюви мунасебетинен тешкиль этильген акъшамда олып кечти. Бу корюшювин оларнынъ эр бири чокътан беклей эди, чюнки ава урушлары вакътында бири-бирининъ джесюрлигине сукълана эдилер. Зияфетте исе Ава ордусы команданы башчылыгъында франсызларнен бир столда расткелиштилер.

Олар бири-бирине бир кереде алыштылар. Франсыз учуджыларынан бири Франсуа де Жоффе Амет-Хан акъкъында, онынъ дженкявер ишлери хусусында о къадар чокъ ишткен ки, козьлерини онга тикип, озъ эеджаныны гизлеп оламай. Ахыры Амет-Ханнынъ янына

барып отурды. Экиси пек дост олдылар. Сонъра, дженктен сонъ озюнинъ хатырлав китабында. Амет-Хан Султан акъкъында Улу Ватан дженки джебэсиндеки дженкявер досты сыфатында чокъ эйи сёзлер язды.

«Нормандия» учуджылары иле ильки танышлыгъы ве оларнен дженкявер сафдашлыгъы хусусында Амет-Хан озю шойле деген эди:

«Мен «Нормандия» учуджыларынен ильки дефа авада расткелиштим. Бир кере аркъадашларымнен берабер аэродромгъа къайткъанда уфукъ бетте бир къач нокъта корюнди. Олар да бизни корьселер керек, эфирде: «Фокке-Вульф»лер!» деген сес ишитильди. Сонъ айны шунъа бенъзеген сес: «Ёкъ, «Лавочкин»лер, «Лавочкин»лер» деп тек-рарлады. Бу сёзлер ачыкъ-айдын франсыз акценти иле айтылдылар. Мен, къаршымыздакилер «Нормандия» учуджылары экенлигини анъладым. Бу дженкте башымыздан чокъ агъырлыкълар келип кечти ве джебэ достлыгъынынъ къадрини биз пек биле эдик. Франсызларнен де биз сонъра таныш олып, достлаштыкъ ве чокъ вакъыт омуз-омузгъа берип дженкleshтик. Кокнинъ эр аршын мейданы ичюн, ернинъ эр бир къаршышы ичюн джанымизны ортагъа къойып уруштыкъ. Чюнки бизим эр анги мувафакъиетимиз, енъишимиз умумий гъалевенинъ якъынла-масына хызмет эткенини яхшы биле эдик...

Бизим франсызлар иле ерде корюшювимиз де меракълы кечти. Биз о вакъытта даа бир аэродромда дегиль эдик. Лавриненковны, Борисовны ве мени дженкявер мукафатлар такъдим этюв мерасимине чагъыргъан эдилер. Бизим Докъузынджы полк «Ла-7» кырыджы самолётларында уча эди. Шунунъчюн франсызларны бу самолётнынъ техникий имкяналары меракъландырды. Биз «Лавочкин»нинъ энъ яхшы совет самолётларындан бири деп макътадыкъ. Ама франсызлар разы олмадылар, олар «ЯК-3» самолётны бегене экенлер. Франсызлардан бири окъув талими сыфатында уруш кечирип, эр эки самолётны да сынамакны теклиф этти. Мен иштирак этмеге разы олдым. Эртеси куню тамам саат 10-да меним 3-нджи эскадрильям тургъан ернинъ устюнде эки ЯК пейда олды. Олар ерге къондылар. Бизин алгъан сонъ, олар кене кокке котерильдилер. Оларнынъ артындан Лавриненков котерильди. «Ла-7» вызлы суретте юксекке чыкты ве андан эки ЯКинъ устуне атылды. Сонъ булутлар ичине синъип, бир даа оларгъа «уджюм этти». Лавриненков франсызларгъа «Ла-7»нинъ авада джанбазлыгъыны косътермекте эди.

Сонъундан, бизим полкларымыз бир аэродромда тургъан вакъытта «ЯК-3» иле «Ла-7» арасында талим урушы кечирильди. Уруш не-тиджесиз екюнленди. Лавриненков ве Дельфино бири-бирине бир шей япып оламадылар.

Аш башында франсызлар манъа эр вакъыттаки киби, шакъа тарзында хытап эттилер:

— Браво, Амет-Хан! Не ичюн сен озюнъ чыкъмадынъ да, бизге къаршы Лавриненковны йибердинъ. Ойле шей кечмез. Эп бир сен бизнен «урушаджакъсынъ», яхшымы?

Эбет, бизлер уруштыкъ. Тек талим сыфатында дегиль де, Шаркый Пруссия кокюнде немсе-фашист къузгъунлары иле акъыкый къызгъын, муреккеп дженкявер шариатлерде урушмакъ керек олды».

Къатты сувукълъ январь айнынъ ортасында талантлы совет сержантскер генерал-полковник Черняховский командалыгъы алтында 3-нджи Белорусие джебэсининъ аскерлери гитлерджилернинъ Шаркый Пруссиядаки пекинтилери къаршы Гумбиннен догърулышында уджюмге кечтилер.

Урушлар пек агъыр. Чюнки бу фашистлернинъ энъ зияде пекин-тильген улькеси эди. Меселя, Гумбинненден Кенигсбергге къадар сонъ дередже къавий къурулгъан докъуз къат мудафаа пекинтиси ёлакълары бар эди. Бундан да гъайры эр бир къалени, эр бир эвни, аранны, эр анги нишаатны немселер атеш нокътасына чевиргенлер ве оларны эм ердеки, эм авадаки нишангъа атмакъ ичюн зарур силаларнен донат-

къанлар. Бойле муреккеп, кучъю пекинтилер бутюн дженк девамьнда даа ич раскельмеген эди.

Амет-Хан ичюн хусусан 1945 сенеси январь 18 куню айрыджа хатирде къаладжакъ кунъ олды. Онынъ кейфи сабадан яхшы эди. Аштан сонъ аркъадашларынен шакъалашты, кулюштилер. Лякин самолётларына барып ерлешкенлеринен оларгъа Гумбиннен-Мальвишкен районыны авадан козьэтип турмакъ эмири берильди. Амет-Ханнынъ етекчилиги алтында беш «Лавочкин-7» кокке котерильди. 4000 метр юксекликке котерильгенде, къаршыларына чокъ мыкъдарда фашист бомбардуманлары келеяткъаныны корьдилер. Учуджылар Амет-Ханнынъ:

— Уджюмге!— эмирини ишиттилер.

Къырыджылар озъ командирлери пешинден душман самолётлары узерине атылдылар. Уджюм ойле чабик ве шиддетли эди ки, бир къач дакъыкъа ичинде фашистлерининъ беш самолёты ёкъ этильди. Олардан экисини Амет-Ханнынъ озю урып тюшюрди.

Январь 26-да «Правда» газетасы хабер берди:

«Шаркый Пруссия ичюн урушларда авиация генерал полковниги Т. Т. Хрюкиннинъ учуджылары фааль иштирак этмектелер. Олар душмангъа амансыз дарбелер эндирип, буюк джесарет ве дженкявер усталыкъ косьтерелер. Сонъки куньлерден биринде майор Амет-Хан Султан етекчилигинде беш «Лавочкин-7» душман территориясы узеринде козьэтов учувь вакътында, 1500 метр юксекликте бизим джебэ ёлагъымыз тарафкъа 25 дане бомбардуман кельгенини корелер. Душман самолётлары бизим аскерлерге бомба ве штурм дарбеси эндирмек ние-тинде эдилер...

Къыскъа, лякин шиддетли уруш нетиджесинде бизим къырыджылар беш дане «Фокке-Вульф»ни урып тюшюрдилер... Бойле енъиш эльде этерек, бизим къырыджыларымыз озъ аэродромларына ич бир гъайыпсыз къайтып кельдилер».

Куньлерден биринде 303-нджи къырыджылар дивизиясынынъ полкларына джебэ команданы Черняховскийден махсус радиограмма кельди. Радиограммада о учуджыларнынъ федакяране хызметине: «Дженкявер шаинлер, сизнинъ къараманлыгъынъыз Ватанымызнынъ улу шаныны тешкиль эте. Кери чекильмекте олгъан душманны амансызджа урунъыз, онъа дигер ёлакъларда пекинмеге имкъян берменъыз»,— деп юксек къыймет кести.

Сонъ дередже агъыр урушлы шу кунъ бизим аскерлеримизге бир къат агъырлыкъ даа къошты. Радиограмманынъ артындан чокъкъа бармайып, шу куню джебэ команданы Иван Данилович Черняховскийнинъ эляк олгъаны хусусында хабер кельди. Гъает тешеббюскяр, терен бильгили, джебэге иджадий арекетте командалыкъ япкъан яш генералны учуджылар севе эдилер. Олар шу куню душманны даа къатты урмагъа ант этилилер.

Ант эткенлерден бири Амет-Хан Султан эди. Витенберг аэродромы. Радиолокатор башында 303-нджи, авиадивизия командирининъ муавини полковник Анатолий Емельянович Голубов. Локаторда Амет-Ханнынъ сеси ишитиле.

— Къая! Къая! «25»ке кетем.

— Къартал! Къартал! Олар джебэ артында узакъталар. Оларны джебэ ёлагъында къаршыланъыз.

— Оларны ёлакъ артында сыкъыштырмагъа рухсет этинъиз.

— Рухсет. Тек, риджа этем, сакът олунъыз...

«Амет-Хан Султан он эки къырыджы самолёткъа етекчилик япып, джебэ ёлагъы артына кете. Мен локатор пле оларнынъ арекетлерини дикъкъатнен козьэтем,— деп хатырлай бу урушны, шимди Советлер Бирлигининъ Къараманы авиация генерал-майоры А. Е. Голубов.— «Ой, анасыны, не япа о?» дейим озъ-озюме. Лякин бираздан онынъ айнеджилик маневрасыны анълап алам. Он эки «Лавочкин-7» Амет-Ханнынъ эмирине бойсунаракъ, айланып барып, къаршыдан келеят-

къан душман бомбалайджыларынынъ буюк группасынынъ арт тарафына кечип, оларнынъ къуйругъына такъылалар. Зан этерсинъ, олар бомбалайджыларны къорчалайджы немсе къырыджылары. Эм узакътан «Ла-7»ни «фоккер-ден айырды этмек къыйын.

Бир къач санныден Амет-Хан озъ учуджыларынен берабер фашист самолётларынынъ арасына сокъула ве оларны къыйратып башлай. Гъает темиз ве йылдырым тезлигинде япылгъан аджаип иш, озю де душман топрагъы устюнде.

Мен локаторгъа бакъам ве козьлериме инанмайым. Эгер бу Амет-Ханнынъ ве онынъ шегиртлерининъ иши олгъаныны бильмесем, инанмаз да эдим. Бу, адден тыш бир джесаретлик эди. Душман самолётларынынъ ич бириси джебэ ёлагъына келип етмедиле. Амет-Хан исе озъ аркъадашларынен берабер бир гъайыпсыз къайтып кельди.

Амет-Ханнынъ Шаркий Пруссия коюнде якъан бу къыясыз джесарети мени о вакъытта айретте къалдыргъан эди. Узеринде шу ава урушы кечирильген ерлер азат этильген сонъ, мен о ерни махсус барып бакътым ве анда керчектен де немсе самолётлары къабристаны асыл олгъанына эмин олдым. Къач самолёт скъ этильгенини бильмейим, лякин о ерде бир полк къадар фашист самолёты къыйратылгъан десем ялан дегиль».

Бу аджайип эпизод шуны косьтере ки, Амет-Хан душманны эр вакъыт тек джесаретнен, усталыкънен, къоркъу бильмеювинен дегиль де, айны вакъытта айнеджиликнен де, эр сефер янъы бир усул, янъы васта тапа билювинен де енъе эди. Онынъ шашыладжакъ мувафакъиятлерининъ себеплеринден бири даа шу эди ки, о озъ машинасыны беш пармагъы киби биле ве онынъ «тилли»нден, ана баласынынъ тилини анълагъаны киби, анълай эди. Моторнынъ давушындан о, самолётнынъ насыл вазнетте олгъаныны деръал сезе ве керек тедебирни къуллаана. Озюнинъ бу сезгирлигинде о даа ич бир кере янъылмады.

Бу вакъиа та Ростов янларында олгъан эди. Амет-Хан озъ машинасыны тамир эттирип, аэродромгъа айдап кетирди. Лякин моторнынъ давушыны бегенмедиле. Полк командири Морозов ондан «энди насыл, машинанъ ярайджакъмы?» деп сорагъанда о:

— Ёкъ, подполковник аркъадаш, ярамайджакъ, мен онъа ишанмайым,— деди.

— Бу не демек? Сен оны тамирден сонъ шимдичик озюнъ айдап кетирдинъ де. Онынънен де учарсынъ,— деди командир къатиетле.

— Моторны янъысына, я да яравлы сойына денъиштирселер учарым.

— Демек, озъ самолётынъа ишанмайсынъ, ондан ред этесинъ, ойлеми?

— Ойле, подполковник аркъадаш, ред этем,— деди Амет-Хан озъ сёзюнден дёнмейип.

Амет-Хан Султаннынъ табиятында бир вакъыт корюльмеген бу арекетке тааджипленген Морозов онынъ «аэрокобра»сыны озю учуруп бакъмакъ истеди. О самолётны эмнликнен учув ёлагъына айдап чыкъарды ве башта моторны бираз ишлетип бакъкъан сонъ, газны арттырып, оны авагъа котере башлады. Амет-Хан асабий алда тишлериннен дудакъларыны сыкъты. Шу ерде эр кес, чым-чырт олып, не олур экен деп, бакъып турдылар. Ве шу анъде акъыл етмейджек адисенинъ шааты олдылар. Самолёт ерден котерильгенинен ашагъы энип, кене копчеклери ерге тийдилер. Сонъ моторнынъ давушы артты, бираз даа котерильди ве бир кереден мотор давушы тарс токътады. «Кобра» догъру ерге юварланды ве къатты урулуудан онынъ къанатлары къырылды, кевдеси исе эки-учъ кере баш устюне чевирильди.

Козъ ачып юмгъандже олгъан бу къаза эр кесни айретте къалдырды. Олар топарынен къаза олгъан ерге чаптылар. Бахтына Морозовгъа ич бир шей олмагъан. О, кабинанынъ къапысыны ачып сагъ-селямет озю чыкъты да, Амет-Хангъа мураджаат этти:

— Сен акълы экенсинъ, мотор акъикъатен бир шейге ярамай,— деди.

Бу вакъна хусусында лакъырды полк учуджылары арасында чокъ вакъыткъадже девам эткен эди.

Докъузынджы аслар полкы ве «Нормандия» полкынынъ учуджылары баягъы вакъыт бир аэродромда булунды, бир ерде ашадылар ве бири-биринен даа зияде достлаштылар. Аш вакъытында учуджылар арасында шакъа ве кулькюнинъ арды узюльмей. Шакъа джеэтинден франсызлар да бизимкилерден къалышмайлар. Франсуа де Жоффри Амёт-Ханнынъ къаршысында отура ве сия козьлерине бакъып:

— Аштан сонъ кезеджекмиз,— деди. Сонъ бираз тюшонди ве:— экимиз берабер,— деп къошты.

— Яхшы,— деп разылыкъ берди Амёт-Хан.

Кезинти вакътында яры русча, яры франсызджа сёзлерни къарыштырып, Амёт-Ханга хытап этти:

— Таранны айтса,— деди о ве фикирини толуджа анълатмакъ ичюн эллеринен эки самолётнынъ къакъышкъаныны косътерди.

Олар аштан сонъ берабер сыкъ-сыкъ кезе ве кечкен куниниң не-тиджеси ве дженкявер эпизодлары хусусында фикир алышып-берише эдилер. Бойле эль арекетлери эр вакъыт оларнынъ бирликтеки субетине ярдым эте. Ава урушы вакътында озь къырыджыларынынъ насыл чешит вазнетте булунгъаныны эллери иле гъает уста косътере эдилер. Франсуа де Жоффри таран хусусында икяе этмеси ичюн Амёт-Ханга бир къач кере риджа этти. Бугунъ о, нпаёт, достынынъ риджасыны ери-не кетирди.

— Мени тек бир фикир — онынъ пешинден етмек ве урып тюшюрмек фикри сарып алды. Нпаёт, мен «юнкерс»нинъ пешинден еттим. Фашист пулемётчысы манъа къаршы атеш ачты, лякин мен догъру позиция ишгъаль эттим. Бир къач саниден сонъ мен онъа бир даа якъынладым. «Юнкерс» къабыргъагъа янтайды ве менден четлешип етиштирди. Қъачаджакъ? Екъ, бу хусуста лакъырды олмакъ мумкюн дегиль. Чюнки мен энди ойле къарар къабул эттим. Юкъарыгъа коте-рилип, самолётымны кесен-кес «юнкерс»нинъ устюне йибере бердим. Ве шу саниде меним сагъ къанатым онынъ къанатына къакъылды. Меним къулагъыма демир гъыджылдысы ишитильди ве «юнкерс»нинъ тютегинини коръдим. Бираз эсимни топлагъан сонъ, озюмни «юнкерс»-тен айырдым ве парашютнен сычрадым.

Франсуа Амёт-Ханны дикъкъатнен динълей ве бутюн вакъыт бир шейлер сорамагъа ынтыла. Сонъ достынынъ козьлерине зеджанлы бакъты да:

— Аджайип, Амёт-Хан! Чокъ аджайип.

Эбет, Амёт-Хан онъа таранны бутюн тафсиллятынен икяе этип ол-амай: франсыз тилини бильмеюви кедер эте. Лякин айры сёзлер ве ишаретлер иле анълатувундан Жоффри шуны анълап алды ки, таран япув — бу энъ юксек федакарьлыкъ, яни озь-озюмни феда этив демек эди. О шуны да анълады ки, Амёт-Хан бойле къакъышувдан сонъ сагъ къалгъан экен, о душманны тек джесюрликкен дегиль, айны заманда, буюк усталыкънен де енъди.

Кескин рузгярлы, боранлы февраль айы. Совет аскерлери душман мудафаа ёлакъларыны бири-бири артындан ярып кечип, Кенигсбер догърулышында эп огге йылыштылар... Сонъра шеэр учъ тарафтан сарылып алынса да, гитлерджилер теслим олмакъ ишетинде дегиллер, аксине денгиз тарафтан озьлерине ярдым аларакъ, даа къатты къаршылыкъ косътермектелер. Айны шу вакъытта, Шаркъий Пруссия узе-ринде Германиядан кельген ве энъ теджрибели фашист асларындан ибарет янъы авиация къысмы пейда олды. Авада даа кергин, муреккеп урушлар башланды.

Бунынъ озюне немселерде янъартылгъан, сонъ дередже кучлюо си-ляландырылгъан «Мессершмитт-109» деген ава айдуты пейда олды. Бу самолёт япалакъланып ашагъы тюшкенде биле токътамайып атеш



АМЕТ-ХАН СУЛТАН — СОВЕТЛЕР БИРЛИГИНИНЪ ЭКИ ДЕФА КЪАРАМАНЫ. 1945 с.

ягъдыра биле. Опынъ янына якъынламакъ мумкюн дегилъ. Опынъ устюнлигине азгъана эмнет бермедигинъ — иш фаджиялы бите. Бу, хусусан бизим чалыкъ, яш учуджыларымызгъа ант эди.

Энди Кенигсбергиниъ озюне аль этиджи уджюм башланаджакъ. Авиациямыз шеэрин токътамай бомбалай, артиллерия инидетли суретте топкъа тутат. Инаст, апрель 6-да кучюлю къалеге чевирильген шеэрге штурм башланды. Юзлернен самолёт душманнынъ некинтилерине, артиллерия позицияларына, танклары ве аскерий кучюлерине дарбелер эндирип, ердеки аскерлеримизге ёл ачты. Нетиджеде, совет аскерлерининъ амансыз таъыйыкъы алгында, 1945 сенен апрель 9-да Шаркый Пруссиянынъ баш шеэри Кенигсберг къалеси эльге кечирильди. Къаленинъ коменданты генерал О. Ляш капитуляция яхут теслим олув хусусында эмир бермеге меджбур олды. Бу Совет Ордусынынъ энъ ири енгишлеринден бир эди.

Энди душманнынъ Балтыкъ ялысына къадар топрагъыны темизлев, аэродромларда къалгъан самолётларыны ёкъ этив вазифеси эда этильмекте.

Шу кунълериниъ биринде Амет-Хан алты самолёткъа етекчилик япмакъта эди. Оларгъа дёрт «Фокке-Вульф-190» уджюм этти. Бу вакытта Амет-Ханнынъ дёрт самолёты уджюм япаяткъан немсе самолётларынен бир юксекликте, озю исе къоруджысы Мольковнен бираз юкъарыда эди. Немселер уджюмге кечкенде Амет-Хан озъ группасына команда берди ве озю де Мольковнен берабер душман устюне атылды. Ильки уджюмден сонъ немселер юкъары котериле башладылар. Амет-Ханнынъ группасы да оларнынъ пешинден къалышмады. Бу ярыш 7300 метрге къадар девам этти. Немселер азгъана юкъарыда, бизимкилер бираз ашагъыда.

Лякин Амет-Хан эр вакыт Амет-Хан олып къала, душманны эр анги вазнетте урып тюшюрмек ичюн о эр дефа яны бир усул тапат. Шимди де ойле олды — кене бир яны усул. Бу хусусий вазнетте, яни юксеклик устюнлиги немселерге олгъан шарапта биле о къузгъунларнынъ бирисини урып тюшюрмек имкяныны тапты, эм насыл да тапты я!

Амет-Хан озюнинъ «Ла-7»синен «фоккер»лерден бирининъ къурсагъы тюбюне кирди ве самолётынынъ суръатыны эксильтип, оны тимтик вазнетке кетирип «фоккер»нинъ къурсагъына догъру якъындан атеш ачты. Башта бензин тёкюльген корюнди, сонъ алев пейда олды ве туташып янгъан фашист къузгъуны озъ эджеллине догъру ёл алды.

Бу вакытта Амет-Ханнынъ самолёты озъ суръатыны тамамиле джойгъан эди ве о озюне суръат алмакъ ичюн пикирге кечти. Бир дакъыкъа биле пешинден къалышмайып оны къорчалагъан къошагъы Амет-Ханнынъ бу яптыгъына айретте къала.

— Ялынъыз етекчиминиъ усталыгъына къатты эмин олувым мен-

де «онынъ шимди озю эляк ола биле» деген фикирге ёл бермеди,— дей Мольков.

Аэродромъга къайтып кельген сонъ Мольков ондан:

— Амет, мен шашам, бу вазиятте сен о самолётны насыл этип урып олдынъ? Сенде энди затен суръат къалмагъан эди де.

Амет-Хан Мольковъга тикилип бакъты ве озюне хас адийлик иле:

— Я, башкъа чаре ёкъ эди де, Молёчик,— деди.

«Догъру, о вазиятте ич бир тюрлю башкъа чаре ёкъ эди. Бирден-бир екаяне имкян бар экен, Амет-Хан оны тапты ве ондан файдалана бильди», деп тюшюнди Иван. Амет-Хан исе чокъ лаф севмей эди ве достына джевабында бир къач сёзнен кифаетленди. Достынынъ адыны да эксери вакъыттаки киби, охшав шекилинде айтып хытап этти. Дженктен сонъ о, достыны чокъусы вакъыт шойле, Молёчик деп чагъыра эди.

Амет-Хан Султаннынъ учув шеадетнамесининъ йигирми алтынджи саифесинде шойле язы бар: «1945 сенеси апрель 13. Ава урушы агъыр эди. Амет-Хан «ферасетли» «Мессершмитт-109» иле «бель» тутушты. Бу самолёт эр анги вазияттен атеш ача биле. Лякин фашист учуджысы не къадар усталыкъ косътерсе де, Аметтен къуртулып оламады. «Лавочкин»нинъ якъын месафеден ачкъан невбеттеки атешини бунынъ да эджелине себеп олды».

Амет-Хан бу уруштан къайтып келип, самолётына янъчыкъ бензин толдыргъан арада онъа янъы дженкявер вазифе берильди. О разведкагъа кетти. Андан къайтып кельген сонъ, аркъадашларынен берабер кене авагъа котерильди ве душманнынъ бу ерде сонъки аэродромларындан бирине уджюмге джёнелилери. Амет-Хан ичюн бу гъает кергин дженкявер кунъ олды. Онынъ Шаркъий Пруссияда булунгъан сонъки кунълери, иште бойле фааль урушлар иле кечти. Бу улькеде дженкявер фаалиетини о, 1945 сенеси апрель 18-де Балтыкъ деңизиндеки душман гемилерини штурмлав иле екюнледди. Шаркъий Пруссия узеринде душман иле алты ай девамында косътерген дженкявер ярарлыкълары ичюн ве бу къатты урушларда ондан зияде самолёт урып тюшюргени ичюн Амет-Хан Султан дёрдинджи кере дженкявер Къызыл Байракъ орденинен, 1-нджи дереджели Ватан дженки ве Александр Невский орденлеринен такъдирленилди.

Шаркъий Пруссияда дженк битмек узре эди. Докъузынджы гвардиялы аслар полкы энди эсас екюнлейиджи урушлар алынып барыладжакъ Берлин догърулышына джёнетилюди.

(Девамы бар).

УЧЬ КЪАРАНФИЛЬ

Икяе

Шан-шурет кырында юксельген абиде огюнде десте-десте гуль ве чичеклер ята. Оларнынъ янашасында учь дане кырмазы къаранфильни корип, тюшюнджеге далдым, чюнки бу ерге келювим биринджи кере дегиль ве эр вакыт чичек ве гульдестелер чешит-чешит олалар, ама учь къаранфильнинъ тюсю ве сайысында даимийлик сездим. Бесе-бели оларны эр сефер айны бир адам кетире ве айны бир ерге къоя. О адам ким? Менде оны корьмек истеге догъды. Шунынъ пчюн раатлыкь куньлеримде абидени сыкъ-сыкъ зиярет эттим. Лякин, адети узре, эр кересинде мермер пиляки узеринде тазе учь къаранфильни корьсем де, оларны мында кетирип къойгъан инсанны расткетирип оламадым. Бельки о, абиде иншаатынынъ диварында адлары язылгъан къараманлардан бирининъ анасы, къарысы, я да эвлядыдыр... Ким де олса, онынъ арекетиндеки даимийлик мени зияде меракъландырды ве атыта эеджанландырды. Мен оны бу ерге кельген адамлардан сораптырдым, олар меним суаллериме къанаатлендириджи бир джевап берип оламай, омузларыны кыстылар. Чокь куньлер девам эткеп араптырувларым да бошуна кетти.

Арадан айлар кечти. Бир даа мында ёлум кышта тюшти: Учь къаранфильни хатырларкен, сабырым битип, сабадан абидеге бардым. Онынъ огюнде, къарнен орьюлю мермер таш устюнде гуль ве чичеклер ерине ёшил арча пытакълары ята ве янашада муджизе — учь къаранфиль! Дерсинъ, къараманнынъ учь тамчы къаны ап-акь къар узерине тамып, къарарып къалгъан. Теним титреди. Этрафыма бакьындым. Кимсе ёкъ. Шан-шурет кырына алып чыкъкъан басамакъларда, абиде къаршысындаки мейданчыкъта — ялынъыз меним къарда къалдыргъан излерим. Бугунь мен мында эр кестен огюне кельгеним. Козюм кене къар узеринде яткъан къаранфиллерде. Мен оларнен тесадюфен, эски достумнен корюшкен киби, корюштим, чюнки, эр алда, бу аджайип чичеклерни кышта да бурада расткетиреджегеме шубелене эдим. Эгилеп, къаранфиллерге селям бердим, оларнынъ солгъан, бузлагъан япрачыкъларыны пармакъларымынынъ уджларынен сийпадым. Шу вакытта кимнинъдир аякълары астында къар кырылдап эзилгенини ишиттим ве башымны солгъа бурдым. Манъа тараф эсли-башлы бир къадын кельмекте эди. Бираз якьынлашкъан сонъ о:

— Селям, огълум, — деди.

— Алейкум селям.

Къадын индемей, бир тыныш абидеге бакьып турды. Сонъра пальтосынынъ къоюн джебинден целлофан кягъыткъа сарылы учь дане кырмазы къаранфильни чыкъарды. Кягъытны яваштан ачып, къар узерине серди. Солгъан чичеклерни алып, оларнынъ ерине тазе къаранфиллерни къойды. Солгъан сойларыны четке ташламады, оларны

кягыткѡа сарып, кѡюнуна сокѡты, кѡзынынѡыз, дер киби, кокюсине басты ве абиде кѡаршысында бирѡз даа турѡан сонѡ, кѡайтмакѡ ичюн керѡ бурулды.

— Афу этинѡыз, мында киминѡыз бар?— Мермер дивардаки языларѡа ишмар этип сорадым ондан.

— Ходжам, Эмир-Хан Юсуфов,— деди о басыкѡ сеснен.

Бойледже, шейтнинѡ кѡарысы Нина Фѡдоровнанен таныш олдым. Ёл боу онынѡнен берабер кетеркен, онѡа абиде огюндеки кѡаранфиллерни чокѡ керелер корьгеним, олар мени не кѡадар эеджанландыргѡаны, бу аджайип чичеклерни мында кетирген адамнынѡ такѡдири мени пек меракѡландыргѡаны акѡкѡында айттым ве сѡз сырасы шойле дедим:

— Бильгениме коре, руслар олюлернинѡ кѡабирине чичеклерни чифт мыкѡдарда кѡоялар, тирилерге исе, тек сайыда багѡышлайлар.

— Эмир-Хан меним ичюн эр вакѡыт саѡ,— деди Нина Фѡдоровна.

— Я солѡан чичеклерини не ичюн керѡ алып кѡайтасынѡыз?

— Адамлар таптарлар, чѡпликке ташларлар деп, кѡыймайым. Кѡаранфиль Эмир-Ханнынѡ энѡ севген чичеги эди.

Нина Фѡдоровна ходжасынынѡ адыны анѡаркен, кечмишни хатырлады.

— Ильки корюшкен кунюмиз Эмир-Хан манѡа учѡ кѡаранфиль багѡышлагѡан эди.— Кѡадыннынѡ юзюнде тебессюм ойнады.— Сонѡра эр корюшювимизге элинде кѡаранфильнен кельди. Эвленген сонѡ да эвимиз кѡаранфильсиз олмады. Эмир-Хан энѡ яхшы джынслы кѡаранфиллернинѡ урлукѡларыны тапып чичеклерни язда азбарымызда, кѡышта эв ичинде череплерде асрады. Эки баламыз олды. Башта огѡлан доѡтурдым, сонѡра — кѡыз. Ходжам эр кересинде локѡсаханеге бирер кѡуджакѡ кѡаранфильнен кельди. О манѡа ве балаларымызѡа: «Меним кѡаранфиллерим!»— дер эди. Биз омюримизни яраштыргѡан чичеклерге ойле алышкѡан эдик ки, олар бизге доѡмуш киби, кѡорантамызнынѡ азалары киби олып кѡалгѡан эдилер. Иште, ходжамнынѡ тюсю деп, о кѡаранфиллернинѡ урлукѡларыны бу кунѡге кѡадар сакѡлап кельдим.

— Айса олар сизнен берабер эвакуацияда да олгѡандырлар, чокѡ ёлларны кечкендирлер?

— Эвакуацияда дейсинѡизми? Екѡ, джаным, биз етиштирип оламадыкѡ, ама кѡаранфиль урлукѡлары бизнен берабер баягѡы ёл кечкенлери доѡру,— деди Нина Фѡдоровна ве дженк йыллары башына кельгенлерни бирер-бирер тарифлеп башлады.

... Адамлар яшагѡан ерлерини терк этип, кими машинада, кими атарабада, кими джаяв ёлѡа чыкѡтылар. Узундан-узакѡ инсан акѡынтысы огюнде — санайы ишханелерининѡ тезѡа ве донатмалары, кой хызметинде булунгѡан янѡы ве эски техника — булар эписи халкѡ байлыгѡы ве халкѡ озѡ эмегинен мейданѡа кетирген варлыгѡыны душман элинде кѡалдырмагѡа истемей.

Уйле маалинде немсе самолѡтларынынѡ йыртыджы сеслери ишитильди. Ёлджулар «алымыз не олур экен?» деген манада бири-бирине бакѡтылар, сонѡра эписи козѡлерини кокке тиклеп кѡалдылар. Оларны не беклей? Эп якѡынлашмакѡта олгѡан бу самолѡтларны кокке котергенлернинѡ кѡоранталары, ана-бабалары, бала-чагѡалары бармы экен? Эгер олса, олар бу ёлны толдыргѡан балаларны, кѡадынларны, кѡарт ве кѡартийлерни аямазлармы? Тѡпеден эр шей корюне де?!

Ёлджулар арасында бундан йигирми бир йыл эвельси врангельджилернинѡ зорбалыкѡларыны башларындан кечирген адамлар да, даа якѡында Киев, Севастополь шеэрлерининѡ бомбалангѡаныны ишиткенлер де барлар, ама олар гитлерджилернинѡ не экенини даа бильмей, бомбардуман дешетини тасавур этип оламай эдилер. Душман кѡузгѡунларындан кѡачып кѡуртулмакѡнынѡ чареси бармы экен? Олар буны да бильмейлер. Чѡльге сачылып, эр тарафѡа яйылып кетеджекелери ерине, бир ерге топландылар. Бир саниден даа сонѡ коктеп

эджель сазагъаны созулды. Бу джеэинем атешинден ким сагъ чыкъар, аджеба?

Эмир-Хан энъ огде кеткен тезья юклю машинанынъ кабинасында, къарысы исе, беш яшларында огълу Валеранен, янъ адым атып башлагъан къызчыгъы Лейлянен берабер арттакл машинада отура эдилер. Тёпеден сызгъырып тюшкен бомба шу эки машина арасында патлады. Огдеки юрюшни девам эткени алда, Эмир-Хан аман кабина къапусыны ачып, басамакъкъа басты ве артта, ёл четине бурулып, энди япмакъта олгъан машина козюне чалынгъанынен, шоферге: «Айда!»— деп эмир этти, кендин ерге атты, бир къач метр юварланып кетип, аяккъа кълкълкъан сонъ, алевленип янгъан машина тарафкъа чапты.

Шофер Абдувели янашасында отургъан огъланчыккыи бомба патлавындан къорчалап, оны кенъ кокюсинен оръткен, шофернинъ сырты дельме-тешик, яраларындан къан акъа, Нина Фёдоровна къуджагъындаки баласыны багърына басып, башыны ашагъы саркъыткъан, даа озюне келип оламай эди. Эмир-Хан къарысы ве балаларыны деръал ерге тюшюрди, оларны машинадан бираз авлакъта кълдырып, Абдувелининъ джеседини кабинадан чыкъараджакъ олды, лякин етиштирмады, машина патлады, онынъ юк толу кузовы бир тарафкъа янтайды.

Къара къузгъунлар бомбаларыны ташлап битирип, козьден гъайып олдылар. Атеш, тоз-думан ичинде кългъан адамларнынъ сес-сесасы авада кълтырай эди. Кими агълай, кими ынъырдаи, кими кокке юмрукъ саллап, сёгюне. Шу дакъикъада арттан етип келген тракторнынъ эшья толу тиркемесинде ер ачып, Абдувелининъ машинасындаки донатма ве демирлернинъ ярысыны онъа юкледилер, экинджи ярысыны дигер тракторнынъ тиркемесинде ерлештирдилер. Адамлар эляк олгъанларны агълай-сызлай комген сонъ, ёлларыны девам эттилер. Эмир-Хан къарысы ве балаларынен берабер башкъа машинада ер тапып отурды. Кабинада ер ёкъ, анда, шофернинъ янында башы багълы къадын къундакъта агълап яткъан баласына къулакъ асмай, огге, насылдыр бир нокътагъа бакъып отура. Дерсинъ, о, баласынынъ агълагъаныны ишитмей. Бельки бу къадын контузия олгъандыр, бельки юрегине якъын адамыны, эвлядыны гъайып эткендир... Машина еринден кочъти дегенде, арттан къара «Эмка» етип кельди.

— Юсуфов! Эмир-Хан!— деп багъырды кимдир онынъ ичинден.— Токътанъыз!

Машина токътады. Эмир-Хан кузовдан тюшти. Штат урбасы кийген бир адам «Эмка»нынъ кабинасындан чыкъып, онъа таба юрди. Селямлашкъан сонъ Эмир-Ханнынъ тирсегинден тутып, оны бираз четке чекти.

— Сизни аджеле суретте Симферопольге чагъыралар, шимди кетмек керекмиз,— деди о.— Мында сизинъ еринъизге колонна башы олып, ярдымджынъыз къаладжакъ. О сагъмы?

— Сагъ, арттан келе.

— Айса, къорантанъызнен сагълыкълашынъыз, Эмир-Хан. Шимди ярдымджынъызгъа обком къарарыны бильдирип, кери ёлланырмыз. Юсуфов кене кузовгъа тырмашты. Балаларыны бирер-бирер къуджагъына алып, янакъларындан опыти.

— Мукъайт ол, Нина,— деди о, къарысына.— Озюне, балаларгъа мукъайт ол. Мен мытлакъа кълйтып келип, сизлерни тапарым.

Лякин Эмир-Хан кълйтып кельмеди. О, партия эмиринен районта кълды. Элине сия тутмагъа ярагъан адамларны топлап, шеэр мудафаасы отряды тешкиятландырды, сонъра шу отряднен дагъгъа чыкъты.

Нина Фёдоровна ходжасынен сагълыкълашкъан сонъ, немсе самолётлары колоннаны бир даа бомбаладылар. Бу кересинде де чокъ адам эляк олды. Яш къадын: «Эгер бу имансызлар бойле бомбалап тураджакъ олсалар, биз сагъ кълдырмызмы экен?»— деп экиленди ве яры ёлда машинадан тюшип, чельде, Мамбет деген бир къартнынъ эвинде кълды. Сонъундан Нина Фёдоровна бу мувакълъат ирадесиз-

лиги себебинден эвакуация олмагъанына бинъ пешман этеджек, ама не япсын о,—буны балаларынынъ джаныны сакълап къалмакъ ичюн япты.

Бир афтадан сонъ Нина Фёдоровна, не олса олур деп, озъ эвине ёл алды. Мамбет къарт оны кой четиндеки кулъ обагъа къадар озгъарып барды.

— Кетме, къызым,—деди о текрар.—Бизде къала къой, таа кеш тувул.

— Эвимни пек сагъындым, къартым.

— Дженк вакътында тав бетте джавундан коп къуршун джава, сельден коп къан акъа. Авур болса, къайт та кель, къызым!

— Бельки немселер бизим тарафкъа баш сокъмазлар.

— Алла берсын, балам, айткъанынъ болсын. Сиз тарафта къызым Усние къалды, шаппан заводында ишлей. Бельки таныйсынъдыр.

— Таныйым, Мамбет агъа. Қызынъыз районымызда белли мутехассыслардан бири.

— Оны коръсенъ, бизлерден селям айтырсынъ, къызым. Бабанъ арув дерсинъ, келинлермен, торунларман яшай дерсинъ, агъаларынъ дженкке кетти дерсинъ.

— Яхшы, къартым. Айды, сагълыкънен къалынъыз!

— Савлыкъман бар, къызым. Джолынъ огъурлы болсын, алла къолай кетырсын.

— Сагъ олунъыз, Мамбет агъа.

Шеэрде душман аскерлери чокъ эди. Нина Фёдоровна оларны коръмемезликке урып, аралыкълардан юрди ве, ниает, озъ эвининъ къапусы огъуне келип токътады. Қуджагъындаки къызчыгъыны ерге къойды, янашасында аякъ устюнде зорнен тургъан огълунынъ башыны сийпады.

— Шимди эвимизге кирип раатланырмыз, сонъ сизге аш пиширим,—деди о балаларына. Лякин олар ичери кирдим дегенде, артларындан къапу ачылды ве босагъада пейда олгъан полис Нина Фёдоровнаны комендатурагъа алып кетти.

— Ходжанъ не ерде?—деп сорадылар ондан.

— Бильмейим.

— Пек яхшы билесинъ, айт!

— Ходжам джебэде.

— Ялан!

— Джебэде.

Комендант онынъ адыны джедвельге язып алды ве шеэрден изинсиз ич бир ерге кетмейджеги акъкъында онъа имза чектирген сонъ:

— Ярын саба келирсинъ, биз санъа ходжанъны косътерирмиз!—деди ачувен.

Нина Фёдоровна эвине къайтты. Узакъ ёлдан сонъ ёргъун балалары диван устюнде ян-янаша ятып, юкълап къалдылар. Даа бир къач афта эвельси оларнынъ янакълары тос-томалакъ, нар киби къыпкъырмызы эди. Энди исе азды, узанды, сарардылар. Эвлятларынынъ окюнчли алыны коръген сайын ана юреги къан агълады. Қаадын козь-яшларыны силип, кери бурулды, ашханеге кирди, анда эвельден къалма одыр-будырны тапып, аман къазан асты. Қазан къайнап, эв ичинде лезетли къокъу яйылыркен, ач балалар юкъудан уянып, аш сорадылар.

— Ах, менъм къозучыкъларым, азачыкъ даа сабыр этсенъиз, шорбамыз пишер, истегенинъиз къадар ашарсынъыз.

Ниает, аш да пишти. Балаларнынъ къарынлары тойгъан сонъ сокъакъкъа чыккып ойнайджакълары кельди.

— Эвде отурынъыз, шимди сизлерни ювундыраджагъым.—Нина Фёдоровна балабан къазанда къыздыргъан сувынынъ ярысыны къопкъагъа бошатты, онынъ устюнден салкъын сув къошып, элини къопкъа ичине соккып бакъты.—Аны, ким биринджи?

— Мен, мен,—деди Лейлячыкъ.

Анасы оны легенге отуртып ювундырыкен, шеэрден кѡачып кетмекнинъ чареси бармы экен, деп тюшюнди. Я Эмир-Ханны не ичюн сорадылар? «Санъа ходжанъны косътеримиз!» дегенлерини насыл анъламалы? Эльге тюшмегейди! Ёкъ-ёкъ, оладжакъ шей дегиль. Я барып да!.. Ойле исе, Нина Фёдоровна мындан кетмез, Эмир-Ханнен берабер джан берир. Я балалары? Оларны ким бакъар? Шу саниеде онынъ къулакъларында ходжасынынъ: «Озюнье, балаларгъа мукъайт ол...»— деген сёзлери янъгъырагъан киби олды. Эбет, онъа балаларыны алып, душман козюнден гъайып олмакъ керек. Азырки алда ходжасы ондан анджакъ буны талап этер эди. Ойле ама, я Эмир-Ханны немселер эсир алгъан олсалар?! О, оны насыл ташлап кетсин? Эсир алгъан олсалар, чокъ сораштырып отурмаз эдилер. Бельки агъызарайдырлар? Къадын ачыкъ-айдын бир фикирге келип оламай, акъшамны тапты. Балалары ювунгъан сонъ насыл яткъан иселер, аля даа татлы уйкъуда эдилер. Узакъ ёл, юкъусыз геджелер озюни бильдирмей къалмадылар, эльбет. Эгер Нина Фёдоровна шу дакъикъада башыны ястыкъкъа къойса, аман байылып къаладжакъ, ама не ичюндир бунъа джуръат этип оламай, не ичюндир балаларынынъ, озюнинъ урбаларыны кене богъчагъа дестелей. Бу не? О, шеэрден кетмеге азырлыкъмы? Эбет-эбет, онъа кетмек керек, ходжасынынъ эмири ойле олгъаныны къадын юректен сезе ве онъа «ёкъ» демеге тили де, дили де бармай. О, эвлятларыны кыймай- кыймай, уянтты, оларны кийиндирди ве ёлгъа чыкъаджакъ олып, кызычыгъыны къуджагъына аладжакъта, онынъ акъылына пенджередеки чичек черепи янында, дефтер кягъыты устюнде яйылы яткъан къаранфиль урлукълары тюшти. Нина Фёдоровна къаранлыкъ одада бир шейге къакъылмайым деп, мукъайтлыкънен пенджереге якъынлады, пальтосынынъ джебинден явлугъыны чыкъарып, чичек урлукъларыны кягъыты такъымынен онынъ ичине сарды, къатты дюгом этип багълады ве дюгомчикни авучында сыкъып: «Меним къаранфилим!»— деди дудакъ уджларынен, зепинде исе ходжасынынъ муляйим, джесюр сымасы джанланды, джанланыркен, къадыннынъ ирадесине ираде кёшулды. Пенджере янындан чекилджекте, Нина Фёдоровна перде аралыгъындан азбаргъа бир назар ташлады. Энди кёюлашкъан къаранлыкъта онъа аран къапусы ачыкъ киби корюнди. Кунъдюз о ортыок эди. Бельки къапу озь-озьлюгинден ачылгъандыр, бельки де узакътан ойле олып корюнедир. Къадын тирсеклерини пенджере кенарына тиреп, аран къапусындан козълерини алмай, чокъ вакъыт бакъып турды. Сонъра четке чекильди, динъленди. Къапу-пенджере артында сес-солукъ ишитильмей. Азбар тынч. О, кызычыгъыны къуджагъына алды.

— Ана, кене кетеджекмизми?— деп сорады огълу.

— Башымызнынъ язысы экен, балам, кетмесек олмайджакъ.

— Эвинизде къалайыкъ, ана, мында яхшы.

— Яхшы, огълум, ама не япайыкъ, кетмек керекмиз.

Олар сыджакъ эвни ташлап, къаранлыкъ, сувукъ геджеге къаршы адым аттылар. Азбар къапу артында кимдир оксюрди. Нина Фёдоровна токъталды, бираз тургъан сонъ хайырлыкъкъа деп, кене огге юрди. Къапу артындан бир даа оксюрюк ишитильди. Къадын кене токъталды.

— Не бакъып къалдынъ? Артынъа къайт!— деди оксюрген адам.— Эвинъден чыкъма!

Энди эвин терк этмек кереклигини атыта балалар биле анъладылар, лякин козьге корюнмей кетмекнинъ чареси олмады. Саба Нина Фёдоровнанынъ бойнуна «Партизан алякъаджысы» деген сёзлер язылы бир тахта парчасыны асып, оны махсус эр кес коръмек ичюн, сокъакъларны доландыра-доландыра комендатурагъа алып бардылар. Анда онъа тюневинки суаллерни бердилер. Къадын тюневинки джевапларны текрарлады.

— Уйледен сонъ бир даа келирсинъ,— деди комендант.

— Саат кѡачта?

— Сенинъ ишинъ дегилъ! Не вакъыт керек олсанъ, о вакъыт алып келирлер!

Акъшам устю оны комендатурагъа кене конвойнен, бутюн шеэрни кезиндирип, алып бардылар. Бу худжур мерасим шекилини алгъан къылынувлар бир къач кунъ девам этти: оны боюнунда «Партизан алякъаджысы» язылы тахта асылы алда эр кунъ саба ве уйледен сонъ комендатурагъа конвойнен алып бардылар, невбеттеки сорахътан кечирген сонъ эвине конвойсыз, тахтасыз пайнозюни къайтардылар. Къадын душманнынъ арекетинде, насылдыр гизли хынзырлыкъ олгъаныны сезсе де, бунунъ не макъсаднен япылгъаныны бирден анълап оламады. О ялынъыз бир шейни пек яхшы биле ве анълай эди ки, фурсат тапкъанынен онъа шеэрден къачмакъ керек, акс алда бу айдутлар оны тынч къалдырмазлар. Мадамки онынъ эвини гедже къоруй экенлер, о кунъдюз къачмакънынъ чаресини арады.

Эртеси куню уйлеге якъын комендатурадан къайтып кельген сонъ Нина Фёдоровна балаларынен берабер базаргъа кеткен адам олып, ёлгъа чыкъты. Базарда адам аз эди. Кими эски урба сата, кими — орюльген юн чорап, кими — чарыкъ, кими чешит абур-чубурны теклиф эте. Лякин кимсе отъмек я да ашамакъ ичюн бир шей сатмай. Эрзакъ меселеси пек агъырлашты, немселер бутюн шеэрни там-такъыр эттилер, халкъ ачлыкъ чекип башлады.

Къадын богъчасындан антерини чыкъарды. Ама антерининъ фиятыны кимсе келип сорамады. Не япмалы? Чокъ беклемеге онынъ вакъыты ёкъ. Тез-тез зувмакъ керек. О этрафына бакъынды. Оны такъип этмейлер, гъалиба. Нина Фёдоровна антерини богъча ичине тыкъып, базардан чыкъты ве багълар тарафкъа юрди. Бираздан сонъ артындан кимнинъдир аякъ сеслери ишитильди. Сонъра адымлар эп тезлешти, аякъ сеслери эп якъынлашты ве, ннает, оларнынъ саби:

— Токъта! Не къачасынъ!— деди къадынгъа.— Ёкъса, эвинъ бу тарафтамы?

— Балаларым ач, оларгъа бир къапым отъмек арап чыкътым.

— Йебермезлер!— деп айкъырды полис.— Уйледен сонъ не ерге бараджагъынъны унуттынъмы, ханым эфенди?

— Мен ханым эфенди дегилим.

— Билем. Сизлер бири-биринъизге «аркъадаш» дейсинъиз. Аркъадашларынъ сени дарагъачта беклейлер! Айды, дюменинъни дос-догъру гестапогъа бур!

Гестаподжы биз мына бойле меденнетли олмагъа да билемиз, дер киби, лафыны незакетли башлады. Лякин къаң къускъан козьлери бу незакет ясама олгъаныны дуйдура эдилер.

— Багъышданъыз, Нина Фёдоровна, мен полисининъ сеписини беририм,— деди о.— Сизни комендатурагъа алып бараджагъы ерине, мында алып кельди. Юзюнъизге бакъкъанда, тертип бозаджакъ адамгъа аслы да ошамайсынъыз, бизге исе ялынъыз тертипни бозгъан адамларны алып келелер. Ишиткениме коре, кой-койден юрип, балаларынъызгъа отъмек арайджакъ олгъан экенсинъиз, ойлеми?

— Ойле.

— Лякин койдешлеринъизнинъ айткъанына коре, сиз партизанларнен алякъада экенсинъиз. Биз башта бунъа инанмайджакъ олдыкъ, факъат бугунъки арекетинъизни терен талиль этип коръген сонъ, койдешлеринъиз акълы, деген фикирге кельдик. Сизни бу ишке джелып эткен адамларнынъ озълери де теджрибесиз олгъанындан себеп, аджемилигинъизни эсапкъа алмагъанлар. Мени догъру анъланъыз, эгер озъ-оюнъизге, балаларынъызгъа азачыкъ да олса аджынсанъыз, бизден ич бир шейни гизлемей, эпсини олдыгъы киби, бирер-бирер тарифленъиз, гуняхынъызны багъышлармыз.

— Меним япкъан гуняхым ёкъ, къомшу койге барып, балаларыма бир къапым отъмек арайджакъ олдым.

— Я комендатурада шеэрден чыкъмамакъ ичюн имза чеккенинъизни унуттынъызмы? Шуны яхшы билинъиз ки, бизден къачып къур-

тулмакынын чареси ёкъ, шимди бутюн дюнья бизим элимизде. Аньладынызмы? Энди ач партизанларга эрзакъ азырламакъ ичюн не ерлерге бараджакъ, кимлернен корюшеджек олгъанынъыз акъкъында айтынъыз.

— Меним партизанларнен алып-береджегим ёкъ.

— Ёкъ экен!— Гестаподжынынъ чырайы да, мунасебети де бирден денъишти.— Билем сенинъ кимлигинъни! Аны, союн бакъайым! Нина Фёдоровна не япаджагъыны бильмей, анъсыз алда пальтосынынъ якъасыны, дёгмелерини сийпады.

— Союн, дедим!— Текрар айкъырды гестаподжы.

Къадын пальтосыны чыкъарып, чюйге асаджакъ олды.

— Ерге ташла!

О, пальтосыны эки буклеп, аякълары янына къойды.

— Не къатып къалдынъ, союн!

Нина Фёдоровна антерини де чыкъарды, оны яваштан пальтосы устюне ташлады. Гестаподжы пенджерелерни ачты, сонъра къадыннынъ урбаларыны оданынъ ортасына тепип йиберди ве бу заманга къадар индемей, стол башында отургъан ярдымджысына:

— Бакъ!— деп эмир этти.

О джйренч бир чере ясап, Нина Фёдоровнанынъ пальтосы ве антерининъ тикишлерини чильтерден кечирди, бир шей тапып оламагъан сонъ, чабик-чабик онынъ устюндеки тюб урбаларыны къармалап башлады ве бир сание даа кечер-кечмез, къадыннынъ кокюслери арасындан бир дюгюмчик чекип чыкъарды.

— Бер!— деп багъырды Нина Фёдоровна.

Гестаподжы дюгюмчикни ачкъанынен, онынъ ичиндеки къаранфиль урлукълары полга сачылды. Нина Фёдоровна тизлери устюне чёкип, оларны авучына топлап алды. Немсе явлукъ ве кягъыт ичинде башкъа ич бир шей тапып оламай, оларны да ерге аткъан сонъ, къадын къаранфиль урлукъларыны явлукъ ичине къойып багълады да, дюгюмчикни кокюслери арасына сокъты. Ходжасынынъ туюсю олгъан бу урлукълар онъа агъыр кунъде имдат бериджи бир талисман олып къалдылар. Нина Фёдоровна оларны озъ янында тутаркен, Эмир-Ханынъ юрек урувыны ве онынъ бойле кунълерде инсанга пек керек олгъан къавий ирадесини ис этёр эди. Шунунъ ичюн де бу мукъаддес чичеклернинъ урлукъларыны пис душманнынъ аякълары астында къалдырмагъа, джоймагъа истемеди, дерсинъ, оларны джойса, озю де гъайып оладжакъ. Онынъ аркетини сейир этип тургъан гестаподжы:

— Джезннем багъчасында чичек асрайджакъ оласынъмы?— деп кулды.— Ха-ха-ха-ха...

Бойледже, къырмызы къаранфиль урлукълары Нина Фёдоровнанен берабер гестапо бастыргъына тюштилер. Къадынны олюмге укъом этильген адамлар арасында туттылар. Бир къач кунъден сонъ оларны онынъ козьлери огюнде алып чыкъып астылар. Сонъра небет къаранфиль урлукъларынынъ саибесине де кельди. Иште, дарагъач! Ян-янаша асылы учъ адамнынъ джеседи саба елинден яваштан салланмакъта. Дарагъачнынъ сагъ тарафында бир бош ильмек тура. О кимни беклей?! «Асаджакълар!»— Нина Фёдоровна санки тири джесед ве бу сёз онынъ мийинде озъ дженазеси вакътында кильседе къакъылгъан чанъынъ дешетли сеси киби янъгырады, бутюн тениш бузлатты, башыны дувулдатты. О, олюм ильмегини озъ бойнунда ис эткен киби олуркен, козьлерине къаранлыкъ чёкти, аякълары такъатсызланды, тизлери къалтырап башлады. «Эльвида, балачыкъларым! Эльвида, Эмир-Хан!»— деп фысылдады къадын. «Эмир-Хан» деркен, кокюсинде сыджакълыкъ, къальбинде ираде пейда олды. О, инсанджасына джан бермек ичюн озюни эльге алмакъ истеди. Джеллятлар дарагъач янында токътамай, оны гестапо идаресине алып бардылар.

Нина Фёдоровнанынъ ходжасы партизан отрядынынъ командири олгъаны гестапо ичюн сыр дегиль эди. Гестапо башы къадыннен кене

ясама незакет иле лаф этти: «Балаларынъыз даа кучюк олгъаныны, сизинъ аджемилигинъизни козь огюне алып, гунихынъызны багъышлаймыз,— деди о.— Эвинъизге къайтынъыз, факъат шеэрден ич бир якъкъа чыкъманъыз. Ёкъса...»— О, ишарет пармагъыны озь гыртлагъы этрафында юрсетип, «асармыз» деген манада тѣпеге котерди.

Къадын гестаподжынынъ мерамети самимий экенни инанмады, онынъ къара макъсаднен япылгъаныны сезди, чюнки фашистлер чокъ балалы аналарны, сабийлерни биле аямай, атып ташлагъанларыны корьген эди. Ама душман айнеджилигининъ манасы неде? О, буны аля даа билип оламай.

Къатмерли фашистлер къадыннынъ пешинден махсус хызметчилерини къойдылар ве озьлерини ич бир шейден хаберлери олмагъан киби косьтереджек олып тырышалар. Оларнынъ фикириндже, эгер Эмир-Хан къарысынынъ шеэрге къайтып кельгенини бильсе, къорантасыны душман элннен къуртармакъ ичюн бир чаре корьмеге меджбур оладжакъ. Шеэрге я адам ёллайджакъ, я озю келеджек, я да отрядынен берабер уджюм этеджек. Мында исе, гестапо эр итималгъа къаршы чаре корьди ве шахсен Юсуфов ичюн «къапкъан» азырлады. Бундан да гъайры, эгер партизанлар гестапо козьде туткъан арекетте булунсалар бир меселе даа айдын беян оладжакъ— мадамки Юсуфов къарысынынъ шеэрде экенни бильди, демек, шеэрде партизанларнен алякъасы олгъан гизли тешкилят чалыша. Шунинъ ичюн де гестапо, энди озь къурбанлары деп сайгъан адамларны кендинден урькютмемек ве вакъыты кельгенде, апансыздан оларнынъ устюне атылмакъ макъсадыннен, юкъуда олгъан пардош къияфетинне кирди ве агъызындан акъкъан силекпйлерини ютуп, озюни бир окънен эки тавшан атаджакъ авджы ис эте.

Ойле исе де, дагъдакилер душманнынъ ийлекярлыгъыны анъладылар. Гурь эмен тереги тюбюнде бойдан-бойгъа узанып яткъан къалын агъачнынъ бир четинде эки адам ян-янаша отуруп, яваштан лакъырды эттилер. Оларнынъ бири— партизан отрядынынъ командири Эмир-Хан Юсуфов, дигери— партизан отрядынынъ комиссары Аблязиз Османов.

— Григорий къартнынъ бильдиргенине коре, Нинаны комендатурагъа кунъде эки кере конвойнен алып бара, эвге исе конвойсыз къайтара экенлер,— деди Юсуфов.— Буны насыл анъламалы?

— Бесе-белли санъа: «Къорантанънынъ такъдири бизим элимизде»,— деп хабер этелер.

— Демек, мени беклейлер, ойлеми?

— Шубесиз. Эм меним фикиримдже: «Къарынъ гестапо элине тюшмезден эвель келип алып кет»,— демек истейлер. Чюнки онынъ шахспетинен гестапо огърашып башласа, шеэрге тюшмеге джурьят этип оламазсынъ, деп беллейлер, гъалиба. Бу башкесер дженаплар озьлерини шашыладжакъ дереджеде дешетли, акъыл пашасы этип косьтермеге тырышалар.

— Тап о къадар акъыллы олсалар, бизлерни акъылсыз саймаз эдилер. Мадамки корюшмеге ашыкъа экенлер, биз озюмизни чокъ беклетмемиз. Разведка кетирген малюматларгъа коре, ярын Севастополь тарафкъа душман кертаны ёллазмагъа борджлы. Эгер бу малюматлар догъру исе, шеэрде къалдыргъан адамларымыз озь ишлерини кереги киби япып башладылар ве бизлер де шу кертанны къаршылап алып, биринджи дженкявер вазифемизни ляйыгъынджа эда этмек керекмиз.

— Бу операцияны отъкермек ичюн онъайтлы ерни бельгилемели, ойле ер олсун ки, душман озюни чувал ичине тюшкен киби ис этсин.

— Ойле ерчик бар, Къутлакъ агъызы, дейлер.

— Билем. Ама койге пек якъын, шеэрге де узакъ дегилъ. Немселернинъ машиналары, мотоциклетлери бар. Чекилип етиштирirmизми?

— Етиштирirmиз. Бурунлары тюбюнден чыкъып, манълайларына ойле бир юмрукъ тюшюрейик ки, эслерини топлап оламасынлар.

— Я кѳорантанъ акъкъында не тѳюшюнесинъ?

— Аблязиз достум, гестапо, эр алда, айнеджи къашкъыр. Мен кѳорантамны кѳуртараджакъ олып арекет этсем о, бизим шеэрнен алякъамыз олгъаныны дуяр. Лякин биз онынъ кѳармагъына тѳюшмемиз, бираз сабыр этмек керекмиз.

— Бойле малюматны партизан разведкасы да кетирмек итималы бар.

— Меним балаларым тесадюфен разведкаджыларымызнынъ козюне де чалына биле эдилер. Лякин душман тесадюфке ишанмаз, бойле тесадюф ола биледжегини козь огюне кетирсе де, онъа ишанып иш тутмаз. Отрядымызгъа шеэр ве койлерден янъы адамларны джелъп этмек керекмиз. Меним кѳорантам акъкъында хаберни отрядкъа кельген янъы адамларнынъ да кетирмек итималы бар. Шеэр ве кой эалисине чагъырувымыз азырмы?

— Азыр.

— Башта оны чокълатып, халкъ арасында даркъатырмыз. Чагъырувымыз адамларгъа малюм олгъан сонъ эминим ки, оларнынъ арасындан халкъ интикъамджылары сырасына къошуладжакъ сойлары чокъ тапылыр. Сонъра мен шеэрге барып, кѳорантамны дагъгъа алып чыкъарым.

— Фикиринъде мантикъ бар. Лякин шеэрге озюне тѳюшмек шартмы?

— Шарт, Аблязиз. Меним еримде олсанъ, сен де ойле япар эдинъ.

— Догъру ама, командир оларакъ, бойле хавфлы вазифеге озюнинъ кетмеге акъкъынъ ёкъ.

— Бу лафны бираз кериге сюрейик, комиссар,— деди Юсуфов, саатине бакъып.— Шимди исе, адамларны бир ерге топлап, оларгъа вазифени анълатайыкъ да, Къутлакъ агъызына ёл алайыкъ.

Къутлакъ агъызы — эки тарафы дагъларнен сыкъылгъан бир ёкъуш. Айланчыкъ зифт ёлу бу ерден кечкен сонъ дос-догъру кой ичине кире. Агъыз четиндеки сары тёпелерде оськен тереклер пек сыкъ дегиль, оларнынъ артында гизленмекнинъ чареси ёкъ. Ашагъыдан эр шей яхшы корюне, атыта терек далына къонгъан торгъайны, кѳуру отлар арасында озюне аш арап юрген ерджумранны сечмек мумкюн. Душман орманлы ерлерден кечип, бойле ачыкълыккъа кельгенде, озюни бираз сербест дуя, тѳюфегини омузына аса.

Къутлакъ агъызы — эфсаневий ер. Къадимий заманларда Судакъны талагъан римлилер, византиялылар, готлар ве башкъалар анджакъ бу агъызда бизим эдждатларымыздан, яни таврлардан яхшы котек ашагъанлар. О вакытларда дагълар ичине чекильген таврларнынъ бир къысымы иште бу ерде темель кѳургъан ве койнинъ адыны Кѳуртлыкъ (къашкъырлар яшагъан ер) деп къойгъан, чюнки о девирде бу орталыкъта гуръ къамышлыкъ оськен ве чокътан-чокъ къашкъырларнынъ мекяны олгъан. Сонъундан Кѳуртлыкъ сёзю яваш-яваш денъишип, Къутлакъ шекилини алгъан. Эгер шимди Къутлакъ агъызыны онынъ тишлерине ляйыкъ чёппен къарыштырсанъ, бельки оларнынъ арасындан кечмиштеки душманларнынъ бинъ йыллар агъырлыгындан къарарып, комюр олып къалгъан кемиклери тапылыр.

Иште, немселернинъ сила, эрзакъ юкю керваны ашыкъмай, ёкъушкъа котерильмекте, оны румын аскерлери озгъармакъталар. Оларнынъ макъсады — бу юкни Севастопольдеки ач фашист аскерлерге алып бармакъ. Айдынъыз, бакъайыкъ, Къутлакъ агъызындан кечип олурлармы экен.

Орталыкъ чым-чырт. Бу, икметли ихтиярларны анъдырып тургъан къадимий дагълар, дерсинъ, терен, эбедий уйкъугъа далгъанлар. Сукюнетни ялынъыз араба копчеклерининъ гъычылдысы, ат туякъларынынъ тапырдысы, душман аскерлерининъ озъара лакъырдысы, шакъа ве кульюси боза. Олар кимерде этрафкъа, тёпеге бакъалар. Кимсе корюмгени ичюн тынчлана ве ёлларыны эминликнен девам этелер. Бирининъ йырлайджагъы кельди, бельки о, Констанцада къал-

дыргъан яресини хатырлагъандыр. Ана, бутюн керван агъыз ичинде. Эгер о, вакъытны кечиктирмей, тишлерини сыкъса, мындан бир джан тири чыкъып оламаз. Къарт дагълар тепрендилер, арекетке кельдилер, оларнынъ кениш, къудретли омузларында джесюр огъланлар пейда олдылар ве Севастопольге кеткен душманнынъ ёлуны кестилер. Агъыз къапалды ве узакъ кечмиште насыл олды исе, шимди де онынъ тишлери арасындан душман къаны акъты.

Партизанларнынъ ильки дженкявер адымы ялынъыз оларнынъ озюни дегиль де, шеэр ве этрафтаки койлернинъ эалисини де рухландырды. Эмир-Ханнынъ чагъырувына сесленгенлер чокъ олды. Отрядкъа янъы халкъ интикъамджылары кельдилер. Командир отрядда озъ ерине адам къалдырып, къорантасыны дагъгъа алып чыкъмакъ ичюн шеэрге ёлланды. О энди гестапоннынъ сонъки кунълерде онынъ къарысына насыл этип къылынганьындан да хабердар эди. Эмир-Хан шуны да яхшы биле эди ки, онъа къорантасыны душман къапкъанындан къуртармакънынъ чареси ёкъ. Эгер бинъде бир чаре олса, о да гестапоннынъ айнеджи эсабындаки бир де-бир янълышкъа багълыдыр. Юсуфов бу янълышны тапса, меселени озъ файдасына чезе биле. О, яшагъан мааллесиндеки бутюн аралыкъларны козь огюне кетирип, оларны хаялында бирер-бирер бойлады. Ёкъ, келишмей. Гестапо озъ хынзырларыны эвеля шу ерлерге къояр. Я сокъакъ? О да келишмей. Тереклер, эвлер талдасында оны да къоруп тургъанлар бардыр.

Гедженинъ бей маалинде Эмир-Хан азбар-азбардан кечип, озъ эвине якъынлашты. Къомшу копеги оны танып, авламады. Факъат Эмир-Ханнен берабер къора янына кельгенде, яваштан гъырылдады. Юсуфов «сус» деген киби онынъ башыны сийпады ве айваннынъ къоркъудан къалтырагъаныны сезді. Копек тынды. Эмир-Хан озъ азбарны козетеркен, аран артында гизленген полисни коръди. Ильки саниде о, оны къаманен ольдюреджек олды, бир анъден сонъ даа фикирни деъништи: полис мында бир озю турмагъа джуръат этмез. Эм акъыкъатен де ойле, араннынъ обир тарафында экинджи полис корюнди. Бираздан сонъ о, эвининъ этрафында секиз полис гизленгенини эсledi. Не ямалы? Белли бир къараргъа кельмек керек ве Юсуфов чешит вариантларны тюшюне-тюшюне атеш ачып, оларнынъ дикъкъатыны озюне джелъп этмек, гестапо хызметчилерини озюнинъ пешинден алып кетмек къарарына кельди. Къарысы онынъ фикирини анълап олурмы экен? Шимди о, къаранлыкъ эв ичинде не япа?

Нина Фёдоровна ходжасынынъ джебэде экенине эмни эди. Лякин комендант ондан эр кунъ: «Ходжанъ не ерде?»— деп сорагъан сайын, о шубеленип башлады. Шеэрде партизанларнынъ Къутлакъ агъзындаки енъиши ве немселерининъ къырыджы батальоны партизанларны ёкъ этмек ичюн дагъгъа чыкъмагъа азырлангъаны акъкъында дув-дув лаф кете эди. Бу лакъырдыларны къудлакъ уджундан ишиткен къадын, бельки Эмир-Хан да шу партизанлар арасындадыр, деп тюшюнди ве напып-япып шеэрден къачмакънынъ ёлуны арады. Акъшам о, балаларыны пек эрте яткъызды, сонъра барып, араннынъ къапусыны орытти, азбарнынъ бир кошесинде къалдыргъан бош къопкъасыны алып келип, къапугъа таяндырды, къопкъа ичине тенеке парчалары, эки дане бош шише ве шишелерининъ устюне бир къуту, къуту ичине тынч кунълерден къалма бош мис шишечиклерни къойды. Буларнынъ эписи къопкъа ичинде афыдан туралар. Къапуны ачмакъ ичюн къопкъаны четке алмакъ керек. Ама къопкъаны алгъанынънен, онынъ ичиндеки бош савутлардан япылгъан эхрам авдарылып, тасырдайджакъ. Душманнынъ тилъкинленини дуйгъан Нина Фёдоровна бу ишни акъшам къаранлыгъында, кимсеге косьтермей япмагъа тырышты ве эвге кирип, ава сувукъ олгъанына бакъмадан, пенджере къанатыны бираз ачыкъ къалдырды. Балалары устьлеринде урбаларынен обир одада юкълай эдилер. Эгер бу гедже араннынъ къапусыны кимсе ачмаса, азбарда кимсе олмаса, Нина Фёдоровна балаларыны эв артындаки къорада кунъ-эвельден азырлагъан кечиттен алып чыкъаджакъ, чюнки геджелери аз-

бар кѡапу янында данма душман сакъчысы тура. Факъат кѡадыннынъ кѡачмакъ ичюн корьген тедариги гестапо козюнден четте кѡалмады ве шимди зифт киби кѡююлашкъан кѡаранлыкъта шу кѡорадаки кечитнинъ кѡаршысында эки полис доланмакъта. Нина Фѣдоровнанынъ исе бундан хабери ёкъ ве о, душман такъибинден кѡачып кѡуртулмакъ умяутинде.

Яры гедже олды. Араннынъ кѡапусыны кимсе ачмады. Нина Фѣдоровна балаларыны уянтты, устьлерине сыджакъ урбалар кийдирди ве пенджере кѡанатларыны артына кѡадар ачып, тышкъа бакъты, динъленди. Сес-солукъ ишитильмей, санки бутюн шеэр терен юкѡугъа далгъан. Узакъта копек авулдады, о тынды дегенде, дигери сесленди, учюнджиси: «Энди юкѡу вакъыты»,— дер киби, истемей-истемей авулдап алды.

Сукюнет. Нина Фѣдоровна балаларыны пенджере янына алып кельди. Тышкъа башта озю чыкъты. Огълу онъа богъчаны узатты. Анасы Валераны богъчанен берабер котерип алып, ерге кѡойды да, Лейлячыкъны кѡолтукълары тюбюнден тутып, кендине чекти. Эгер Нина Фѣдоровна шу саниеде ходжасы онынъ арекетлерини сейир этип тургъаныны билъсе эди, не япар эди, аджеба?! Аран артындаки полислер кѡадыннынъ ёлуны кеседжекте, Эмир-Хан автомат атешинен оларны ерге серди. Дигер фашистлер онъа кѡаршы атеш ачтылар ве «халъ!», «хенде хох!» айкырувларынен онынъ пешинден чапып кеттилер. Эмир-Хан аякътан яраланса да, душман элине тюшмедди.

Лейлячыкъ анасынынъ бойнуна сарылды. Кѡадын ве балалар кѡоркъудан отълери патлагъан киби, индемей, пенджере кѡаршысында кѡатып кѡалдылар. Атышувлар эвден баягъы узакълашкъан сонъ, Нина Фѣдоровна озюне кельди ве онынъ ичюн тесадюфий олгъан бу фурсаттан файдаланды. Кѡаранлыкъта оларнынъ ёлуны кимсе кѡсмедди. Танъ аткъанда исе, олар шеэрден узакъта эдилер — буюк азаплар чекип, Эльбузлы коюне кельдилер. Мында Нина Фѣдоровнанынъ ишангъан адамы бар эди. О дос-догъру онынъ эвине барды.

— Хош кельдинъиз, балаларым! Киринъиз ичери,— деди Фатма кѡартанай. Оларнынъ алыны кореркен, не ерден ве не ичюн кельгенлерини сорапшырып отурмады, акъшамдан кѡалгъан ашны къыздырып, оглерине кѡойды, арпа кѡавеси пиширди.

Балалар ашап-ичкен сонъ, отургъан ерлеринде байылып кѡалдылар.

— Багъышланъыз, Фатма апте,— деди Нина Фѣдоровна,— пек ёргъуныкъ, эгер мумкюн олса, азачыкъ козь юмып алайыкъ.

— Янашадаки одагъа кир де, раатлан, къызым. Анда, торунларым яткъан ерде бош тѡшек, ястыкъ бар, истегенинъ кѡадар юкълa, балам.

Кой старостасы кѡапуны кѡакъмай ачып, босагъадан атлагъанда, Фатма кѡартанайнынъ мусафирлери даа терен юкѡуда эдилер.

— Партизандарны не ерге сакъладынъ?— деп сорады староста.

— Мында партизан не япсын?

— Я булар ким?

— Ким олур эди, торунларым.

— Чокъ баш кутъме! Сенинъ торунларынынъ таныйым, буларнынъ анасыны не ерге гизлединъ? Ёкъса оны да озъ байталларынынъ артындан дагъгъа озгъардынъмы?

— Тилинъ тутулсын сенинъ, чарпынып кѡал!

— Сус, кѡарт джады!— Староста янашадаки оданынъ кѡапусыны ачып, анда кирди, Нина Фѣдоровнаны уянтты.

— Мерабанъыз, Кузьма эмдже,— деди кѡадын.

Староста онынъ селямыны алмай:

— Мында не макъсаднен кельдинъ?— деп сорады.

— Шеэрде — ачлыкъ, меним балаларым бар.

— Я ходжанъ ярдым этмейми?

— Ходжам джебѣде.

— Джебѣде экен, дагъда демейсинъми? О алдатып, дагъгъа алып

кеткен адамлар ичюн еген тазирим богъурдакътан арта, меним де бала-чагъам бар, сизге ола, мени атып ташласалар, оларны ким бакъаджакъ? Деф ол мындан!

— Улан, Кузьма, сенинъ тёпенъде алланъ вармы, ёкъса ёкъмы?! Недир бу яптыгъынъ?! Эсинъни топла!— деди Фатма къартанай.

— Сус дедим, къарт джады! Бир даа залог сорасалар, сени биринджи язарым!

— Яз, имансыз, яз! Къызларым дагъдан тюшюп, сени баджагъынъдан асарлар! Токъта сен, торунларымнынъ козьяшлары ичюн алланынъ хышымына илле огърарсынъ!..

Иште, Нина Фёдоровна кене ёлда. Бу чекишювлернинъ сонъу олурмы экен? Энди о не ерге барсын, кимнинъ къапусыны къакъсын? Къадын бойле тюшюниркен, Мамбет къартнынъ: «Авур болса, къайт та кель, къызым»,— деген сёзлерини хатырлады ве онынъ яшагъан коюне тараф ёл алды. Кокюсинде талисман этип ташыгъан къаранфиль урлукълары оккупациянынъ агъыр ёлларыны онынънен берабер кечтилер ве Улу Гъалебе куную къатмер-къатмер олып, Эмир-Ханнынъ Ватан ичюн тёккен ал къаны киби къызарып ачтылар.

Танъда Нина Фёдоровна пенджередеки черептен учъ дане къырмазы къаранфильни узъди. Шимди о, шан-шурет къырына бараджакъ, бу чичеклерни ходжасынынъ къабаирине къояджакъ.



Он биринджи бешиыллыктын илери адамлары

Сафтер Нагаев

ДАГЪ БАТЫРЫ

Геологларнын арасында чешит файдалы байлыкларны араштырувнен огърашкъан мутехассыслар бар. Бири минерал, дигери маден, учунджиси нефть ве газ кыйдыра. Мен гидроэнергетика ресурсларыны халкъ ходжалыгына хызмет эттирувнен нам къазангъан геолог акъкында икяе этем.

1952 сенеси Самаркъанд Девлет университетининъ геология-геофизика факультетини битирген сонъ С. Я. Жук адына Ленин орденли Бутюнсоюз «Гидропроект» институтынынъ «Средазгидроэнергопроект» болюгине ёлланма алгъан Селямет Селяметов, гъает тааджиПЛенди. Оны кыйметли мадеЯлерни араштырув меракъландыра эди. Мында исе онъа сув иншаатлары инженерлиги геологиясынен огърашувны теклиф этелер. Геологларда «чельде» деген, эр кеске анълайышлы сёз бар. Бу сёз, геолог экспедицияда, араштырувнен мешгуль, деген мананы билдире. Эр кеске белли озенлернинъ ялысында насыл араштырув ола биллир? О энди элинде чёкючинен, сыртында чантасынен дагъларда кезинювден вазгечеджеми?

Селямет институт директорынынъ кабинетине кирип онъа, гонъюлине ятмагъан ишнен огърашмакъны теклиф эткенлерини элемнен айтты. Орта Асияда сув энергетикасы хызметининъ ветеранларындан бири эсап этильген бу адам кулюмсиреди ве оны янына отуртып, лакъырдыгъа башлады:

— Бизим иншаатларымыз эсасен дагъ озенлеринде кјурулалар. Орта Асия, сув энергиясынынъ кјудрети джеэтинден, Советлер Бирлигинде, Сибирьден сонъ, экинджи ерде тура. Сув энергиясындан файдаланув имкянлары 28 миллион киловатт олып, олар йылда 246 миллиард киловатт-саат энергия ишлей билелер. Бу исе мемлекет сув энергиясы запасларынынъ 14 процентидир. Орта Асиядаки гидроэлектростанцияларнынъ эписи, диерлик, бизим проектлеримиз эсасында кјурулмакта...

— Не, мен де кјуруджылыкънен огърашаджагъыммы?— деди Селямет итиразлы давушнен.

— Сенинъ кјуруджылыкънен ишинъ ол-

майджакъ. Сен кјуруджылар ичюн иш мейданы азырлайджакъсынъ. Сенинъ вазифенъ иште, нелерден ибарет: сув иншааты мейданыны бельгилев, шу мейданы геологик джеэттен тешкерюв, топраккынынъ теркибини талиль этюв, онынъ филътрленюв мыкълдарыны огренюв, геофизика малюматлары азырлав... Бу ишлернен ялынъыз сен дегиль, гидрогеологлар, топографлар ве геофизиклер де огърашалар. Сизинъ тевсиелеринъиз эсасында кјуруладжакъ иншаатнынъ проектини азырлаймыз. Занымджа, насыл ишнен мешгуль оладжагъынны тасавур этип башлагъандырсынъ. Тарсыкъма, эр шей еринде олур, сен геология илимини менимсединъ, мында санъа геолог олып къалмагъа имкян бар.

Селяметовнынъ Алатав дагъларында, Чырчыкъ, Чаткъал, Пскем, Ангрен озенлеринде, Кавказ дагъларында кечкен отуз йыллыкъ омюрининъ ильки адымлары, иште, бойле башлагъан эди. Орта Асиянынъ мешур Вахш, Амударья, Нарын, Чырчыкъ озенлеринде кјурулгъан Нурек, Рогун, Токътагуль, Курпсай, Туямуюн, Чарвакъ ГЭСлерининъ мемлекетнинъ энергетика харитасында пейда олмасына дегерли иссе къошкъан Селямет Селяметов онъа омюрге ильки догъру ёлны косьтерген икметли бу адамны шимди де гъурурнен хатырлай.

— Студентлик йилларында кыйметли маденлер араштырув ишине авес эдим. Лякин талий мени Орта Асия шараитында озенлерни тедкъикъ этюв, оларгъа бент чекюв ве иншаат кјурув киби ишнен къави багълады. Адамларнынъ звини ярыкъландырув, тарлаларгъа сув ёллав киби гъает змиетли ишлер сенинъ адий чёкючинъ ве сыртындаки чантанъда ташыгъан дагъ алетлеринъден башлагъаныны анълмакъ инсан ичюн буюк бахт экен.

Биз геологлар куню арфесинде субетлешмектемиз. Селяметов шойле дей:

— Чарвакъны унутмакъ мумкюнми? Сизлер Чарвакънен алтмышынджи сенелери танышкъан олсанъыз, мен о ерге та 1954 сенеси бардым. Эр шей апансыздан олды. Мени ишке къабул эткенлеринен Чырчыкъкъа, озю де Чарвакъкъа ёлладылар. Чырчыкъ акъкында чоъкъ шейлер

ишиткен, окъугъан эдим. Лякин оны ко-
зюмнен корьмек, салкъын сувуна далмакъ
истей эдим. Самаркъанднынъ асфальт тѣ-
шели сокъкъларындан, университетнинъ
шенъ аудиторияларындан сонъ, дере-тѣпе
ерлерге, юксек къырларгъа тырмашмакъ
ве анда чалышмакъ къолай иш дегиль эди.
Ильки кунлерден бирини хатырлайым.

Акъшам устю учурым четинде отурам.
Ашагъыда шаматанен Чырчыкъ озени
акъа. Онынъ шувултысы насылдыр эфса-
нени анъдыра ве манъа: бинъ йыллардан
бери меним къаршыма кокюс керип чыкъ-
къан, мени озюне бойсундыргъан олмады,
деген киби келе эди. «Сен не япмакъ
истейсинъ? Манъа токъунаджакъ олып
къол котерме, сени акъызып алып кетер,
таштан-ташкъа урар ве мавы далгъаларым
ичинде богъарым», дей. Къаршыма суй-
рю уджу булутлар ичине гизленген Чим-
ган юкселип тура. Эбет, бу ерлерде ча-
лышмакъ ичюн ираде, гъайрат, джесарет
керек, элиме балабанджа таш алып, аша-
гъы фырлаттым. Таш шамата-гудюрди
къопарып, сув ичине барып тышти. Таби-
атнынъ дюльберлигине, темизлигине сукъ-
ландым. Бу къырларнен, торс къаяларнен
достлаштым.

Отуз йылдан бери геолог олып чалы-
шам. Чарвакта геология-араштырув иш-
лери алып бармакъ къолай дегиль, коль-
мегинъ тенинъе ялышкъандже терлемек
керек ола. Терлемек мумкюн дегиль.
Иш пек чокъ. Кунъ бою къырларда, дере-
лерде юре, топракнынъ теркибини теш-
керемиз. Иштен сонъ чадыргъа къайта,
козьлеримиз юмулып кеткендже чертѣж-
ларны, схемаларны огренемиз.

Геологлар ичюн вахта деген шей ол-
май. Не вакъыт керек олса, о вакъыт иш
башында булуна эдик. Ягъмурмы, чамур-
мы, бизлер ичюн онынъ эмиети ъкъ.
1963 сенеси бу ерге къуруджылар кель-
дилер. Бутюн объектлерде иш къайнады.
Мескен, тоннель къуруджылыгына ки-
риштилер. Вакъыты кельди, чадырлардан
тола эвлерге авуштыкъ.

Арадан он беш йыл кечкен сонъ биз
текрар корюштик, о йылларны хатырла-
гъанда, Селямет агъанынъ козьлери се-
винчен парылдайлар.

— Чарвакъ меним ичюн эмек сынавы
олды, Ходжикент ве Гъазалкент ГЭСлери-
нинъ къуруджылыкларына ъл косьтерди.

Геологларны кимерде туристлерге бенъ-
зетелер. Оларны сыртларында чанталары,
эллеринде гитаралары, акъшамлары атеш
башында кейф чаткъан яшларгъа къяс
этелер. Эбет, геологлар да шенъленмеге
севелер. Мен шимди институтнынъ Озь-
бекстан боюнджа баш мутехассысы олып
чалышкъаныма бакъмадан, сыкъ-сыкъ
чѣльде булунам. Г-

Геология бир дередже экзотиканен
багълыдыр. Лякин о даима сезгир ве
джикий олувынъ севе. Къыргызстаннынъ
юксек дагълары арасындаки Алабукъа,
къумлыкларындаки Сарыжас озенлерини
кечкенде атлары йыкылып, бутюн алет-
лерни ве эрзакъны сыртларында ташыгъан
яшларны корьгенде геология ялынъыз эк-
зотика дегиль де, буюк джесюрлик мей-
даны экени зияде корюне. Онынъ ичюн де
экспедицияда хызмет адамлары олмай,
итибарлы геологлар ола. Геологнынъ ити-
бары исе япкъан ишлеринен бельгилене.

Инженернинъ иши ятакъны тапувенен,
участканы тешкерювенен битмей. Эльбет,
ятакъ тапмакъ яхшы шей, ама бу етерлик
дегиль. Мемлекетимизде файдалы бай-
лыкълар чокъ. Лякин бугунъ оларнынъ
эписи керекми? Бизим геология харита-
мызда тапылмалар чокъ къайд олунгъан,
ама биз оларнынъ энъ керекли союны
тапмалымыз. Земане истисалыны кениш-
летмеге имкан олгъан ерлерни араштыр-
малымыз.

Девир бизден юксек бильги талап эте.
Геология инженерни де заводда чалыш-
къан инженер киби ишкир, тешкиятчы,
иктисадиятчы, бир сѣзнен айткъанда,
акъыкий шорбаджи олмакъ керек. Гео-
логия хызметинде бойле адамларгъа ити-
ядж девирнинъ янъы талапларынен багъ-
лыдыр. Онынъ инкишафы февкулъаде та-
пылувларгъа эсаслана бильмез: шимди
хаммал базасыны, гидроэнергетика ре-
сурсларыны арттырув, космик гемилерни
учурув киби катты планлаштырыла.
Онынъ ичюн де бизим хызметимизнинъ
халкъ ходжалыгынынъ бутюн саалары-
нынъ инкишафында эмиети буюктир...

Республикада белли геологлардан сай-
ылгъан Селямет Арифович Селяметов
гидроэнергетика проблемаларынынъ бутюн
сааларынен огъраша.

Селямет озюнинъ элли йыллыгыны
къайд эткен коллективде онынъ адына
москвалы достларындан кельген тебрикни
озю ичюн буюк итибар белгиси деп биле.
«Средазгидроэнергопроект»те берабер
чалышып башлагъан зенаатдаш достлары,
шимди «Союзводопроект» институтында
Сибирь неэрлерини Къазакъстангъа ве Ор-
та Асиягъа акъызув проблемасынен огъ-
рашкъан белли мутехассыслар Сергей Ха-
чатурова, Петр Осокин, Константин Перу-
мов озы хайырлавларында Селяметовгъа
хас чизгилерни пек айдын косьтергенлер:
«Даима шенъ, кърымлыларгъа хас юмор-
нен эр кеснинъ кейфини котермеге биль-
ген Селямет Арифович сенинъ достларынъ
даима чокъ эди ве оларнынъ даиреси даа
де кенишледи... Транспортыннъ бутюн че-
шитлеринде кезинмекнинъ лезетини биле-
синъ, пияде, ат, огюз ве атыа эшекнен
биле къырларда, къумлыкъларда дигерле-
рине орьнек олуннынъ чаресини тапа-
сынъ. Сенинъ назарынъ тышмеген дагъ-
лар, сенинъ аягынынъ тиймеген сокъакълар,
сен ювунмагъан озенлер къалмады. Къат-
ты джысымлы къаяларда да, къумлыкълар-
ларда да сен озюнинъ джесюр фикир-
лерининъ бизни севиндирдинъ. Сенинъ
геолог оларакъ къырларда, ялыларда
къалдыргъан излеринъ бизлер ичюн иш
джебзине чевирилди, о ерлерде земане
энергетика иншаатлары осип чыкъты.
Омюр ълунъ даима аджаип иншаатлар-
нынъ догъмасы ичюн темель азырлав киби
месуль ве шерэфли эмекле айдынлан-
сын...»

Мен аджаип эмек шуретине котериль-
ген Селямет Арифовичнинъ юксек мука-
фатлары акъкында икѣе этмедим. Лякин
оннынъ ичюн гъает къыйметли сайылгъан
«Озьбекстан ССРде нам къазангъан ин-
женер» унваныны ве «ССРнинъ фахрий
гидроэнергетиги» нишаныны къайд этмек
истейим. Олар дагълар саибининъ эмеги-
не кесильген юксек къыйметтир.

1982 с.



Вадим Ифтаев

ЭРЛИК ЁЛУ

Меним осьмюрлик девирим Севастопольде кечти. Ленин комсомолы сафына бу ерде къабул олундым, мында гемияпыджылыгы рабфагыны битирип, мустахиль аяткъа аякъ бастым. Шеэрнинъ эр бир ташы, эр аршын ери, раатлыкъ багъчасы ве мейданы, дженкке къадар къурулгъан бутюн эвлери ве сокъакълары, Къара денъизнинъ даима чайкъалып тургъан дэлгълары, саиль боюндаки къумлары — эр шейи манъа таныш.

1944 сенесининъ майыс айы. Яныкълы козьяшларым иле фашист баскъынджылары тарафындан бус-бутюн харебеге чевирилген Севастопольни корьдим. «Севастопольстрой» идаресининъ башлыгы Д. Маторин: «Гитлерджилер кериге чекильгенде Севастопольни ернен тегизлемек истедилер, дей. Топлар, бомбалар эр ерни якъты, йыкъты...» Мен, Севастополь азат олунгъан сонъ, махсус вазифенен бу шеэрге кельдим. Мындаки вазиятти корип, вуджудым титреди. Саиль ве Тарихий намлы багъчалардан тек бир къач кучюк терек къалгъан. Чевре-четте чукъурлар. Севастопольнинъ мешур диорамасы омрагъан, эллия медениети абидеси, Херсонес тарихий-археологик музейи фашистлер тарафындан ахыргъа чевирилген. Биз, шеэр партия комитетининъ кятиби А. Сарина, шеэр план идаресининъ реиси В. Алёшина ве дигер идарелернинъ векиллеринен Севастопольни доландыкъ. Душманнынъ шеэр башына кетирген мусибетлерини — зиянны джедвельге алып башладыкъ. 6400 эвден ялынъыз едиси къалгъан. Мектеплер, клублар, китапхане-

лер темелинден йыкъылгъан. Бутюн истисал муэссиселери, скеле донатмалары, шеэр коммуникациялары иштен чыкъарылгъанлар. Оларны янъыдан къурмакъ ичюн буюк пара ве мутехассыслар, бинълернен къуруджылар керек. Адамлар тапылды... Азат этильгени секиз кунъ олгъанда шеэр электрик энергиясынен, он экинжи куню сувнен темин этильди.

Шимди шеэрде учъ юз бинъ адам яшай. Севастополь медениет ве истисал меркезлерининъ бирине чевирилди. Мында институт ве онгъа якъын ильмий-техкерюв институтлары, шу къадар да техникумлар ве махсус окъув юртлары бар. Истисал муэссиселери баягы чокълашты. Гемияпыджылыкъ бирлешмеси, кересте ве эвяпыджылыкъ комбинаты, тамир базасы ве океан балыкъ авы флоты, дигер истисаллар мевджут. Шеэр сезилир деджеде буюклешип, Херсонес бурунына дже узанды. Чокъкъатлы юксек эвлер къурулды. Шималь беттен Мекензие дагына келип чыкъкъанда шеэр авуч ичинде тургъан киби — эр ери корюне.

Эгер дженкке къадар Шималь бетте бурунгъа япышкъан бир къач эв тургъан олса, шимди анда Инкермандаки Къара озенге къадар чокъкъатлы эвлер къурулды. Шеэрнинъ шималь тарафы Софья Перовская адына совхознынъ Любимовка къасабасынен къошулды. Бу совхоз озунинъ багъ-багъчаджылыгынен он беш-йигирми километр месафеде бутюн Бельбек вадисине яйылды... Къараман шеэр дженктен сонъ даа пек дюльберлешти. Майыс айында багъ-багъчалар, дагъ этек-

лери чичеклер ичинде кялалар. Бу ман-
зара баарь байрамы ве Гялебе куню
кельгенини хатырлата. О кяраманане
250 кунь мудафаа вакытында кяанлы
урушлар олган ерлерде шимди багь-
багьчаджылыкь совхозлары мейдангя
кельди. Кяальбимде эбедий яшайджакь
джесюр сиядаш достларымнын кяанла-
рынен ашланган бу топракь эмедкарла-
рынын усанмадан чалышувлары саесинде
эр сене миллион рубле келир кетире. Се-
вастополь мудафаасында ве Кырмыны
азат этювде косьтерильген эрлик эм де
джесюрликлери ичюн 228 аскер ве офи-
церге, генерал ве адмиралгя Советлер
Бирлигининь Кярамань унваны берильди.
Он биньлернен дженкчилер орден ве ме-
даллернен мукафатландылар. Севастополь-
ни азат этювде косьтерген айрыджа хыз-
метлери ичюн 118 бирлешмеге ве кы-
сымгя «Севастополлилер» деген юксек
ад берильди. Булар ичинде отуз экинджи
гвардиялы Тамань дивизиясынын окьчы-
лар полкы да бар эди. Мен, бу полкта
хызмет эттим. Сапун-дагы ве янгынгя
отыраган диораманын тепесине кызыл
байракьны бизим полк тикледи.

Кяраман-шеэр эр вакыт озюнинь
мудафааджыларыны, азат этиджилери-
ни — азиз мусафирлерини самимий кяр-
шылай. Кяраманане урушларнын ишти-
ракчилери Севастопольге келелер, шеэр
ичюн алынып барылган урушны хатыр-
лайлар, шеэрни сейир этелер, кяальблери
яшарган киби олалар.

Эр дефа Севастопольге кельгенде Пётр
Николаевич Жибоедов, Михаил Стоянов,
Михаил Гусятский, Иван Кравченко киби
сиядашларымнен, шеэр ветеранларындан
бири — рабфакта менимнен окьуган са-
быкь курсдашым — шимди гелияпыджы-
лыкь техникумынын оджасы Евгений Ка-
лашников иле корюшем. Ватан ичюн шейт
кеткенлери хатырлаймыз. Сабыкь мино-
мётчы Пётр Жибоедов, рота командири
Владимир Симонок ве батарея комиссары
Сейт Бекиринь джесюрликлери акькьын-
да джохкьунлыкьле икяе эте. Олар
1942 сенеси апрель айында чатышмалар-
дан биринде эляк олдылар. В. Симонок-
кя олюминден сонь Советлер Бирлиги-
нинь Кярамань унваны берильди.

Биз, 1941 сенесининь соньунда фа-
шистлернинь мудафааджыларгя кяршы
кьатты уджюми вакытында, озюнинь те-
шеббюсинен аскерлерни рухландырган
54-нджи окьчылар полкынын комиссары
Осман Караевни сайгы ве урьметнен
аньдыкь. Саяль Ордусь штабынын са-
быкь командири Советлер Бирлиги мар-
шалы Н. И. Крылов «Атешли бастيون» ки-
табында, оператив болюкнинь сабыкь
командири Орду генералы И. А. Ласкин,
Советлер Бирлигининь Кярамань Мария
Байда ве дигерлер озьлерининь хатырлав
китапларында джесюр командир ве ко-
миссар Осман Караев акькьында чокь зийи
сезлер яздылар.

Биз, Советлер Бирлигининь Кярамань
пулемётчы Нина Онилованы (оньа Анька
дей эдик) ве учь юз фашистин (олардан
етмиши снайперджи) гьайып эткен Совет-
лер Бирлигининь Кярамань Людмила
Павличенко киби джесюр снайперджини
хатырладыкь. Людмила Павличенко Совет-

лер Бирлигининь Кярамань ташкентли
Фёдор Матвеев иле берабер 1974 сенеси
майыс 9-да Севастопольнинь азат этиль-
генине отуз йыл толувь мунасебетиле Са-
пун-дагында ве диорамада эбедий алев-
ни якьтылар. Он алты яшлы комсомол
гоньюлли аскерлер Шевкьие Абибуллае-
ва, Иван Кравченко, Сабри Мамутов, Ана-
толий Водовозов ве дигерлери буюк
урьметнен аньдыкь. Сабыкь рота коман-
дири Пётр Глушков, окьчылар ротасы-
нынь сиясий ребери (шимди геология-
минералогия илимлери профессоры)
В. А. Королёв, сабыкь топчылар Фёдор
Кротов, Суфьян Велиджанов, Вадим Копы-
лов 287-нджи окьчылар полкынын эржя-
нында немсе-фашист баскьындыларынен
уруштылар. Биз уйкен аркьадашымыз,
йигирминджи сенелернинь комсомоллары
элли дёрдинджи алякьаджылар полкы
штабынынь офицери Амет Ленирджиден
пек миннетдармыз. О, дженкнинь агьыр
дакькьаларында бизге даима ярдымда
булуна, гедже-куньдюз эджель кяршы-
сында турьп командалыкьнын авалеси-
нен муим арбий вазифелерни эда эте эди.
Педагогика институтында берабер окьу-
ган аркьадашым Месфер Исламов иле
ян-янаша турьп душманнен амансыз
уруштыкь. О, Сухуми шеэринде яшай.
Эппи вакыт мектепте арбий-ветанпервер-
лик ишлерини алып барды.

Етмишинджи сенелернинь орталарында
Севастопольни мудафаа ве азат этювде
иштирак эткен Украинадан Д. Журавлёв,
А. Шоференко ве Я. Закле, Ялтадан
В. Панкратов эм де дигер сиядаш дост-
ларымнен корюштим. Олар меним ичюн
энь якьын, азиз, догьмуш кьардашларым
кибилер. Мен оларнен омуз омузгя ке-
лип, догьмуш топрагьымны фашист вах-
шийлеринден азат эттим. Мен бу кьар-
дашларымнен эр сене корюшем. Кимерде
кьорантамнен оларгя мусафирликке,
раатланмагя барам. Севастопль янында
кечкен агьыр арбий куньлеримизни, кяан-
лы урушларны, Керчь ярым ада десанты-
ны, 1944 сенеси язда олып кечкен Багра-
тион арбий операциясыны, Прибалтика
республикаларынынь азат этилювини,
1944 сенеси октябрь 18-де девлет сынъы-
рыны кечип немсе-фашист баскьынды-
ларынынь ювасы Шаркьий Пруссиягя
чыкькьанымызны хатырлаймыз. Акьылынъ-
дамы... деген ибарелерни чокь текрарлай-
мыз...

1941 сенеси декабрь 22. Ротада эписи
олып рота командири, лейтенант Аркадий
Лазарев иле еди адам кьалдыкь. Учь саат-
те фашистлернинь кьатты эки уджюмини
акс эттик. Бундан сонь, душман аркети-
ни деньштирди: эки фашист танкы пияде
аскерлерни кьорчалап, бизим кьысымлар-
ымызны айланып кечип, сырттан уджюм
этмек истеди. Ама чапаевджилер кьоркь-
мадылар. Рота командири лейтенант
А. Лазаревнинь эмири иле Всалий Панкратов
сапёр лескерине учь ве кьушагына
эки граната багьлап, танкларнынь уджю-
мини токьтатмакь ичюн, оларгя кяршы
джылышты. Эгер аткан гранаталар багь-
ламы танккя барып етмесе, о озюни бе-
лине багьлы гранаталарнен танкнынь тю-
бюне быракьаджакь. Панкратов граната
багьламынен биринджи танкны токьтатты.

Экинжи танкны исе къомшулары урдылар. Бойледже, чапаевджилер душманнын бир уджюмини даа токътаттылар.

Къыркъ бир сенеси ноябрь айында, Севастопольге биринджи кере уджюм олгъанда, Къараденъизджилер немсе танкларынын тутуштылар. Бу урушта эляк олгъан беш джесюр денъизджиге олюмден сонъ Советлер Бирлигининъ Къараманы унваны берильди. Денъиз бригадасы эрканында пулемётчылар болюгининъ командири, меним институт аркъадашым Исмаиль Языджыев да дженкешти. Флот газетасы онынъ джесюрлиги хусусында чокъ керелер язды. Къыркъ эки сенесининъ июль айында, Севастополь мудафаасынынъ сонъки кунълеринде И. Языджыевге Къара озенчик дженюбиндеки атеш нокътасыны тутуп турмакъ вазифеси авале олунды. Болюкте дёрт адам бар эди. Къалгъанларнынъ эписи агъыр яралылар, командир де аягындан урулды. Обанынъ бир тарафында И. Языджыевнынъ денъизджилери, дигер тарафта фашистлер. Языджыевнынъ болюги эки кунъ девамында душманнынъ уджюмини токътатып турды.

Бизге фашистлерни дегмеге, денъизджилер ярдым эте эдилер. Олар бизни таже къувет, сила, ашайт малларынен теминлей эдилер. «Къызыл Кърым» гемисининъ уйкен мотористи Фейзулла Моллахоев, «Ташкент» гемисинде Александр Шифманов, бекчи гемилернинъ командири Ибраим Ресулев, топчылар Амет Абдураманов, Амет Шейхаметов, Къара денъиз флоты авиаторы Энвер Селяметов, Абдураман Алядинов, Риза Умеров ве дигерлер Севастопольнынъ мудафаасына ве азат этилювине озьлерининъ муим исселерини къоштылар.

— Бизим гвардиялы отуз экинжи окъчылар дивизиямыз Севастопольни азат эткенде учъ бинъден зияде адам эляк олды, он бир бинъ адам яраланды,— деген эди топчылар дивизиясынынъ сабыкъ командири полковник П. М. Шедько.

Къараман-шеэр Севастопольнынъ учъ дёрт, кимер ерлеринде беш мудафаа ёлакълары бар эди. Бойледже, фашистлер шеэрни къуветли къалеге чевирдилер. Гвардиялы сексенинжи полкнынъ командири Дмитрий Ильич Береснев Алтын ярны азат эткенде эляк олды. Гвардиялы отуз экинжи дивизиянынъ сабыкъ командири генерал Н. К. Закуренов «Гвардиялы отуз экинжи» деген хатырлавлар китабында сексенинжи полкнынъ командири Д. И. Береснев акъкъында шойле яза: «Гвардиялылар оны, саделиги, алчакъгонъюллиги, арбий меарети, аскерлерни бабаларджа къайгырувы ичюн сева эдилер. О даима аскерлернен фикир болуше эди...» 1944 сенеси майыс секизде — уджюмнинъ экинжи кунюнде сексенинжи полкнынъ джесюр автоматчысы, Керчь десантынынъ иштиракчиси Зейнедин Меметов озъ койини азат эткенде аягындан агъыр яраланды. Мында айрыджа джесюрлик костерген бакулы Алиф Пириевге Советлер Бирлигининъ Къараманы унваны берильди. 1944 сенеси майыс 5-6-да Сапун-дагына уджюмден эвель дивизиянынъ бутюн къысымларында топлашувлар олып кечти. Аскерлер бир агъ-

ыздан Севастопольни шиддетли уджюмнен азат этмеге къарар бердилер.

Бундан сонъ аскерлеримиз «Севастопольден деф ол!» шиярынен душманнынъ Сапун-дагындаки пекинтилерине уджюм эттилер. Бу сёлер танкларда, пулемётларнынъ хартумларында, самолётларда, «Катюша»ларнынъ снарядларында язылы эди. Бизим огюмизде азиз Севастополь тура. О, душманнынъ мудафаа алкъаларынен сарылы. Фашистлер шеэрни эльде тутмакъ ичюн бутюн чарелерни корьгенлер. Гитлерджилер 1941—1942 сенелери къурулгъан мудафаа мишаатларындан файдаланувнен къалмайып, янъыларыны да къургъанлар. Къатты урушларда пикинлешкен Севастополь ве Сталинград къараманлары, Новороссийск ве Керчь десантчылары, Кавказнынъ мудафааджылары, Донбасс ве Шималый Таврияны азат этиджилери, Ор къапы ве Сиваш уджюмлерининъ иштиракчилери Къараман-шеэрни душман элинден къуртармакъ ичюн къайтып кельдилер. 1944 сенеси майыс 3—4-те рота парторгы Алексей Тороповнынъ ярдымы иле Сапун-дагы уджюмине багышлап «Дженкявер саифе» чыкъардым. Оны Ялта — Севастополь ёлунда Хамар ве Сапун-дагы ортасында яздым. Анда телефон агъында небетчилик эте эдим. Майыс 5—6-да меним «Дженкявер саифе»мни рота аскерлери окъудылар...

Дивизиянынъ душманнен дженк эткен ерлерини козьден кечирген сонъ диораматга кеттик. Диораманы сейир эткенде меним янымда Къараман-шеэрни мудафаа ве азат этиджилерден 85-нджи окъчылар полкнынъ командири К. К. Яковлев, онынъ адъютанты абхаз В. Тванте ве Сапун-дагынынъ тёпесине байракъ тиклегенлерден бириси Н. Сосин булунмакъталар. Истифадаки полковник К. Яковлев диорамда Николай Сосиннынъ ресимини корьгенинен: «Николай олюмни тюшюнмей, байракъны тиклемек ичюн эп илери — Сапун-дагынынъ тёпесине тырмамакъта...» деди. Гвардиялы отуз экинжи дивизиянынъ командири генерал Н. К. Закуренов лафкъа къошулды: «Сапун-дагыны эльге кецирювде, сексен бешинджи полк аскерлеринен бир сырада, гвардиялы 80-нджи ве 82-нджи полкларнынъ аскерлери де къатий уруштылар,— деди о.— Бу учъ полккъа «Севастополлилер» ады берильди...»

Апрель 19-да олып кечкен уруш фашистлернинъ ог ёлагъыны, мудафаанынъ къуветли эм де къуветсиз тарафларыны бильмеге ярдым этти. Командалыкъ, яхшы азырланмадан, душманнынъ алкъасыны сындырмакъ мумкюн дегиль, деген къараргъа кельди ве фашистлерге къатты дарбе эндирумек ичюн азырлыкъ корюльсин, деген эмир берди...

Биз диорамда кезингенде эляк олгъан бутюн дженкилерни анъдыкъ. Анъылгъанлар арасында Советлер Бирлигининъ Къараманы Василий Жукъов да бар. Жуковнынъ автоматчылары Сапун-дагында душман траншеясыны биринджи оларакъ эльге кецирдилер. Озо, Севастополь уджюмнинъ экинжи куню эляк олды. Гвардиялы отуз экинжи дивизиянынъ полклары душманнынъ траншеяларыны эльге кечирген сонъ, гвардиялы он биринджи

оқычылар корпусының командири генерал Рождественский манға сол тарафта ерлешкен қыомшу 414-нджи гурджи дивизиясынен телефон аляқыасы бағламақыны эмир этти. Чюнки мезкур дивизиянен бағымыз кесильген эди. Бизде олғаны оладжағы учы мақыара тель бар. Кабель беклесек, баяғы вакыт кечеджек. Мен Александр Шор иле учы дане кабель мақыарасынен эки километр миналы мейданны кечмеге қыарар бердим. Фашистлернинь яғып турған қыуршунлары алтында миналы мейдан 18-22 дақыада командан ерлешкен ерге телефон ағы кечирдик. Мен тельни чекип кетем, артымдан 15-20 метр узаклыкта эки мақыара кабельнен А. Шор кельмекте. Барып та, биримиз минаға расткельсек, корпус команданынын эмирини экинджимиз эда этеджекмиз. Эгер де телефон ағыны мейданнын кенарындан кечиреджек олсак, месафе 7-8 километр узаклашаджак ве бир бучук саат вакытымыз гыйып олджак. Шимди исе эр дақыа эсапта...

Аскерлеримиз уджюмге азырланганда достым, Советлер Бирлигининь. Кырамааны, ташкентли Самиг Абдуллаев мейданны минадан темизлемекте эди. О, он докызынджи танклар корпусы ичюн Сапундагы ве Балакылава дагылары арасында кечит азырлавы битирген вакытта агыр яраланды. 1943 сенеси сентябрь ве октябрь айларында Шималий Кавказ ве Таманны азат эткенде де бойле кечит азырлаган эди. О вакытларда Абдуллаевке Советлер Бирлигининь Кырамааны унваны берильди. Менимле бирликте Б. Зиядинов, Д. Журавлев, А. Морозов, М. Мамутов, С. Мусин, З. Аамбетов ве дигерлер эфсанвий Севастополь уджюминде иштирак эттилер.

Бизлер Сапун-дагы ичюн урушкында,

гвардиялы экинджи Ордунын аскерлери Мекензи дагыларына ве шималь бетке уджюм этип башладылар. Буниньле олар фашистлернинь яры кыуетлерини озьлерине джелп эттилер. С. У. Иргашев (шимди Озбекстан ССР арбий комиссари), Н. Нуруллаев, Р. Эгамов, Ю. Разыкыов, С. Таджибаев, И. Досов ве озбекстанлы дигер аркыадашлар да бу уджюмде иштирак эттилер. Аскерлеримиз Севастополь уджюмине азырлык корьгенде бизим сиядашымыз, телеграф ротасынын сабыкь командири ташкентли Г. Д. Рацбаум, Баш Командан иле Баш ставканын азасы Маршал А. И. Василевский араларында телеграф аляқыасыны темин этти. Бундан сонь уджюм япыладжак кунь таин этильди...

Мен Севастополь дженкини, азачык олса да, хатырламакыны озюмнинь борджым деп сандым. Меним кемиклериме синтип кыалган о мудафааны ве уджюмни саатларнен хатырлая билем. Чюнки пек чокь достларым Ветан ве халк огюнде озьлерининь мукьаддес борджларыны эда этерек шейт кеттилер. Эбет, олар дженкке, шан-шурет кыазанмакь ичюн кельмедилер. Олар Ерте сербест аят, тынчлык ве бахт ичюн уруштылар. Кырымны азат этювде, Херсонес бурунында — мукьаддес топракыта фашист баскынджылары озь вахшийликлерине дегерли кыаршылык алдылар.

Кыраман-шеэр Севастополь джесарети миллионларнен адамларнын дикькатыны озюне джелп эте. Кыоджаман мемлекетнинь бутюн кошелеринден кельген адамлар, Севастопольнинь мукьаддес топрагына теменна этювни озюнинь боюн борджы деп биле. Яшлар Севастопольден эрлик, чыдамлылык, садыкылыкны огренелер.



ЯРАТЫДЖЫЛЫКЪНЫНЪ ЯШЛЫГЪЫ

[А. ИВАНОВ 80 ЯШЫНДА]



Озбекстаннынъ энъ къарт шаирлеринден бири Андрей Ивановичнынъ яратыджылыкъ даушы ярым асырдан зияде янъгырамакъта. Онынъ шиирлеринде замандашларымызнынъ тюшюнджелери ве ынтылувлары, социализм девирининъ биринджи бешйыллыкъларындан космоскъа учувларгъа къадарки девирнинъ энъ муим вакъиялары ифаде олунмакъта.

Андрей Иванов Пенза шеэринде догъды. Лякин талий оны яш чагъындан Озбекстаннен багълады. О бу «челлик ве дагълыкъ улыке»ни, шень ве алидженап адамлар улыкесини севди ве юрегиндеки, бутюн гъаиретини, аджаип санъатыны онъа багъышлады.

А. Ивановнынъ яратыджылыкъ чокъ саалыдыр. Ойле олса да, онынъ яратыджылыкъында эсас ерни лирика ишгъаль эте. А. Иванов, отузынджы-къыркъынжы йылларда язгъан шиирлеринден тертип этильген «Асия нагъмелери» деген биринджи джыйынтыгъындан башлап, окъуйджыларнынъ элине даа якъынларда барып тюшкен китапларына къадар, озю сечип алгъан мевзусына садъкъ къалды ве инсаннынъ девиримиздеки буюк ишлерге алякъадарлыкъы нетиджесинде догъгъан Ватан севгисини, аят мундериджеси акъкъындаки фикирлерни ве инсан аятынынъ бутюн якъларыны косътере бильди.

А. Иванов табиятыннъ лирик йырджысыдыр, о аятны севген адам. Онынъ зенгин фантазиясы аят левхаларыны гъайрытабий яратыджылыкъ корюнишлеринде тасвир эте. Дюнъягъа севги козюнен бакъыджы ве, айны заманда, ер узеринде къавий тургъан мухкем реалистнинъ, романтик шаир А. Ивановнынъ шиирieti ойледир.

Шаирнинъ сёз хазинеси, бедий васталары гъает зенгиндир. Пушкин, Некрасов, Есенин киби шаирлернинъ аныанелерини менимсеген рус шаири А. Иванов озъ яратыджылыкъында къадимий ве земаневий Шаркъ шаирлерининъ теджрибесине де ойле джиддий якълашты. Шииретке бойле кениш назар адий меракъ дегиль, европалылар ичюн бир чокъ джезттен эсрарлы олып корюнген Асия дюнъясыны аяттй шекильде ифаде этюв, онынъ буюклигини ве дюльберлигини косътерюв истегининъ нетиджеси эди. А. Иванов, бельки бунынъ ичюн де, Гур-Эмирнинъ къуббелери акъкъында, икътисадиятта ве медениетте озюнинъ мисли екъ къазанчларынен джианны айретте къалдыргъаң республиканынъ бугунъки куню акъкъында буюк аяттй къуветнен язув имкянына малик олгъандыр.


А. Ивановнынъ поэзиясы — бу ичтимаий оптимизм поэзиясыдыр. О, озъ Ватанынынъ парлакъ келеджегине, сербест инсан иртиджа къуветлерини бир тамам енъеджегине ве дюнъяда акъикъат ве адалет гъаелери темеллешеджегине эминлик беслеген инсаннынъ дуйгъуларыны ве мизаджыны ифаде эте.

«Эгер инсан ернинъ ве бутюн инсанлыкънынъ набызыны дуйса, о эр тюрлю ишке къадирдир», — дей шаир.

Революция мевзусы А. Ивановнынъ инджадында меркез ер тута. Онынъ садаларына автор бир чокъ лирик шиирлернен къошулды. «Къырлар азабы», «Вакъыт образларда муджессемлене», «Асырнынъ тазелиги» киби тарихий-революцион поэма-ларында революция мевзусы кениш тасвир этиле. А. Иванов озюнинъ лирик-эпик эсерлеринде Туркстанда революцион аркетнинъ инкишафы акъкъында, эмекдарларнынъ революция ве ветандаш дженки йылларында Коммунист партиясынынъ ёлбашчылыкъы алтында эльде эткен тарихий гъаalebелери акъкъында икяе эте.

А. Ивановнынъ лирик поэзиясынынъ образлары ве аэнклер и гъает зенгиндир. Бу зенгинликнинъ менбаы — халкъ аятадыр. Шаир озъ яратыджылыкъы ичюн ильхамны анджакъ шу менбаадан ала.

К. ЯШИН,
Социалистик Эмек Къараманы.



Поэзия

Мустафа Ибраим

ЭЛЯ КОЗЬЛЕР

Базыда баарьнинъ кунеши киби,
Нурлана, къыздыра шифанен толып
Раатсыз севгимнинъ гъамыны силип,
Къаршымда туралар бир мешъаль олып.

Базыда бакъышынъ ойле бир кескин,
О сырлы козьлеринъ йылдырым-яшын.
Къоркъунам, учкъуны тек мени дегиль,
Якъар деп чевре-чет, топракъны, ташны.

Базыда, бильмейим, недендир себеп,
Козъ яшлар козьлерге чекелер перде.
Бу вакъыт къабаат мендедир беллеп,
Юрегим куймекте, далмакъта дертке.

О козьлер бойле олмаса эгер,
Толмаса къуванчнен, ачувнен, яшнен.
Юрегим сабырсыз истекнен ташып,
Бельки де мен сени севмездим, дюльбер.

* * *

• Суръатлы машина дегиль де,
Сабырлы араба тёрюндем.
Ат яваш адымлай ве манъа
Чевре-чет пек яхшы корюне.
Къырларнынъ тёпеси нурлана,
Акъ, индже думанда этеги.
Йылгъанынъ тылсымлы багърында
Юкъсурай къарагъач тереги.
Фырланта орьтюнген кенъ чёллер
Кергенлер мубарек къучагъын.
Гонълюме бир шифа кетире
Акъшамнынъ елемли 'сыджагъы.
Араба йырына, этрафкъа
Динъленим ве сейир этмектем.
Гонълюмде шай енгиль эеджан бар,
Ёкъ къайгъы, ёкътыр гъам, ёкъ элем.

СЕБЕП НЕДЕ?

Сакъландылар кирпичлернинъ талдасында
 Эр корьгенде джыллы бакъкъан сырлы козьлер.
 Фуртунадан эвель санки тал астына
 Сакълангъандай хошландыргъан шень бульбуллер.
 Себеп недир деп ойласам, ёкъ джевабым.
 Шу къальбимден аджеба къыз сыр бильдими?
 Юрегимде алевленген, далгъалангъан
 Дуйгъуларны сезип менден урыктими?!

ТЕРК ЭТСЕНЪ ДЕ

Терк эттинъ деп, элем этмем, дюльберим,
 Сенинъ бахтынъ эр бир шейден абадан.
 Торланмасын, тек нур сачсын козьлеринъ,
 Даима ол сен къуванчлы, сагъ аман.
 Инълесе де гизли дертнинъ сырындан
 Тынч геджеде чапалангъан юрегим,
 Ёкъ, ёкъ, асыл башкъасына урунмам.
 Терк этсенъ де, кеңе севгим бар дерим.

КЪЫШ ҚУНЮ

Кенъ чёллер ёлундам. Чатлатма аяз,
 Не-якъкъа козь этсенъ, тек къар бар,
 къар бар.

Уфукъкъа тийгендже сют киби беяз,
 Чевремде къулан чёлъ, узакъта дагълар.
 Этрафта сюкюнет, чевре-чет чым-чырт.
 Не кийик сес бере, не серт ель эсе.
 Бойле куньде ёлджулыкъ пек агъыр иш.
 Аяздан тен бузлай, къар такъат кесе.
 Зор дегиль шашмалап теляшкъа къалмакъ,
 Озюнъни бир байгъуш, чаресиз санмакъ,
 Мевсимнинъ амансыз зоруна къанмакъ,
 Умюттен кесилип юректен янмакъ.
 Сечилип къалмаса назаргъа эгер,
 Авлакъта сиярып юксельген тютюн.
 Ошай о имдатнен узангъан эльге
 Ве шу анъ гонъюлинъ денъише бутюн.

ОДЖАМА

Бу яшымда
 Пек чокъ шейлер
 Хатиримден силингенлер,
 Корюшювлер,
 эля козьлер.
 Пек чокъ ерлер:
 Абадан ве
 къулан чёллер,
 Буюк шеэр
 уфакъ койлер,
 Къуванч, ачув
 тюшюнджелер
 Отыкен куннен
 бир кеткенлер.
 Ярым асыр
 Кечсе биле,
 Меним иле
 олур бирге,

Куньдюзлери
 козь огюмде,
 Юкълагъанда
 тюшке келе,
 Чанта такъып
 ильки кере
 Къошуларакъ
 буюклерге
 Ёл туткъаным
 мектебиме.
 Унутылмай,
 Насыл этип
 Оджам манъа
 дерс огретип,
 Омузымдан таптагъаны,
 Дерс бильгенде
 макътагъаны,
 Ве башымны сыйпагъаны.

Исмаиль Керимов

УМЕР ИПЧИ БИР ШАИР ОЛАРАКЪ...

Умэр Ипчининъ эдебий яратыджылыгы иле таныш олгъанлар онъа: «инкылябчы языджы», «татар совет эдебиятынынъ темель ташыны къойгъанларнынъ бириси», «татар эдебияты классиги», «татар совет эдебиятынынъ коконде энъ буюк ве парлакъ йылдыз» дейлер.

Умэр Ипчи бойле кыймет кесювлерге акъикъатен ляйыкъ. Ипчи татар эдебиятынынъ учъ эсас жанрында (назм, несир ве драматургияда) хызмет этти. Лякин Умэр Ипчи татар эдебиятында аджаип публицист, киносценарист ве терджиман оларакъ да белли.

Биз бу макъаледе онынъ яратыджылыгында пек аз тедкъикъ этильген ширий эсерлери узеринде токъталмакъ истеймиз.

Ипчи, дигер эдиплеримиз киби, эдебий яратыджылыгыны шиирлер язувнен башлады. Биринджи шиирлери та 1914—15 сенелери Уфада булунгъан кърымлыларнынъ къолязма журналларында дердж олуна. О заманда Ипчи Уфадаки «Алие» медресесинде окъуй эди. «Кърым миллий медениет япыджылыгы ильмий-тедкъикъат институты»нда булунгъан материаллар арасында Ипчининъ шу девирге аит, озъ къолунен язылы шойле къайдлары бар: «Мен энъ зияде эдебият дерсине авесликнен къатнай эдим, о вакъытта бизим эдебият оджамыз, шимди къазантатар совет эдебиятынынъ илери сафында булунгъан Алимджан Ибраимов эди».

Яшлыгыны биревлерге къуллукъта, хызметчиликте кечирген Умэр Ипчи «ичтимаий адалетсизликни балалыкъ чагында корип кечирди». Шу девирде Умэр Ипчи «Медресе» (1915, июнь), «Эвлерге бакъкъанда» (1915), «Босагъа», «Чыракълар», «Кимден ярдым» (1917) киби шиирлерни язды. Шу биринджи эсерлеринден башлап, онынъ «кимнинъ арабасына мингени», «кимнинъ кеманесини чалгъаны» ачыкъ-айдын белли олды. Халкъны эки сыныфкъа (байлар ве фукъарелер) айыргъаныны Умэр Ипчи шойле тасвирлей:

Анавы эвде токъ къурсакълы
агъалар бар,
Мынавы эвде ач къурсакълы
агъавлар бар.

Яхуд:

Анавы эвде залым, шишман
байлар бар,
Мынавы эвде ёкъсул яшлар,
анайлар бар.
[«Эвлерге бакъкъанда»]

Байларгъа «залым» ве «шишман» деген шаирнинъ эльбетте, оларгъа нисбетен достлыкъ назары ола бильмейджеги малюм. Ипчи ялынъыз байларны ве задеканларны дегиль, татар буржуасыны ве онынъ туткъан ёлуны да севмей. Меселя, 1912—15 сенелерде Кърым буржуасы медреселерде реформа япып, диний дерслернен бир сырада дюньявий илимлер де кечильмесини истеген эди. Буржуазия, озюнинъ диний хадимлерге олгъан ихтияджыны медреселер вастасынен темин этмеге ве медреселерни озъ макъсадарына хызмет эттирмеге ынтыла эди. Буржуазиянынъ чыкъаргъан шаматасыны корьген шаир, оларгъа къаршы баш котере. «Медресе» адлы шииринде, медресининъ окъув юрту дегиль де, «бир мезарлыкъ», онда окъугъанлар исе сохта, талебе дегиль де, «гъариб махлюкъ»лар, «сары балавуз»лар деп адландыра. Эппи вакъыт медреселерде окъугъан Ипчи оларны пек яхшы биле ве озюнинъ манзумесинде «медреселерни ислах этмек» дегиль де, оларны ортадан къалдырмакъ нетиджесине келе. Языджы Ю. Болат озюнинъ 1962 сенеси язгъан «Истидатлы языджы» адлы макъалесинде: Ипчи «Медресе» шииринде эски диний мектепке къаршы озюнинъ нефретини бильдирди»—дей.

Капиталистик джемиетнинъ кийик унсурларындан бири — къадын ве къызларнынъ истибдатта булунувдыр. Шу девирде Кърымда капитализмнинъ эзэрли панджалары саф юреккли татар къадынларынынъ богъазларына санчылгъан эдилер. Чюрюмекте олгъан къурум кендининъ къара перделеринен къадын-къызларнынъ айдын ёлуны кесмеге ынтылды. Шаир нисван алемине япылгъан укъукъсызлыкълар акъкъында:

Ёкъмы бир эль къалын, къара перделерни
къопараджакъ?

Ёкъмы бир эль, бу яш къызны азаплардан
къуртараджакъ?!—

«Кимден ярдым!»

деп яныкълай. Дюньяны девирмек, фукъарелерни богъгъан капитализмнинъ демир алкъаларыны узьмек ичюн кучъ керек. Кучълю олмакъ ичюн де бирлешмек керек. Шаир «къардашлар муаббетле бирлешмесини» истей. Зиеетте, хорлукъта инълеген фукъаре къызларны да курешке чагъыра.

Тахкырлерге, нефретлерге,
зультетлерге боюн эгмел
Кер коксюнни, атыл огге, азатлыкны
булурсны
Азап, хорлукъ — къарт омюрден анджа
бойле къуртлурсны

[«Кимден ярдым!»]

Умэр Ипчининъ шу девирде язган «Гъазы Мансур» поэмасына кечмезден эвель, профессор С. М. Петровнынъ «Реализм назариесининъ эсас меселелери» (Москва, 1975) монографиясы хусусында эки сёз сёйлейик. С. М. Петров бир чокъ ерли миллетлернинъ Октябрь инкылябы саесинде догъган бедий эдебиятларыны теджикъ этип, шойле фикирге келе: «Социалистик реализм усулынынъ шекилле-нови, тарихий жанрнынъ инкишафы, миллий кечмишининъ къараманане саифелерине мураджаат этиов бир сыра миллетлернинъ эдебиятларынынъ юксельмесине буюк ярдым косътерди». Умэр Ипчи озъ халкъынынъ къараманане тарихына эссланып кучлю эсер мейданга кетирди. Эсерде реалистик амиллернен берабер халкъ агъыз бедий яратыджылыгындан эфсане элементлери де булунмакъта. Усталыкънен япылган бойле синтез поэманынъ тесирини зияде буюлтмекте.

Мезкюр поэманынъ «эдебий джезттен олдыкъча ишленилип язылганы» 30-нджи сенелерде къайд этилген эди.

Халкъ тарихыны гузель бильген, халкъ агъыз яратыджылыгынен якъындан таныш олган Умэр Ипчи, кет-кете, халкъ къараманы Алим Азамат огълу акъкъында татар совет эдебиятында биринджи кино-сценарийни язды. Онынъ бу саада яраткъан эсери айрыджа дикъкъаткъа ляйыкътыр.

Ипчининъ 1920-нджи сенелерде язган шиірлері узеринде де токътамакъ истейим. Бу сенелер, умумен, «совет санъатынынъ къудретли революцион котерилиши девири эди». О, вакъытларда Кърым совет акимieti тешкиль этильмесине ве пекинмесине озъ эсерлеринен ярдым эткен бир чокъ шаирлер ве эдиплер пейда олдылар. «Олар озъ эсерлеринде, шаркъ халкъларынынъ империализм ве колониализм боюндырыгындан азат олув гъаелерини буюк зеджан иле пропаганда эттилер, диний хурафатларгъа, джаилликке, къадын эсаретине къаршы чыкъышларда булундылар».

1920-нджи сененинъ биринджи ярысында Умэр Ипчи «Сувукъ рузгар тенге ине олып отъсе...» (1921, февраль), «Аллагъа ысьянымъ» (1921, апрель), «Хайриге» (1921), «Балыкъчылар» (1921), «Ильхамымъ» (1923, март), «Джигитке» (1923, апрель), «Ким ёл шашыргъан?» (1923, майыс), «Кене кельди» (1923), «Саргъуш Асан элинде» (1923, ноябрь), «Къызлар» (1923, ноябрь), «День-из» (1923), «Ленин ольди» (1924, январь), «1905— январь 9» (1925, январь) ве дигер кучлю манзуме эсерлер яратты.

Ипчи зерли пычакъларыны къайрап, анылып юрген совет укюмети душманларындан къоркъмай, оларнынъ энъ кучлю таянчына къатты дарбе эндирген «Аллагъа ысьянымъ» адлы ширини язды, алла ве онынъ аркъасында сакъланган джел-

латларгъа шойле сатырларнен мураджаатти:

Джанлар якътынъ, юртлар йыкътынъ,
Ерни къангъа боятынъ,
Нидже бинълер, миллионларле
Инсанларны агълаттынъ,
Саф виджданлар, темиз рухлар,
Гонъюллерни сызлаттынъ...

Дешетли къылыкъларнынъ себепчиси олган дин, эбет, «къатиллерни ве мельунларны йырлатты». Шунынъ ичюн онъа олган эр бир седждени Ипчи «арам седжделер» деп исап эте. Шаир алланен берабер эски чарлыкъ заманыны джемиеттен къувып, янъы девирни тасвир эте.

Янъы ёлум ве йылдызым

Темиздир ве парлакъдыр.

Оксюз къорур, къул къорчалар —

Кучлю джанлар яратыр,— дей.

Шу сенелерде Умэр Ипчи янъы омюрнинъ темизлигини, сагъламлыгыны бутюн къальби ве вуджудынен сезди. Асырлар девамында зиетленген, эзилген халкъ, ниает, сербест экени эр ерде, эр шейде корюнди. Азат халкънынъ аяты, варлыгы артыкъ кендисининъ эллеринде эди. Ипчининъ 1923 сенеси Октябрь байрамына багъышланган «Кене кельди» ширии бойле сатырларнен башлай:

Ишчи халкъкъа урьлик берген

Ал Октябрь кене кельди...

Мазлумларны, ёкъсулларны

Урь турмушнен мудждедеген

Къызыл йылдыз догъган куню —

Ал Октябрь кене кельди!

Шаирнинъ юреги къуванчнен толу. Бу байрам кунюндеки къуванчларыны бутюн эмекчи халкъларнен болуоше:

Бугунъ санъа буюк байрам,

Эй, урь, азад, аким ишчи!

Ишчи ве койлюнинъ акъикъий уриети, айдын ёлу, эбет, ал Октябрь олды.

Языджи Джемиль Сейдаметов озюнинъ «Эдебиятымызгъа бир назар» серлевхалы макъалесинде 1920-нджи сенелернинъ башында Кърымдаки вазиетни косътерек: «Кой фукъареси, ыргъаты ве орта аллыларынынъ такъатсыз къысымы ачлыкътан башына тюшкен чокъмардан айынып, артыкъ озъ сынфий менфаатыны анълай башлады»— деп яза. Занымызджа, койлю ве ишчилернинъ кенди «сынфий менфаатны анълавы» ичюн Умэр Ипчи ве онынъ киби дигер шаир ве эдиплеримиз яратыджылыгынынъ буюк файдасы олды. Джемиль Сейдаметов (Бузлы) сонъ йылларда У. Ипчининъ аятыны ве яратыджылыгыны козден кечиргенде: «Умэр Ипчи озюнинъ бир чокъ эсерлеринде янъы яшайышны терен севгинен косътерди»— деген фикирни къайд этти.

1920-нджи сенелернинъ биринджи ярысында У. Ипчи шириетте артыкъ буюк мувафакъиет косътере башлады. Бунъа мисаль оларакъ онынъ «Деньиз» серлевалы манзумесини косътермек мумкюн. Бу шаир 1936 сенеси Арсений Тарковский тарафындан рус тилине чевирилип, дердж олунды. «Буюк бедий усталыкънен язылган «Деньиз» де манзаранынъ тасвири акъырын-акъырын инкишаф этип, «исъян-

гъа азырлангъан» денъизнинъ уйкъу ал-
дындан, эски къурумнынъ «кулони кокке»
савурмакъ ниетинен къутурувы буюк бир
джошкъунлыкъ, айны вакытта назиклик
ве мулжаймлик иле берильген. Шаир, бу
табиат ташкынына къаршы чекильген
«седлерге» мураджаат этерек, шойле дей:

Ташкын рухкъа сенинъ чорюк
седлеринъ ич даянырмай!
Кулю-кокке, ур-ра! Исьян!
Эп аэнкли музыканен...

Шаир бу исьян котерген денъиз манза-
расы саесинде ичтимаий адисени — рево-
люцияны тасвирлеп, «ташкын рухнынъ»
ич бир тюрю «седлер» тарафындан токъ-
татыламайджагъыны, оларнынъ котерилип
атыладжагъыны, революция, шубесиз, гъа-
лебе къазанаджагъыны ифаделеди.

У. Ипчининъ о девирдеки эсерлери ара-
сында юксек севиенге котериле бильген,
терен фельсефий мана догъургъан эсери
«Ленин ольди...» манзумесидир. Ипчи он-
да бир чокъ тасвирий васталардан файда-
лангъан ве юксек бедийликке саип ол-
гъан. О, вакытта, 1924 сенесинде, «Улу
Октябрь инкылябынынъ дайиси Ленин
вефат этти»... деген яныкълы хабар
дюньяны сарытты. Бютюн дюньяда ишчи-
лернинъ ве койлюлернинъ къальплерини
матем къаплады. Ве ялынъыз инсанлар
дегиль, «юдже дагълар да инъледилер»,
«денъизлер агъладылар», чюнки бютюн
дюнья эмеддарларынынъ къайдыны чеккен
улу юрекиннъ урувы токътады. Шаир бу-
нъа инанмады. Чюнки Лениннинъ юреги
миллионларнен намуслы инсанларнынъ
кокюслеринде урмакъта.

Ленин ольмез!
Онынъ буюк руху яшар!
Ленин ольмез,
Чюнки ольмез дехаси бар.
Бизле къалгъан
Челик къалкъан —
Коммунистлер партиясы бар!

Шу сенелерде базы эдебият «назарие-
джилиери»: «Пролетариат ве койлюлер со-
вет эдебиятыны догъурып оламазлар» —
деп къычыра эдилер. Ама социалистик
реализм усулыннен иш корьген У. Ипчи
киби шаир ве языджыларымыз бу фикир-
нинъ янълыш экенини исбат эттилер.
М. Шолохов, социалистик реализм усулы-
нынъ озеги неде экенини анылаткъан ва-
кытта шойле дей: «Социалистик реализм
санъаты — янъы аят къуруджылыгъында
фааль хызмет косьтерген санъаттыр. Со-
циалистик реализм, бу аят акыкъатыдыр.
Лениндегъ партиявийлик нокътаи назарын-
дан иш корьген акыкъаттыр».

Ипчининъ «Аят — курештир» (1926, ян-
варь), «Бир назар» (1926, майыс), «Тарих
текрар дегильдир» (1926, сентябрь), «Сак-
ко ве Ванцетти» (1927, август), «Янъылар-
гъа янъы элифбе» (1928), «Къызыл аскер»
(1928) ве башкъа шиирлеринде юкъарыда
айткъан фикиримизнинъ (М. Шолоховнынъ
сёзлерини назарда туттыгъымыз алда) там
исбатыны корьмек мумкюн. Айдын халкъ
тилинен, саде, лякин дерин фикирли эсер-
лер яраткъан Ипчи, ичтимаий меселелерни
де олдукъна анылайышлы тасвир этмеге
тырыша.

Бир авуч буржуй
Чалгъы-чагъана,

ур патласын — той...
Мильярд инсан устюнде
«Чалыш эшегим — арпа,
Йылындан — курьпе!»
Аят сюре.

«Аят — курештир»

Шаир, кой ходжалыгъыны коллектив-
лештирюв девиринде койлерде совет акы-
метининъ достларъгъ ким, душманлары
ким экенини озь эсерлеринде ачыкъ кось-
терди. Онынъ озь яратыджылыгъына
джиддий янашкъаны акъта бир чокъ ма-
къалелерде сёз юрютиле. «Аят — куреш-
тир» шиيري акъкъында сёз юрютир экен-
миз, ондаки меракълы бир алны да къайд
этмек истейим. Ипчи, 1926 сенеси «Окъув
ишлери» журналында дердж этильген бу
эсеринде «электрификация» сёзю янынъда
«силязация», «Капиталгъа олюмизация»
киби келимелер къуллана. 1928 сенеси
«Куреш ичюн» адлы шиирлер китабыны
нешир эткенде исе базы дигер шиирлер-
нен берабер бу шиирни де янъыдан ба-
къып, онда баягъы тюзетмелер япа ве
«силязация», «олюмизация»гъа бенъзер
сёзлерни силип, оларнынъ ерлерине шой-
ле сатырларны къоша:

Капиталистке,
Империалистке
Помещикке —
Эписине, эписине,
Инс ве джынске къаршы
Тракторле,
Чёкючле,
Аэропланле, танкле,
Къылычле,
Исьянке,
Къыямле...
«Къангъа бинъ къан,
Джангъа бинъ джан»
Олып куреш!

Бу ве бунъа бенъзеген шиирлерде
Умэр Ипчи сёзнинъ къуветини, тесирини
арттырмакъ макъсадыннен эр бир келиме-
ни айры сатырда яза.

«Къызыл аскер» шииринде сатыр ве
сёзлернинъ тизилиши башкъа шекильде-
дир. Бу ерде олар «аскер маршы» нагъ-
месине таби оларар.

Сафлар сыра тизильдилер
«Илери!»

«Бир — эки — уч!» —
Енельдилер,
Парлады эп сюнгулер...
Къызыл аскер баскъан ери
Эп титреді,
Ташлар биле эзильдилер.

Яхуд:

Айды, достлар, эль-эльге
Илери, эп илери!
Нишанынынъ догъру ал,
Янсың душман юреги!..

Шаирнинъ инкылябчы руху, арды ке-
сильмез шелляле киби чагълай. Онынъ
къалемі алтындан вира дюльбер, къу-
дретли сатырлар чыкъа. О, муреккеп аят-
нынъ бир чокъ саалары акъкъындаки
эсерлеринде дерин фикирли ве маналы
муим меселелер котере.

Инкылябчылар — къоркъу бильмез

къараманлардыр. Олар озь гъаелери огъ-
рунда куреште ялынъыз кучлюклерге чы-
дамакъ дегиль, джанларыны биле къурбан
этмеге азырлар. Умэр Ипчининъ «Сакко
ве Ванцетти» акъкъындаки манзумеси ой-
ле къараманлар акъкъындадыр. Миллион-
ларнен ойнаган Фоллер ве Файер киби
империалистлер, эмекчи халкънынъ азат-
лыгъы огърунда курешкен Сакко ве Ван-
цетти ичюн олюм укюм-къарары чыкъа-
рылувына ве оларнынъ электрик курсю
устюнде ольдюрлюкюне мувафакъ олды-
лар. Сакконнынъ сонъки сёзлери душман-
ларнынъ юреклерине къуршун киби сап-
лана.

Биз ольмейджекмиз!

Не сатыр, не къуршун,

Не де курсю

Бизни артыкъ ольдюремез...

Сакко келеджекке инана ве огълуна
берген сонъки насиаты бир программа
киби янъгъырай:

Сен яшай
Янъы бир аят яса.
Яш юрегинъ даима
Инсаниет ичюн урсун;
Даима урсун!
Иште — бу
Джеллят!
Вер' токул

Джеллятлар эки къараманнынъ тенине
ток йибердилер.

Эки къурбан —
Сакко, Ванцетти
«Медениет» курсюсинде
ольдюлер;

Оль — дю — лер...
Къаралы ал байракълар
Шейтлерге боюн эгдилер,
Эгильдилер;
Ах, эгильдилер...

Сакко ве Ванцетти бутюн омюрлерини
эмекдар халкънынъ азатлыгъы ичюн ку-
реште, джанларыны фида эттилер. Олар-
нынъ олюми бизни эеджангъа кетире.
Юрегимизде империалистлерге къаршы
нефрет, Сакко ве Ванцеттиге, нисбетен
хош дуйгъулар догъура.

Умэр Ипчи бу девирде де (1926—28)
пек кучлю, инкъилябий рух ташыгъан ман-
зумелер ярата.

1928 сенеси «Кърым Меркезий янъы
элифбе комитети» Ипчининъ шиирлерин-
ден энъ яхшыларыны сайлап, «Куреш
ичюн» адлы китабыны нешир этти. Айни
шу сене «Окъув ишлери» журналында бу
китап ве онынъ авторы акъкъында: «Та-
тарларнынъ отъюр, инкъилябий драма-
тургы ве шаири Имэр Ипчи аркъадаш-
нынъ шиирлер китабы нефис суретте ба-
сылмыш, шаирин суретиле, нешир этиль-
ди» деген сатырлар азылды.

Бу джыйынтыкъ нешир этильген сонъ
Ипчи бир аз вакъыт шииреттен «четке
чекильди». Драматургия ве несир эсерлер
яратуванен ве классик азыджыларнынъ
эсерлерини татар тилине терджиме иле
мешгъуль олды.

Лякин эдебий яратыджылыгъыны шиир-
лерден башлагъан Ипчи, эр алда, шиир-
еттен «къуртулыб» оламады. Сийрек те
олса, манзуме эсерлер язувны девам эт-

ти. 1928 сенесинден сонъ язгъан шиирле-
ринден: «Тойса домна — тоярмыз биз»
(1930), «Бир майыс» (1931), «Рельслер мар-
шы» (1931), «Бизим геджелер» (1935) буюк
дикъкъаткъа лайыкълар. Оларда, Ипчи-
нинъ даима девирнен берабер илери
адымлагъаны ве мемлекетимиздеки беш-
йыллыкъ планларнынъ мувафакъиетле эда
олунувы онынъ яратыджылыгъынынъ мун-
дериджесини зияде зенгинлештиргени
корюльди.

Ударник бешлики
Толдура дёрт йылда.
Бунъа да къанмайып,
Нефтининъ беш йылын
Толдура о, таман,
Эки бучукъ йылда.

«Бир майыс»

Шаир совет мемлекетининъ икътисадият
ве медениет саасындаки къазанчлары ка-
питалистлер дюньясынынъ ачувыны ве
интикъамыны арттыргъаныны билди, олар-
гъа джесюране хытаплар быракъа.

Пек билемиз, окенъиз
Дерья киби ташадыр.
Юкунъыз да Къаф дагъы
Аркъасына къачадыр.
О юкъусыз геджелерде
Уйдурасыз сиз ялан —
«Меджбурый эмек» дейсиз,
«Демпинг» дейсиз,
«Чортпинг» дейсиз.
Лякин шуны билинъиз ки,
Бу масаллар бизге кечмез,
Озь улькенъиз ишчиси де
Ялан чокъракъ суву ичмез.

«Бир майыс»

Социализм къурувда екане, даа яш
девлетимиз, о, вакъытларда капиталистик
мемлекетлернинъ уджюмине къаршы ту-
ра билмеси ичюн кучлю олмакъ, аз
вакъыт ичинде халкъ ходжалыгъымызнынъ
бутюн салларыны котермек, юксельтмек
керек эди. Ишчилер ве койлюлер, алим-
лер, арбий хадимлер, эр кес, озь зенааты
боюнджа Коммунист партиясынынъ ёл-
башчылыгъы алтында буюк ве муим иш-
лер яптылар. Ипчининъ сатырлары да, ди-
гер шаир ве азыджыларымызнынъ ки-
би, вира къавийлешти, эп гурьделенди-
лер.

Эр бир заводымыз — бир къальа!
Эр бир колхозымыз — бир аркъа!
Эр трактор — бир кулле!
Бу эр кулле — капиталгъа

Олюм бере!

деп язды Ипчи.

Бойлеликле, совет эдебияты мемлекети-
мизде гъает муим ве джиддий проблема-
ларны аль этювде огърашкъан девирде,
1930-джы йылларнынъ орталарында Умэр
Ипчининъ яратыджылыгъы да осьти, къа-
вилешти ве юксек севиеге котерильди.
Онынъ бедий усталыгъынынъ татар совет
шаирлери яратыджылыгъына буюк тесири
олды.

Умэр Ипчи бу йыл 85 яшында оладжакъ
эди. Онынъ эсерлери эсасында эдебияты-
мызнынъ ве санъатымызнынъ чокътан-
чокъ несиллери тербие коръдилер. Меде-
нитимиз Умэр Ипчиден гъает миннетдар.



ХАЛКЪ ЧАЛГЫДЖЫСЫ

Этрафтаки койлерде чобанларнынъ одаманы олгъан Зиядин Хайрединни бильмеген, онъа урмет этмеген адам ёкъ эди. Бу урметни о, намуслы эмеги саясинде къазанды. Одаманнынъ аилесинде учъ огълан ве алты къыз олды. Баба, оларнынъ гузель тербис алып, джемиетте ляйкъ иш саиби олып яшагъанларыны истеди. Лякин о вакъытларда фукъаре адам ичюн окъув-язуунен эгърашмагъа имкъан ёкъ эди.

Зиядин къартбаба озъ огъуллары Рамазан, Хайредин ве Мусединни озюнен бербер дагъгъа алып, оларгъа баба-деде зенаатыны, чобанлыкъны огретмеге тырышты. «Зенаат — къанаттыр!» деди огъулларына. Огъланлар бу ишни авесликнен огрендилер, бабаларына ярдым этип, онынъ эмегине озъ эмеклерини къоштылар. Баба огъулларынынъ ишинден мемнун олды.

Рамазан энди кемалына кельген, иште пишкинлешкен къырджыман йигит олып, къоюн бакъувнынъ бутюн сырларыны, инджеликлерини огренгенде, апансыздан бабасы вефат этти, Бабасынынъ ерине одаман Рамазан олды ве бу ишни чокъ йыллар девам этти.

Ортанджы огъул Хайрединде музыкагъа, санъаткъа истидат ее авеслик барлыкъы корюльди. Хайредин пек яшылыкътан музыка иле огърашып башлады. Лякин омюри къыскъа экен, озъ ниетине иралмады, он секиз яшына кельмезден, вефат этти. Бундан сонъ Рамазангъа, онъ кучюк къардашы Мусдин, чобанлыкъ ишинде ярдымджы олды. Яш олса да, чобанлыкънынъ бутюн сырларыны огренмеге тырышты.

Совет акимистининъ ильки йылларында мектеплерде окъумакъ ичюн фукъарелерге кениш ёл ачылды. Муседин къышта мектепте окъуды, язда исе къырларда, яйлада чобанлыкъ этти. О, музыканы да пек севе эди (агъасы Хайрединнинъ тесирли себебинден), бу авеслик нетиджесинде озюне чобан къавалы ясады. Чокъ вакъыт кечмеден, къавал чалувы огренди. Ондан сонъ озюне тулупзурна ясады ве аз вакъыт ичинде оны да гузель чалмагъа огренди.

Бааръде, кузьде чайырлар ве къырларда, язда исе Чатыр дагъда — яйлада къоюнлар яйрап отлагъанда, я да раатлыкъта экенде онынъ къавалы, яки тулупзурнасыннынъ къуветли, хош аэнки янгъырай эди.

Мусединнинъ музыкагъа авеслиги, миллий музыка алетлеринен мешгуль олувы йыл-йылдан артты. Он докъуз яшында экенде, онда энди кларнет чалувгъа авеслик догъды. О озюне кларнет эльде этти ве оны да чалып башлады. Бу иште Мусединге кимсе ярдым этмедди, онъа ялынъыз музыкагъа авеслиги, шахсий истидады ве исарлы эмеги ярдым этти. Къартларымызнынъ: «Не тутсанъ, къави тут!» деген сёзлери Мусединнинъ эр кунъки ярдымджысы олды. Кларнетни де, къавал ве ту-



МУЕДИН КЛАРНЕТ ЧАЛА.



Ресимде: 1935 сенеси Бүтөнсоюз конкурсында, 9-нджи окычылар полкы арбий миллий вокаль-чалгы ансамблинин бир группасы. Биринджи сырада (сагдан) Мүедин тулупзурнасынен. Экинджи сырада (солдан): оюнлар ребери, артист Халилов, композитор Я. Шерфединов, Кызыл аскерлер эвининь (ДКА) башы, ансамблинин арбий ёлбашчысы Петухов. Учюнджи сырада (солдан): оюнджылар Гульсюм Сейдаметова [1945 с. 2-нджи Белорусие джебесинде оюнджылар группасынен «Тым-тым» оюныны иджра эткен эди. Шимди Москвада] пе Зоре Пармаксызова.

лупзурна киби, тез ве мүкеммель ог-ренди.

Мүедин 1934 сенеси Кызыл Ордуга чагырылды. Аскерлик хызметини Симферопольдеки докъузынджи пияде аскер полкында кечти. Арбий хызметте экенде де казармада-кызыл кошеде, аскерлер клубында ве озь аркъадашлары арасында чалгы чалувыны девам этти.

Буны корьген полк командири Биргин ве комиссар Сеит-Халиль Чалбаш полктаки авескярлардан миллий йыр-чалгы ансамбли тешкиль этюв ичюн эмир бердилер. Ансамблинин ёлбашчысы Мүедин тайин этильди. Репетициялар башлады. Ансамбль арбий кысымларнын кызыл кошелеринде ве полк клубында чыккышлар япа башлады.

Чоккыа бармай, ансамбль тек командирлернин ве аскерлернин дегиль, айны заманда, Кырымы девлет драма театри артистлеринин де назар диккъатыны джелъ этти. Сонъра ансамблеге ярдым ичюн радио комитетнинь музыка ребери Яя Шерфединовны, девлет драма театри артистлеринден Ибраим Халилевни, Пармаксызованы, Гульсюм Сейдаметованы ёлладылар. Ансамблининь репетициялары энди теджрибели артистлер ве музыка мутехассыслары ёлбашчылыгы алтында кечириле эди.

Бир къач вакытлардан сонъ ансамбль полк клубында ве шеър истисал оджаклары клубларында буюк концерт программасынен чыккышларда булунды. Мүедин озю бу концертлерде чешит алетлерде халкъ аваларыны иджра этип, аскер-

лернинь ве эалининь буюк итибарыны къазанды.

1935 сенеси Кырымдаки арбий авескярлар ансамбллерининь конкурсы кечирильди. Бу конкурста Мүедин озюнинь миллий музыка алетлеринен иштирак этип, мувафакьет къазанды. Хусусан, къавал ве тулупзурна чалгъанда, бүтюн темашаджылар айретте къалдылар. Кене шу 1935 сенеси Харьковда бүтюнсоюз арбий авескярлар ансамбллерининь конкурсы кечирильди. Конкурста юзден зияде арбий авескяр ансамбллери, шу джумледен докъузынджи полкнынь элли учь адамлыкъ арбий йыр-чалгы ансамбли иштирак этти.

Конкурста Мүедин оркестр иле бирликте ве айрыджа озь музыка алетлеринен де чыккышта булунды ве бүтюн темашаджыларны айретте къалдырды. Жюри азалары ве залда отурганлар тулупзурнанынь хош ээнкини ишитмек ичюн Мүединни текрар-текрар санагъа чагырды, онъа эль чырпылар.

Музыка алетлерини ишлетювде ве миллий аваларны иджра этювде Мүединнинь истидады ве усталыгыны корьген мутехассыслар оны иштитировлерде иштирак этмек ичюн радиогъа чагырдылар. Сонъра Мүедин Биринджи бүтюнсоюз радио фестивалинде иштирак этти.

Мүедин 1936 сенеси Ордуда хызмет вакытында, музыка техникумына окъумагъа кирди, музыка саныаты боюнда белли дереджеде тасиль алгъан сонъ, Алуштада клуб мудири олды ве анда яшлардан авескярлар ансамбли тешкиль этип, районларда, койлерде концертлер берди.

Соңундан «Большевик» колхозынынъ реиси Кязим Арабаджы истидатлы чалгъыджы ве тешкилятчы Муедин Хайрединовны озы колхозынынъ клубына ишке давет этти. Кърым муваккъат оларакъ немсе арбий кучълер элинде булунгъанда, немсе ягъмаджылары тарафындан Шума койинде къуршунгъа тизилген он бир коммунист арасында Кязим Арабаджы, Муединнинъ догъмыш аптеси Эдие Меметова, эмджесининъ огълу Ибриш Муслидин де бар эдилер.

Муединнинъ озю дженк башлагъан сонъ, бутюн совет адамлары киби, Ватанны къорчаламагъа кетти.

Дженюбий джебзенинъ 534-нджи пияде аскерлер полкы эркянында урушларда иштирак этти. 1941 сенеси октябрь 20-де Джанкой орталыгында агъыр яраланды, 143-нджи медсанбаткъа тюшти, сонъра 171-нджи госпиталь вастасы иле Кавказгъа чыкъты, анда тедави олунды. Тюзельген сонъ, кене джебзеге кетти. Польшаны азат этювде шиддетли урушларда къолундан яраланып, медсанбаткъа тюшти. Тюзельген сонъ, экинджи Белорусие джебзесинде озюнинъ 492-нджи пияде аскерлер полкы эркянында Одер неэрини кечип, Балтыкъ ялыпарындан Берлинге догърулгъанда, яни Гъалебеге бир къач кунъ къалгъанда учунджи кере агъыр яраланды. Гъалебе байрамыны Братислава шеэриндеки Ярославль завокогоспиталинде япты.

Дженктен сонъ Муедин Бекабад ше-

эринде яшады, Фархад электрик станциясы къуруджылыгында чалышты. Къуруджылыкъ биткен сонъ эт комбинатында ишледди.

Хайрединов 1970 сенеси пенсиягъа чыкъкъан сонъ да ишлевни девам этти, музыкагъа севгиси исе оны раат къоймады. О, авескярлардан чалгъы такъымы тешиль этип, чешит ерлерде концертлер берди.

Джебз къараманы, Кызыл Йылдыз ордени ве бир сыра дженкявер медаллернинъ саиби Муедин Хайрединов озю чалышкъан эт комбинатында намуслы эмеги иле итибар къазанды. Исрарлы эмек фалиети ичюн «В. И. Лениннинъ 100 йыллыгъы» юбяттей медалинен, «Онынъ беш йыллыкъ илериси» нишаны ве «Эмек Ветераны» медалинен мукафатланды.

Яшлыгында чобан, сонъра аскер, дженк ве эмек ветераны, бутюн омюринде истидатлы халкъ чалгъыджысы олып кельген бу адам гузель аиле саибидир. Рефикъасы Эдие аман-аман отуз йылдан бери бухгалтер олып чалыша.

Бу муаббет къорантада эки бала осип етишти. Уйкен къызы Эмине эджнебий тиллер оджасы, кучюги Анифе, бабасы киби, саныаткъа, музыкагъа мейиль берди ве музыка окъув журтунунъ оджасы олып чалышмакъта.

Муедин Хайрединов шимди торунлары Зарема ве Османны тербиелев иле мешгуль.

ИЛЬКИ КОНЦЕРТ

Бу иш 1956 сенеси майыста олды. «Ботаника» адлы раатлык эви бедий авескярлар төгерегинде иштирак этмек истегенлер язлык клуб санасында топланмакталар. Олар отпускарлары вакытында раатланмак ичюн мемлекетнин чешит кошелеринден кельген ишчилер, студентлер, хызметчилер.

Медений тедбирлер ёлбашчысы ве тешкилятчысы кыркк яшларында юксек бойлу Олег Александрович йырламак, ойнамак ве бир шей окымак истегенлерни джедвельге алып, эписини манъа ёллай. Мен исе бир афта эвельси бу раатлык эвинде аккордеонджы вазифесине ишке кирдим. Эмек фаалиетим шимди башламакта.

Яныма яш, гузель кыыз кельди. Сесисолугъы чыкмай. Бир шей айтаджакъ, утана. Мен ондан:

— Не япмак истейсинъиз?— деп сорайым.

— Бильмейим,— дей.

Онъа бир талай земане йырлары теклиф эттим, бегенген тюркюсини сайлап алдык. Кыыз оны бир къач кере йырлады, шай этип, кызынын репертуары азыр олды. Соңра дигер йырджыларнен ве оюнджыларнен мешгулиет откердим Олег Александрович эр бир иштиракчинин репертуарыны дефтерине язды. Уч саат сюрген мешгулиетимизге екюн чектик. Базы нетиджелер эльде эткенимиз сезильди. Вакыт битти, артык эвге къайтмагъа азырлангъанда, янымызгъа къара козлюкли, сия мыйыклы, орта яшларында адам кельди. О, мешгулиет вакытында кенарда, скемледе отуруп, эр бир йырджыны, оюнджыны дикъкъатнен динълемекте, озо тосат-тосат тюрлене бермекте эди. Эгер йырджы яхшы йырласа, онъа мемнуниетле бакъа, кулюмсирей, тюркюнин иджра этилювини бегенмесе, адам ёк тарафкъа чевириле эди.

— Мен йырламак истейим... ама ноталаргъа бакъып чалмак керек,— деди козлюкю адам.— Солист дегилим, лякин опера театри хорында йырлайым. Иште, ноталарым.

Мен ноталардан анъласам да, бир кереден Жермоннын «Травиата»сындан ария чалмагъа икътидарым ёк.

— Шимдилик ноталарнен таныш олыныз, соңра башлармыз,— деди о мени джесаретсизлигимни абайлап.

Он беш дакъкъадан соң киши кене якъынлашты. Таныш олдык. Ады Ашот Афанасьевич экен. О, ачык тембрли, аджайип сесле йырлады. Мен аккордеонда сил туттым.

Сен озь улькенни унуттынъ,

Догъмыш Провансны быракътынъ...

Сесинде насылдыр ишанч, къувет, дюль-

берлик сезильди. Оны башкъаларнын сеслеринен тенъештирмек мумкюн дегиль. Мен ариянын ортасында янлышып, токталдым, о йырламакта девам этти.

— Не? Кыйынмы ёкса?— деди манъа Ашот Афанасьевич, арияны битирген соң.

— Фортепиано партиясыны аккордеонда чалмак бираз онъайтсыз, ама эки кунь ичинде мытлакъа огренирим,— деп джевап бердим мен.

— Ничюн эки кунь ичинде?— Олег Александрович тааджилленди.

— Бугунь акъшам саат секизде концерт... Бизде бойле тертип. Бир мешгулиеттен соң концерт,— деди озкони сыкъмадан.

Мен шашмаладым, не дейджегини бильмедим, чюнки концерт программасына кирсетилген номерлернин эписи даа хам, яхшы азырланылмагъан эди. Ялыныз бир мешгулиеттен соң санагъа, сейрджилер огюне насыл чыкъарсынъ?

— Мен насыл йырлайджам?— деди Ашот Афанасьевич.

— Февзи истидатлы йигит, акъшамгъаже ноталарны огренир. О, Огинскийнин полонезини дахи чала,— деди Олег Александрович ве манъа бакъып, кулюмсиреди.— Санагъа башта сен чыкъаджакъсынъ... полонезни иджра этеджексинъ.

Мен бу иштен ред этмеге азырлангъан арада, Олег Александрович: «Эр шей сыр-асында олур» деп, мени тынчландырмагъа тырышты. Ашот Афанасьевич исе, тешкилятчынын санъаткъа бойле енгиль мунасебетини корип, окели алда клубдан чыкып кетти. Ама кетеджекте, акъшам концертни сейр этмеге келеджегини айтты. Мен, акъшам сейрджилер огюнде масхара олламак ичюн, бир дефа даа репетиция япмак ниетинен бутюн кунь концерт иштиракчилерини кыдырып юрьдим. Йигирмие якъын тюркюни ве оюн авасыны хатирде тутмак керек. Мен исе бугунь омюримде ильки кере санагъа чыкъаджакъым.

Бойлекиле, кунь кечип кетти, акъшам олды. Раатланджылар акъшамлык ашны ашап, ашханеден догъру язлык клубкъа ёл туттылар. Бедий авескярлар төгерегинин иштиракчилери: йырджылар, оюнджылар, эсер окъуйджылар энди чокътан санада эдилер ве эр бири озь ишини яхшы иджра этмек ичюн озь номерасын текрарламакта. Тешкилятчы программаны бир кере даа бакъып чыккытты. Адамлар залгъа кирип, стулларгъа ерлешмектелер. Зал ичинден сеслер ишитильмекте.

Йырджылардан бириси яваштан пердинин кенарыны ачты. Мен залда адам чокълыгъыны коръген соң пек раатсызландым, зеджанландым. Эллерим, аякъла-

рым йиберилип башладылар. Саат секиз олды. Сейирджилер артыкъ эльчырпмакта-лар. Олег Александрович санада о якъ-къа-бу якъкъа чалкъалай: «Февзи, сен азырсынъмы?»—деп сорай. Мен бир шей-лер сёйлемек истедим, ама сёйлеп олам-адым. Эеджанлангъанымдан, самайларым-даки дамарларда къан ойнамакъта, вуджу-дым терли. Этрафымдаки адамларны коръмейим. Кендими терен чукъургъа тю-шип кеткен уфакъ, такъатсыз адамчыкъ-къа бенъзеттим. «Бу меним агъызымнынъ къашыгъы дегиль.» деп тюшондим мен. Олег Александровичнынъ санагъа чыкъ-къаныны, перде ачылгъаныны биле дуй-мадым. О, сейирджилерни тебрикледи.

— Программанызынъ биринджи но-мери Огинскийнынъ полонези...— деди. Сейирджилер гурюльдетип эльчырпты-лар.— Аккордеонда истидатлы, яш чалгъ-ыджы Февзи Алиев иджра этеджек!

Кене эльчырпмалар. Санагъа ильки се-фер чыкъкъан чалгъыджыны сарып алгъан эеджанны сёзнен анылатмакъ пек кучъ. Стулгъа къадар о еди-секиз адымлыкъ ер-ни буюк къыйынлыкъле кечтим. Йигирми сене ичиндеки мешакъкъатлы балалыгъым ве осьмюрлигим... дженк йыллары, бомба патлавлары, сокъакъта яралыларнынъ таш-ылгъаны хатириме кельди. Биринджи сыра-да отургъан Эдем ве Алим достларынынъ давушлары мени бу далгъынлыкътан чы-къардылар. Олар манъа «чал» деп, юрек берелер. Лякин манъа не олды?! Озь-озюмни джойдым. Элим ве пармакъларым мени динълемейлер. Ниает, озюмни къол-гъа алдым. Пармакъларымны аккордеон-нынъ дёгмелерине бастым, джураатсыз ал-да чала башладым.

«Янъылып, башкъа дёгмелерге басмаса эдим» деп тюшондим. Лякин тамам бойле вакъытта къалтырагъан пармакъларым ме-ни шашмалаттылар. Башкъа нота даа янъ-гъырап етиштирмедим, мен кене керекли аваны тапып чалмакъны девам эттим. Вуд-жудым ойле кучълю титреп башлады ки, аккордеоннынъ сеси арасындан, залдаки насылдыр къартананынъ:

— Гъарипчик, эеджанлангъанындан, тизлери титремакте,— дегенини ишиттим.

Бу вакъыт пармакъларым мени текрар чыгъырдан чыкъарды, лякин тез-тез ке-рекли нотаны къыдырып таптым. Чалувны девам эттим. Залда кулештилер ве оксюр-дилер. «Не къадар айып шей... залда дост-

ларым да отурмакталар...» деп тюшон-дим мен, шу эснада вазиятимни тюзетмек ниетинен музыканынъ экинджи къысымы-на кечтим ве кене янълыштым. Токътал-дым. Сонъра: «Чалмакъ керек»— дедим ичтен озъ-озюме, ама агъыр бир юк омуз-ларым устюнден басып тургъан киби кель-ди, фикирлеримни бир ерге топламагъа кедер этти. «Айып! Айып!» деп тюшондим мен. Санадан, сейирджилерден къоркъ-тым. Шу вакъытта кимдир залдан:

— Эде яхшы чала эдинъ де, мында ничюн чибинлейсинъ? Къоркъма! Биз мын-дамыз!— деп къычырды.

Бу Эдемнинъ сеси, оны таныдым. Сес манъа джесарет берди. Озюмни эльге ал-дым. Чокъ тюшонип турмадан, полонезни джесаретли чалувны девам эттим. Баягъы енгиллештим, энди титремейим, янъылыр-ым деп де тюшонмейим. Буюк дикъкъат-ым гениаль музыканынъ тюзгюн, аэнкли макъамында. Шу вакъытта кендими санада шорбаджы сыфатында ис эттим, озюме бу-тюн сейирджилернинъ дикъкъатыны джелъп этмеге тырыштым. Мен энди ойле къувана эдим ки, насыл этип музыканынъ сонъуна келип еткенимни дуймадым. Му-зыка битти. Сукюнет асыл олды. Мен стул-дан бир кереден къаркъып оламадым. Сейирджилер эппи вакъыт индемей отур-дылар, гуя сукюнетни бозмагъа къоркъа эдилер. Эсимни топладым. Перде бетке бир къач адым атып, ильки оларакъ сей-ирджилерге эгильдим. Шу вакъытта эль-чырпмалар башлады, кок гудюрдеген ки-би олды. «Бис! Бис!» деп къычырдылар. Олег Александрович элимден тутып, сана-гъа чыкъарды.

— Бугунъ Февзи Алиев омюринде би-ринджи кере санагъа чыкъып, музыка иджра этти,— деди о.— Фикиримдже, фе-на олып чыкъмады! Ойле дегильми?

Сейирджилер текрар эльчырптылар. «Концерт девам этти. Мен аккордеон чал-дым, йырджылар йырлады, оюнджылар ойнадылар. Концерт акъшам кеч мааль-де битти. Бундан сонъ озюмнинъ пек ёрул-гъанымны дуйдым.

Сейирджилер дагъылдылар. Яныма Ашот Афанасьевич кельди. Элимни сыкъты.

— Гузель... деди о, хошнут чехре иле.— Истидат бар. Окумакъ керексинъиз!

Бу сёзлер къулагъымда аля чынъла-макъта.



Эдебият ве санъат хаберлери

ЮЛИУС ФУЧИК МУЗЕЙИ

Озбекистан эмеддарлары чехословакия халкъларынын миллий къараманы, белли публицист Юлиус Фучикнинъ адыны буюк сайгынен аналар. Фучик 1930, 1934 ве 1935 сенелери Озбекистанда булунып, онынъ эмексевер адамлары, койлери ве шеэрлерининъ аяты хусусында репортажлар язды. Бир чокъ эмек адамларынен танышты, достлашты.

Юлиус Фучикнинъ яраткъан репортажлары аля буюк меракънен окъула. Муэллиф олар васытасынен окъуйджыларны озбек аятынен, миллий адетлеринен ашна эте.

Бу сене республиканынъ пайтахты — Ташкент шеэринде Жуковский сокъагындаки 54-нджи эвде Юлиус Фучикке багъышланып ачылгъан мемлекетимиздеки екяне музей бу аджаип инсангъа бильдирилген миннетдарлыкъ бельгиси олды. Музей залларына къоюлгъан экспонатлар Юлиус Фучикнинъ аятындан, иджадий фаалиетинден икяе этелер. Бу ерде Чехословакия къараманы язгъан ве бир чокъ халкъларнынъ тиллерине чевирилген китапларыны, аятынынъ сонъки кунълерини тасвирлейиджи фоторесимлерни коръмек мумкюн.

Музейни ачув мунасебетиле отъкерильген тантаналы митингде Фучикнинъ къадыны ве сафдашы Густа Фучикова да булунды.

Митингде Советлер Бирлиги Коммунист партиясы Меркезий Комитети Сиясий бюросынынъ азалыгына кандидат, Озбекистан Компартиясы Меркезий Комитетининъ биринджи секретары Ш. Р. Рашидов аркъадаш иштирак этти.

ХАМЗА ХАТИРЕСИНЕ

Эр йыл бааръде республиканынъ шеэрлери ве койлеринде озбек совет эдебиятынынъ эсасчыларындан бири, революция шаири, джемаат эрбабы Хамза Хакимзаде Ниязиге багъышланып эдебий акъшам-

лар, корюшювлер отъкериле. Озбекистан ССР Языджылар Бирлигинде олып кечкен тантаналы акъшамны Озбекистан ССР халкъ языджысы, Социалистик Эмек Къараманы, белли драматург Камиль Яшин къыска кириш сезюнен ачты. Филология илимлери докторы, профессор Лазиз Къаюмов атешли шаир, коммунист Хамзанынъ аят елу ве иджады акъкъында доклад япты.

Языджылардан Хамид Гъулам, Тураб Тула, Андрей Иванов, Этибор Ахунова, Мухаммад Али, Эркин Вахидов, «Юность» журналынынъ баш редакторы, москвалы шаир Андрей Дементьев чыкъышта булундылар. Олар Хамза акъкъында шиирлеринден ве шаирнинъ шиирлеринден нумюнелер окъудылар. Озбекистан ССР Илимлер академиясынынъ мухбир-азасы Иззат Султанов ве драматург Зиннат Фатхуллин Хамза акъкъындаки хатырлавларынен пайлаштылар.

ЭДЕБИЯТТА АРБИЙ-ВАТАНПЕРВЕРЛИК МЕВЗУСЫ

Земане эдебиятында арбий-ватанперверлик мевзусына багъышланылгъан илимий-амелий конференцияны Озбекистан Языджылар Бирлигининъ арбий-ватанперверлик эдебияты советининъ реиси, республика халкъ языджысы Назир Сафаров ачты. О сонъки йылларда бу саада эльде этильген мувафакъиетлер акъкъында айтты.

Конференцияда филология илимлери докторлары А. Тагъаев, Н. Владимирова, М. Расулий, филология илимлери кандидатлары М. Ибрахимов, Н. Бермирзаев, У. Ольджабаевлер очеркте портрет яратув, озбек икяелеринде дженк мевзусы, поэзияда ватанперверлик гъаелери, Озбекистанда яшагъан рус языджыларынынъ иджадында Совет Ордусы, романларда арбий-ватанперверликнинъ айдынлатылувы акъкъында чыкъышта булундылар.

На татарском языке. «ЙЫЛДЫЗ» № 3 («Звезда» № 3).
Орган Союза писателей Узбекистана.

Ордена Трудового Красного Знамени типография издательства ЦК КП Узбекистана.
Ташкент — 1982

Техникий редактор А. Сеногулов.

Корректор Г. Шерфединова.

Журналнынъ джылтыны рессам Ремзи Алиев ишледи.

Бир матбаа табагы колеминден эксик эльязмалар муэллифине къайтарылмаз.

Басылувгъа 8.04.82 с. берильди. Басылувгъа 22.06.82 с. рухсет этильди. Р-15586.
Кягътынъ форматы 70×108¹/₁₆. Юксек басма. Шартлы матбаа табагы 12,6.
Нешрият-эсап табагы 13,5. Тиражы 6065. Сыларыш 3264. Фияты 80 к.

Адресимиз: 700000, Ташкент шеэри, Алексей Толстой сокъагы, 7-нджи эв.

Телефонлар: баш редактор 33-14-54, умумий болук 33-12-87.

ЖУРНАЛ МУЭЛЛИФЛЕРИНИНЪ ДИКЪКЪАТЫНА

Журнал редакциясына ёлланыладжакъ материалларнынъ мевзусына айрыджа дикъкъат этмек керек. Базы муэллифлеримиз газета материалларындан чокъ фаркълы олмагъан хаберлерни, левхаларны журналгъа ёллайлар. Бунынънен журналнынъ эдебий-бедий догърулышыны, онынъ эки айда бир кере чыккъаныны унутсалар керек. Редакция авторлардан эдебиятынъ ве журналистиканынъ чешит жанрларында язылгъан темелли ве колемли эсерлер беклей.

Редакциягъа ёлланыладжакъ эльязмалар мытлакъа беяз кягъыткъа машинка иле къара лентанен эки интервалда басылгъан олмалы ве эсернинъ тек биринджи нусхасы ёлланылмалы.

10 саифеден зияде эльязмалар эки нусхада ёлланылмакъ керек.

Дердж этильмейджек эльязмалар муэллифине къайтарылмай ве рецензирленмей.

РЕДАКЦИЯ.